

16.

~~32.~~

46771/A/1

C

176

G.

EXERCITATIONES PHYSICO-ANATOMICÆ.

AUTHORE

JOANNE HIERONYMO SBARAGLI

Artium, & Medicina Doctore Bononiensi;

Quibus in nova hac Editione ab innumeris
mendis purgata accesserunt

Ad Epistolares de Recentiorum Me-
dicorum Studio Dissertationes

Appendix,

Et de Vivipara Generatione
altera Sceptis,

Cum Indice rerum ad calcem earundem
adieccto, & Iconibus nunquam
anteà editis,

*Anatomicis, Clinicis, caterisque Philosophiam
à Medicina distinguere cupientibus
apprimè necessaria.*



B. Trigi Langerandi

Bononiæ Studiorum, Typis Petri-marię Montij. 1701.

1-5 Superiorum permissu.

BIBLIOTHECÆS. IO. INCANALIBVS
PLACENTIÆ.

EXERCITATIONES
PHYSIO-ANATOMICAЕ.

ALBIONIS

JOHANNES HENRICUS VON KRAUSE

PHYSICUS ET ANATOMUS

ORDINIS S. PAVLI AUSTRIACI

PROFESSOR

UNIVERSITATIS ALMA MATER

WURZBURGENSIS

APRILIS

ET DE VARIIS

CAUSIS

CAUSIS CAUSIS

CAUSIS CAUSIS

CAUSIS CAUSIS

CAUSIS CAUSIS

CAUSIS CAUSIS

CAUSIS CAUSIS



CAUSIS CAUSIS

CAUSIS CAUSIS



AUTHOR LECTORI CANDIDO

S. P. D.



Res nostris diebus in Scholis Physiologicis, & quidè celebres, agitantur quæstiones, in quibus examinandis opportunum duximus omnem movere lapidem, & eò magis, quia sunt ita necessariae, ut sine earundem debita, & diligenti disquisitione multi errores, tam in Medica praxi, quàm in Philosophia continuò

pullulare possint , & , quod pejus est ,
magna ægrotantium jactura , & ma-
xima meliorum sententiarum pernicie
modò debacchentur . Huic epidemi-
cæ intemperiei præsentaneo occursum
resistere desiderantes duas ex istis
controversias annis elapsis discussi-
mus , & publici juris fecimus , nunc
eadem ob exemplarium inopiam , &
assiduas petitiones Bononiæ Studio-
rum iterum egrediuntur emendatæ
auctæ , & propugnatæ ; quocircà be-
nignè Lector in hac ultima Bono-
nienti editione uno libello coniuncta ,
& colligata hæc Opuscula habebis ,
nempe & primò de Recentiorum Me-
dicorum studio Dissertationem Episto-
larem ad Amicum . Secundò Præle-
ctionem Therapeuticā Joannis Bohn .
Tertiò de Recentiorum Medicorum
studio Dissertationem Epistolarem
secundam , qua prædicta Prælectio
ever-

evertitur. Quartò ad Physico-anatomicas Epistolares Dissertationes Appendicem. Quintò de Vivipara Generatione Scepsin. Sextò, & ultimò de Vivipara Generatione alteram Scepsin novis observationibus, & figuris exornatam; Ex his Appendix, & altera Scepsis nunc primùm prodeunt.

Tertiam, quæ est, utrùm animalia bruta sint instar automatum, intereà temporis tibi impartire non potuimus; plurima negotia domestica, quotidiani ægotantes, nostra sanitas, quæ semper vitrea fuit, & est, dumquæ splendere videtur, confestim frangitur, censuræ ad omnia Antagonistæ Opuscula anatomica, & præcipuè ad Responzionem contrà nostram primam Dissertationem Epistolarem de Recentiorum Medicorum studio in eisdem Operibus Posthumis contentam ultimum complementum impedi-

runt ; cœterùm hanc disputationem terminatam , sed per hæc tempora non correctam quamprimùm typis mandabimus , & Cartesiani erroris gravitatem prò viribus demonstrare conabimur , cùm animalia bruta reverà non sint velût automata , seù non sint simplices machinæ ; sed præter machinam , hoc est organizationem , & viscerum suorum fabricam , ac spiritum alio manifesto principio potiantur , quo suas efficiunt operationes , & cujus principij apud Philosophos communiter nomenclatura est Anima sensitiva .

In istarum quæstionum progressu ratio , & experientia duces fuerunt , non sola authoritas ; porrò nihil pejus animo mancipato ; vidimus nostris diebus pessimam quorundam servitutem melioris praxis Medicæ nervum , & contentiosum Academiarum vigorem
non

non solum diminuisse ; sed penitus perdidisse , nostræ opiniones fortè sunt , ut arborum folia , quæ per se vivere non possint , & ramum desiderant , cui inhæreant ? vera Medicina debet esse in pectore , & mente illorum , qui eam profitentur , non ab alienis chartis , & membranis debet desumi , & quæcunque in hac facultate in genere traduntur , hîc , & nunc suspecta , & dubia evadunt , nisi quæ ab optima conjectura , & judicio regantur adjuncta propria observatione , non sunt nisi verba innania , & vacua imperitam gentem apta nata tantummodo detinere , non solida , & tuta prò superandis , & domandis infirmitatibus parere præcepta .

Hæc doctrina nonnullis videbitur senticosa , proponitur tamèn à Galeno de Arte curativa ad Glauconem , ubi legitur : *non tamèn sicuti communis ,*

ità etiā propria vniuscuiusquē scribi potest , sed scripta contrario modo se habent ad actiones , & Stephanus Atheniensis explicat in commentario dicens ; sicū contrario modo se habent cōmunia ad particularia , itā scripta ad praxes , idest actiones ; dū enim artis opera exercemus , atquē tractamus , particularia quaerimus ; ingredientes enim ad egrotū quæpiam non communem , sed propriam illius naturam curamus ; Verū in sermonibus particularia tū dicere , tū interpretari nequimus , & vniversalitèr Doctores in hoc conveniunt opere particulare curari , sermone autē vniversale doceri .

Maximum etiā facessit negotium ipsum universale , quod nisi magnis æquivocationibus innotescit , & ad quod particularia lubrico tantū itinere reducuntur , quod dissentientes Doctores evidentèr demonstrant , ita ut multi sola freti experientia Medicinam

exer-

exercuerint , non quod rationibus , & doctrina non pollerent , ut quidam nostri temporis existimant , ut Plinius etià videtur sensisse , sed quia ratione non constare Medicinam , hoc est ea comparari non posse , sed usu dumtaxat , & experimentis existimabant , ita Joannes Franciscus Picus in Examine Vanitatis Doctrinæ Gentium ex Celso , & Sexto Pyrrhonio , qui & Empirica scripsit , & hæc fuit occasio maximi dissidij inter Rationales , & Empiricos , quam cum plurimi ignorarent , nomen proinde Empiricum oderunt .

Obscuritas , & incomprehensibilitas naturæ , quæ movit olim Empiricos , ut in eos , qui se se rationales profitebantur acerrimè disputarent , hodiernis diebus non est illustrata , & occupata ; novitates , quæ multos decipiunt , nonnullos ita impulerunt , ut crediderint naturam nunc esse detectam , & apertam

tam, sunt crudæ, & rudes, qualesquè in
artem reduci minimè possunt; Micro-
scopia non sunt simpliciter fida, non in
se, sed in ordine ad nostras illationes;
observationes, quæ inde deducuntur,
aut non sunt sufficienter probatæ, aut
contradictoriæ, itaut tam in Philoso-
phia, quàm in Medicina non desint
innumeræ difficultates post inventio-
nem, & usum Microscopij, & nulla fe-
rè conclusio possit ex veris & indubita-
tis causis inferri; tantò nempè facilius
est tollere, quàm ponere, & falsa con-
vincere, quàm invenire vera, medi-
tati sumus tractatulum de usu, & abusu
Microscopij, quem tibi pollicemur in
proxima futura Responsione ad Anta-
gonistam; authoritates ipsorum Micro-
scopistarum, & rationes nostram pro-
positam assertionem demonstrabunt,
& cognosces doctrinas Microscopicas
nonnunquàm vitreas esse.

Hinc

Hinc poteris faciliter arguere , quo
animo Antagonista noster in sua Res-
pensione ad nostram primam Disserta-
tionem Epistolarem de Recentiorum
Medicorum studio in prædictis Operi-
bus Posthumis relatam scripserit Medi-
cinæ nostris diebus à priori progressum
constare, quod sufficit, ut deprehenda-
tur aut voluntas, aut cognitio. Ars
adhuc est conjecturalis ; quorundam
sententias adhuc facilius est convelle-
re , quàm principia , & fundamenta
adducere evidentia , quibus sagacibus
rerum indagatoribus satisfieri possit ,
& consequenter tutior medicamento-
rum praxis valeat institui. Non dubi-
tamus autem , quin Antagonistæ con-
fidentia de naturæ cognitione à priori
brevis sit peritura , & instar Echo deli-
net , cum cœperit : propterea in præ-
sentibus Exercitationibus duas scri-
bendi formulas adhibuimus Scepti-
cam

cam nimirum , & non Scepticam ; primam, quandò de Generatione Vivipara verba fecimus , cujus penetralia maximè latent ; secundam , quandò inutilitatem minutiarum anatomicarum prò praxi medica consideravimus, in qua experientia quavis institutione sophistarum melior est , & qua eruditus fuit Demades apud Joannem Stobæum, quandò rogatus, quo præceptore usus fuisset, respondit Tribunali Atheniensium , quod Sceptin excludit.

Ambæ istæ scribendi formæ sunt in scholis necessariae ; nam quemadmodum est vitium de evidentibus dubitare , ita de dubijs evidentè pronuntiare est intolerabile erratum, ideòq; doctissimi viri, quotiescunquè in tenebris versamur, Scepticam, & Academicam scribendi methodum cæteris præstare voluerunt, *nulla enim Veritati examinanda fidelior, & authore Cicerone, qui*
ad

ad hanc in senectute divertit, nulla profectui familiarior est, ut Saresberienſis in Prologo de Nugis Curialium, & veſtigijs Philoſophorum latiffimè teſtatus eſt.

Cæterùm, qui philautia laborant, aut praxin non exercent, vel modicè, aut animum habent præoccupatum, arbitrantur de omnibus æqualitèr eſſe differendum, & volunt à priori ferè ſempèr concludere; Philautia ſempèr eſt quibuſcunque omnis peccati, & defectus origo, ità teſtatur Clemens Alexandrinus in Stromatis; huic adulatio ſoror eſt, & qui hoc virulento tumore marceſcunt, ſcire omnia opinantur, dùm tenui, vel nulla plerunquè cognitione ſunt præditi, ut notat de Amoris Godofredus; ſic Narciffus in fabulis, dùm ſe ipſum imprudenter aſpicit, flos ſine fructu puerilitèr evaneſcit, perindè locutus eſt Saresberienſis; qui praxin
aut

aut parum, aut nullatenus colunt, non possunt arcanum penetrare, istis illud evenit, quod magnos, & remotos montes aspicientibus contigit, *ut proceritas minus appareat longè intuentibus*, qui verò sunt practici, cognoscunt veritatem similitudinis Senecæ *cum accesseris*, tunc manifestum fit, *quàm im arduo summa sint*; talis est, candidus Lector, verus & rebus, non artificiis Medicus; hìc semper dubitat, nihil temerè statuit, & difficultates in modo loquendi à priori cognoscit.

Animus demum præoccupatus est altera infirmitas fermè incurabilis à pertinaci fermento derivans, quod impedit, ne in principali parte secernatur verum à falso; idcirco non est mirum si multarum rerum notitia à priori proponatur, ut constat in citato Authore moderno, quando nullæ occurrunt præmissæ, quæ hujusmodi cognitionem

nem inferant ; an si prædicta vera non essent , ignorantia termini supponenda erit ? neutiquàm , & absit hoc cogitare , & definire .

Hæc interim tibi communicare volumus , plura si desideras habebis in Responsione , cujus meminimus , & ita copiosa , & probata , ut nullus superesse possit dubitandi locus ; Vale , & ama , non quæ patent multum , sed quæ multum pendunt .



*Vidit D. Franciscus Aloysius Barelli Cleric. Reg.
Congreg. S. Pauli in Metropolit. Bononia Pæ-
nitent. pro Eminentiss. & Reverendiss. D.
D. Jacobo Cardinali Boncompagno Archiepis-
copo, & Principe.*

Imprimatur.

*Fr. Pius Fælix Cappasanta Inquisitor Generaliss.
Bononia.*

DE
RECENTIORVM MEDICORVM
STUDIO,
DISSERTATIO
EPISTOLARIS
AD
AMICVM.

Æquè, & rerum minutarum confectio, ac
magnarum levior tractatio vitio
datur.

ARISTIDES.

Π Π

ΠΡΟΕΔΡΟΣ ΚΑΙ ΕΚΔΕΥΤΗΣ

ΕΚΔΕΥΤΗΣ

ΟΙΚΟΓΕΝΕΤΙΚΟ

ΕΠΕΤΕΡΙΟΝ

Δ

ΜΥΣΙΜΑ

ΕΚΔΕΥΟΜΕΝΟΝ ΕΝ ΑΘΗΝΑΙΣ
ΕΤΗΣΙΑΚΟΝ ΕΠΕΤΕΡΙΟΝ
ΕΚΔΕΥΟΜΕΝΟΝ ΕΝ ΑΘΗΝΑΙΣ

ΕΚΔΕΥΟΜΕΝΟΝ



AMICO GAUDIUM.

Purimi nostro hoc sæculo mederi desiderant; sed ad benè medendum admodum pauci rectè disponuntur. Omnes uno ore fatentur pro tuenda, firmandaquè hominum valetudine (qua finè vitæ omnis fruitio, et usura lucis acerba est) omnem lapidem movendum esse; sed hunc finem ostentant potiùs, quàm quærant, et sterili voluptate pergunt, non quâ eundum, sed quâ itur, nec cognoscunt pluribus meliora non placere.

Istius Dissertationis Epistolice hoc erit argumentum, Senecæ de Vita Beata autoritate munitum; ubi sic testatum reliquit. *Atquæ nulla res nos majoribus malis implicat, quàm quod ad rumorem componimur, optima ratio ea, quæ magno assensu recepta sunt, quorum exempla nobis multa sunt, nec ad rationem, sed ad similitudinem vivimus.* Magno assensu nostrorum temporum Medici tria recipiunt; Subtiliorem vi-

delicèt Anatomē, Dendranatomē, & Anatomicā comparatā; Hanc triplicem Anatomē si demonstrāvero, aut parum, aut nihil solidiori Medicinæ Practicæ inservire, illico constabit plurimos medendi desiderio flagrare; sed ad benè curandum admodum paucos dirigī.

Opus hoc est laboriosum, non physicè, sed moralitèr, tum quia multorum animus est præoccupatus, tum quia novitas licèt vacua, magis arridet, quàm vetustas licèt plena, tum quia dubitativæ assertiones non sinè difficultatibus evertuntur, tum quia in observatione non est unus Doctorum consensus; cum idem ab omnibus æqualitèr non videatur, & præcipuè in minimarum rerum disquisitione; attamen ingenuè quid sentiam aperiam, & potiori jure, quàm Gavassetus suo tempore, qui in Prælectiis Anatomicis cap. 10. idem argumentum sequentibus verbis, nimium liberis, insectatur.

In hac re multus sum, diutius, & libenter immoror, & eadem sæpius inculco, quoniam tanta est nonnullorum curiositas, ne dicam stultitia, ut quis in disseccandis musculis ex uno, duos efficiat: aut Renem alterum, altero elatiorem observet, aut Jecur pauciores, aut plures habere lobos, aut quasdam venas habere ostiola, aut aliud quid hujusmodi,

5

di, hunc tamquam Deum venerantur, mirantur, suspiciunt, & tamquam stupidi observationem illam intuentur.

A subtiliori Anatome exordium sumens fidenter assero istius cognitionem ad arcendos morbos inutilem esse. Authoritates Viro-
rum emunctæ naris, & momenta rationum non infimi ponderis hoc luculentè ostendunt. Intèr illas Galenica est palmaris. Pluribus in locis priscus ille Medicorum Genius distinxit Anatomiam in utilem, & supervacuam, ità legitur in secundo de Anatomicis Administrationibus cap. 2. ubi contrà Sophistas asserit, & eam Anatomix partem, quæ utilis est, & eam quæ superabundans, & superflua est, conscrip-
sisse. Cap. 3. ejusdem libri reprehendit quosdam Anatomicos, qui eam partem diligentius excoluerunt, quæ prorsus Medicinæ ex usu non est, & parum commodi exhibet, aliamque neglexerunt, quæ præcipua, ac utilissima maximeque necessaria ab omnibus existimatur. Idem prosequitur in 17. de usu partium cap. primo, ubi eidem argumento robur addit his verbis, *Ea sanè ratione partes omnes explicandi necessitatem nobis imposuerunt, ut ad ea etiam descendere simus coacti, quæ nihil habent momenti, aut ad curationem, aut ad dignotionem morborum.*

aut ad prænotionem. Et tamèn tempore Galeni, ob Microscopii defectum, hodiernæ subtilitates non quærebantur. Sermo erat de Linguae musculis, quot numero essent, & qualis specie; quot essent membranæ cordis; De numero venarum ejusdem, aut undè, & quomodo procederent, aut quo pacto nervus, ex partibus illis, quæ à cerebro deorsum feruntur, eisdem implantaretur. Hæc, & alia hujusmodi supervacanea, & ad finem Medicum conficiendum inutilia, & suprà usum esse docebat Galenus.

Quid hodiè scriberet, si videret studium Medicum in Fibrillis, Reticulis, Glandulis miliaribus, & minutissimis aliis particulis consistere? Dico suprà usum, (ait Galenus) *quod talia curiosius inquirere Sophistarum gratia cogimur, quibus non satis est, natura artificium in utilibus tantum didicisse; Sed passim proponunt cujus rei gratia particula hac facta sit, aut cur talis, tantave*. Aliud enim est Anatomix studere ad penitissimam Viscerum structuram cognoscendam, aliud ad Therapejæ in ultionem morborum administrationem, quod sæpè repetendum, ne curiositas fallat specie utilitatis; & in hoc sensu locuti sunt antiquitatis Methodici, Empirici, & nostris diebus celebres Chymici.

itâ

ità sensisse Methodicos colligitur ex Cœlio Aureliano, & præcipuè in capite de Dysenteria, ex Archigene, qui, ut refert Dion Cassius, Imperatori Adriano lethalem sub mamma sinistra locum indicavit. Prò Empiricis mentiri non finit Celsus. Hic in præfatione Anatomicas in Denatis exercitationes approbat, dùm ait: *Incidere viuorum corpora, & crudele, & supervacuum. Mortuorum corpora discen-
tibus necessarium; nam positum, & ordinem nosse debent, quæ cadavera melius, quàm vivus, & vulneratus homo representant.*

Demùm Chymicorum intentionem aperuit Helmontius in Opusculo inscripto. *Ignota actio regiminis; sufficit enim ex hoc Doctore prò Anatome Situm, Colligationem, & Vsum partium nosse; non autem tota vita cadaverum lani-
nam ad minima Vena ductus inueniendos exerce-
re; cum ad inanem spectent jactantiam, in qua pretiosum Vitæ studium infrugiferè consumitur.* Et hac de causa Anatomiam hanc mortuam vocabat Paracelsus.

A præcipuis authoritatibus, quibus plures aliæ succenturiatæ suum calculum addunt, ad rationes fiat transitus, & cum nulla sit difficultas de positu, & connexionione, ad usum animus convertatur.

Examinentur itaque diversa viscera, & possi-
 cognitam eorundem meliorem fabricam, consi-
 deretur, an novus aliquis usus sit detectus, & am-
 hinc Medicina Practica facta sit locupletior.
 Sanè multa sunt in corpore membra, quæ possunt
 tot exantlatos labores suum antiquum retinere
 munus. Renes Galeno fuisse instrumenta
 secretionis urinæ: addidit sæculo elapso
 Bartholomæus Eustachius canaliculos, ex
 quibus molem Renum componi non agnovit
 Galenus, eosdem Neoterici confirmarunt, &
 inter istos nonnulli Glandulas adjunxerunt
 non propterea excluduntur Renes à secretionis
 officio, & adhuc separant urinam, nec The-
 rapeja renalis incrementum recepit. Non
 dissimili modo tenetur quilibet differere de
 Mammis, Testibus, Hepate, in quibus tot Va-
 sa, tot Cysternæ, Ductus, Glandulæ, Capsulæ
 usus novos non inferunt. Mammæ Gellius
 sanctissimos corporis fontes appellavit. Te-
 stes semini conficiendo universa Antiquitas
 viriliter dicavit. Hepar bilem à sanguine se-
 gregare nonnunquam docuit Galenus; nec
 aliud post tot sæcula, experimenta, lucubra-
 tiones, in Medicis palæstris innotuit. Igitur si
 Anatomia est necessaria ad praxin ob usum,
 praxis nihil acquireret à diligentiori Anatome,
 quæ diversitatem usus non infert. Ve-

Verùm ulteriùs procedam, & meum principale argumentum confirmabo ex illarum partium consideratione, quarum usus est diversus post sedulas, & laboriosas sectiones. Nemo arbitrabitur Pancreaticum corpus pulvinaris loco ventriculi molem sustinere. Cogitatum antiquum radicitùs evertit Wirsungi inventum. Nemo defenderet Lienem esse receptaculum materiæ per ramum splenicum allatæ, circulus sanguinis id prosternit, & glandularum acervus idem funditùs deponit, & absit veritatem infirmare, vel fugere, etenim *hæc suavissima narrationum est apud Menandrum.*

Cæterùm tria præterire non debeo, ut eadem omnibus manifestetur. Primum est, Recentiores vulgatos quosdam usus castigavisse; nondùm tamen veritatem occupatam esse, immò audeo dicere, hanc modò æqualiter latere, ac elapsis temporibus. Usus Pancreatis haud cognoscitur ex ductu. Sic usus Lienis non patet ex sanguinis circulo, & adenosa substantias quandoquæ cognoscitur communio-rem opinionem non esse veram, sed vera non exponitur, & licèt juxtà unam hypothesein multæ difficultates tollantur, non ità agitur, quin aliæ, & graviores insurgant. Authores præfatio-

tionis Bibliothecæ Anatomicæ ità ad rem scribunt, ac si me audivissent. *Usus inquit, partium à Veteribus assignatos, falsos quidem esse deprehendimus, at veros nondum invenimus Philosophis illis priscis similes, qui aiebant quidem, quid Deus non esset, sed fatebantur, quid esset, se non posse dicere; sic hodierni, qui in multis egregiè ostenderunt hallucinatos Veteres, sed ipsi difficultatibus variis se expedire non potuere.* Secundū est in morbis Lienis, & Pancreatis ex suppositis novis descriptionibus non constare novam medendi methodum; utinam non esset deterior. Hoc insinuatur à Grembsio de usu partium Libro primo capite ultimo §. 13. *Hoc studium Anatomicum ante mille annos non erat tam celebre, & forsàn cura felicior.* Consideretur Pathologia Lienis, Pancreatis; enumerentur morbi utriusquè partis, nempe scirrhi, inflammationes, carcinomata, obstructions, ulcera, dolores, vulnera, & indigetetur Therapejæ progressus; forsàn quondàm cura fœlicior, quandò eorundem membrorum Anatomica notitia erat angustior. Tertium est usus cognitionem non esse simpliciter necessariam ad sanitatem inducendam, secus numquàm Medicus curaret malè affecto Liene, vel Pancreate, quia usum istorum viscerum ignorant

Scho.

Scholæ, & quid quid asseritur de Liene, & Pancreate, idem verificatur de omnibus aliis partibus, quarum finis ad hanc diem non innotescit.

Extendatur exemplificatio ad Cerebrum, Pulmones, & Diaphragma. Cerebrum magnū illud emporium, in quo anima diū, noctūque continenter ambulat, quò magis cultro anatomico subiicitur, eò magis ejus usus obscuratur. Tot labores Virorum clarissimorum. Tot observationes in Cortice, Medulla, Combinationibus nervorum nullam obscuritatem amoverunt. Laudati Authores præfationis ad Bibliothecam. *Cerebri structura quò magis penetratur, eò plures, latentibus Anatomicorum solertissimis, oriuntur difficultates.* Non itaque poterit Medicus ex Anatome Cerebri educere certa remedia. *Cujus rei (est Celsi effatum) non est certa notitia, ejus opinio certum reperire remedium non potest.* Eidem infortunio sunt obnoxii Pulmones, in quibus Vasorum rete, Interstitia, Lobuli, Vesiculæ, Fibræ, & alia quàm plura, nec arguunt respirationis beneficium, ità ut etià hodiè verum sit, nihil manifestius esse animalia respirare, & nihil obscurius, cui bono respirent, nec vel ipsam Communionem propaginum trachealium cum vasis sanguineis, quam omnis ratio, & experientia à cul-

cultro independens apertè demonstrat. Tandem Diaphragma occurrit, in quo muscutorum numerus nihil innovat, est musculus, & actio semper eadem, & sua Pathologia nunquam erit diversa, licet alia innotescerent pro complexo musculorum.

De morbis Cerebri, & Pulmonis successivè fiat mentio. Curantur hodiè melius, quàm præteritis sæculis Apoplexiæ, Epilepsiæ, Catalepses, Vertigines, Soporosi affectus, & aliæ omnes Cerebri passiones? non: profectò cimmeriæ nos undiq; circumdant tenebræ. Quando memoria est læsa, contrà Archigenis methodū, cū Galeno auxilia Capiti applicantur; sed quis inter nuperrimos Scriptores sedē istius potentia, modum, quo excitatur, demonstrare potuit ex diligentissima Anatome? Quis ex suis cogitatis, & visis mille, & bis mille vicibus in apri-co, Microscopiis, in animalibus, in homine aliisq; modis potuit unquam, non dixerim illustrare, sed prætentare iter ad praxin, & movere animum ad alicujus medicamenti inventionē? & non solum in Cerebro instantia potentèr urget, in quo soli Naturæ omnia patent, sed in aliis Visceribus, in quibus mechanicus operandi modus sensibilibior videtur; v. g. in Hepate, cujus structura adamussim indagata non aperuit

ruit modum separationis bilis (quæ fit ope alterius parvissimi, & abditissimi artificii, & nunquam, nisi conjecturæ me decipiant, cognoscendi) consequentè nec remedia in illius defectu; & quemadmodum Ossa fracta, luxata, corrupta sanantur ulu, ignorata natura Ossis, ità verisimile est coeteras partes restitui.

Celsus suo testimonio hoc ratum facit, & à fortiori persuadet, nihil ad curandi rationem plus conferre, quàm experientiam, etiàm quandò causæ sunt manifestæ, *Sæpè etiam causas apparere ut putà lippitudinis, vulneris, neque ex his patere medicinam; quod, si scientiam hanc non subiciat evidens causa, multò minus eam posse subicere, quæ in dubio est. Quum igitur illa incerta, incomprehensibilis sit, à certis potius, & exploratis petendum esse præsidium, id est his, quæ experientia in ipsis curationibus docuèrit, sicut in cæteris artibus, nam ne agricolam, aut gubernatorem disputatione, sed usu fieri.*

Morbi pectoris, Pleuritides nimirum, Asthmata, Peripneumoniæ non recipiunt ex hodierna praxi majus beneficium, quàm ex antiqua; & si quid novi exhibuerunt Chymici, hoc commodò fruuntur Scholæ ex alio capite, quàm ex diligentiori Anatomia. Inmò medicamenta, quæ communiter in hisce, & alijs

mor-

morbis præscribuntur sunt obscura, à proprietate substantiæ agentia, sinè ratione inventa ob similitudinem administrata, tantum abest ut indicata fuerint à subtiliori Viscerum structura.

Addo morborum in partibus solidis communis patetatem non esse tantoperè laborandum prò praxi in cognitione diversarum compositionis partium, quoniàm indicatio, cum practicus incumbit, desumitur à morbo, qui communis est, & à causa, quæ frequentissimè universalis est, non à diversitate membrorum. hinc curantur ulcera æqualitèr in una, vel altera parte, & meliores Medici medicamenta certas corporis partes respicientia negarunt, & quando succi corrosivi evadunt in determinatis locis, etiàm in hoc casu occurrit considerandum fluidum, non minima compositio, quæ generalitèr sui reparationem requirit, quæcumque sit; & si particulari remedio opus esset, hoc usus, experientia, analogismus suppeditat, non ex minimis componentibus deducitur. Ulceris in cornea curatio, ut & reliquorum ulcerum perficitur, pars hæc meretur particularem considerationem nempe mitissima remedia expostulat; sed hanc limitationem peperit usus, non minima ejusdem constructio

Posses Amice opponere Cor juxtà Vete-
 res Microcosmi fuisse solem, Regem in cor-
 pore, nunc Asinum molarem esse, tanta est
 inter adductos usus differentia; sicut ex fa-
 brica deduxerunt Harveus, Highmorus, Lou-
 ver. Nec iste Achilles timorem incutit; Con-
 cedo novum usum, non concedo nova reme-
 dia ex novo usu in morbis Cordis. Antiquæ
 curationes Palpitationis Cordis, & Syncopis
 repetuntur; nec in Medicinarum cardiacarum
 Syllabo quidquam additur; ergò concludatur
 tot animi conatus hucusque non promoverè
 praxin, tot vigilias ad profligandos morbos
 esse superfluas, nec frequentèr novos usus in-
 ducere, alijs vicibus vulgatos obliterare, sed
 nihil certi indè docere, nonnunquàm eviden-
 tem actionem contrà communiorem senten-
 tiam stabilire; sed non augere Medicinalem
 materiam, nec medendi methodum immuta-
 re. Istius sermonis perspicuitas ità me cogit,
 ut numquàm sim existimaturus adversarios sa-
 tisfacere, etiàmsi cum suis Authoribus in æter-
 num sudarent, ità statuit Hippocrates dum ait:
Porrò Medici quidam, itemque Sophistæ dicunt,
quod impossibile est, Medicinam cognoscere eum,
qui non novit, quid sit homo, & quomodo primum
factus, & compactus sit. Ego verò hæc talia siue
à se

à Sophista, siuè à Medico quocunque tandem de natura vel dicantur, vel scribantur, minus censetur Arti Medica convenire quàm Pictoria.

Post subtiliorem Anatomem comparatæ cōmoda scrutabor. Baconus revocat Zootomiam, & miratur quare Anatomia simplex turbulentissimè tractetur; n Comparata verò Medicorum diligentia fatiscat; idcirco post hunc magni nominis virum illustres Doctores tanto studio huic cognitioni se tradiderunt, ut plures & plures Medici non desint, qui integros liberos de hac materia, pauci autem, seu fere nulli de Prognosi, & Methodo scribant.

Hanc Anatomiam pro Medicinā faciendū cassam esse, superiora nervosè declarant, nullasque parit ex suppositione unius Archetypus æquivocationes, etenim animalia ita inter se differunt, ut in paucis convenire videantur. Quandòque mecū habitans, amānitatis gratia, Opificis æconomiam in animalium compositione ruminavi, & meis oculis vidi, manuque tetigi gravissimum illorum erratum, quod unicum esse rerum exemplar autumant. Seneca istos gravitè increpat. *Non ad unam Naturam formam opus suum præstat; sed ipsa varietate sese jactat, alia majora, alia velociora alijs fecit, alia validiora, alia temperatiora; quadam autem edum*

Exit à turba, ut singula, & conspicua procederent,
 quædam in gregem misit. Ignorat Naturæ poten-
 tiam, qui illi non putat aliquando licere, nisi quod
 sæpius facit. Reverà intèr animalia non est
 minor diversitas, quàm intèr vegetabilia. Si
 prima pars externa consideratur, maximum
 apparet discrimen, in Pilis, Aculeis, Squamis,
 Corticibus. Si figura Capitis, innumeræ fiunt
 obviæ. In Oculis, Auribus, Auriculis, Naribus
 multiplices ideas habet Natura. Frons quibus-
 dam armata est, aliis non; Linguae sunt ità di-
 versæ, ut in multis desint nervosæ appendices.
 Dentes in ore vel deficiunt, vel non conve-
 niunt in situ, ordine, numero, & motu. In
 Collo, Larynge, Pectoris figura, Pulmone,
 Corde sunt admirabiles varietates. Abdo-
 men unà omnipotentiam ostendit in Vêtricu-
 lorum numero, & substantia; in Intestinis, quæ
 potissimùm in Piscibus animum in sui trahunt
 admirationẽ; quantoperè ludit Natura in Va-
 sis bilariis, Renibus, Vesica urinaria, & Testi-
 bus, si numerus, situs, & existentia spectetur. Ar-
 tus similiter diversitatem significant; quædam
 Animalia habent Alas, & Pedes, quædam pe-
 des tantùm; quædam sunt sine Pedibus, & Alis,
 & tamèn omnia moventur. Omitto differen-
 tias, quæ sunt in Pedibus, & Alis, ità ut in hisce

nullatenus cōveniant; Vivunt ex his aliqua sub
 terra, alia in aquis, alia in aere, nutriuntur quæ-
 dam primis diebus lacte, quædam non. Unde
 multis animalibus conceduntur Mammæ, aliis
 negantur, & primis aut in pectore, aut in hoc,
 & abdomine simul collocantur; generant alia
 producendo Ovum, alia ipsum Animal, & Ovo-
 rum, tot sunt differentiæ, ut prolixa nimis ef-
 fet oratio, si omnes adducerentur. Quando
 postea animadverto Humores, & Excremēta,
 magis in opinione, quam attuli confirmor; si-
 quidem alia animalia habent sanguinem frigi-
 dum, alia calidum; Excrementa tot habent:
 virtutes, quot sunt species animalium; præte-
 rea in quibusdam Natura gaudet metamor-
 phosi (quæ cum multis aliis motivis reddit an-
 cipitem integram præexistentiam in ovo) in
 aliis non. Hinc mirum non est, si plerumque
 Brutorum Anatome cum veritatis jactura ad
 homines transferatur; & si ob novitatem potius
 lenocinium, quàm veritatis amorem sæpè, &
 inconsultò affirmantur de Homine, quæ in
 Brutis inveniuntur. Blasius in sua Zootomia
 lectorem monet, se quotidie expertum esse, ea
 quæ in Brutis his, illisve observata, non sine
 detrimento ad Hominem traduci, & confusio-
 nem parere. Galenus ipse hoc proponit in se-
 cun-

cundo de Anatomicis administrationibus cap. 3. verba sunt. *Undè fit, ut in venarum sectionibus maximè errent; quippe Cor, & Linguam bubulam incidunt, nescientes hoc ipsum, quod plurimum ab humanis discrepent.*

Non proindè hoc studium reprobo, sed primò dico necessarium esse ad complendam historiam naturæ, quæ ad Clinicum non spectat; mecum est Riolanus quandò de Anatomies subiecto verba facit, inquit enim, in Brutorum sectione Medicum versari debere, *si operum naturæ cognitionem affectat.* Est secundo utilis animalium Sectio ad exercitium, ità Galenus tertio de compositione Medicamentorum per genera cap. secundo. Hic verò non omnia animalia secuit, ut constat sexto de Decretis Hipp. & Plat. cap. quinto: *Culices quidem, muscas, vermes, formicas neque dissequi, neque dissequare unquam aggrediar; nam cum in magnorum animalium dissectione multos falli, frustrarique videam; non ne in minoribus debemus id magis euentorum sperare?* Est tandèm utilis ob vivam Anatomem, quæ magna produxit inventa, quorum aliqua in Homine confirmata sunt; alia confirmationem desiderant; quamvis nonnulli Anatomici sine hac limitatione procedant, & ad declarandas nonnullas obscuri-

tates in Homine obſtructuram, vel uſum ma-
gis conſpicuum in aliquibus Brutis.

Omnibus iſtis modis conſiderata Anatomia
comparata parum, vel nihil pertinet ad Me-
dicum practicum, etiã quando addit inven-
tum, vel uſum partis, quia obſervationem pra-
cticam, vel materiam medicinalem non am-
plificat; & quia medicamenta remanent cali-
ginola, & quæ conſtant in morbis communi-
bus præſcribuntur; undè nullum aliud lumen
emicare poteſt, quàm ætiologicum, ſi verum,
quod poſt inventam medicinam accommoda-
tur.

Omninò aliud eſt Philoſophari, aliud Me-
deri, & hoc ultimum opus reſpicit ſanitatem,
ad quam juxta Celfum *diverſis cogitationibus*
pervenimus; experimenta Medica, & Practi-
ca ſunt, quæ conſtituunt Medicum practicum,
nec oportet aliud credere, aut imponere, vel
plebem ſequi, quæ ex Raynando ſemper lau-
dat, quidquid culpa non caret. Medicina ab
eventibus, prout cuique reſponderunt, ortum
habuit, haberet eodem modo ſuum incre-
mentum, niſi major pars populi faceret, quod
cur faciat, ignorat. Corpora ſemper fuerunt
eadem quamvis diverſa, ex parte noſtræ cogni-
tionis; hæc autem diverſitas non impedit, quin
reme-

remedia modò operentur, ac olim. Illæ theoriæ, quæ plurimùm debent Vasis Lymphaticis, aut Venis lacteis, aut Mulierum ovis, nullum prorsus exhibuerunt remedium, alias incognitum, nullusquè Medicus Junior alicujus medicamenti meminit, cujus inventio præcisè debeat prædictis, & similibus observationibus, & deductæ ex illis indicationes non docuerunt nova indicata, sed tantùm novas verborum arundines, ac connexio quam Medicus inculcat inter has, & illa, est connexio ex suppositione in intellectu, non in natura, cujus evidens argumentum est imperceptibilis operatio, & modus operationis medicamentorum in Corpore, & ignorantia Discrasie Lymphæ, Chyli, & quidditatis illius substantiæ, quæ Ovum denominatur.

Hipp. verum studium Medicum innuebat, dùm observabat progressum morborum, medicationes, & effectus. Inchoavit ille, sed continuatio desideratur, de qua re conquæritur Bacconus, & prudentiam Jurisconsultorum extollit, quibus nihil antiquius, quàm illustriores casus, & novas decisiones scriptis mandare, quò meliùs se ad futuros casus muniant, & instruant. Hoc dilemma terminet secundam partem istius Dissertationis. Vel Anato-

niæ comparatæ studium instituitur à Medico ad complementum historiæ naturalis, vel ad suum finem melius consequendum; si primum debet fieri à Philosopho, non opus est Clinico; si secundum, cum finis Medicinæ sit sanitas, hæc à medicamentis introducatur, & istorum cognitio ab Anatomia comparatæ beneficio non derivet, immò sit obscurissima, quacumque istius Anatomia præmissa cognitione, sequitur hanc ad finem Medicinæ melius obtinendum nihil spectare, potius consulerem ad aliquam remediorum inventionem, & applicationem excitandam, ut Anatomia comparata inter fluida sana, & morbosa institueretur; quærantur in denatis Viscerum labes, & sanguis, cæterique humores negliguntur, quod est idem ac investigare effectus in partibus solidis, & oscitanter prætermittere causas in fluidis latentes.

Tertium meum debitum est cum Dendranatome, in qua multum Recentiores laborant, & non dubito autoritate, & rationibus fretus, quin sim adæquatè satisfactorius. Cogitavit Plato Stirpes esse Animalia; hanc sententiam velut probabilem admisit Galenus in fragmento de substantia naturalium facultatum. *Rectè dicere mihi videtur Plato (inquit Galenus)*

Stirpes

stirpes esse sensu præditas, Cognatorum videlicet, atque externorum, eatenusque Animalia dici non incongruè potuisse; cum id quoque accedat, ut nec interno privata sint motu; sed cum nec hujusmodi cognitio ad medicinalem Philosophiam necessaria sit, contentus sum solius gratia sequella ad verisimile usque progrediens, Platonem commendare.

Hoc tempore non solum Motus, & Sensus, sed interna structura Florum, Foliorum, Radicum, Seminum, Fructuum, & Truncorum ita diligentè inquiritur, & cum Animalibus comparatur, ut sine dubitatione existimem debilitari rerum pondus, & loquens cum D. Cypriano, dum verisimilia multi mentiuntur, veritatem subtilitate frustrari.

Idem docuit Thophrastus in Historia Plantarum libro primo cap. primo: *Non omnia similiter in Plantis, atque in Animalibus accipienda esse, & supervacuum esse, ac recusandum, assimilare contendere, quæ assimilari nequeunt, ne vel propriæ rei speculatio amittatur; Coeterum non miror multos oppositum sentire, cum Medici ex Barclajo nunquam sint contenti suæ artis documentis, non præceptis Veterum; sed Vetustatis accusatores, & si illis crederetur, novæ arti suum nomen daturi.* Miror, & valdè miror hujusmodi studium multos censere ad praxin esse pro-

ficuum, & hanc viam ad infirmitates domandas; etenim verissimum est, nec unam ex tot observationibus alicujus vegetabilis virtutem innotuisse, nec innotescere posse. *Repertis Medicinæ remediis homines de rationibus eorum disserere cepisse*, narrat Celsus.

Videre mihi videor Tantalii hortos, in quibus, quæ apparent aliquid esse, reverà nihil sunt, immò hoc habent in se pessimum, ut dulcedine quadam animos remorentur, qui tandem post jacturam, cognoscunt hæc omnia pro Medicina practica esse occupatissimas inanitates, & acumina irrita.

Vasa aeri inservientia, quæ deferunt alimentum, in quibus coquitur, quæ superflua excludunt, Fibrae, Uteri, Tubæ, Secundæ, Plantarum in semine, Circulatio, Respiratio, quotidianarum satorum seminum inspectio, & mille alia de Figuris, Innoculatione, & Vegetatione nihil juvant in morbis, nullam virtutem ostendunt, nihil Praxi conducunt. Nunquid non obscuriora sunt etiam, quàm prius omnia? & quàm Theriacen, aut Mithridatium melius, quàm antea habemus? Galenus ipse negavit Medicamentorum facultates posse penetrari ex magnitudine, figuris corpusculorum, ac meatuum poris, & posituris. Urticæ facultas, quæ
fan-

sanguinis impetum frenat, Microscopio non debetur, licet hujus ope spinosa superficies appareat. Seminum papaveris albi virtute non ideò fruuntur Scholæ, quia oculus Microscopio armatus illorum aspexerit superficiem multis figuris quadratis, pentagonis, & sexagonis præditam; semina Hyosciami, Portulacæ, Thymi non sunt medicæ considerationis, quia Microscopiū aperuerit usum; nequè opus est singula commemorare. Omnes norunt nullam solidam utilitatem medicam hinc resultare, infirmosquè expectare remedia, & æquè pertinere hanc industriam ad Medicum, quàm ad Musicum, sive ad habentem Animarum curam. Non timeo ulterius opinari tantum abesse, quòd hæc cognitio lucifera sit, & Medicinæ practicæ scientiam inferat, ut nec sit sagacitas, & odoratio quædam venatica ad finem Medicum adipiscendum.

Ut Medicamentorum notitiam quilibet sibi comparare possit animadvertat doctrinam Galeni in primo de Arte curativa ad Glauconem. *Hæc autem* (sunt verba Galeni) *qualitate, & quantitate singulorum auxiliorum perficitur, nec non etiã modo eorum usus, & temporis occasione, quæ præ omnibus est cognitu difficillima.* Ita verò quantitas, qualitas, occasio, & utendi

di modus è quibusdam suppositis inventis non dependent, nec ex quibusdam speculationibus elucescunt; sed ab experientia, observatione, & analogismo, quæ universalitè attenduntur in Remediorum inventione, & usu; quidquid distinguat Galenus de Medicamentis agentibus à tota substantia, & de agentibus qualitatibus manifestis nam illorum nec methodum, nec ullam rationem admittit; secus istorum; deinde si esset methodus in ordine ad aliqua, hanc non indicarent Valvulæ, quas describunt nonnulli in Plantarum vasculis, nec Colliquamēta in Seminibus, nec Principium nutritionis, & augmentationis ex Helmontio, nec Salium frustrà quæsitæ Figuræ; quorum virtutes erant notæ, antequam de Figuris cogitarent contendere Scholastici, nec de Foliis seminalibus, fatiùs primigeniis, disputatio quidquam instituto faveret.

Aristoteles olim considerabat discrimen, quod intercedit inter Medicum, & Coquum; & cum antiquus Philosophus illud lep dè exprimeret, non displicet ejusdem verba referre. *Coquus, ait, facit Ferculum delectabile, Medicus autem utile.* Medicorum alimenta debent esse utilia, propterea Galenus Octavo de Dieret. Hipp. & Plat. cap. tertio tradit. *Scire cur*

humectet Aqua, urat Ignis, an hic habeat Pyramicas partes, Terra cubicas, ad Morborum curationem nihil conferre. Hæc quærat Philosophus animal gloriæ ex D. Hieronymo; quærant Platonici, quorum in indagine hucusque nihil profecerunt; & in nono eiusdem Operis cap. septimo prosequitur similitudinem questionum utilium ad inutiles, ne necessaria negligantur, & ne finis retardetur, in quo, si Medici deficiunt incassum agunt; audias mi Domine Ciceronem mirificè loquentem, Ue enim Medicorum Scientiam non ipsius artis, sed bonæ valetudinis causa probamus, & ars Gubernatoris, quia benè navigandi rationem habet, utilitate, non arte laudatur; sic sapientia, quæ ars benè vivendi est, non expeteretur, si nihil efficeret.

Hoc est recentiorum Medicorum studium, quod pro fine Medicinæ consequendo parum impellit, & nihil prodest; sed non dubito, quin tempore eventurum sit illud, quod Prisco Regnanti contigit. Referunt Historici Gnidium Architectum extruxisse in Pharo turrim, maximum, ac pulcherimum operum omnium, ut ex ea faces incensæ Navigantibus viam dirigerent. Hoc opus postquam exædificasset, intus quidem in saxis suum ipsius nomen inscripsit; exterius calce illita, nomen ejus, qui tum regna-

gnabat, superinſcripſit, ratus id, quod eveniē,
 pauco admodum tempore futurum eſſe, ut li-
 teræ iſtæ foris inſcriptæ unâ cum calce illita,
 evaneſcerent; appareret autem interior titu-
 lus, hic videlicet, Soſtratus Dexiphaniſ filius,
 Gnidiuſ, Diis obſervatoribuſ, pro ſalute navi-
 gantium &c. Hoc pacto nequē hic ad illud
 tempuſ, quod tum erat, nequē ad ſuam vitam
 quæ modica, & brevis erat, reſpexit, & ex vo-
 to ſucceſſit. Itâ hujus Scholæ Medicæ intem-
 periei tempuſ erit Magiſter; Idem magnificoſ
 noſtrorū temporuſ tituloſ emendabit; Idem
 docebit, quiſ ſincereſ fuerit, quiſ ad dicen-
 dum fiducia plenuſ, nihil adulatoriuſ, nihil
 ſervile, ſed veritatē in omnibuſ ſecutuſ; ca-
 dentquē velut in calce ſcriptæ, quæ ſunt in ho-
 nore opinionēſ, & utilitatis defectuſ, omnē
 præterituſ laboreſ oblitterabit, pro ut aliſ
 vicibuſ evenit, & omnibuſ illiſ eſt compertuſ,
 qui diurna, & nocturna manu Veteruſ exem-
 plaria verſant; idcirco Heſiodi apud Stobæuſ
 præceptuſ eſt, *in rebuſ inutilibuſ non eſſe pluri-
 mum laborandū*, & magnuſ Alexander non
 alio fine ſuū militem Ciceriſ modio dona-
 vit, niſi quia digniſſimuſ præmiuſ cognoſce-
 bat pro inſertione granorū Ciceriſ in acum
 ex diſtante ſpatio, ut ſcribit Crinituſ.

Claudio præsentem Epistolam Seneca, Hic
 simile studium reprehendit, & sequentibus
 verbis suum Lucillium instruit *Ludit istis ani-*
mus, non proficit, nec te prohibuerim aliquan-
do ista agere, sed tunc cum voles nihil agere.
 Vale idibus Septembris 1687.



Q. D. B. V.

PRÆLECTIONES
THERAPEVTICAS
PVBLICAS,
IN POSTERVM HABENDAS,

Philiatrīs indicit,

Hosquē ad illas audiendas invitat
D. IOANNES BOHN
Therapeut. Prof. Publ.

Literis

BANCKMANNIANIS.

2009

2009

2009

2009

2009

2009

2009

2009

2009

2009

2009

2009

2009

2009

I. N. I.



Um Jussu *Potentissimi Electoris Saxoniae, Domini* JOANNIS GEORGII TERTII, *Domini mei Clementissimi*, Cathedram, ac Theatrum Anatomicum, quibus per viginti tres annos præsui, relinquo, & Therapeuticae Professionis functionem aggredior, Doctoris non minus Anatomici, ac Therapeutici personam ne acturum confido, si utriusquè hujus studii conspirationem, ac Rei Anatomicæ notitiam accuratorem Practico Medico quàm necessariam, & proficuum esse sub Prælectionum Anatomicarum termino, ac Practicarum auspicio exponam. Quatenus vix illud tantum munus Doctoribus publicis datum, ut Artem, vel Scientiam, quam profitentur, discipulis inculcent, & per modum cursus, ut ajunt, interdum præcipitis satis absolvant, sed tunc demùm illi præcipua sui officij parte defuncti videntur, si iisdem simul, qua ratione studia sua componere, quoquè ordine, & ab uno illorum capite commodè, ac cum fructu ad alterum transire queant, innuant. Atquè hoc quidem suadendi, ac persuadendi argumentum Schedulae huic Intimatoriae publicæ vel

C

ideò

ideò etiam mancipavi, quod paucis demùm ab hinc septimanis, occasione Aristidis cujussdam, non *Atheniensis*, sed *Gottingensis*, aut *mavis*, *Bononiensis*, Studii Anatomici Modernorum rationem, & in Praxi Medica usum vindicare in me susceperim, & quàm infirma sint illius contra horum conatus strenuos pariter, ac felicissimos ratiocinia, Auditoribus tunc meis prolixè declarare allaboraverim. Summus autem Princeps laborem hunc interpellarit.

Conscripserat nempe antè quadriennium circiter *Gottingæ Professor*, & *Anatomicus quidam Bononiensis*, sub *Aristidis* nomine, *Dissertationem Epistolarem ad Amicum*, in qua subtiliorem, seu accuratiorem Anatomem, Dendranatomen, & Anatomiam comparatam solidiori Medicinæ Practicæ aut parum, aut nihil planè, inservire, sed ab ijs hos, qui medendi studio flagrant, potius conturbari, quàm juvari, evincere contendit. Subtiliorem verò pronunciat Anatomem, quæ Fibrillarum, Reti-
culorum, Glandularum miliarium, Lobulorum, similiumquè minutiarum contemplationi incumbat, quæ Renum canaliculos secretorios, Mammarum, Testium, ac Epatis vasa, Cyfernas, Ductus, Glandulas, & Capsulas
scru-

crutetur, quæquè Ductum Pancreaticum, Lienis cellulas, ac Glandulas totidem, Cerebri, Pulmonum, Diaphragmatis, Cordis, &c. structuram mechanicam tantâ curâ perlustret; utpotè ex quorum neutro detecto, seu evoluto novus aliquis Organorum horum usus, multò minus aliquid incrementi hæctenus in Medicinam Practicam redundarit, i. e. nondum de nova aliqua eorum Pathologia, novave morbis eorum medendi methodo, aut novis remedijs constet. Mox statum controversiæ mutat asserens, nec usus partium cognitionem ad sanandos affectus præternaturales adeò simpliciter necessariam esse, secus Medicus nunquam sanaret Liene, Pancreate &c. affectos, utpotè quorum Viscerum usum genuinum Scholæ hucusquè ignorarint, & quorum medelam non tam Ratio incerta, quam Experientia evidens tradat, plurium remedium parens, ac productrix; multò minus structuræ partium accuratiorem perspicientiam aliquid huic negotio conferre, cum ossa v. g. luxata, aut fracta restaurari, ac consolidari in propatulo sit, ignorata quamvis textura eorum intimiore. Addit morborum etiam partium solidarum communitatem innuere, vix tanto perè laborandum esse in diversa illarum com-

positione eruenda, quod Indicatio curatoria à morbo, qui communis, non ab illa petatur, i. e. curentur ulcera v. g. pari modo in una, ac altera parte, sintquè humores corrosivi eorum causa conjuncta, eadem ratione corrigendi, ac temperandi, sive pulmones, sive vesicam erodant; aut si forsan particulari seu specifico magis remedio pro Organorum læsorum disparitate opus fuerit, hoc itidem non minima illud componentia, sed Usus, seu Experientiam, aut Analogismum suppeditare. Porro, quamvis per Anatomem Cordis v. g. novam, nova ipsi functio, ut anthliæ sc. in machina nostra Hydraulica munus præstet, fuerit assignata, neutiquam tamen per hanc ipsius Palpitationi, aut Syncopi peculiaris depromi remedia, sed antiquas Symptomatum horum repeti curationes, nec Medicamentorum Cardiacorum syllabo quicquam augmenti accessisse, &c. Quod itaque tunc abrumperé jussus Dogmatis hujus periculosi, ac temerarij examen, ejus unum, vel alterum nunc recenserebo, & omissa addam capita: ex quibus sc. manifestum fore, spero, Modernorum seu præsentis sæculi Theorias, ac Tentamina Anatomica non, juxta *Aristidem* hunc Medico Practico sterilia, superflua, ac detrimentosa, non,

jux-

uxta *Galenum*, 2. de administr. anat. 2. & 3. ac
 4. de admin. anat. 1. ἐν περιβολῇ καὶ πᾶσι πρὸς
 supervacanea, multò minus, ex præcipientia
Gavassetij, de prælud. anat. cap. 10. incommoda,
 ac stulta existere, sed illorum, qui Empirici
 speciem, ac nomen abhorrent, consilia, ac ope-
 ram in ægrotantium salutem, egregiè mode-
 rari.

Annuo autem Anatomico nostro subtilio-
 rem Anatomem abnueri, ac suppono non
 quamvis Professorum curam, horumquè moli-
 mina desiderati semper fuisse successus, nec
 quamvis partium novam evolutionem novos
 his peperisse usus, seu præter antiquas alias il-
 larum manifestasse functiones, sed illorum
 tentamina in hoc aliquandò sterilia fatis exti-
 tisse: Largior pariter ingenuè multa nostri
 æquè, ac superioris ævi Anatomica Inventa Hi-
 storix tantùm Naturali Animalium favere, i.
 e. ut *Galenus* ait, ad artificium Naturæ con-
 templandum facere, ut pariter uno ore hinc
 inde fatentur, *Harveus* v.g. *Higlmorus*, *Pecque-
 tus*, *Malpighius*, *Bellinus*, *Louwerius*, *VVillisus*,
Steno, *Bartolinus* &c. qui non Medicis tantùm,
 sed Philosophis quoquè suos manciparunt la-
 bores, atquè lucubrationes; quid mirum proin-
 si non ex his cunctis Pathologus, Semiologicus,

aut Therapeuticus novas depromere queat conclusiones? Minimè tamen illorum, & qui hos sequuntur, studia ideò frustranea, & quasi Arti Hippocraticæ impedimento sint, dici debent; cum quod Deus, & Natura nunc huic vel illi nonnunquam Occasioni, & Scrutatori reservent, ut prior texturam tantùm, seu naturam hujus, vel illius rei, alter demùm usum reperiatur. Et est profectò ille Naturæ se nobis manifestantis genius, ut, quemadmodum phænomena suarum potentiarum aliquandò finè eorum causis, seu apparatu mechanico ostendit, ità texturam quoquè, & compositionem corporum naturalium finè harum effectibus, seu usibus intueri concedat. Fabricam Vegetabilium fibrosam à medullari, seu tomento discretam hætenus vidimus omnes, videruntque superiora Secula, sed usus illarum Fibrositatum discernere *Grevio*, *Malpighio*, alijsquè Dendranatomicis solertioribus reservarunt hæc nostra tempora. Hydrargyri faciem, ac gravitatem norunt superiora Secula, usum v. ejus Amalgamatorium in conficiendis Speculis, in Vacuo declarando, aëre comprimendo, & in Barometris, similibusquè machinis formandis successive, & hoc in primis seculo observarunt *Galileus*, *Toricellus*, *Boyle*, alijsque
Phi-

Philosophi pariter, ac Mechanici, utrique cum Philosophiæ non minus Naturalis, ac vitæ cōmunis singulari augmento, atquè emolumento. Tubarum uteri structuram accuratissimè tradidit *Fallopius* tam in Observationibus, quàm Institutionibus Anatomicis, ambigit tamen in functione earum determinanda, dum, postquàm Caminorum, seu Spiraculorum munus ipsis assignarat, per quæ uteri fuligines ad Abdomen exhalent, concludit: *Hæc an præcipua sit istorum vasorum utilitas, non satis affirmare ausim, cum demùm per frequentiore, diligentior emquè sectionem ipsorum naturam edocti erimus, accuratius pleniusquè de ipsis afferre enitemur.* Ac ductus Pancreatici conspectum equidem debemus *Virfungio*, in usu tamen ejus determinando feliciores extiterunt *Mœbij*, *Sylvij*, aliorumquè nostri temporis Anatomicorum tentamina. Ut huic quoque negotio, quod de rebus scientificis cunctis auguratus fuit *Seneca*, applicari queat: *Venturum tempus, quo ista, quæ nunc latent, in lucem dies protrahet, & longiore demùm ævi solertia venturum tempus, quo Posterì tam aperta nos nescivisse, miraturi sint.* Contrà ità nostra fert indoles, ut, supposito aliquo falso partium usu, de hoc nec ambigamus, ac illarum structuram, quam

exactiùs nosse nobis abblandimur, ulteriùs
 rimemur; undè cum vera earum mechanical
 latet, & abscondita manet illarum functio;
 qualem Lienì sortem contigisse, probabile est,
 cuius conformatio ad *Eruditissimi, ac Dexterri-*
mi Malpighij usque tempora haud innotuit,
 item Papillulis illis Linguae capitatis nerveis,
 quarum evolutionem non minus, ac usus gu-
 statorij determinationem *Perspicacissimo Bel-*
lino debemus, quamvis in superficie organi
 hujus conspicuarum valdè, neglectarum au-
 tem, & ulteriore inquisitione indignarum ha-
 bitarum hætenus. Addo his ductus salivales
 exteriores, hos eorumque usus ad *VVhartoni*, &
Stenonis usque solertiam latitasse, miror, cum
 quorum inventionem Priori tribuimus, *Gale-*
no jamdum & *Avicennæ* innotuisse, ex illius *11.*
de usu part. cap. 10. & hujus *lib. 3. Canon. fen. 6.*
 constet; quod de Stenonianis etiam monem-
 mus, quorum existentiam illa jamdum *H. ab*
Aquapendente observatio indigitat, qua *Penta-*
teuch. app. l. 2. de Vulner. genar. perhibet, in ha-
 rum vulneribus, auri propinquioribus foraminu-
 lum angustissimum comparere, per quod potissi-
 mum inter mandendum ingens per unum, alterum-
 ve mensem copia limpida aqua prodeat, instar la-
 chrymæ ab oculo emissæ; phænomenorum hæte-

nus neglectorum, & de quibus Natura pariter,
 ac Ars videbatur tacere. Ut utiquè dicendum
 sit, perindè ac naturalibus, sic artibus quo-
 què sua existere decreta fatalia, intra quæ
 otientur, sub illis verò incrementa capiant, ac
 maturentur: hincquè minimè inferre liceat,
 multorum Anatomicorum conatus contige-
 runt steriles, vel ratione novæ partium textu-
 ræ eruendæ, vel actionis hinc novæ confir-
 mandæ, vel curationis affectuum præternatu-
 ralium immutandæ, aut juvandæ; E. nihil pla-
 nè ad incrementum Pathologiæ, ac Therapiæ
 hætenus contulit illa, quam noster adeò di-
 suadet, Anatome, aut nihil unquam, nec olim,
 erit ab illa sperandum. Imò eo ipso, dum ve-
 ros partium usus, earumquè agendi modos
 ignoramus, cogitandum erit de aptioribus,
 quos sola structura earum mechanica, atquè
 ejus accuratius, ac reiteratum examen sistit:
 & quamvis per hoc nec genuini semper repe-
 riantur, sufficiet autopsia evicisse illum, quem
 hætenus credidimus verum, falsum nullum-
 què existere. Hinc minimè, quasi nullius mo-
 menti, spernendum erit Ductus Virsungiani
 v.g. Inventum, quod tantum Pancreas ven-
 triculo loco pulvinaris non substerni osten-
 dat, nec Circulationis sanguinis hypothesis,
 quod

quod solummodò, Lienem humorem melancholicum non per rārum splenicum excipere doceat; neutro tamen horum Inventorum anteriores illorum Viscerum usus, seu functiones simul declarentur: perindè ac nemo sanæ mentis quaternioni Elementorum Peripateticorum facilè subscribet, de existentia, & natura eorum simpliciore dubius redditus, licèt alia, & certiora rerum materialia principia ipsi nondùm innotescant. Stupefco interim Anatomicum hunc affirmare omninò frustraneos, ac infelices fuisse omnes nostri ævi Anatomicorum conatus, hinc stultos, ac inutiles planè illos pronunciare; cum tamen paulò post eorum quosdam successus frugiferos ipsemet invitatus concedat. Mammillarum v. g. ac Testium virilium usum ex Anatome Neotericorum haud novum prodijisse, forsàn omnes fatemur: quid dicendum verò de usu Testiculorum muliebrium, quem illi eundem cum Ovario Ovifarorum reppererunt, ignoravit Antiquitas? de actione Epatis olim docuerunt cum *Aristotele*, ac *Galeno*, eam esse sanguificatoriam: *Hippocratis* verò dogma, quod ex viscere hoc Bilis scaturiat, Posteritatis tentamina Anatomica, in specie *Pecqueti*, *Hornij*, ac *Th. Bartholini*, comprobarunt; i. e. per Inventum

tum Venarum Lactearum, Ductus Thoracici, & Vasorum Lymphaticorum suspecta reddita ejusdem Sanguificatione. Per idem Vasorum Lymphaticorum Phœnomenon quoquē evincitur Serum sanguinis non hujus existere vehiculum, multò minus recrementum: & per eorum Modernorum sectiones frequentiores Valvularum Cordis, ac Intestinorum, Mammarum virilium, Vasorum Pulmoniacorum sanguiferorum, Glandularum, Tubarum Uteri, Pancreatis &c. functiones genuinæ fuerunt observatæ; licet non omnibus numeris absolutæ, v. g. Pancreatis, et, quos partium usus ignoramus, v. g. Adipis, Omenti, Glandularum Renalium, Lienis, Intestini Cæci, investigationem indefessam postulant, minimè verò investigantes cavillari jubent, quod Microscopiis oculorum aciem intendant. Nequē sufficit nosse Renes v. g. lotium secernere, nisi de modo secretionis simul constet, i. e. fieri hanc per Glandulas, & Canaliculos, ex quibus compagem illorum componi non agnoverat *Galenus*, annotarunt *Eustachius*, *Bellinus*, & *Malpighius*; utpotè ex quo demùm, quid sit Renum imbecillitas, quæ Diabetis causa, & medela Practico innotescit. Desperare, ac diffidere Naturæ pronitate durum est, nec

Chri-

Christianum, nec Philosophum, decet: Sicut enim illa in abditis suis declarandis non semper, nec omnibus eadem deprehenditur, sed sui Cultores aliquando satis vacuos, & vanos dimittit, ità aliis postmodum quàm liberalissima existit: adeò ut perindè ac cæteras Artes cunctas, sic Medicam quoquè, ejusque partem Therapeuticam, non natam, sed factam, aut ità natam observemus, quæ instar animalis per temporum demùm intervalla perfectiora capeffat incrementa. Nequè asserere ambigo per Experimenta Anatomica hinc inde emendari, ac augeri hætenus plus valuisse morborum, ac symptomatum diversorum medendi rationem, modò eorum Observatores eadem huic diligentius, ac circumspectius applicuissent, & Practici illa cum judicio admisissent: dùm multi illorum in solis potius speculationibus desudant, horum pleriquè solam, & propriam Experientiam, atquè Arcana crepantes, istorum Inventa, & ratio-cinia ponderare pertinacitèr, ac superciliosè detrectant, quasi authoritati, ac fidei eorum multum derogaret, si à Theoretico præcepta, & consilia peteret Practicus ex opinione Vulgi consummatissimus. De cætero, ut ut concedi debeat per Experimenta, & Inventa Ana-

tomica non quævis corrigi, ac immutari Methodum Medendi, & morborum Remedia: non parum tamèn luminis Arti accenditur, quod circa curationem horum hætenùs observata per illa magis confirmentur, sicquè ex Empirica fiat Medicina Dogmatica; dùm v. g. per Inventum totidem ductuum salivalium ad oculum quasi demonstrari valet salivantia, & apophlegmatizonta non ex Cerebro, quod Scholarum cõmune figmentum, sed ex Glandulis certis, harumquè canalibus elicere serum salivale. Quod autèm observationes Anatomicæ in genere basis sint Medicinæ dogmaticæ, & quidèm non minus practicæ, ac theoreticæ, vel ex ipsius *Doctõris Bononiensis* concessis inferimus, facere nimirùm illas ad œconomiam naturalem corporis humani, seu Physiologiam explicandam: E. cum morbi formalitas, ac causa proxima in dispositione illius præter naturali consistat, dignosci autèm nequeat hæc, nisi quæ naturalis, exactiùs constet; physiologicum studium demùm accuratius, & quam hoc supponit, Anatome non superficialiaria, sed profundior, seu subtilior, praxeos erit fundamentum, si non immediatum, certè mediatum, & quod affectum dignoscere docet, ut juxtà *Hippocr. de arte t. 20. ac de flatib.*

1. 2. Medicus, qui causas corporis affecti probè cognovit, potens sit validè ea adferre, quæ corpori commodent, nimirum contraria corporibus morborum natura perspecta. Et dùm ipsi, simulquè cujus authoritati fretus, *Helmontio* in hoc promptus condescendo, sufficere ad Anatomem Medicam situm, connexionem, & usum partium nosse; largiatur mihi, spero, horum utrumquè usum partium verum, non nisi ex mechanica harum structura, aut aliquandò forsan ex fluido quoquè illarum proprio innotescere, quorum utrumquè reiteratæ demùm sectiones, ac multifaria declarant tentamina. Dùm v. g. usum Cordis ex musculosa ejus textura, Pancreatis ex canali ad Intestinum hiantem, Receptaculi Lumbaris, & Ductus Thoracici ex transeunte Lympha, ac Chylo, Renumquè functionem ex prolabente hinc urina probabiliter fatis, invito verò Nostro Aristide, quoquè suspicamur, quia sinè accuratiore partium indagine nihil certi de earum usu determinari potest, hanc Medico practico maxime necessariam fore, & per consequens, quia post situm, & colligationem usum partium nosse sufficit, cadaverum lanienam minimè exercent, qui ad minimos vasorum ductus inveniendos tempus consumunt, nequè hic eorum

la-

labor inanem jactantiam spectat, & in qua pretiosum vitæ studium infrugiferè consumatur. De cætero facilis ipsi ero, novo partium usu per Anatomen haud detecto, per hujus phænomena structuram tantum spectantia vix mutari Therapejam; nollem tamen assertum hoc omnimodè universale evadere, cum usus quidè notitia de Pathologia evidentiore nos certos reddat, sola tamen quoquè partium textura, seu fabrica harum remedia morborum aliquandò moderetur, ut tendinea v. g. musculorum, seu membranea quarumvis partium vulneratarum conformatio exiccantia magis, carnea humectantia exigat, & indurata membra, non tam ratione functionis, quàm texturæ mutatæ emollientia, ac resolventia postulent. Ut proin *Clarissimus* ille *Vir* non levi contradictione confundi videatur, dùm, postquam non nisi per novi partium usus detectionem Pathologiam, & Therapejam illarum malè se habentium mutari magno conatu asseruerat, mox, nescio quo motu, cognitionem usus ad sanitatem inducendam haud simpliciter necessariam pronunciet. Deniquè promptissimè ipsi largior communes membris diversæ structuræ affectus, v. g. Inflammationem, Vulnus, Ulcus, Scirrhum eadem indicare

care in singulis illis remedia, hinc structuram partium non semper disparem suadere medendi rationem; cum in primis causa conjuncta, v.g. humoralis, eadem sit in musculo æquè, ac membrana, testiculo æquè, ac oculo inflammatis, in aure pariter, ac uvula exulceratis, &c. modò concedatur hanc morborum communitatem, seu identitatem, & horum remedium non ubiquè locum habere, quatenus v. g. Inflammatio, Vulnus, & Ulcus oculorum, Vulnera capitis, & cerebri alia topica postulant, quàm cæterorum membrorum iidem, similesve affectus; sinè dubio ratione fabricæ tenerioris atquè peculiaris, quæ non minus, ac usus, talia applicare jubet.

Quamvis autem ex enarratis satis superquè elucescere putem, sinè modernorum Professorum tentaminibus, quæ limis adeò intuetur *Noster*, horumquè studio vix aliquem veri, & dogmatici Practici nomen mereri: quia nihilominus illa forsan scopum non adeo immediate ferire dici poterant, unum, alterumvè adhuc illorum addam, quæ proximam magis operam affectibus nonnullis curandis conferre videntur. De essentia, & causa Hydropis quot, & qualia hætenus Scholis non extiterunt somnia, sc. serum ad cavitates, seu habitum

rum depositum esse præternaturale, & ratione substantiæ, seu qualitatum morbificum, tale produci loco sanguinis laudabilis à visceribus sanguificationi destinatis, malè se habentibus in primis Hepate, evacuari posse per cathartica &c. Ast inventum Lymphaticorum, hincquè Doctrina de Lymphæ natura aliam hujus Medicorum scandali, si non Therapeutiam, certè Pathologiam, ac Prognosin hujusquè ætiologiam innuunt. Appetitum, atquè Chylificationem Stomachi, non juxta *Montium*, aliosquè Recentiores tantùm sed *Galenum*, *Avicennam*, *Quercetanium*, & *Zacutum Lusitanum* quoquè ab acido à liene adducto, seu inspirato fieri neminem latet: ejusdem tamèn hypothesis infirmitatem declaravit aliorum Anatomicorum solertia, qua certiores reddimur nullam in liene secerni, nec hinc depromi acidum, nec vias dari illud ad Ventriculum derivantes, Glandulas verò huic intertextas secernere Lympham digestoriam; per consequens ac da contrà cruditatem Ventriculi quamvis, & prò appetitu, ac digestionem almentorū excitanda, ac promovenda ineptè commendantur, ac propinantur, quàm illationem Anatomix subtiliori debemus. Parem, i. e. insignem usum pra-

eticum præstat connexio Vesicæ urinariæ in homine cum Peritonæo, & Musculis Hypogastrij, à paucis saltèm observata; utpotè ratione cujus vulnera fundi Vesicæ, olim per se mortifera, sæpiùs commodè, ac brevi consolidantur, modò à turundis abstineas. Eadem Anatome curiosior *Schneideri*, *VWillisij*, aliorumquè Cephalatomorum erroris crassissimè convincit Practicos vulgares in Catarrho suffocativo, & Tussi catarrhali serù ex capite per trachæam ad pulmones descendere asserentes, ac capiti revulsionis, cervici verò, & scapulis interceptionis gratiâ, topica varia admoventes; Circulationis Sanguinis phœnomenon novum doctrinam therapeuticam de Revulsione, Interceptione, Derivatione, ac Repulsione hinc indè corrigit, ac moderatur easdem humorum aversiones egregiè, ac satis mechanicè. Mechanicam equidèm in Anatomicis, ac Medicis abnegare suadent quidam properante lingua, ac fugitivo calamo, quod Lineis, ac Circulis Geometricis haud curentur morbi: Sed horum præcipitantix famosæ, velle idèò condonandum, quòd Manuductionem ad Medicinam accuratiorem *Hippocratis*, quam in gratiam Thessali filij conscripserat, non videantur legisse; addo tamen: *Si tacuisses, man-*

fisses! Herniarum inguinalium, ac scrotalium
 genesis, ac repositionem, cur nempe hæc non
 adeò facilis semper, & qua ratione admini-
 stranda, annulorum illa, quam Musculorum
 Abdominis obliquorū, ac transversorum ten-
 dines perforati constituunt, habitudo decla-
 rat, ac dirigit, à paucis tantum nostri tempo-
 ris Anatomicis, ac Herniotomis annotata, ha-
 ctenus occulta. His nempe laxatis, seu lace-
 ratis Intestina, atque Omentum situm natura-
 lem mutare, ita quidem, ut ratione laxitatis
 ejusmodi congenitæ nonnulli præ cæteris in
 hernias proniores existant: probabile etiam
 hinc fit insigniorem intestini portionem fla-
 tibus, aut fœcibus turgidam, circulos hos uno
 impetu vix elabi posse, nisi extraordinariam
 illi induerint amplitudinem, aut nisi fibræ eo-
 rum divulsæ, ac ruptæ fuerint &c. Eundem
 trium horum annulorum situm, ac habitudi-
 nem ad se invicem accuratius attendere, ad
 restorationem quoque elapsorū multum con-
 fert, quatenus dum se obliquè satis spectant,
 eam non è directo horum, sed obliquè potius,
 tentare licet, ne reponenda intra binos mus-
 culos, non ad cavitatem abdominis, impel-
 lantur. Paritèr Processus Peritonæi Authores
 hæctenus perperam satis descripserunt, quod

sint productiones superius angustiores , inferius latiores , constituentque Tunicam testiculorum in maribus Vaginalem , recipiant in his , & recondant Vasa Spermatica , in foeminis Uteri Ligamenta teretia , ijsque laxatis , ac ruptis fiant Herniae , quas , nisi cum testiculo , extirpato processu , fide , & sine recidivæ metu sanare non detur . Quippè , animadvertentibus *Schrodero* , ac *Bidloo* , (1) talis non est Processuum horum figura , & cum Vaginalii Tunica continuitas : nec (2) pervij illi observantur , sed inferius angustiores , ac instar Intestini Cœci , clausi , hinc nec (3) Vasa Spermatica , & Ligamenta Uteri intrà se tanquam Vaginam recondunt , sed hæc sub illis , perinde , ac in Abdomine sub duplicatura Peritonæi postica delitescunt , feruntur ; multò minus (4) Viscera Abdominis situm naturalem in Hernijs mutantia excipiunt , seu transmittunt ; & per consequens (5) nec imposterum opus erit prò illis repositis retinendis castratione adeò crudeli , ac nefanda . Hæc docet Anatome subtilis Nostro Bononiensi , aut Göttingensi adeò exosa , talia tamèn , quæ Practico vero sunt maxime necessaria , & quibus animus sciendi , ac medendi cupidus juxta *Senecam* , (cum quo Epistolam suam hic claudit)

dit) *non ludit, sed proficit*: docere tamèn eam plura, ipsa Praxis Rationalis, non Empirica, eos, qui doceri amant, docet sc. diversa Pathologiæ, Semioticæ, ac Therapejæ, adeoque Praxi Medicæ à Neotericorum sectionibus, ac scrutinijs accedere emolumenta, horumquè plura ex illis speranda, non obstante augurio, quo, occasione *Gnidi*j cujusdam Labores, atquè Conamina tantorum Virorum tempus oblitteraturum divinare fatagit idem *Aristides*, Civitati suæ haud adeò benè precatus. Ego, qui in docenda Anatome eum hætenus me gessi, ut primarij Medicinæ finis, medelæ nimirum morborum, me potissimum rationem habere, semper intellexerint mei Auditores, imposterum, ubi Praxin publicè profiteri conceditur, doctrinam Therapeuticam per Anatomica præcepta atquè inventa, Veterum æquè, ac Modernorum declarare annitar: ità enim decet Doctorem publicum, renuentibus quamvis illis, quos *fama, & nomine tantum*, seu personatos *Medicos* ait *Hippocrates*. Specimen hujus methodi primum mihi erit *Therapeutica Pars Generalis*, praxeos specialis unicum, & quàm necessarium fundamentum, cujus præcepta nunc sub Divino Auspicio recensebo, illustrabo, & à debijs

vindicabo, facturus hujus laboris initium *Cra-*
stina Hora pomeridiana secunda. Vos, Philiatrī
 Nobilissimi, qui Praxi Dogmatica erudiri de-
 sideratis, nec hæc mea spernetis studia, sed
 Fauorem in ea Vestrum frequentiore accessu,
 & benevola auscultatione testatum facietis,
 Vestris desiderijs mancipata. P. P. Domini-
 ca XIII. post Trinitat. Fest. Anno 1691.



D E
RECENTIORVM MEDICORVM
STUDIO
DISSERTATIO
EPISTOLARIS
SECUNDA
A D
AMICVM.

Ea me minimè quidèmm commoverunt,
nequè enim vetusta, & jam firmis ra-
dicibus arbor ad terram flecti,
vento etiàm maximè furen-
ti, facilè potest.

LIBANIVS.

30

RECEIVED

OFFICE OF THE

SECRETARY OF THE

NAVY

NAVY DEPARTMENT

WASHINGTON



Rodit anno 1687. Gottingæ Dissertatio Epistolæ ad Amicum de Recentiorum Medicorum studio, iterum impressa Parmæ anno 1690. & b s hætenus impugnata, primùm à Ioanne Paulo Ferrario Philosopho, & Medico Parmensi, secundò à Ioanne Bohn in quadam Prælectione Therapeutica publicè habita anno 1691. Dominica 13. post Trinitatis Festum. Primus attonitis oculis lectus, & festinantè depositus; secundus similiter esset deferendus, integram causam ad Lectorem remittendo; sed quoniam, dum eram Gottingæ, argumentum assumptum raptim consideravi, idcirco rursùm in arenam descendere iussus, iterumquè scribere coactus sum, & potius Auctarii loco ad primam dissertationem, quàm prò necessitate responsionis ad Therapeuticam Prælectionem, eoquè magis quia plurimi Senecæ præcepto indigent, *nunquàm nimis dicitur, quòd nunquàm satis discitur; quibusdam remedia monstranda, quibusdam inculcanda.* Tria in prima Dissertatione epistolari ad Amicum laconicè tetigi, subtiliorem scilicet Anatomen, Dendra-

dranatomen , & Anatomen Brutorum comparatam , omnesquè istas cognitiones parum aut nihil solidiori Medicinæ Practicæ inferuire. Anatomia comparatæ , & Plantarum prædictus Ioannes Bohn in sua Prælectione nihil opposuit, ac si duas dissertationis partes lubens concederet; Tertiam aggressus est , sed ex progressu evincitur , impulsus , linguam , & calamum exercuisse potius , ut alieno arrideret palato , quàm virtutis , & veritatis amore . sepe enim repetit res minutas non immutare methodum , nova medicamenta non parere , novam morborum cognitionem non inducere , ac omnia præcipua primæ dissertationis concedit axiomata , & fundamenta . *Annus* (inquit) *Anatomico nostro , subtiliorem Anatomien abnuenti , & suppono non quamvis Prosectorum curam , horumquè molimina desiderati semper fuisse successus , nec quamvis partium novarum evolutionem novos his peperisse usus , seu præter antiquas alias illarum manifestasse functiones ; sed illorum tentamina in hoc aliquando sterilia satis extitisse : largior pariter ingenuè multa nostri æquè , ac superioris ævi Anatomica inventa Historiæ tantum naturali Animalium favere , & ut Galenus ait ad artificium naturæ contemplandum facere . Inferius . De cætero ut ut concedi*
de-

lebeat per experimenta ; & inventa Anatomica
 non quævis corrigi , ac immutari methodum me-
 lendi , & morborum remedia . Mox addit . Et
 lum ipsi , simulquè cujus authoritati fretus Hel-
 nontio in hoc promptus condescendo sufficere ad
 Anatomem medicam situm , connexionem , & usum
 partium nosse . Sequitur præterèa , & ait . De
 ceterò facilis ipsi ero novo partium usu per Ana-
 tomen haud detecto per hujus phænomena structu-
 ram tantum spectantia vix mutari Therapejam .
 Deniquè ità scribit . Promptissimè ipsi largior
 communes membris diversa structura affectus
 v.g. inflammationem , vulnus , ulcus , scirrhum
 eadem indicare in singulis illis remedia , hinc stru-
 cturam partium non semper disparem suadere me-
 dendì rationem ; cum imprimis causa conjuncta
 v.g. humoralis eadem sit in musculo , aequè ac
 membrana , testiculo , aequè ac oculo inflammatis , in
 aure paritèr , ac oculo exulceratis , &c. modo con-
 cedatur hanc morborum communitatem , seu iden-
 titatem , & horum remediorum non ubiq; locum
 habere , quatenus v.g. inflammatio , vulnus , &
 ulcus oculorum vulnera capitis , & cerebri aliato-
 pica postulant , quàm cæterorum membrorum iidem ,
 similesvè affectus ; sinè dubio ratione fabrica te-
 nerioris , atquè peculiaris , quæ non minus , ac
 usus talia applicare jubet .

Isti loci cùm contradictorio verborum circuitu commixti, & finè filo disputationis propositi (modò enim admittit Helmontii auctoritatem, modò negat, dùm ait cadaverum lanienam minimè exercere, qui ad minimos vasorum ductus inveniendos tempus consumunt. Modò de Therapeja verba facit, & de qua quæstio est, & fuit. Modò in Æthiologiam, & Physiologiam descendit; hùc, & illuc prætervolat finè constantia, ordine, & connexionè statum controversiæ mutat) animi eisdem Bohn hæsitantem ostendunt, veritatemquè nunquàm posse latere, & *tam tam semper potentiam habere, ut nullis machinis quemadmodum testatur Tullius, aut cujusquè hominis ingenio, aut arte subverti possit, & licet nullum patronum, aut defensorem obtineat in causa, tamèn se ipsa defenditur, multorumquè improbitate demersam emergere, & respirare; ostenduntquè ulteriùs ipsum Bohn opinionem tuam, & proficua Authoris dissertationis in corde custodire, & non ex propria voluntate scripsisse: imposterùm autèm meminisse rogandi documenti Senecæ monentis *turpe esse non ire, sed ferri*; ad rumorem componi, ad similitudinem vivere, & ab exemplari pendere, non est magnanimi viri. Scio Themistoclem cùm*

in epulis recusasset lyram, ut moris erat apud Græcos, summam eruditionem sitam esse censentes in nervorum, vocumquè cantibus, habitum esse indoctiorem; sed populares motus sunt irridendi. *Vulgus* cùm Cicerone *ex veritate pauca, ex opinione multa existimat*, & olim sapientes populum magnum erroris magistrum, ut Vives refert, appellarunt.

Verùm, ne quid intactum relinquatur, nonnulla consideranda veniunt in Prælectione, quæ nullatenus sunt omittenda, vocat temerariam, & periculofam doctrinam Authoris dissertationis, quod si verum foret, temeraria esset, & periculofa doctrina omnium ferè meliorum Medicorum, qui praxi incubuerunt, Galeni, & asseclarum, qui præcisè hanc controversiam agitantés eandem opinionem sustinuerunt, subtiliorem scilicèt, & minimam Anatomiam parùm, aut nihil praxi medicæ conducere; authoritates Galeni in primâ dissertatione relatæ, intaminatæ sunt; firmiores redduntur ab altera exarata in libro de arteriarum, & venarum dissectione, ubi expressè patet, non esse Medicis necessariam ramorum jugularium exactissimam, & minimam cognitionem, nisi laborem velint Medici spectare inanem jactantiam, & pretiosum vitæ stadium

in-

infrugiferè consumere, addidit Helmontius : immò testatur Galenus eodem loco, nequè Philosophiæ opitulari istas obseruatunculas : *nec verò* (sunt verba Galeni) *necessarium arbitror nec Medicis, nequè iis, qui primum introducuntur, nec multò etiam magis nobis optime Antisthenes Philosophis exactissimam habere huiusmodi theorematum cognitionem*. Si prædictæ, & alibi adductæ doctrinæ non satisfaciunt, sequatur nunc Andernacus de Medicina veteri, & nova tùm cognoscenda, tùm facienda, hic fatetur multa in rerum natura extare, quorum notitia non quidè Medicum aptiorem facit, sed medicinæ tantum profectum reddit; adjungitquè nullos ob accuratam illam, nè dicam curiosam nimis partium corporis perscrutationem Medicos excellentiores, sed ob curationes dextrè tentatas, absolutasquè censerì; ideoquè observavit Hippocratem, Galenum, Erasistratum, pluresquè id genus alios, tantum ex rerum natura, & corporis humani fabricatione scrutari voluisse, quantum ad medicinam probè exercendâ ex usu esse putarunt, cùm non eadem semper omnibus similem ob causam conducant. Alibi affirmat suo tempore hanc opinionem cõmuniorem fuisse, & consulit laudando huiusmodi

modi studium, quemadmodum & ego laudo, sed non prò medicina facienda, non esse in eodem toto vitæ tempore laborandum, cum utiliora, & majora non desint prò salute corporum, quæ Medicos fugiunt nulla sollicitudine ea inveniendi, & addiscendi. *Id, quod feci, scribit Andernacus, in tuam gratiam feci, hodiè siquidem Permulti putant tam accuratam partium cognitionem ad morbos curandos non esse necessariam, ego verò singularum situs, figura connexus, temperamenti, & naturæ notitiam Medico futuro convenire; longas autem, & curiosas nimium de ipsis disputationes, contentionesque supervacaneas esse existimo; cum etiàm pleriquè apud Veneres sinè illis Medici evaserint excellentissimi; non improbo tamen eos, qui hoc nomine vel minima quæquè perscrutantur, examinantvè, ut Medicinæ studiosis ea ostendant, ità tamèn, nè diutius illis immorentur, sed maturè ad majora contendant; cum revera, qui inter hæc nutriuntur, non magis sapere possint in praxi, quàm benè olere, qui in culina habitant, ut falsis utar Petronii Arbitri verbis.*

Convenit Iulius Alexandrinus in Annotationibus in Galeni præcipua scripta præcipuè in 2. librum de Anat. Adminis. cap. 2. quando expendit verba Galeni; *proptèr hosce cum eo*
quod

quod utile erat in Anatome, etià quod ex abundanti confecti; hanc brevem annotationem subiungit. Profectò si quis rectè secùm examinet, non Anatomica omnia Medico necessaria esse expectat, atque eo umetiam, quæ in controversia posita sunt, plurima reyciet quod quidè à necessarium Medicina captum attinet; nam hoc semper intelligi volo, nolim enim cuiquam esse author ego, ut intacta, quæ super vacante Medicina futuro sunt relinquat ipse, quàm quibusdam de causis, quas Galenus recenset, rimetur etià omnia, diligenterquè inquireat in ea, modò nos ad huiusmodi corporis dissectionem non cogat Medicos, quibus simiarum futura semper satès sit Anatomie diligentè obita, satès superquè, immò ut in quibus præter utilia Medico, ac necessaria, non pauciora sanè super futura sint, quæ ad Philosophi tantum ratione spectent, aut studiosi alioqui rerum harum alius alicuius aliqua de causa cuiusquè ua.

Non recedat ab hac eadem opinione alio in loco dum ponderat verba Galenica: Quemadmodum quàm consideramus quales, quotvè musculi sint linguam moventes; ait enim; hinc planè appareat non fore usquè adeò necessariam de musculis omnibus, aliisque huiusmodi multis acribologiam, si vè leptologiam potius quandam, quocumquidem ad curandam rationem, dignoscendiquè morbos,

os, vel praeoscendi curationem attinet; multo
 minus, quam Medicamentorum compositiones fa-
 cimus secundum genera, sive etiam secundum loca:
 minusque adhuc, quam conservanda, retinenda
 sanitati curam suscipimus: Immensum enim quā-
 tum distat hoc ab Anatome omni, neque propterea
 tamē existimari velim socordiam, & ignaviam
 studiorum talium invehere juvenum mentibus vo-
 luisse me, neque enim veto, si quis animi causa,
 aut discendi cupiditate, ac curiositate quadam ri-
 mar i cuncta ista pervelit ad minima; tantum non
 necessaria habenda esse dico futuro Medico, etiā
 bono, etiam ad summum absoluto. Et hoc modo
 locutus est Author Dissertationis epistolaris
 ad Amicum, maximisque fundamentis docuit
 subtiliorem, & minimam Anatomiam parum,
 aut n hil Medico practico opitulari, nec pro-
 ptereā sequitur illatio Joannis Bohn eandem
 Anatomiam, licet superfluum prò praxi, Au-
 thori ejusdem Dissertationis exosam esse, quia
 ipse non reprobat eandem universaliter, sed
 tantum scripsit esse inutilem, superabundan-
 tem, & suprā usum artis practicae medicae, quid-
 quid sit prò aliis usibus v. g. prò complemento
 Historiae naturalis, & Philosophiae incremen-
 to. Sanè bona venia ejusdem Joan. Bohn
 hac consequentia: *Authori est superflua sub-*

E
tilis

*tilis Anatome prò medicina faciendâ , ergò eî-
dem exosa est , ita infirma , & independens ;
ac si dixisset , non invenio causam , ergò reuss
est mortis ; & breve tempus demonstrabit ejus-
dem Authoris genium , & propensionem ad
leptologiam Anatomicam , dum varia ab eo-
dem edentur Opuscula de Dentibus , Pingue-
dinis usu , & circulatione , Glandulis , Auri-
bus , oculis , linguis animalium , Medulla os-
sium , ejusdemquè marsupiiis , & capsulis , Vassiss
sanguineis , & Nervis , modo separationis ,
usuquè novo juxtâ observationes à se factas
Anno 1682. contrâ communia dogmata ; san-
guinis Analyfi , Catameniis , Structura nervo-
rum , & sine &c. quæ minimas Observationes
Orbi litterario communicabunt ; tunc Joan.
Bohn cognoscet quali animi integritatē , quo
fine fuerit epistolaris Dissertatio contexta , &
an civitati suæ malè precetur , potius Authoris
mentem laudabit , quod juniores Medicos il-
lustraverit , & Juventutem direxerit , nè tem-
pus in hisce subtilitatibus terant , dum cogi-
tant Medicinalem praxin exercere ; multaquē
enim sunt , quæ adhuc latent , & Clinicis per-
quàm necessaria , quæ omittuntur loco ista-
rum minutiarum , ideoquē solidior Medicina
non progreditur ; quia , ut insinuat Seneca ,*

Superflua quarimus, hinc forsitan non invenimus, nec discimus necessaria. quæ nunquam invenientur, si contenti fuerimus inventis. Aristoteles ipse in Eth. c. 1 hanc eandem tradit doctrinam, & negat in Medico practico necessitatem subtilissimæ Anatomies; verba Aristotelis sunt. Sed si hæc ita se habent, perspicuum est civilem quæ ad animam spectant, quodamodò cognoscere oportere, quemadmodum oculum, & totum corpus eum, qui curaturus est: Ex hac autoritate constat Medicum curaturum oculum quodamodò oculum consideraturum esse, id quodamodò excludit acribologiam ophtalmicam, id est accuratissimam oculorum discussionem, & sectionem, in qua re religiosè testari possum, me aliquod lumen nunquam recepisse pro cognitione alicujus morbi novi non cogniti antiquis Medicis, & pro notitia alicujus remedii, quamvis me non fugiant multæ minimæ observationes longo temporis tractu in oculis hominum, & brutorum factæ hucusquæ à nemine notatæ. Comparatio Aristotelica est ita nervosa inter Politicum, & Medicum, ut quemadmodum illum de Anima mediocrem sufficit habere cognitionem, prout etiam observavit Galenus apud Giphanium, ita iste corporis non tenetur habere omnimodam, & per-

fectissimam notitiam. Hic ostendit Philosophus (inquit Giphanius) quantam animi notitiam habere debeat Politicus, nempe mediocrem, & quantum conducatur vitæ, & moribus nostris, quod idem de Medico suo monet Galenus in libro de natur. facultat. ubi eidem dicit necessariam esse animæ cognitionem, non exquisitam tamen sed qualis pertinet ad morborum fontes inveniendos, nam subtilior de anima, vel ejus natura disputatio ad physicum spectat; à pari Medicus curaturus corpus humanum hoc ipsum curabit finè subtiliore ejusdem cognitione, ità etià sentit Santorius, additquè eandem rationem, quia primaria corporis humani consideratio pertinet ad Philosophum:

Eadem de causa Paracelsus, Severinus, & multi alii duplicem Anatomiam cōstituerunt, unam, quam appellant localem, alteram, quā vocant essentialem, vitalem, & formalem; primam, qua animalia artificiosè diffecantur, & si non planè reiiciant, tamen eam non magni faciunt, nec continuò usquè ad minima eam colunt, sed mortuam nuncupant; secundâ unumquodquè corpus in sua principia resolvunt ad explorandam eorum naturam pro fine Medico consequendo, & istis oppidò principiis innixi prædicti Doctores ità gloriosas,

& ce-

& celebres instituerunt curationes, ut nullo sæculo eorum fama peritura sit, totquæ Paracelsus ditavit scholam Medicam remediis, ut huic plus debeat Therapeja, quàm mille aliis, qui diù, noctuquæ in minimorum indagine sudarunt, à quibus nec una medicina inventa est, nec cogitata. Idem statuit Helmontius, cujus admirandum ingenium minimæ Anatomix inutilitatem cognovit, & in hac consuluit tempus non esse profundendum, cum sinè hujusmodi studio deplorati restituantur infirmi. Omnes isti Doctores, & magni quidèmi nominis, temerariam, & periculosam doctrinam exposuissent, si vera essent, quæ in Prælectione Therapeutica leguntur, & tamèn eventus curationum, quas felicitè isti viri famigeratissimè perfecerunt, Joannem Bohn arguunt, & virilitèr castigant, cum digito demonstrent Medicum practicum sinè tot subtilitatibus Anatomicis suum finem, & bonis avibus obtinere posse. Utinàm mihi paterent arcana, & præparationes Medicamentorum, quæ viris prædictis innotescebant, quia tunc rogarem Joannem Bohn, ut mecùm conveniret in curationibus, permitteremquæ ipsi minimarum observationum usum, & amænum, qui inde deducitur, sermonem, ego verò remediis re-

latis uterer, & annotarent curiosi quinam suum finem melius consequeretur; an ille minimarum observationum lumine, an ego remedio singulari, & approbato, nullaquè facta minutarum ponderatione Sanè, nisi veritatem velit evitare, communis Praxis Medicorum hoc admittit, & major pars Professorum nunc viventium independenter ab hoc studio experientia medetur, ac illa prorsus inæquali sorte vitæ, vel interitus, qua illi, qui hac delectatione fruuntur, immò meliori, si Zuingerum non spernamus, qui in Praxi experientiam rebus omnibus anteponit; ideoquè hortatur Medicos dogmaticos, ut proptèr salutem ægri in morbis difficilibus Empiricorum experientiam non negligant; ut enim methodum dogmaticam ex historiis singularium depromptâ non habeant Empirici, habent tamèn experientiam singularium, & curant aliquandò morbos Empirico analogismo, licèt curæ suæ rationem per epilogismum methodicum reddere nequeant. Testatur amplius idem Zuingerus etiàm testimonio Aristotelis Empiricū purum meliorem esse puro Dogmatico; *Purus, ait, Empiricus certè melior est, vel Aristotelis testimonio puro Dogmatico, quòd ille aliquos, licèt sinè arte, hic nullos unquàm curat;* & Historia à

Galeno relata totum hoc ità illustrat, ut nullatenus dubitari contingat; compendium historię est istud. Erat quidam empiricus, qui operibus, & non vano verborum ambitu gloriam sibi comparabat; quandoquē hic pollicitus est se magnam quandam ægritudinem, tum Chirurgia, tum Medicamentis curaturum, cumquē ad opus disponderetur, & ad secandum præpararetur, intervenit alius Medicus, qui ratiuncularum phalange persuadere conabatur non esse secandum. Empiricus modestè recedens, necessariis deliberationem reliquit, qui tandē cognitis sophistæ deliramentis Empiricum revocarunt, qui operibus artem ostendebat; nec inter ultimos scriptores à prædictis est alienus Baconus, dum ità scribit; atquē hinc præcipuē fit, *ut Empirici, & Vetula sapē numero in curandis morbis feliciter operentur, quàm Medici eruditi, quia Medicinarum probatarum confectiōem, & compositionem fideliter, & scrupulosè retinent; secus Medici rationales ob ratiocinii intemperantiam plerumquē, quod prodest, mutant, & loco securioris Medicinæ, quàm non intelligunt, minùs fidam experiuntur cū ægrotantium jactura.*

In eadem opinione fuerunt omnes Metho-

dici, quorum fundamenta profecutus est Prosper Alpinus Marosticensis, & probavit partes affectas non indicare, cum si morbo adstricto vexentur laxantia; si laxo adstringentia exposcant, cujuscunque fuerint naturæ, figuræ, situs, atq; usus. Galenus quandoquæ non videtur alienus ab hac doctrina, & Cælius Aurelianus ita firmiter hanc sententiam propugnavit, ut irriferit, atquæ repudiaverit Medicamentorum facultates, quæ certis corporis partibus tribuuntur; *nec alia jecur* (sunt verba Cælij) *nec alia lienis esse medicamina rectè senserunt; omnia etenim omnium corporis partium sunt communia, quando simili fuerint affectæ passione: Regulantur enim, sive diriguntur eorum virtutes non natura patientis loci, sed genere passionis extentæ, atquæ in aucta prò modo morborum, & prò magnitudine passionis, & virium corporis extenduntur, atquæ indulgentur adjutoria, & non prò specie patientis partis.*

Admisso hoc principio nonnè incassum Leptologi laborant? Medicamenta non respiciunt partes, sed morbos; eorum virtutes non regulantur à toto, sed à passione; ita sustinent Alpinus, Primerosius, & alii graves Authores, & primus potissimum longo sermone, ulcerum exemplo hanc veritatem ostendit, & confirmat,

mat, concluditquè partiū varietatem non mutare prò instituenda curatione Medicamentorum speciem, seu naturam, sed quædam alia, quæ potius faciunt non ad indicandam essentiam, sed ad maiorem, & minorem in Medicamentis agendi vim, vel ad commodorem agendi modum, quo medicamenta comparari, apponiquè solent; nunquàm tamèn mutata ipsorum facultate indicata ab essentia, seu à natura morbi. Nequè quis credat Medicamentorum vim intensiorem, aut mitiorem, vel varios modos ab accuratis Professoribus, & diligentissimis minimarum rerum Observatoribus procedere, quia fabrica mollior, aut durior, rarior, aut densior, sensusue partis sine leptologia cognoscitur, & hæc sunt, quæ mitiora, aut valdiora indigant remedia, non tantum in schola Methodica, sed etiam in illa, quæ vulgò Rationalis appellatur. Sennerius, quandò explorat, quid partes affectæ moneant, meminit temperiei, præstantiæ, situs, sensus, figuræ, connexionis, & conformationis; hanc diu explicat, ita loquitur; *nàm si partem substantia rariorem humectari contingat, non ita valdè exsiccantia requirit, verum si pars densa, & benè compacta eodem malo laborat, exsiccanda fortius, nam cum ita à natura comparata sint*

*sint hujusmodi partes, ut non facile humores affluentes recipiant, si accadat, ut eos admittant, à statu naturali valde eas recessisse inditio est. Sic pars dura substantia validū requirit Medicamentum, illudquē fert, & admittit, debilius verò nihil prodesset; ut substantia mollis validiora non tolerat, à quibus dissolvitur; atquē ita conformatio indicans, & indicatum determinat. Hanc doctrinam repetunt omnes duce Galeno, & fuit hætenus sufficiens prò recta remediorum administratione sine minimæ structuræ cognitione, erit etiā talis imposterum, & melior, quàm indicata à Joanne Bohn, dum solam considerat structuram, ulcus corneæ duræ, & densæ mitissima remedia requirens ostendit, quàm infirma sint prædicti Authoris monita, & quàm malè scripserit in sua Prælectione de morborum communitate verba faciens, ulcera oculorum ratione fabricæ tenerioris alia remedia expostulare, quàm ulcera aliorum membrorum *sinè dubio*, inquit, *ratione fabricæ tenerioris, atquē peculiaris, quæ non minus, ac usus talia applicare jubet*; etenim Cornea topica blanda vult non ratione fabricæ tenerioris, est enim durissima, sed ratione sensus, quare Veteres prò curandis infirmis suas partes melius compleverunt, quàm multi Moderni ab*

alie-

alieno studio, & sterili voluptate distracti, & phalerata magis, quàm vera cognitione contenti, immò cogitaverunt principia, quæ disputata non possunt negari etiàm ab eodem Joanne Bohn, dùm concedit remedia apta ad ulcera sananda non ubiquè habere locum ratione fabricæ tenerioris, vel è contra; modò cùm fabrica tenerior, vel durior non pateat ope microscopii, vel minimæ Anatomiae, infertur ex eodem Bohn sufficere cognitionem conformationis ad mentem Veterum: decipitur etiàm idem Doctor, dùm æqualitè respicit usum, seu praxin, & fabricam, nam distinctio partium inducta à practicis ad benè medendū post usum est cognita, & ratio postmodum quæsitā, proindè sicut benè in Dissertatione dictū est; *Hanc limitationem peperit usus, ita malè, & extrà Lyram in responsione, quæ (id est fabrica) non minùs, ac usus talia applicare jubet.*

Sanè Leptologos admirari debemus, dùm curtam sinè minima Anatomia prædicant Medicinam practicam, & postea æqualitè medentur, eandemquè servant therapejam, ac Veteres; si nunc non possumus sinè Anatomicis minutis mederi, Medici antiqui nunquàm potuissent curare; si nostris diebus sunt necessarii,

faria, etiã præteritis tales fuissent prò san-
 nandis infirmis, quia quòd nunc est necessa-
 rium, præterito tempore hujusmodi fuisset,
 adeoquè deficiente hac cognitione necessa-
 ria, nunquàm ex methodo aliquis infirmus
 esset curatus, prout oportet ex Joanne Bohn
 deducere; *Hac ait, docet Anatome subtilis no-*
stro Bononiensi, aut Gottingensi adeò exosa, talia
tamen, quæ Practico vero sunt maximè necessa-
ria. Quàm maximam necessitatem si velit ef-
 fe illam, quam scholæ appellant simpliciter,
 nullus dubito, quin toto cœlo erret, cum quod
 est tali necessitate necessarium, debuerit esse
 in præteritum necessarium, nullusquè propte-
 reà bonus Medicus hucusquè fuisset; si de alia
 necessitate, quæ secundùm quid nuncupatur,
 intelligatur, hæc non ità cogit animum ad
 hoc studium, ut Medicus possit sinè hac suo
 fini satisfacere, verùm unum prò hypotesi
 concedatur, minimam observationem praxi
 Medicæ conducere posse, hæc possibilitas nun-
 quàm perfectè erit in actu, consequentèr Me-
 dicus nunquàm ex eadem emolumentum re-
 cipiet, cum minima partium structura sit ad-
 huc ignota, & in futurum etiã latens. Fa-
 bius Pacius hoc docet his verbis. *Etenim qui*
inter disssecanda corpora confidit se minima qua-
qua

quæ ita persecutum ire, ut nihil eum fugiat, hic
 se humana conditione præstantiorem jactat, nec
 in ijs quidè, quæ se spectasse profitetur, fidem sibi
 omninò adhibendam esse promeretur. Brunerus
 inter recentiores assentitur, dùm ait. Partium
 munia, & actiones ex diligenti, & atoma etiàm
 organi inspectione non perpetuò innotescere, cùm
 natura exiguis machinis, hisquè simplicibus ul-
 trà ingenii humani captum edat operationes. Ad
 rem maximè Bartolus italico sermone scribit
 naturam ibi inchoare novum artificium sub-
 tilissimum, ubi terminat nostra cognitio. *Le-
 cose, che à noi pajono piccolissime esser grandissi-
 me alla natura, e potersi dire con verità, ch'ella
 ivi comincia la maestria, e la sottigliezza de suoi
 lavori, dove il nostro intendimento si termina:*
 nequè juvant Microscopia, ut hæc abdita, &
 occulta naturæ vis manifestetur ob singularem
 naturæ industriam in minimis particulis, & in
 primis viscerum elementis conficiendis, ut
 ingenuè fateri debeamus veriore, & subti-
 liorem eorundem fabricam adhuc latere, nec
 oculos etiàm Microscopio armatos posse de-
 tegere quidquid in profundo latet, & quid-
 quid ad disputandum est conditum non ad in-
 veniendum; adeoque quomodò fiant motus,
 sensus, secretiones, aliæquè, quamplures na-
 turæ

turæ operationes, non patet, nequè in futurum patebit, semper disputabitur, veritatis autem nequè ulla erit cognitio, nequè vllum testimonium, prout etiam Hippocrates suum Damagetum monebat, & Veteres communiter docebant, dum Minervam, quæ ab ipsis præses sapientiæ exstimabatur, innuptam dicerent, quod & significabant nulli eam viro cognitam esse. *In manibus quæ sunt, hac nos vix scire putandum; Est procul à nobis adeò præsentia veri*; Itaque si naturæ ingenium in membrorum fabrica est, & erit occultum, quid unquam poterit Medico indicare præ fine suo consequendo? maxime cum, quod ignotum est, in alterius notitiam nos deducere non valeat.

Supponatur solidarum partium naturam posse tempore deprehendi, quid inde lucri Medicus obtinebit, & recipiet? partes solidæ in morbis passivè se habent, & sanguis ille est, cæteraquè fluida, & fermenta, quæ principaliter morbos causant, & quibus restitutis, sanitas restituitur. *Nec vitæ solum sanguis author est (dixit Harveus) sed præ ejus vario discrimine, sanitatis etiam, morborumquè causæ contingunt, adeò nobis ex eodem fonte vitæ, & sanitas profluunt*; Convenit Aristoteles apud eundem;

& Au-

& Author libri de flatibus antecedentè scripserat, *contingere ex sanguinis perversione totius omninò corporis subversiones*. Multi alii Philosophi, & Medici idem votum approbarunt; inter Recentiores VVillis constantè asseruit morbos, eorumquè curationes à fermentis dependere. *Quilibet morbus ex eodem virtute fermenti cujusdam suas excitat tragedias; ut enim sanguinis pars sulphurea, & spirituosissima evecta instar vini effervescentis in vasis immodicè ebullit, & exindè febres diversi generis accenduntur, aut interdum cruoris pars salina nimis evecta fluorem patitur, indequè sanguis acidus, austerus, quandoquè & acris factus variis coagulationibus aptus est, è quibus scorbutus, hydrops, nephritis, lepra, & morbi pleriquè chronici oriuntur. Quin & morborum curationes fermentationis ope molimur, etenim prò tuenda, aut recuperanda hominis sanitate Medici ferè idem est, ac Anopola officium, sanguis, & humores aquè, ac vina in equabili temperie, & fermentationis motu conservari debent, quare cum sanguis nimis effervescit, non secus ac vinum è vasis depleri, ejusquè fervor attemperantibus demulceri solet; si quid extraneum, aut heterogeneum ipsi confunditur, sic spontè effervescentis illud foràs eliminabit, pharmaca purgantia, vomitoria, diaphoretica*
San-

sanguinem, & humores exagitando, ac fundendo seclusionem eius promoverent; si quando sanguis depauperatur, & minus, quàm par est, effervescit, cardiaca digestiva, & in primis chalybeata eius vigorem, & fermentationem restitunt. Hæc opinio à Recentioribus ità recepta fuit, ut vix amplius aliquis dubitet, si credamus Dolæo, estquæ ità probabilis sententia, omnia viscera fluidis inservire, ut sanitatem, & morbum ab istis primariò pendere autument, quatenùs propiùs vitæ radicem attingunt, & in partibus solidis non nisi per denominationem adesse; & prout ab illis irrorantur, & diversimodè afficiuntur. Dubitavit etiàm Stenon de vulgata partium, & viscerum dignitate, & non potuit prædictis non adhærere, dùm ait, *certè, si quid ego video, vereor, nè omnia de partium dignitate argumenta oratoria futura;* quamobrèm in sanguinis Anatome, & ceterorum fluidorum semper esse laborandum consului, & præcipuè comparata ad cognoscendam naturam morborum, & remedia detegenda, quod indigitavit Author Dissertationis epistolæ, & nunc iterùm inculcat, tanquàm summum, & præcipuum prò Medicina facienda documentum, sed non consideravit Antagonista, vel fatiùs istud cum multis aliis de industria sicco pede

pede præteriit, ut suas partes junioribus facilius persuaderet, & ut alienæ voluntati promptius obtemperaret, ego autem nihil miror, quia ex Cicerone *nonnulli maluerunt errare cum Platone, quam cum aliis vera sentire.*

Hinc præter Authorem Dissertationis inter Recentiores plurimi veritate coacti apertis verbis convenerunt curiositates Anatomicas, minimasvè Observationes praxi nihil opitulari. Bonetus in Præfatione ad Sepulchretum candidè concedit ex tot observationibus hucusquè factis *antiquam, & receptam medendi methodum ex inde non concuti*: Carolus Sponius eandem veritatem admittit, & Observationes in denatis factas cum subtiliori studio Anatomico comparans ait. *Quod si tali scrutinio gloria debetur, non nè longè majorem merebitur alterum istud, cui litas scrutinii genus utpotè majoris abolla, & ad Medicum potius, quam ad physicum pertinens.* Adrianus Auzotius post inventionem vasorum lacteorum thoracicorum, quæ inter minima inventa non sunt reponenda, hæsitantè scripsit de utilitate, quæ ex multis inventis Anatomicis derivat, adduxitquè virile argumentum, quod Ioannem Bohn, ejusquè doctrinam convellit. *Vix, scripsit, ex plerisque inventis Anatomicis quidquàm in praxi*

necessariò immutandum videas, cùm in plerisque morbis, vel universalia tantum remedia præscribantur, quæ vi incisiva, incrassativa, aliavè facultate alterativa, vel expurgativa eos expellant; vel si peculiaria, & ut vocant, appropriata Medicamenta usurpentur, ea experientia sola, non autem ratiocinio, & ex theoria deductis argumentis tali morbo fugando efficacia innotuerint; undè parum, & nihil intersit, quo nomine morbus appelletur, cui parti tribuatur, quæve ipsius causa fingatur, modo in plerisque tali morbo affectis, seu similia symptomata passis repetitis experimentis constet profuisse remedium, quamvis, quæ id facultate faciat, quove modo, lateat:

Sebastianus Alethophilus, dum Pecquetum hortatur, & impellit ad studium Anatomicum reverà præclarissimum, amænissimum, & jucundissimum. *Nè penicillum, inquit, deponas, nè scalpellum abiicias, & microscopia curiosorum omnium voto communi postulo, priusquàm de usu Hepatis, Lienis, & viscerum cæterorum plura exploraveris, nam segetem superesse observationum uberrimam puto, & erunt forsàn quibus cognitis (utinàm nobis superstitibus talia contingant) iter paretur ad mortem integra bona valetudine jucundius paulò, & diutius expectandam, vel minùs acerbo doloris sensu obeundam; & quamvis*
non-

nondum satis perspecta sit inventorum physiologicorum utilitas in pathologicis, & therapeuticis, nullum tamen bonæ mentis amantem oblectare non debet sui cognitio dilucida, vel nunc paulò clarior facta.

Bartholinus de lacteis thoracicis idem votum sequitur, & ità testatum reliquit; *his igitur, aliisque observationibus admixtis, illustratisque causis affectuum Hepatis, non censemus necessarium veterem, & usu medentium approbatam medendi methodum, vel tantillum immutare, quidquid enim ex antiqua hypothese profuit Hepati, laboranti, proderit & ex nostris inventis. Obstructiones tollendæ, emolliendus scyrrhus inflammationes sedandæ, tota Hepatis intemperies emendanda, & suo nitori restituenda, non quod sanguificatio ibidem reducatur, sed ut separatio, & mixtura sanguinis commodius instituat, quæ eadem remediorum genera, indicationes easdem requirit, quas læsæ sanguificationis munus putativum.*

Bacconus ipse instituto plurimum favere videtur, dùm observat Medicos in curationibus morborum fructu satis tenui adhuc laborasse, licet concedat in disquisitionibus Anatomicis diligentissimos fuisse usque ad curiositatem, ac in minimis quibusque notasse, quæ corpori

humano competunt , àc si dixisset in rebus nullius , vel modicæ frugis prò sanandis infirmis otium , & operam impendisse : multi , & multi lapsi sunt anni , quibus floruerunt Fallopius , Vesalius , Eustachius , Casserius , Fabricius , & alii æternùm memorandi Anatomici , qui suis laboribus , & observationibus rem Anatomicam locupletarunt , & nihilominus praxis Medica tot annorum cursu nihil profecit : tempus præteritum ostendit , quid de futuro sperandum , & tamèn tempore præterito non colligebantur minutia . Fallopius verò , qui hanc veritatem penetravit Petrum Mannam certum reddidit , suas observationes philosophiam illustrare ; ideoquè intèr ultimos Doctores Ettmullerus ingenuè confessus est nullum alium Medicinam practicam progressum habere præter eum , quem Chymici suis laboribus attulerunt .

Demùm tibi non displiceat , Amice , Hermannii Coringii votum audire propriis Authoris verbis relatum . *Quùm autem , cùm de omni alia re , tùm de corpore humano duplex cognitio haberi possit , quarum altera imperfectior , altera verò plenior , & magis perfecta est , & illa quidè in nuda tantùm corporis , partiumquè ejus cognitione consistit , ista autèm hac notitia non con-*

tenta singulorum causas indagat, atque exponit; priorem quidem ad medicinam, posteriorem verò ad naturalem philosophiam spectare certum est ratione non obscura; utpotè quum sine perfecta corporis humani cognitione, quam philosophicam diximus, medicus opus suum exercere possit. Nequènì plena, & perfecta cognitio alicujus subiecti in Artifice requiritur, sed sufficit, si aliquam habeat, & quidem illam, quæ ad opus artis necessaria est, planè quemadmodum Aurifabro sufficit scire, an auram sit ductile, & an ex eo annuli confici possint; quare verò lentum illud sit, & duci queat, causam teneat necessum non est; similis autem ratio est medica circa humanum corpus versanti, multa scilicet de humano corpore sciri possunt, nè tamen sequitur omnia illa ad artem Medicam pertinere, Medico enim sat est, si illa noverit, quæ ad finem suum spectant, &c.

Possent alii Doctores adduci, sed nè tædio, Amice afficiaris, omittuntur, eoquè magis, quia citati sufficiunt ad ostendendum non esse temerariam, & periculosam doctrinam Authoris Dissertationis, sive secundum priscos rationales Medicos, sive Empiricos, Methodicos, & Chymicos, sive secundum plurimos Recentiores, qui nullatenus sub aliena umbra latent, qui in suis operibus non lenocinia

appetunt, sed remedia, quæ non tam otiosorum auribus placeant, quàm ægrotorum corporibus profint, quiquè rerum magis, quàm verborum amatores utilia potius, quàm plausibilia sectantur, nequè id quærunt, ut inanis sæculi ornamenta, sed salubria rerum emolumenta detegant, & insinuent, memores utilis præcepti Apuleii, qui in emend s equis non esse phaleras considerandas, nequè balthei polimina inspicienda, nequè ornatissimæ cervicis divitias attendendas indicat; si, inquit, *ex argento, & auro, & gemmis monilia variæ gaza dependent, si plena artis ornamenta capiti, & collo circumjacent, si frana calata, si ephippia fucata, cingula aurata sint, omnibusquè istis exuviis amotis equum ipsum nudum, & solum corpus ejus, animumquè contemplari debemus, ut sit ad speciem honestus, ad cursum vegetus, & ad veturam validus.*

Ut autèm veritatem hanc funditùs cognoscas, ex Dissertatione repetendum est tria prò praxi Medica ex Anatome desumenda esse, Situm scilicèt partis, Connexionem & Vsum, & cùm de primis duobus nulla esset difficultas, de usu particularitèr verba sunt facta, & hoc argumentum propositum fuit. Aut Medico practico est necessaria cognitio usus partium
cor-

corporis humani prò sua praxi instituenda , & exercenda , aut non ? si primum , illicò succedit quærendum quid huic rei subtilior profit Anatome ? si constabit hanc respectu multorum viscerum illum non manifestare , in ordine ad eandem sequetur minutam Anatomem prò Medica praxi nō esse necessariam ; exempla sunt allata , in Iecore , Testibus , Mammis , Renibus , & quæ omnes partes suum antiquum retinent usum , etiamsi varii Recentiores easdem intimius fuerint perscrutati , nonnullaque in eisdem deprehenderint Veteribus , ut ipsi asserunt , ignota ; deducta fuit proindè hæc conclusio ; igitur si Anatomia subtilior est necessaria ad praxin ob usum , praxis à diligentiori Anatome nihil lucrabitur , quæ diversitatem usus non infert . Successivè ad illa viscera me contuli , quæ in schola veteri unum usum censebantur habere , præsentis tamèn ævi diligentia eundem eludit , alium non addendo , & quamvis communior opinio fuerit exclusa , Recentiores tenebras nō dissiparunt , ut in Thymo , Pancreate , &c. notum est , in quibus observationes factæ communiora de istis visceribus everterunt cogitata , sed non aperuerunt veriozem , quem habuerit in istorum fabrica natura finem ; inferatur itaque si

Medico practico est necessaria cognitio usus partium prò suo munere feliciter administrando, ab illa Anatomia, quæ non proponit verum usum, licet ab aliis assignatum excludat, Medicina practica nullam utilitatem recipiet: si secundum, id est si non est Medico practico necessaria cognitio usus, nemo dicet laborandum esse in subtiliori Anatome prò locupletanda Medicina practica, etiamsi nobis aliquem usum demonstraret; quocirca Ioan. Bohn male dicit, *mox statum controversiæ mutat asserens nec usus partium cognitionem ad sanandos affectus præternaturales adeò simpliciter necessariam esse, secus Medicus nunquam sanaret liene, pancreate affectos, &c.* Cum status controversiæ sit, utrum subtilior Anatome, & per Microscopium quæsitæ partium structura sit utilis, & necessaria Medicis practicis prò cognitione morborum, & remedium inventionem, undè quotiescunque afferuntur motiva, quæ ostendunt eandem Disquisitionem veros usus non detegere, aut si ex hypothese manifestaret; Medicum curantem independentem ab his posse sibi satisfacere ob communitatem morborum, ideoque nunquam limites controversiæ exceduntur.

Ulterius examen Prælectionis audire, nè
de-

dedigneris , Amice , docet ejusdem Author Anatomiam minimam non esse spernendam , licèt usum non patefaciat , cùm quod Deus , & natura nunc huic , vel illi denegant , alii nonnunquàm scrutatori reservent , ut prior texturam tantùm , seu naturam hujus , vel illius rei , alter demùm usum reperiatur ; assertit prò hujusce rei fundamento multas instantias . De Anatomicis ego potissimùm sollicitus sum . Tubarum uteri structuram accuratissimè tradidisse Fallopium tam in observationibus , quàm in Institutionibus asserit , in functione determinanda eundem hæsitavisse ex ejusdem verbis ostendit . De Ductu pancreatico , Liene , corpusculis Linguae cuspidatis , & ductibus salivalibus mōx instat ; non advertit autem questionem motam esse de præsentī , non de futuro , quod ipsi , & aliis est obscurum , & quod caliginosa nocte premit Deus ; mōx adverti similiter multa supponere tanquàm vera , & indubitata , quæ adhuc sunt multis difficultatibus involuta , & valdè abscondita ; cui bono sint formatæ tubæ nostris diebus non constat , & errant maximè moderni Anatomici in hypothesis testium muliebrium , quos convenire cum ovarijs oviparorum malè sentiunt , prout inter ipsos Recentiores multi , & multi mecùm
arbi-

arbitrantur , & ego in particulari Opusculo ,
 divino annuente Numine , maximam impro-
 babilitatem opinionis & rationibus, & experi-
 mentis Anatomicis demonstrabo . Altera in-
 stantia de ductu VVirfungiano similiter man-
 ca est, ac si non præfuisset cathedræ, & theatro
 Anatomico per viginti tres annos Prælectio-
 nis Author, quia nec Mæbius, nec Syluius, nec
 quotquot scripserunt de hoc argumenro, cali-
 ginem abstulerunt ; adhuc ignorant scholæ
 quare Pancreas sit formatum, cujus naturæ sit
 lymphæ, quæ in eo secernitur ; quare ad inte-
 stina transmittatur ; variæ hinc indè excitantur
 opiniones, sed nulla est, quæ gravissimis
 non involvatur nodis ; quot sunt Doctores,
 tot sunt sententiæ ; usquè ad annum 1644. scri-
 ptores silentio prætermiserunt usum, ità te-
 statur Plempius, *quod istius doctus officium sit,*
nec dum à quoquam est proditum . Postea Folius,
 Veslingius, Bartholinus, Lindanus, VVar-
 thonus, Sylvius, Horstius junior &c. diversa
 cogitaverunt, nec finè formæ dñe de opposito
 recepta ; ità ut VVarthons candidè monue-
 rit prædictas opiniones esse sublestæ fidei . Hi
usus, aliquè consimiles difficultatibus gravissi-
mis urgentur alibi, Quisnam autem humor parti-
cularis hic loci separetur, dictu haud ità facile est ;
 Se-

Sequitur Bartholinus in Bartholiniana, *usus
quis sit, valdè adhuc dubium.* Tulpus, Bone-
tus, & alii plures evidentèr docent nihil certi
constare de fine istius partis, quæ opinionum
varietate labefactata magis, quàm discussa;
& si hæc non sufficiunt prò statuendà obscuri-
tate discat ex Arnobio ipse Bohn, *non posse ali-
quid sciri, ex ipsa dissensione monstrari,* senten-
tiarum diversitas cuncta incerta facit. Dubi-
tari amplius potest, nùm subtilissima Pancrea-
tis sectio, & microscopica ejusdem perqui-
sitio nobis indicare valeat usum, cùm po-
tiùs ex fluido proprio, quàm ex atoma ejus-
dem structura debeat cognosci, quod sinè con-
stantia admisit Joannes Bohn, quæ considera-
tio valdè potens est non solùm prò Pancreate,
sed etiàm prò multis aliis partibus, quarum
usum aperire debet fluidum proprium, non
minima sectio; quæ verò non habent fluidum
proprium, suam naturam, & essentiam ex
operatione, non ex fabrica ostendunt, ut Ari-
stoteles docuit, & post Aristotelem Galenus
diversis in locis. Aliæ, quæ sequuntur instan-
tiæ de Liene, corpusculis Linguae cuspidatis, &
ductibus salivalibus non procedunt uniformi-
tèr cum duabus præmissis, de quibus sui Au-
thores aut hæsitaverunt, aut nihil dixerunt, de
his

his autem, quæ succedunt confidentèr de usu, post structuræ examen verba fecerunt: hoc est primæ duæ instantiæ fuerunt adductæ, ut constaret unum ab uno, aliud ab alio Anatomico cognosci, nempe structuram uni apertam fuisse, alteri usum; cæteræ non ità se habent; etenim qui Linguam, Lienem, & Glandulas salivales examinarunt, etiàm firmitèr de usu pronuntiarunt, à quo si verioremas sequi semitam, plerumquè recedendum penitus est; quidquid itaque sit de connexionè sermonis Joannis Bohn, nè credas, Amice, hunc Authorem rectà incessisse adhærendo suppositis usibus corpusculorum Linguae cuspidatorum, & Lienis, tum quia Zootomia majori ex parte oppositum demonstrat in organo gustus, tum quia observationes Anatomicae, & præcipuè de vasis ad Lienis portas filo innodatis palàm determinant Splenem prò Hepate nihil discernere, de qua re alibi, & prolixè: per hæc tempora sciat ipse Bohn quæstionè de usu Lienis augurio Karletoni ad feros etiàm posteros indecisam descendere. Vasa salivaria nihil innovant, istorum enim notitia vetustissima est, sicut & multarum aliarum rerum, quæ prò novis imponuntur, quamvis sæculis elapsis fuerint à viris præclarissimis, & diligentissimis.

tissimis cognitæ, & publici juris factæ, & so-
 lum ab illis, qui ultimos libros, ultimosquè
 Authores legunt, & adorant, ignoratæ; quod
 pejus est calumniis, & contumeliis illos, à qui-
 bus acceperunt, gratis prosequuntur; hanc
 esse congenitam Medicis notam, & origina-
 lem labem tutò arbitreris; etenim legere est
 apud Massam, suo etiàm tempore Medicos
 hoc unum ingenii specimen dedisse. Galenus,
 Avicenna, Halyabbas, Zerbis (qui memorat
 glandulam, & reddituum vas nomine venu-
 æ à Galeno expressum de semine) Berenga-
 rius, & omnes ferè amplissimam salivalium
 vasorum mentionem fecerunt, immò Chi-
 urgi hoc utile præceptum attulerunt, nè sci-
 cèt orificia istorum vasorum lædantur, data
 occasione alicujus operationis ob necessarium,
 qui sequitur ptyalismum, *interdum*, inquit
 Berengarius, *aliqui Chirurghi ignorantes aliquod*
modus manuale faciendum in isto loco incidendo
periunt talia orificia; talitèr quod suæ pellicula
non possunt postea claudi tempore debito, & tunc
perpetuò, velint nolint, patiens ille semper est
in ore pleno sputamine, & ego habui tales casus
ex manibus; etenim non solum observaverunt
 ascula, sed etiàm pelliculas, quibus orificia
 periuntur, & clauduntur, instar marsupii.

Si-

Similem utilitatem nunquam Medicus in praxi ex cognitione nervearum cuspidum in lingua consequi potest, etiam data neoterica suppositione, quam falsam esse ex opusculo promisso cognosces, quia semper læso gustu linguæ nervi, vel totum inspicitur, & illa particularis fabrica, quam sibi vendicant Recentiores, nihil prorsus praxin moderatur, aut limitat; hæc exploravi auctoritatem Fabricii in appendice Pentateuchi Chirurgici de vulneribus genarum, & non possum convenire cum Joanne Bohn, ipsum Fabricium indigitavisse ductum salivalem externum, dum in vulneribus genarum observavit, *versus autem foraminulum angustissimum vix oculis conspiciendum apparere, per quod potissimum, ubi patientes mandunt, tanta copia exit limpida aqua, quæ est veluti lachryma ab oculis emissæ, & durat aliquando unum, aliquando duos menses, unde, & quomodo effluat ego certè nescio*, ita scribit Fabricius, qui, si confitetur propriam ignorantiam non percipio, quomodo prædictum ductum potuerit indigitare, seu digito, aut quasi pen-nomen ostendere, potius ad omnes glandularum ductus inveniendos, impulit Marinus in libro *de eo quod à glandulis est, vase*. Et ejusdem distinctio de glandulis raris, quas con-

glo-

glomeratas vocant nuperi Anatomici, & ad irrigandas partes institutas esse dicebat. Historia verò istorum ductuum melius tibi constabit ex opusculo de Glandulis brevi edendo ad manifestandum contrà communioem Modernorum sententiam, Glandulas non eo fine formatas à natura fuisse, ut tantum secernant instar cribri objectum, sed ulterius, ut in iisdem elaboretur, & producat quidquid excernitur, & reducitur. In eadem historia adducuntur aliæ observationes unâ cum singulari thesapeja necessaria ad impediendum cursum feri, tantus enim à Parotide conglomerata, strumosa, & ulcerata erumpit, inter mandendum potissimum, aquæ proventus, ut vix compesci possit, quemadmodum sæpius vidi, & particularia remedia annotavi, quæ quamprimum tibi communicabo.

In progressu Prælectionis stupefcit de opinione Authoris Dissertationis toties repetita Joannes Bohn; *Stupefco interim Anatomicum hunc affirmare omnino frustraneos, ac infelices fuisse omnes nostri ævi Anatomicorum conatus.* Sed majori fundamento ego obstupefco, quòd iste vir non legerit eandem doctrinam utilem, & necessariam prò praxi apud celeberrimos Doctores, quodquæ non distinxerit Anatomiam

iniam medicam à philosophica, & confuderit semper unam cum altera, cum maximo Lectorum, & præcipuè juniorum detrimento; qui volunt ægros curare, debent morbis, & remediis studere. *Non est sapientis Medici, ut Sophocles cecinit, uti cantionibus in ulcere, quòd ferrum desiderat*, & fortè illa duo non requirunt totum hominem toto suæ vitæ cursu? Helmontius de sola cognitione, & præparatione simplicium hæc habet. *Nàm reverà cognitio, & philosophica preparatio Simplicium totam totius hominis vitam propemodum sibi requirunt*. Cætera non reprobantur nisi ratione fiat, & temporis, quòd cum brevissimum sit, in aliis rebus curiosis non est continuò terendum. Aristomachus laudabiliter incæpit apibus animum admoveere ad attingendam earum naturam: sed quod sexaginta duos annos in hoc studio laboraverit laudem non meruit; similiter peccant Medici, qui practici sunt in Microscopicis corporum observationibus totam vitam agentes, ac si quæ ad artem necessario spectant, essent perfectè cognita, & ars nullo in essentialibus indigeret incremento.

Admittit successivè Mamillarum, ac Testium virilium usum ex Neotericorum Anatomæ

tome haud novum prodiisse ; poterat addere hoc idem de Renibus , Hepate , & aliis partibus , & sinè verbis dubitativis (*forsàn omnes fatemur*) quod est apud omnes indubitatum affirmare ; illcò transit ad Testes muliebres , quos esse vera ovaria ignoravit Antiquitas , hinc patet facit novos usus apparere ex minima Neotericorum Anatome . Sanè hypothesis de ovo in viviparis est ità incerta , difficilis , & infida , ut plurimi Scriptores moderni oppositum viriliter sustineant , & ego sum in eadem opinione in viviparis ovum ad uterum non deferri , prout suprà promissum est . Considero amplius multos graues Anatomicos Fallopium , Platerum , & alios vidisse illud corpus , quod nonnulli hodierni Anatomici vocant ovum , sed non docuerunt esse ovum ; quare Recentioribus tantum relinquitur usus falsus , seu non probatus , & à magni nominis Authoribus rejectus . De Hepate nullus dubitat , quin inter Veteres major pars Doctorum ipsi tribuerit hæmatosin , sed alii independentè ab Anatomicis tentaminibus Pecqueti , Hornii , Thomæ Bartholini , &c. solam ipsi assignarunt bilis separationem . Legat , si placet , Ioannes Bohn Galenum seu Authorem de Theriaca ad Pisonem . *Nàm quando fortis natura fuerit ,*

tunc & venter expeditè cibos concoquit, & venæ sanguinem faciliè producunt, & Jecur promptè bilem fecerit, en usus Hepatis separatorius biliss tantum, & sanguificatio in venis, undè benè scripsi Hepar bilem à sanguine segregare nonnunquam docuit Galenus, nec aliud post tota sæcula, experimenta, lucubrationes in Medicis palestris innotuit. Hippocrates etiàm seu alter priscus Author de morbis hoc ipsum adumbravit. Sed locus Authoris ad Pisonem est perspicuus, & sua structura usum confirmat, quàm Erasmus Bartholinus excitavit, dùm in Hepate suillo cocto cubicæ, vel rhombicæ figuræ particulas commissas vidit, & ante hunc Saltzmanus, qui in eodem viscere multa tubercula, ceu glandulas notavit, & nuperrimè V Vepfer, qui in Hepate pariter suillo compositionem ex innumeris glandulis vidit, quidquid scripserit V Varthonus.

Deinceps conatur evincere ex Vasis lymphaticis serum sanguinis non esse hujus vehiculum, multò minùs recrementum, nec non per Modernorū frequentiores sectiones valvularum Cordis, Intestinorum, Mammarum virilium, Vasorum pulmoniacorum sanguiferorum, Glandularum, Tubarum Vteri, Pancreatis, &c. functiones genuinas esse observatas,

vatas, è contra monet ad usus, quos ignoramus Ad. pis, Omenti, Glandularum renalium, Lienis, Intestini cæci investigandos non esse damnandum Microscopicum laborem. Multa hic occurrunt, quæ nullatenus sunt sicco pede prætereunda. Nunquàm Microscopicus labor reiicitur, solum non sufficere dicerem ob æquivocationis metum, in iis potissimum, qui plaudunt in re ficta, nec non in viris fortis imaginationis; proindè, nisi studia abeant in mores, dubitarem, an semper sit fidus Microscopii usus, & an hoc, quas ignoramus partium functiones, sufficienter valeat detegere, sicut exemplo Pancreatis dictum est suprà; insupèr laudat suprà felicitatem Syluii, & Mæbii prò usu Pancreatis, nunc frequentiores sectiones ad eundem inveniendum proponit; alibi ex fluido quærendum esse contendit, æqualis est inconstantia Anthoris, ac sit inanis felicitas Syluii, & Mæbii. Quæ afferuntur de Vasis lymphaticis motiva, nimis confidenter proponuntur, & quot sint de Lympha opiniones, nolo Anatomico plurimorum annorum obiicere, quæ de Valvulis Cordis, Intestinatorum Glandulis, Tubis Vteri, &c. dicuntur usum medicum cum Galeno excedunt, & nihil mutant in praxi, exacta cognitio usus

Valvularum Cordis quid prodest Medico curanti in morbis Cordis prò cognitione morbi, & remedii ? fallit etià , quandò existimatur per Modernorù frequentiores sectiones Valvularum Cordis usum innotuisse, nàm Galenus loquens de eisdem totum id, quod Recentiores cogitarunt, ad amussim cognovit, & scripsit. *In omnibus, inquit, vasorum à Corde proficiscentium orificiis membrana alia, aliis invuentes extiterunt, & artificio constituta, ut si tensæ simul fuerint, steterintquè erectæ, totum orificium obstruant, omnis autèm ipsarum omnium est usus, ut materias remigrare retrò prohibeant, utrarumquè verò proprius, educentium quidèm è Corde materias, nè ad ipsum amplius remeant, inducentium verò, nè amplius ex ipso effluant, non enim volebat natura vano labore cor fatigari, nequè in eam partem aliquandò emittere, unde trahere præstiterat, nequè rursus ex illa identidem ducere, ad quam mittere erat necesse.* Innumerii alii Doctores hoc ipsum asseruerunt, inter quos Cæsalpinus, quandò circulationem sanguinis propugnat, 2 Quæst. medic. libro 17, & 5 peripat. 4 quibus etià in locis evidens est usus Vasorum pulmoniacorù sanguiferorum. Venæ arteriosæ, & Arteriæ venosæ, illam portare perpetuò in Pulmones, hanc ex Pulmoni-

bus

bus in Cor sinè difficultate asserit. Huic sanguinis circulationi ex dextro Cordis ventriculo per Pulmones in sinistrum ejusdem ventriculum optimè respondent ea, quæ ex dissectione apparent, nam duo sunt vasa in dextrum ventriculum desinentia, duo etiàm in sinistram: duorum autèm unum intromittit tantùm, alterum educit membranis eo ingenio constitutis; vas igitur intromittens vena est, magna quidèm in dextro, quæ cava appellatur, parva autèm in sinistro ex Pulmone introducens, cujus unica est tunica, ut cæterarum venarum; vas autem educens est Arteria magna quidèm in sinistro, quæ aorta appellatur, parva autèm in dextro ad Pulmones derivans, cujus similiter sunt dua tunica, ut in cæteris Arteriis; putaverunt autèm Medici usum hunc non videntes commutata fuisse vasa in Pulmone, ut Arteria quidem similis esset Venæ, Vena autèm similis arteriæ, appellantes Venas vasa omnia, quæ in dextrum ventriculum desinunt, Arterias autèm, quæ in sinistrum; figmenta multa, & absurditates excogitantes, ut usum invenirent; pulsatur igitur in Pulmone vas dextri ventriculi; hoc enim à Corde recipit, ut Arteria magna, & similiter fabricatum est ejus corpus; vas autèm sinistri ventriculi non pulsatur, quia introducit tantùm, & ejus corpus simile est reliquis Venis. Hæc impressa fuerunt

Venetis apud Juntas anno 1593. quomodo itaque verificari possunt, quæ in Prælectione sunt, per Modernorum scilicet sectiones frequentiores valvularum Cordis, & vasorum pulmoniacorum sanguiferorum functiones genuinas fuisse observatas? post hac distinguat quæso Joannes Bohn, quæ sunt attribuenda Modernis sectionibus, & quæ non; nec instar Medicorum se exerceat in circulo, sed in progressu, & sine confusione procedat, quæque ad praxin pertinent, sejungat à curiosis. Obter quia de vasis Pulmonum sanguiferis sermo habetur, rogo Ioannem Bohn, iterumque rogo, ne graveretur legere Galenum de locis affectis, ut ulterius videat, quam diligentes fuerint Veteres in vasorum istius visceris sanguiferorum examine, & Ruyschium solum nomen addidisse. Historia generalis omnium partium corporis humani, quæ nunc elaboratur, hæc omnia cum utilitate Cathedræ patefaciet, onomatopæjam demonstrabit, & unicuique quod suum est tribuet, & notanter dicitur cum utilitate Cathedræ, quia plurima, & plurima sunt, quæ Medicum quidem faciunt doctiorem, non autem peritiorem, unde sophistica illa vocabat Galenus, quæ nihil ad melius faciendum conferunt, quod præceptum debet di-

diligentè attendi à Joanne Bohn, quia aliud est Authores similes perquisitiones, & materias universalitè reprobare, aliud prò Medicinæ practicæ basi nihil easdem considerare: Primum non legitur apud aliquem sensatum virum, benè secundum. Videat Cardanum in suis libris Contradic. Medic. & multis in locis inveniet ad Medicum practicum nō pertinere multas quæstiones, etiamsi Physiologicae sint. Idem sentit Hofmannus, & in Apologia prò Galeno, & in Diatriba de usu Cerebri, & communiter Doctores; ipse etiā Cicero in 3. de oratore dicebat; *omnes artes aliter ab iis tractari, qui eas ad usum transferunt, aliter ab iis, qui ipsarum artium tractatu delectati nihil in vita sunt aliud acturi*; quæ omnia expressè pugnant contrà Joannem Bohn, tantoperè Physiologiæ tribuentem, ac si omnia, quæ propriè Physiologica sunt, ad Medicum practicum pertinerent. Physiologia est studium naturæ indagandæ, hoc autem Medicus, ut Medicus universalitè non respicit, sed tantum quatenus morbis, & remediis inservit, & est idem ac dicere in illis laborare debere, quæ Physiologiam medicam exornant, non ergò benè infert, observationes Anatomicæ minime ad œconomiam corporis humani faciunt,

scù ad Physiologiam explicandam; hæc est basis Medicinæ practicæ, quare & observationes minimæ erunt praxeos fundamentum; qui nō distinguit paralogismum in hoc argumento, nō meretur nomen Medici. Si Medicus universam Naturam mente occuparet, expediret; sed minimas, & atomas corporis humani particulas prò hoc statu necessariò cognoscendas esse prò curandis ægris hoc semper impugnavi, nec meus Antagonista propugnavit, strepit quidè, ac si Natura nostris diebus esset percepta, verum mihi parcat, omnia hæcenus sunt sub iudice, incerta, dubia, sinè evidente fundamento prolata.

Addidit non sufficere nosse Renes lotium secernere, nisi simul constet de modo secretionis, id est hanc fieri per glandulas, & canaliculos, ex quibus Renes componi non cognovit Galenus, benè Eustachius, post quem alii confirmarunt. Hoc admirabile documentum est, Galenus de vocalium instrumentorum dissectione idem sensit, dum ait. *Quicumque curaturus est, causas is tum actionum nostrarum secundum naturam, tum affectionum præter naturam, ut illas servare, has è corpore ejcere possit, cognovisse debet; modos item, secundum quos actio fit, & locos in quibus, & instrumenta per quæ actio.*

actionis enim modus cognitus promptiores nos ad opitulandum reddit, nimirum qui natura opera imitemur; locum localiter opitulari nos docet, ne illas particulas tanquam affectis frustra molestiam inferamus, affectisquæ tanquam sanis non opitemur; instrumenta deniquè propriam, ac suam cuiusquæ ostendunt curationem: alio enim modò nervus affectus, alio cartilago, & alio carnosum genus curatur. Ferè idem proponit de difficultate Respirationis. Ob id cognitio ejus, quod secundum naturam habet, à veteribus Medicis omnibus investigata est, cum ob alia multa, tum nihilominus indicationis eorum, quæ præter naturam sunt, quandoquidem enim unum est, quod secundum naturam se habet, atquæ id velut regula, & mensura, & sibi ipsi simile existit. Scripserant prius hoc idem Authores de Arte, & de Flatibus, & naturam à Medico cognoscendam esse scribit Hippocrates in 1. Epidemiorum. Morbos dignoscimus edocti ex communi omnium natura, & ea unius cuiusquæ propria ex morbo, ex agroto, & ex his, quæ offeruntur, & ex eo, qui offert.

Verum in utroquæ Authore non desunt contrariæ authoritates. Galenus in 3. de locis affect. quandò refert opinionem illorum, qui pro curanda pleuritide autumant nihil ad rem per-

pertinere cognoscere, utrùm Pulmo secundum fibras necessariò afficiatur, an tunica succingens, an alia quædam laterum particula, ait. Igitur quid vel Hippocratem, vel alium quempiam illo priorem induxerit, ut hæc inveniret auxilia, se penitus ignorare, satis ipsi esse, si jam dictis remediis commodè utatur, id, quod alios quoquè artifices facere videmus; nequè enim faberlignarius, sive ararius, sive cerdo, quo pacto artes sue fuerint inventa inquirunt, sed à præceptoribus edocti usu eas probant, & confirmant, atquè sic clarum nomen assequuntur. Equidè ut verū fatear, cum Medicos talia proferentes, qui se Empiricos ab experientia nominant inducor certè, ut probabiles putem eorum rationes, videnturquè mihi dogmatici contra illos parum idonea se responsione tueri. Galenus hoc sermone laudat Empiricos, qui sinè Physiologia artem exercuerunt, licèt Rationalium Pontifex extiterit. In eodem libro admittit primum animæ instrumentum esse spiritum in ventriculis contentum, maximè in postremo, in praxi verò concludit, verùm exacta horum notitia ad curationis inventionem nihil ferè conducit, nam satis fuerit ad probè curandum nosse sedem affectam esse Cerebrum, atquè in ejus ventriculis humorem crassum, vel viscidum comprehendere: Non recedit

n 2. de loc. affect. dum ait; ob hac autem ipsum
 exactè definire utrùm Cerebrum, an membrana ip-
 sius primitivè afficiantur, haud magnam utilita-
 tem asferre potest, in utraqùe enim dispositione ca-
 piti auxilia adhibentur, igitur huic rei non ita ve-
 hemens studium adhibere oportet, paulò inferiùs,
 quum itaqùe & Cerebri, & membranarum ejus
 idem morbi simili curatione indigeant, logica
 magis, quàm ad curationem utilis esse videtur
 quaestio in utrolibet illorum contineatur Princeps
 anima facultas.

Demum in lib. Hippocratis de ratione vi-
 tus in acut. à veritate coactus idem cõfirmat.
 & scribit, nempe morbos rectè curare, & sanare
 est Medicis ex faciendorum cognitione, & non
 ex investigatione causæ, ob quam sunt controversi,
 qui varias in hujusmodi morbis scripserunt cura-
 tiones. Ex Galeno itaqùe habetur oppositum,
 ut superiùs dictum est; & quomodò curavisset
 ipse Galenus, si illa omnia, quæ in libro de vo-
 cal. instrum. dissectione referuntur, essent ad
 curandum necessaria, quoniàm ipsum Gale-
 num multa, & multa fugiebant, immò majo-
 rem partem aliorum Medicorum, qui nihilo-
 minus in morbis expellendis fuerunt, & sunt
 maximè felices; ratio est, quia, ut Hofmannus
 observat, ad curationem nihil facis plurimarum
 re-

*verum distinctior doctrina etià si sit digna liberali homine inquisitio, quod nunquàm negatum est, sed ad Medicum pràcticum, ut pràcticus est, non spectare dictum, & repetitum est. Medici antiqui tanti habiti sunt apud homines, ut non solum primas in civitatibus, & regnisterent, Regibus, & Principibus imperarent; sed etià summus honos, Diisque solis pràstari solitus tribueretur; quærit rationem Martianus, & respondet admiranda circa ægrotos & pràstitisse, & pràdixisse, & im illis deficiebant huiusmodi subtilitates, è contrà mirum non est, si nunc res diversimodè se habeat, quandò nec in curando, nec in pràdicendo quidquàm spectabile pràstant nostri, cùm ea faciant tantummodò, & dicant, quæ & ipsis idiotis sunt manifesta; maximo jure ità sentit Martianus, quia exceptis quibusdam & nauci pulveribus, nihil aliud præscribunt quàm plures Medici, & in Prognosi nullam omninò cognitionem habent, totum tempus in minutis Anatomicis conterentes, & recti similitudine Juventutem detinentes; amplius asserentes si quid invenerint, hinc veram medicinam oriri, pràteritosquè Veterum labores esse cassos; aptantur huic morbo, quæ leguntur apud Bynetum. *Tota turba, quam vides, est illorum, qui**

qui heri nati, & nudius tertius, cum unam quaestiu-
 tiunculam, aut duas controversias intelligere se
 arbitrantur, solos se sapientes putant, & antiqua
 nunquam consulunt, sed damnant; nec opponat
 Joannes Bohn iudicium Solenandri de do-
 ctrina Galeni, videlicet. *Galenum, qui uberri-*
mo ingenio fuit, & oratione liberali ferè prodigus,
innumeros propè conscripsisse libros, in quibus re-
rum, & dogmatum multitudine plurima sunt discre-
pantia, nèc sibi ipsis cõsentientia, quæ, si quis atten-
dè cum iudicio legit, si quis diligentèr in unum
colligit, ingens chaos agnoscit. Nam & Hippo-
 crates, quem prò se adducit, nèc sibi constat,
 nèc suam intentionem probat; loci de arte,
 & de flatibus parùm ipsi Bohn favent, sive Hip-
 pocratis, sive alterius vetusti Authoris fuerint
 (non enim ex Lemosio prædicti libelli magni
 Hippocratis sunt) Axioma primi loci *Medicus*
iquidem suffecerit ad cognoscendum, sufficiet ad
curandum, non est Medici curantis; sæpè co-
 gnoscitur causa morbi, & remedium quæritur,
 sæpè affectus sunt manifesti, & ægrotantes in-
 tereunt, nèc sufficit ulcera in Pulmone, & cor-
 nea cognoscere, ut sanentur, sicut dictum est
 suprà. Alter locus ex lib. de flatibus desum-
 ptus, nihil est ad rem, ità vertit Zuingerus,
si quis causas affectionis probè cognorit, facultatem
 habet.

habebit offerendi ea, quæ corpori conferunt ex eorum, quæ morbo contraria sunt, cognitione; quibus verbis ille Author nihil tangit controversiam; proponit, inquit, Zuingerus, ut uno dicam verbo, contraria contrariorum esse remedia, hoc est eorum, quæ contrà naturam sunt, expulsionem sequi restitutionem eorum, quæ secundum naturam sunt; & ità legit etiàm Foësius, verùm de his ne sis sollicitus, ac si non essent scripta; supponantur authoritates Hippocratis, & instituto favere; de locis in homine à supposita regula recedit, ars Medica ex Foëzio, ut citò discatur, fieri nequit proptereà quod in ea firma aliqua doctrina tradi non potest v. g. qui uno modo, quem docent pingere didicit, omnia novit, & qui sciunt omnes, eodem modo, ideo quod idem est, & eodem modo fit, & tunc, & non nunc, nequè contrario modo fieri potest, sed semper merito simile est, nequè temporis occasione opus est, ars verò Medica, & nunc & paulò post non idem facit, & sibi contraria facit, eaque sibi ipsis contraria, hoc est curat quandoquè per contraria, quandoquè per similia, ut exponit Marinellus, recedit similiter de prisca Medicina, ubi habetur Medicum esse posse, qui non noverit, quid homo sit, & quæ ejus generatio, & compositio, qui locus in prima etiàm Dissertatione proponitur, & non

ex-

explicatur ab Antagonista ; recessit paritèr
 de morbis, ubi explorantur ea, quæ in sanan-
 dis corporibus Medicum animadvertere de-
 cet, inter quæ est subiectum, sive corpus, quod
 considerandum est, *calidum sit an frigidum, siccum, an humidum, fortè, an debile, densum, rarum*. Nequè opus est obijcere, penetran-
 dam esse Medico naturam, nàm hæc Medicè
 Medico cognoscenda est, non omni modo,
 sed prout ad Medicum pertinet ; explicat Hip-
 ocrates qualitèr cognitio naturæ ad Medicū
 pertineat non solum loco citato, sed de prisca
 Medicina, ubi inculcat naturam cognoscen-
 dam esse, quatenus afficitur ab iis, quæ extrin-
 secus ei offeruntur, tum alimentis, tum Medi-
 camentis, v. g. à caseo, quem alii tolerant,
 alii non, à melle, ovis, & huiusmodi, ideoquè
 necesse est scire, *quid est homo ad ea, quæ come-
 duntur, & bibuntur, comparatus, & quid utiquè
 ab unoquoquè continget, & accidet* ; sic natura co-
 gnoscenda ex Hippocrate, aut alio prisco Au-
 thore, non ex minuta Anatome, quæ prædi-
 ctas proprietates, & idiosyncrasis ad Medici-
 nam practicā spectantes aperire nequit. Hanc
 fuisse mentem Hippocratis testantur Galenus
 de arte curat. ad Glauconem, Eoesius, Heur-
 nius, qui particularitèr ità loquitur. *Ità natura*

*nosceda humana, ut noscat à quibus, quomodo
afficiatur, ut à casco quod affligatur, deinde cū
itā à casco percellatur, cū interīm plurima reli
qua sint esculenta mala, quæ alio tamē modo la
dunt; ideoquē Hippocrates docebat naturas
esse diversas, & Quintilianus, nihil in rebus
humanis voluisse naturam esse tam simile
quod non aliqua proprietate fecerneret, &
hanc cognitionem ex Anatome non posse de
duci, idē Orator ostendit. Apud Hippocratē
& communiter Medicos nomen naturæ multa
indicat, temperiem videlicet, consuetudinem,
calidum innatum, formam, & habitum cor
poris, seu structuram, & compositionem, quæ
intelligunt crassitiem, tenuitatem, pinguedi
nem, & macilentiam, & itā Hippocrates au
diendus est, quandō dicebat maximē morie
bantur, quibus natura vergebat ad phthisin.
Ex his omnibus patet Veterum authoritates à
meo Antagonista labefactari, & extrā pro
prium, & genuinum sensum adduci.*

Potissimum quod ponderandum venit, est
Joannem Bohn maximē confundere modum
operationis cum parte, sunt enim duo in Re
nibus toto coelo inter se distincta, partes, quæ
separant urinam, & modus, quo separatur
urina, ex quo enim Medicus cognoscit hanc

separationem fieri per Glandulas, & canaliculos, non statim cognoscit modum, quo separatur in Glandulis, & canaliculis; malè itaque scripsit, *nequè sufficit nosse Renes lotium secernere, nisi de modo secretionis simul constet i. e. fieri hanc per Glandulas, & canaliculos*; potius erat dicendum, nisi simul de parte separante pateat, quia modus separationis est quid aliud à parte distinctum, & adhuc non constat, licet Glandulae supponantur, & hæc obscuritas non solum est in Renibus, sed in omnibus partibus, in quibus separationes fiunt. Præter hanc animadversionem quærendum est amplius cùm Medicus prò corrigendis Renū morbis teneatur scire secretionē in Renibus fieri per Glandulas, & canaliculos; scripsi, & prò veritate scripsi Renes in Veterū scholis fuisse secretionis urinæ instrumenta; scripsi hunc usum non fuisse immutatum à diligenti Neotericorum Anatome, consequenter in suppositione quòd usus cognitio sit necessaria Medico practico, praxin nihil acquisivisse à subtiliori Anatome, quæ diversum usum non manifestat; nequè innuam hanc illationem sua hypothesi identè Bohn sibi persuadens ex illa explicari posse, quid sit Renum imbecillitas, quæ Diabetis causa, & medella, quia quidquid sit de modo ex-

plicandi diverso, de quo non est lis, constanter teneo hanc cognitionem non esse necessariam Medico curanti, & præter id, quod in Diabete totum etiã patitur, quandò cognitio non transfertur ad usum Medicum, nihil expedit scire; ex quo admittatur canaliculata structura Renum, mutatur nè praxis in morbis Renum? neutiquàm, & hoc omnes norunt, & confitentur; æqualitèr enim curantur morbi Renum ab illis, qui prædictam structurã cognoscunt, ac ab aliis, qui nihil de ea cogitaverunt, & cogitant, undè manifestè sequitur hanc, & similes alias causas, & modos ad usum non transferri. Morbi novi non constant post novam structurã, nequè Therapeja quidquam profecit, & si secùs res sit, dignetur dictus Joannes Bohn indicare remedia, quæ præcisè nostris diebus sint inventa, & administrata ob hanc Renū cognitionem Veteribus occultam, & quæ non potuerint isti suis innixi suppositio- nibus detegere, & consequi, ostendatquè Medicum coactum esse ad has recentiorum Medicorum notitias confugere, & assignare similes modos, & causas pro institutione remedii, seu praxin morborum Renum in hoc vel illo correctam esse cum fructu, & utilitate ægro- tantium, suadente, & cogente nova structura

di-

diversimodè operari; quod opus, nisi meæ mefallant conjecturæ, erit arduum, quia Medici nunc agunt quidquid antecedentè ad istas notitias operabantur, hinc cognoscitur rationalitèr Helmontiũ scripsisse Anatomicam cognitionem praxin non augere, dum ait; *vix namquè post mille annorum Anatomen Moderni aut melius morbos agnoscunt, aut feliciùs abigunt*, & felicitas sæculi, quæ tantoperè ab omnibus prædicatur in rebus Anatomicis, deberet homines reddere immortales, si fructũ, quem nostri Doctores extollunt, pareret; & nihilominus multi, & multi conveniunt praxin hodiernam esse curtam, & præteritâ debiliorem. Veteres practici, & Rationales nuncupati Æthiologiæ studuerunt non sciendi, sed operandi causa, omittentes, quæ agendi rationem non mutant, haud ignorantes Medicinam ad actionem, non ad contemplationem comparatam esse, nisi cum Philosophia Medicinam profiteri velimus, sed Joannes Bohn sinè istis diorismis procedit in sua prælectione, & unam ab altera non separat; vel saltèm oblitus est Philosophiam Medici practici debere ex Galeno esse medicinalem, quæ excludit doctrinam ab eodem allatam, nimirum non sufficere nosse Renes lotium secernere, sed cognoscendum

esse modum secretionis, quem nec ipse Bohn, nec alii fortè penetrabunt, cùm non sufficiat dicere, *hanc fieri per Glandulas, & canaliculos*; promittere quidèmodum videtur, sed de industria hunc fugit; verba enim ipsius Authoris non ostendunt modum, sed partem, & in ipsa parte est dubium, præcipuè in canaliculis, qui sicuti alibi non separant, ità nec in Renibus; certum tamèn est canaliculos constituere corpus Renis, ut istius substantia nil aliud sit, quàm aggregatum canaliculorum cum insigni discrimine à Mammis, Hepate, Pancreate &c. hoc autèm cùm ità à natura sit determinatum, discutiendum nunc relinquo Domino Bohn pro sua praxi, intereà temporis hanc quæstionem ommitto alibi causam istius artificii exploraturus, eoquè magis, quia sinè hac cognitione sanantur mei infirmi.

Major difficultas, quàm prætermisit Joannes Bohn, est partium substantiam scitu necessariam esse prò expellendis infirmitatibus, quia alio modo, ut notat Galenus, curatur Nervus, alio Chartilago, alio carnosum genus, si Anatomia minima ostendet partes diversam habere naturam, ac Veteres cognoverint, illicò mutanda est praxis, & hoc beneficium ex eadem natum esse tenentur fateri, quicumque

quæ in utraqûe schola sunt versati; Cor hodiè musculosum est, Lien Glândulosus, Renes membranosi, Hepar Glandulosum, & ità inductione patet nunc diversam sibi naturam adsciscere, ac olîm viscera; quod sufficit ad mutandam praxin, cæterùm quàmvis hoc argumentum videatur primo intuitu nervosum, re ipsa corrui ob experientiam, quæ demonstrat antiquam praxin ex prædictis observationibus non concuti. Veteres ex carne componi docuerunt viscera, sed cum discrimine, & licèt essent carnosæ, non proptereà una specie carnis prædita, undè alia apud Galenum est caro Hepatis, alia Lienis, Pulmonis &c. vel ipsis Arteriis suam carnis speciem tribuit idem Magister; antè hunc Erasistratus propriam cuiusquè visceris substantiam parenchyma nuncuncupabat, quòd existimaret viscerum molem è sanguine è venis effuso concreescere; diligentius examinata, & considerata eadem viscera diversas naturas repræsentaverunt, non sinè tamèn aliqua difficultate; ideoquè Pulmones esse membranosos sensus eorundem non adeò exquisitus (quidquid scripserint Hippocrates, Averroes, Riolanus, Ballonius &c.) & fibræ carneæ, si sunt, ut Villis addidit Hypothesin veræ naturæ membranosæ

obscurant, ac inter scriptores non fuit unus consensus; Aristoteles, VVotthonus, & alii membranæ similem voluerunt esse Pulmonē, ac si dixissent esse carne membranosa prædium, Abbatius Aldrovandus in Viperis, Casferius in Ranis majore libertate locuti inter membranosas partes reposuerunt. Origo Lienis à nobis observata, & de qua in singulari opusculo cum aliis causis sermo erit, præfatam assertionem debilitat; Cor est musculus, sed particularis musculus, ità de Renibus sentiendum, sunt quidè vasati, sed aggregatum istud vasorum est specificum, infertur ex hoc sermone viscera obscuram habere indolem, etià si suæ naturæ genus nobis ostendere videantur, adeoque remedia esse particularia, & specifica, experientia, & non ratiocinio ex structura deducto cognita, & administrata. In morbis universalibus ob causam humoralem conjunctam communem convenit ipse Bohn structuram non disparem suadere medendi rationem; sit igitur compendium præsentis discursus istud, aut Anatomia minima ex qua partes diversimodè cognoscuntur, opitulatur Medicis in morbis universalibus, & hoc etià non admittit Bohn, aut in morbis particularibus, & isti specifica requirunt præsidia,

fidia, quæ non exposculant lumen Anatomicum prò felici administratione; hoc modo processerunt Veteres naturâ viscerum impenetrabilem cognoscentes, & maximum inter illa discrimen observantes; undè quandò hæc morbis communibus affligebantur, remediis communibus prodesse conabantur, secùs in morbis particularibus varia prætentare cæperunt, & prout exitus demonstrabat, ac prout eadem melius respondebant, ægrotantibus præscribebant; unumquè potius, quàm alterum præbebant medicamentum; & quia à posteriori noverunt alio modo Nervum, alio Cartilaginem, alio carnosum genus sanari, post inventâ Medicinam axioma formarunt, non ex indagine Anatomica. Hodie cum plurima inventa sint medicamenta, sufficit continuatio, & si mutanda esset aliqua forma, aut novum aliquod remedium esset procurandû, nunquàm illa esset mutanda beneficio progressus Anatomici; nec istud ope ejusdem cognoscibile, sed oportebit unum, vel alterum pluriès experiri, donèc id experienciâ eluceat, quod proprietate sua, & naturâ morbum vincere aptum fuerit, ità ut ob multiplicem experientiam omne suppositum lumen evanescat. Supponatur antiquitùs antè tot cognita

remedia, quot nunc sunt, viscerum penitior-
 rem structuram habitam fuisse, statim ut præ-
 sentis assertionis fundamentum cognoscatur,
 quæri poterit, si cognovissent Prisci remedia
 ex vi cognitionis structuræ musculosæ, vel
 Glandulosæ &c. responsio non potest esse, nisi
 negativa, tum ob qualitatem hujus Musculi,
 & Glandulæ, quam Anatomia non patefacit,
 tum ob conditionem remedii, quod constat
 solâ experientiâ, quæ in hac re prævalet ratio-
 cinio maximè, quandò agitur de medicamen-
 tis specificis, quorum administratio licet habe-
 ret connexum intellectus connatum, hunc ta-
 mèn contemnit experimentum, & quod una
 vice intelligi videbatur, altera præconceptum
 non sortitur effectum, propositiones istas ità
 intellexit Galenus, ut scripserit medicamen-
 torum vim neminem posse cognoscere sinè
 experientia; hæc eadem esse comprobandas;
 de medicamentis non esse ex duobus, vel tri-
 bus experimentis sententiam dicendam, &
 adhibita omni sedulitate semper esse verum
 medicamenta esse fallacia, & periculosa, *nec
 non auxilia securitatis transire in metum*, juxtà
 Senecam. Miseram hanc conditionem præ-
 sentis sæculi labor nihil immutavit, & minu-
 tiæ Anatomicæ, microscopicae observationes,

rovas potius confusiones pariunt, quàm quod
 antiquas deleant. Vieussens inter alios lectorẽ
 tã alloquitur; *Quoniã in minutiariũ Anatomica-
 riũ disquisitione sæpè fit, ut præconcepta opinio, vel
 emerarium iudicium in errorem etiã oculatissi-
 mos inducat*; Hac de causa arbitrari licet Epi-
 curum minimorum cultorem nunquàm phar-
 maca adhibuisse, nunquàm Medicum con-
 sultuisse, etiã septuagenarium, si credimus
 Antonino: quaproptèr si Veteres cognovissent
 structuram, metam intimiùs non attigissent,
 nec imposterùm ex hac notitia facultas Medi-
 ca proficiet, nãm quemadmodùm prò inven-
 tis medicamentis Anatomico lumine subti-
 liori non fuit opus, nec prò inveniendis eo-
 dem Medicus indigebit, sed pari pede, & cur-
 su invenienda cum inventis convenient, quia
 semper ab experimentis proit cuiquẽ eve-
 niunt, medendi viam Medici invenerunt,
 semper notarunt, quæ plerumquẽ melius se
 habent, deindè ea præscripserunt; sic Medici-
 nam constituerunt subindè aliorum salute,
 aliorum interitu, perniciosa discernentem à
 salutaribus; detegantur novæ partes, novæ ex
 suppositione structuræ innotescant, aliquod
 mali genus ignotum incidat, nunquàm ab ea-
 dem methodo recedendum erit, & fortè sibi

poterunt persuadere Neoterici naturam ita
microscopio penetrasse, ut de morbis, reme-
diis, & partibus justum ferrè possint judicium?
natura viscerum est occulta, ita & natura re-
medii, manifestæ istius existimatæ facultates,
ut aciditas, amarities, falsedo, &c. non sunt
facultates remedii, sed gustus; alteratur præ-
tereà in penetralibus corporis, unitur cum
aliis particulis, ex quibus nova entitas resul-
tat soli Authori naturæ cognita, & morbi non
tantum in structuris, sed principalius in flui-
dis resident. Hæc omnia nostrum captum fu-
giunt, nec Anatomia minima, microscopiis,
& hujusmodi istæ difficultates nostris diebus
superantur, undè concludere necessum est
etiamnum omnia latere, Medicinam adhuc
esse infantem, & illos solum esse meliores Me-
dicos, qui sibi observatione plura remedia
compararunt: nec tantam esse præ usu Medi-
co sæculi felicitatem, quantum alati quidam
homines, & argutuli magistræ prædicant, ac
diminutè Plinium locutum esse, dum inquit,
nobis ignota esse ea, per quæ vivimus, cum sa-
tius scripsisset ignota nobis esse ea, per quæ
nascimur, vivimus, a grotamus, sanamur, &
morimur; si hæc conclusio videatur nimis ri-
gorosa, saltè uti mihi liceat documento Ci-

ceronis à simili, non sumus ij, quibus nihil verum
esse videtur, sed ij, qui omnibus veris falsa quedam
adjecta esse dicamus tanta similitudine, ut in ijs
nulla insit cetera judicandi, ac assentiendi nota.

Ad ostendendam insupèr utilitatem inven-
torum, quæ nova denominantur, & occasione
ductuum salivalium ad oculum quasi demon-
strare contendit Joannes Bohn, plurima re-
media non ex Cerebro, sed ex Glandulis, i sta-
tumquè ductibus lympham derivare; per in-
ventum, ait, totidem ductuum salivalium ad ocu-
lum quasi demonstrari valet salivantia, & apo-
plegmatizonta non ex Cerebro, quod scholarum
commune figmentum, sed ex Glandulis certis, ha-
umque canalibus elicere serum salivale. Hæc
instantia est extrà controversiam; benè nove-
ram, Amice, aliquam causam reddi posse,
quam Veteres perfectè non attigerint, undè in
prima dissertatione dictum est; Undè nullum
aliud lumen emicare potest, quàm athiologicum,
si verum, quod post inventam Medicinà accommo-
datur. Punctum præsens est, an observatio du-
ctuum salivalium variet usum masticatorii in
affectibus capitis; nunquàm credam respon-
surum esse affirmativè Joannem Bohn & nunc
præsertim, cùm det operam Therapejæ. M-
rum quidè post multos & multos annos non

cognovisse apophlegmatismos ex Cerebro ferum elicere, & scholarum commune figmentum hanc opinionem appellavisse, quoniam etiam nostris diebus multi graves Anatomici hanc eandem sententiam mordicè tuentur, sustinentquè Glandulas nervis inservire, adeoque morbos Cerebri salivatione promota plerumquè solvi. Difficultas non est in hoc, quod Cerebrum expurgent, sed in modo explicandi, cum alii per nervos, ut dictum est, alii per vasa sanguinea, alii per transudationem &c. *ista autem non discere debemus*, monente Seneca, *sed didicisse*:

Demum prosequitur non nulla motiva, quibus existimat probare sinè Professorum Modernorum tentaminibus vix aliquem Medicum veri, & dogmatici practici nomen mereri. Primum est de essentia, & causa hydropis, in quibus antiquæ scholæ sola somnia nobis reliquerunt; ast inventum lymphaticorum hæc discutit.

Secundum est de causa appetitus, quam ex Lienis acido inspirato per vas breve veteres deduxerunt, & Recentiores ex Glandulis Ventriculo intertextis, quæ illatio subtiliori Anatomix debetur.

Tertium ex connexionione deducit inter vesicam

cam urinariam in homine cum Peritonæo, & musculis hypogastrii, à paucis saltèm observata, ex qua insignis usus practicus derivat, utpotè ratione istius vulnera fundi vesicę olĩm credita mortifera sæpius commodè, & brevi consolidentur, modò à turundis se abstineat Chirurgus.

Quartum est de catarrho suffocativo, & tussi catarrhali, quàm oriri à sèro à capite depluente, & per Trachæam ad Pulmones descendente docuerunt Veteres; Recentiores verò sua curiosa Anatome hoc erratum sustulerunt, inter quos Schneiderus, VVillis, & alii; hinc etiàm exclusa methodus medendi per revulsiva, & interceptoria medicamenta capiti, cervici, & scapulis admota.

Quintum tangit circulationis sanguinis novum phænomenon, quod doctrinam therapeuticam ità emendat, & corrigit, ut quæ de revulsione, & derivatione communiter proponuntur, moderationem recipiant, & hinc etiàm plurima mechanicè explicentur Medicis practicis valdè utilia.

Sextum Herniarum inguinalium, & scrotalium genesin, ac repositionem declarat, cùr nempè hæc non adeò facilis semper fuerit, & qua ratione administranda sit, considerando

annulos, quos tendines musculorum abdominis obliquorum, ac transversorum perforati constituunt, eorundemquè annulorum habitudinem à paucis tantum nostri temporis Anatomicis, & Herniotomis annotatam, hætenus occultam; etenim laceratis, seu laxatis prædictis annulis intestina, & omentum, situm mutant, immò ratione laxitatis congenitæ eorundem nonnulli præ cæteris in hernias proniores sunt, & incidunt, hinc etià probabile existimat insigniorem intestini portionem flatibus, aut facibus turgidam hos circulos vix uno impetu elabi posse, nisi extraordinariam amplitudinem induant, aut nisi eorundem fibræ divellantur, & rumpantur, mòx istorum annulorum situm, & habitudinem ad se invicem ad restorationem elapsorum conferre docet, quatenus, dum se obliquè fati spectant; consequentè repositionem non è directò, sed obliquè potius tentandam esse monet, nè reponenda intrà binos musculos, non ad cavitatem abdominis impellantur.

Septimum castigat præteritos Anatomicos, quod processus Peritonæi perperàm descripserint, dum asseruerunt esse productiones superius angustiores, inferius latiores, & constituere in maribus tunicam vaginalem testium,

in eisdem maribus recipere, & recondere vasa spermatica, in fœminis uteri ligamenta teretia, hisquè laxatis, ac ruptis hernias produci, quas sanare tutò, & sinè recidvæ metu est impossibile, nisi cum teste, extirpato processu; quàm praxin evertunt observationes Scradèri, & Bidloi; isti enim an mad verterunt primò talem non esse horum Peritonæi processuum figuram, & cum tunica vaginali cōtinuitatem, quemadmodum antecedentes Anatomici asseruerunt; secundò non esse pervios, sed instar intestini cæci clausos, & inferiùs angustiores; tertio nec vasa spermatica, & ligamenta Uteri intrà se tamquàm vaginam recondere; sed hæc sub illis ferri perindè, ac in abdomine sub duplicatura Peritonæi postica delitescere; quartò nec viscera abdominis situm naturalè in Herniis mutantia excipere, seu transmittere; ex his quintò inferendum impostèrùm non esse opus prò repositis Intestinis retinendis castratione adeò crudeli, & nefanda vult Joannes Bohn beneficio subtilioris Anatomie.

Placet hæc confirmare, & opinioni contrariæ robur addere; in vitiata hæmatosi medicamenta non sunt amplius Hepati admouenda. In morbis melancholicis non amplius sinè delicto

lieto topicis vexatur Lien. Dantur partes, & humores novi v. g. Venæ lacteæ, Vasa thoracica, lymphæ conglobatarum Glandularum, &c. hæc omnia novos morbos constituunt, novaquæ remedia consequenter requirunt; hinc ex observationibus Anatomicis nequit negari progressus medicinæ practicæ.

Omnibus istis instantiis sermo hucusquæ factus abundè, & sufficienter respondet; prò majori tamèn veritatis notitia prius generaliter repetam nonnullas esse extrà quæstionem, quæ minimas observationes, & microscopicas potissimum includit, ulterius omnes ferè æthiologiam respicere, quæ in Dissertatione excipitur, ut dictum est suprâ, & ex eadem luculentè constat, in qua amplissimam auctoritatem Celsi attuli, & non vidi, nec legi explicatam ab Antagonista, ut tenebatur; certum est Medicos diversis cogitationibus egros ad sanitatem perducere, quemadmodum legitur apud eundem Celsum, cujus verba sequuntur. *At nihil istas cogitationes ad Medicinam pertinere, eo quoquæ disci, quod qui diversa de his senserint, ad eandem tamèn sanitatem homines perduxerint; inferius, sed has latentium rerum conjecturas ad rem non pertinere; quia non intersit, quid morbum faciat, sed quid tollat,*

nequè ad rem pertineat, quomodo, sed quid optimè digeratur, sive hac de causa concoctio intercedat, sive de illa, & sive concoctio sit illa, sive tantum digestio, nequè querendum esse quomodo spiramus, sed quid gravem tardumque spiritum expediat, nequè quid venas moveat, sed quid quæquè motus genera significant, hac autem cognosci experimentis, & in omnibus ejusmodi cogitationibus in utramque partem differi posse: Et quamvis Celsus loquatur juxta Empiricos, tamen istorum fundamenta solvenda erant. Galenus ipse docuit Medicum non debere scire, cur humectet aqua, sed quod humectet, ac si dixisset Medicum effectus rerum debere attendere, & naturam à posteriori scire. Schenchiùs apertè scripsit: *Plus multo docere usum, quàm rationem, & auctoritatem*. Etiàm inter nuperrimos scriptores Ettmullerus coactus fuit confiteri, *necesse semper esse, ut omnis Medicus non nihil sit Empiricus*, & quid aliud confirmant communiter Medici, dum ajunt ab adjuvantibus, & lædentibus desumendas esse indicationes; nimis jactant, qui causas cognoscere arbitrantur, & qui naturam comprehendere credunt; aut sunt divini homines, aut impudentes, aut insani; ideoque qui hanc veritatem cognoscunt, evidentes causas, ut ne-

cessarias amplectuntur, obscurarum verò causarum, & naturalium actionum quæstionem supervacuam esse fatentur, cum incomprehensibilis natura sit; & Celsus, qui rationalem putavit Medicinam esse debere, judicavit necessarium instrui ab evidentibus, *obscuris omnibus, non à cogitatione artificis, sed ab ipsa arte rejectis*. In libris Hippocratis, seu Hippocrati attributis sunt varia, & diversa systemata, in libro de Flatibus, de veteri Medicina, de natura humana, de Diætâ, & alibi hæc leguntur, & patent, ex quibus Veteres ignorasse naturam constat. Herophilus, Asclepiades, Erasistratus discordes inter se fuere, Galenus maximè inconstans fuit. Cardanus, Argenterius, Joubertus, Martianus, Piso, Campanella, & alii plures, qui Galenum sapissimè accusarunt, naturam non detexerunt, & inter se discrepantes fuere; ex differentibus hisce opinionibus rerum obscuritas, & veritatis difficilima possessio apparet. *Non posse comprehendere naturam patet ex eorum, qui de his disputarunt, discordia, ità legitur apud Celsum, cum de ista re, nequè inter sapientia Professores, nequè inter ipsos Medicos conveniat.*

Inter Recentiores nō minores sunt dissensiones, isti in varias partes abeunt, & quælibet
suos

suos habet patronos. Helmontius, VVllis, Silvius dele Boc, & alii hoc ipsum testantur: qui acidum, & alchali tantoperè extollunt, innumeris torquentur difficultatibus, nè dicam cum Neoterico quodam lutosam proponere doctrinam & ratione divisionis, & ratione effectuum, & in ea sum opinione illos Medicos maximè decipi, qui semper acidum accusant, potius ut serviant opinioni, & aliena auctoritate suum sermonem metiantur, quàm quod intelligant, quid proferunt; nunc imprimitur tractatus contrà aciditatem sanguinis, quo qui acidum continuò eructant, propriam emendabunt dyscrasiam, & si propriam, ac alienam saluti consulere voluerint magis, quàm famam, quæ sæpè multos authenticè enecat, non dubito, quin opinio de aciditate sit æqualis ponderis futura, ac secundæ mensuræ; interim in hac hypothese scias adhuc omnia esse obscura, delectum remediorum infidum, & æquè incertum, ac antiquitus in aliis scholis ob nimiam quantitatem acidorum, & alchali, quæ innumerabiliter inter se differunt, & electionem ambiguum reddunt; quale acidum hic, & nunc peccet, quale alchali requiratur, istius curiosæ sententiæ fautores non explicarunt, nec fortè explicare poterunt. Amplius in signo

pathognomonico sunt decepti, nam acidum cum acido, & alchali cum alchali, nec semper alchali cum acido hostiliter agunt, & qui luctam inter acidum, & alchali inseparabilem volunt, sui immemores alchalia vacua esse, & passivè se habere proponunt, aliis vicibus asseruant quodammodò formam; quæ sinè improbo verborum apparatu sustineri non possunt, nec unquàm absorptum acidum ab alchali demonstrarunt, potius meliora experimenta suadent oppositum, nimis etiàm confidenter jubent in praxi ad acidum præcipuè attendendum, ex quo idem universalis morborum causa putetur, quia sanguis, in quo morborum causæ potissimùm insident, ex natura sua non est aptus natus acorem contrahere, prout ostendet tractatus, qui nunc imprimitur, nihil persuadentibus multis experimentis extrà corpus factis, & analogicè juxtà Chymicos probantibus, quia ad corpus translata non sunt nisi paralogismi. Innumera principia, quæ sanguinem componunt, confirmant assertionem, & diætâ potissimam medendi instrumentum efficax robur adjungit. Sanè Baconus rectè cognovit inveniri libros nimio plures fabulosis experimentis, commentitiis secretis, & frivolis imposturis ad voluptatem, & no-

& novitatem refertos. Docent ulterius acidum esse coagulationis principium, omne medicamentum operari vincendo acidum, uno verbo concludentes *sanguinem edulcorare*, & communi lippis, tonforibus, & mulierculis: acidorum originem tutò non exponunt, supponentes in illis corporibus undè eliciuntur, præexistere; sublesto procedendi modo sanguinis fermentationem audent ex suppositis duobus principiis derivare, haud considerantes acidum (si esset) non posse luctari prædominante alchali, & sulphure. Acidum liquorem nihil æquè temperare, ac spiritum volatilem, undè spiritum vini melancholicis exhibent, quali cum fructu, referant patientes; & hinc medicina proficit? & hæc est felicitas sæculi? ars longa nequit fieri tam brevis. Modernus quidam, dum hæc, & alia hujusmodi legit, ingenuè scribit in evolvendis Chymicorum libris se observavisse aliquas contradictiones, locutiones improprias, & nonnulla exposita fundamenta veritati non conformia.

Tot igitur sunt systemata, & multò plura, quàm allata, & tanta diversitate opinionum apparet omnes Medicos interdum sanare; aliquandò obesse; quare oportet inferre, aut omnes casu operari, aut non esse æthiologiam,

& physiologiam undiquaquè , & simpliciter necessariam ; absit tamèn impedire scrutinium naturæ , & persuadere abstinèntiam à re Anatomica , & experimentis naturalibus , cùm hæc omnia excitent ingenium , & Philosophiam augeant , sed cùm hæc in fine differat à Medicina , operæ prætium duxi certos reddere Medicos , nè cancris vescantur , nè vèterant tempus in his , quæ Medicum peritiorem non reddunt , & quæ propriè ad artem non pertinent , immò impediunt , nè citò in suum finem proficiscatur . Si mihi fidem non adhibes præter ea , quæ dicta sunt , poteris Hermannii Contringii introductionem percurrere , in qua eadem continetur doctrina à Schelhammero in additamentis etiàm repetita , & propugnata , dùm ait : *nempè ad Philosophum causæ rerum pertinent , ad Medicum effectus , quo posito facile est judicare , quàm longè extrà propriam disciplinam excurrant hodierni Scriptores plurimi , qui Medicos se profitentes in causis tantùm perquirendis unicè occupati sunt* . Er sanè non minùs errant , qui quæerunt minimorum , & salium figuram , an sit acuta , vel curva , pentagona , vel sexangularis , ac illi , qui fibram esse circularem , vel obliquam , qui in mediis carnibus parallelepipedum obliquangulũ , & in tendinibus op-

po-

positis duo prismata tetragona investigant, aut modum separationis porulis, & figuris, integris opusculis mechanicè explicare conantur; nam hæc & similia ad Medicinam practicam nihil faciunt, & salva omni medendi lege possunt ignorari. Sua, Amice dilectissime, Philosophis sunt relinquenda, & longiùs, quàm par est in causarum perquisitione procedere, in republica medica notabile vitium est, quod in essentialibus progressum remoratur; meliores Medici hæc ignorarunt, & ignorant, & nihilominus curarunt, & curant; scio iniquissimam esse vocatam illà sententiam, quæ tenet ad praxin inutilia esse, quæ accedunt, propterea quia Veteres eisdem carentes curationes peregere feliciter, possum tamèn eandem meliùs limitare, quàm cum aliis absolutè irridere, & spernere, existimans quæ de novo accedunt in hypothesi felicitis curationis esse inutilia in therapeuticis, quidquid sit in æthiologicis, & physiologicis, & quamvis Aristotelem dicant, inter quos Ælianus, requisivisse in suo Medico causarum cognitionem, dùm ait: *nè me cures, vel ut bubulcum, vel ut fossorem, sed prius causam ediscere; sic facili persuasione me morigerum reddideris.* Aristoteles explicatur quodammodò, ut in Ethicis, nec nò

de causis, quæ transferuntur ad usum, seu per quas in curationem descendimus, ut de spina in manu &c. non de multis aliis, quas viis publicis comparo, in quibus nihil feritur, licet eas omnes frequentent: ex cognitione eorum, quæ fieri debent, ægri curantur; quæ fieri debent, usus aperuit, & ratio postmodum est quæsitæ, Quintilianus ait: *Quemadmodum debeat sanari alius æger sciri non potest, nisi ex altero sanato;* nec obstat Celsus tantoperè commendans Medicum cōtemplantem naturam, itaque ista quoque natura contemplatio, quamvis non faciat Medicum aptiorem, tamèn Medicina reddit perfectum, verisimilequè est & Hippocratem, & Erasistratum, & quicumquè alii non contenti febres, & ulcera agitare, rerum quoque naturam ex aliqua parte scrutati sunt, non idèò quidèò Medicos fuisse, verùm idèò quoque maiores Medicos extitisse, nam præterquamquòd in textu nonnulla invicem pugnant, & variæ sunt lectiones, credit Thrivèrius Celsum rerum differentias omisisse, & in verbis luxuriatum fuisse, cùm ex professo scripserit ad artem propriè non pertinere; sed ad exercendum artificis ingenium; opinatur prætercà locum esse suspectum, aut corruptum, & meritò, quia Hippocrates, ut testatur Laertius,

ambiguo more locutus est: Erasistratum concedo naturam contemplatum fuisse, sed ideò inter nobiles Medicos repositum fuisse mihi non persuadeo, ob innumera cogitata absurdissima, quæ illi peperit sua contemplatio, inter quæ hæmophobia collocatur, qua ferè omnes sui ægroti interibant, crescente nihilominus in dies autoritate, & non minore semper fama, ac si funera coronari debuissent, & neces gratias reportare; tanta vis est opinionis, & novitatis, ut multæ res obscurissimæ sæpe splendorem accipiant. Tempore Charmidis, qui frigidâ etiâ hybernis algoribus lavari persuasit, visi sunt senes consulares usquè in ostentationem rigentes, si fides sit adhibenda Plinio: undè bona venia Celsi, aliæ causæ Medicis favent præter naturæ inquisitionem, ut nomen sibi comparent; vel mendum in procemio admittatur, quod confirmari potest ex lectione Volateranni asserentis Erasistratû, & Herophilum primos se Empiricos dici voluisse, simplicibusquè tantum mederi capisse.

Audias, Amice, singularitèr animadversiones, quibus objectiones propositæ concidunt; instat primo loco Joannes Bohn de causa hydropis, quàm Veteres nō cognovisse fatetur; utinam Recētiōres hanc æthiologiam
fin-

funditus aperirent. Variæ fuerunt in scholis Veterum de origine hydropis opiniones, & ut verum fatear, omnes inter ineptias repouendæ non sunt, quàm veritatem ipse Prælectionis Author inspiciet, si easdem intellectui suo, & pacato animo, subijcet, nec non revolvat, quæ Erasistratus olim, & hoc sæculo Martianus de mente Hippocratis scripserint, & somnia discutiet, interim hac omiſſa diſceptatione, rogo, atquè obteſtor eundem, nè tantum hypotheſi vaſorum lymphaticorum tribuat, ut hinc oriri hydropem putet, cum nec therapejam, nec pathologiam, prognofin, nec æthiologiam innuat; fanè meus principalis ſcopus eſt de therapeja, quàm ex prædictis vaſis non augeri concedit Bohn, verum nequè aliæ Medicinæ partes tantoperè illuſtrantur ab eiſdem, ut ipſe fugitivo calamo ſcripſit. Doctrina VVillifiana, & Louveriana confirmat meam ſententiam, ex hac habetur hydropem produci ex impedito motu ſanguinis. *Quantum hac* (dicit Louver poſt obſervatos effectus ligaturarum cavæ, & jugularium venarum) *ad aſcitis, & anasarca cauſas conducant inveſtigandas, aliis judicandum relinquo; hoc ſolum adzertere oportet, aſcitem non ex ruptis lymphaticis ſemper ſi omnino unquam, provenire,*
quip-

quippè plurimas oves hydrope pectoris, atque abdominis defunctas diffecui, in quibus vasa lymphatica ita turgida, & repleta ubique inveni, ut nusquam magis, adeò ut si quis venarum lymphaticarum historiam plenè absolvere in animo habeat, nulla corpora ad votum ejus, & propositum magis cesserint; quem nodum solvere non potuit Ettmullerus; prudentiùs existimavit Diemerbroeckius, quandò asciten & à vasis lymphaticis, & ab aliis causis fieri posse autumavit; præter hæc hydrocephalus ostendit vasis lymphaticis non deberi originem hydropis universalitèr, cum in cerebro hucusquè illa non fuerint observata, & cogitatum Bartholini deductum ex Cartesii suppositione sit omninò nullum, nempe innumera lymphatica Cerebrum constituere, si fibræ medullares juxta Cartesium sint cavæ. Minus satisfacit d'orismus V Villisii, Bonetti, & aliorum de diverso colore aquæ ex abdomineeductæ, quia non est fidus, prout indicant venarum ligaturæ post quas Glândulæ sero limpidò distenduntur. Demùm nequè arridet doctrina Jacobi Henrici Paulli de obstructione vasorum lymphaticorum jugularium, quia non potest dici lympham retrogressam hydrocephalon parere, nisi constet de progressu, & continuatione co-

rui-

rundem usquè ad ventriculos, vel ineninges, aut pericranium, quem progressum adhuc expectant scholæ.

Quandò etiàm concederetur hypothesis impugnata, non mutatur therapeja, de qua controversia excitata est; testis est Joannes Bohn, cujus ipsissima verba sunt hæc. *Ast inventum lymphaticorum, hincquè doctrina de lymphæ natura, aliam hujus Medicorum scandali, si non therapejam, certè pathologiam, ac prognosin, hujusquè æthiologiam innuunt.* Nequè mutatur pathologia quoad symptomata, nequè prognosis; legi multos practicos, qui post inventa vasa lymphatica Medicinam practicam scriptis mandarunt, & observavi tantum repetivisse Hippocratis, & aliorum Veterum prognostica documenta. Bartholinus ipse inter cætera, quæ de vasis lymphaticis docuit, hoc potissimum ad rem presentem pertinens asseruit, nempè *methodum medendi, & receptas remedium formularum vasa lymphatica illustrare potius, & easdem confirmare, tantum abest, ut evertant.*

Antequàm primum de hydropè motivum deferam, contradictionem in Prælectione notatam non debeo missam facere; vult Joannes Bohn multa Veteres de essentia, & causa hydropis somniasse v. g. serum ad cavitatē depositum

litum esse præter naturale, & ratione substantiæ, scû qualitatum morbificum, & tale produci in visceribus sanguificationi destinatis, & principalitèr ab Hepate; *ac evacuari posse per cathartica*, deindè subjungit inventû lymphaticorum aliam quidem pathologîam, prognosin, & æthiologiam indicare, non therapejam, fortè evacuatio per cathartica ad therapejam non spectat? si non mutatur therapeja, non erit somnium per cathartica evacuari posse serum.

Occurrit secundo loco instantia ex appetitu, & chylicatione desumpta, quæ aperit ex Joanne Bohn utilitatem subtilioris Anatomix, cujus beneficio non amplius scholæ à Liene acidum per vas breve prò illis derivant; sed ad Glandulas ventriculo inter textas confugiunt, lympham digestoriam fecerantes, & consequentèr reprobantes usum acidorum, dùm appetitus, & digestio alimenterum prosternuntur. Huic respondeo priscû vasis brevis officium à sanguinis circulari motu deletum fuisse; non à Glandulis ventriculo intertextis, quæ diù post circulationem receptæ sunt. Earundem Glandularum examen nunc prætermittam; solum id, quod supponitur ex eisdem Glandulis consequi, acida nimirum cōtrà anorexiam ineptè commendari discu-

discutiam ; asserendo adhuc appetitum exci-
 tare , ac promovere , & Glandulas materiam
 medicinale non indigitavisse ; Veteres non
 solum acida , sed & falsa , & acria experti sunt ;
 eadē vestigia sequuntur Recentiores Sylvius
 de le Boe , Dolaus , & alii . Ettmullerus pari-
 tē in eadem opinione fuit , qui licet cogno-
 verit alicujus secretionis probabilitatem ex
 minutis ventriculi Glandulis , nihilominus im-
 fame laxa , acida commendat , quibus appeti-
 tum restitui testatur , & hanc veritatem omnes
 prædicaverunt , & quandò veteres acidorum
 usum laudabant , & utilitē administrabant ,
 natura erat eadem , eadem ventriculi structu-
 ra , eadem remedia ; quare nunc nullo muta-
 to rerum ordine ineptē removentur ; diversi-
 tas nostræ cognitionis nō mutat effectus com-
 munitē observatos ; in nostro intellectu si ali-
 qua novitas contingat , hæc non efficit , ut quæ
 olim profuere , nō amplius sint profutura ; ratio
 est , quia tota novitas est in nobis ; nō in natura ,
 quæ semper effectum parit eundem sive uno ,
 sive alio modo cognoscatur ; practici proinde
 à suis medendi formulis non recessere , quam-
 vis quotidie Protei ad instar membra toties
 mutant faciem , quoties tractantur ab hoc ,
 vel illo Anatomico ; noverit hanc veritatem

Joannes Bohn, si de quolibet viscere Prosectorum opiniones percurreret. Specimen Testes exhibent, quorum vasa præparantia substantiam testis non ingrediuntur ex Mundino; ingrediuntur omninò apud Vidium, Sylviũ, Columbũ, subeunt majori ex parte secundum Highmorum, minori ex parte secundum Marchetum; substantia testis prout scripserunt Galenus, Meletius, Mundinus, Laurentius, Fallopius, Spigelius, Veslingius, Highmorus, Bartholinus est Glandulosa; fibrosam statuit Riolanus; carnosam, & vasatam simul Vetalius; pultaceam Ruffus Effesius, Lindanus; instar fritillæ sagopyraceæ explicat Vanhorne; congeriem minutissimorum vasculorum semen conficientium Graaf; restituit Glandulosam peculiaris naturæ substantiam inter interstitia vasorum collocatam Dechaux, quàm leve stratum propriæ carnis nominat Dathirius. Ductum in medio testis describit Highmorus, ut semen in parastatas educatur; negat Vanhorne, & stabilimentum venarum, & arteriarum esse statuit; complexum venarum, & arteriarum demonstrat Suuammerdamus. Seminis viæ, & epididymis substantia æquali varietate proponuntur, & quod de testibus exemplum à nobis adductum,

etum, discrepantes manifestat Anatomicorū de eisdem observationes, & sententias, idem de omnibus aliarum partium structuris verificatur; ita dissonæ sunt Doctorum lectiones, ut quod hic affirmat, ille neget, & qui propriis manibus rem nequit dirimere, ex solis exemplaribus authorū dediscat potius, quàm addiscat; in praxi verò non ita mutantur remedia, sicut variæ sunt observationes; singulis annis novitates nobis communicat diligens Anatomia, & subtilis; singulis autem annis non mutatur medendi methodus, nec materia Medicinalis, quia Medico natura leges præscribit, cogitationes verò Medicorum non variant naturā, ideoquæ operationes sunt æquales, sive una, sive altera admittatur opinio, unde si Anatomix subtiliori hæc illatio debetur, scilicet acida contra cruditatem ventriculi quamvis, & pro appetitu, ac digestionem alimentorum excitanda, ac promovenda ineptè commendari ob Glandulas minimas ventriculi hoc sæculo detectas, eidem Anatomix pessima illatio debetur; melius judicarunt Veteres suis observationibus, nam eandem illationem antè Glandularum cognitionem universaliter non admitterunt.

Tertio loco habetur insignis usus practicus

ex cognitione vesicæ urinariæ in homine, cum Peritonæo, & musculis hypogastrii à paucis observata, ex qua discitur modus curandi vulnera fundi vesicæ olim mortifera credita, modò à turundis abstineas.

Hippocrates vulnera vesicæ mortalia esse tradidit, & convenerunt Interpretes prò veritate aphorismi, immò hunc limitaverunt, & explicaverunt juxtà varias observationes Chirurghi de collo, & fundo, de exiguo, & magno vulnere & prout res evenit diversimodè de prognosi, & curatione locuti, immò, nec omnia viderunt fundi vesicæ vulnera ad interitum ducere, & abstinerunt à turundis, prout legere est apud Schenchium, qui ex Felice VVirtzio Chirurgo refert anno 1581. hujusmodi vulnus, nullis tamèn turundis propter vesicæ metum inditis, curatum fuisse, & hoc ideò successit, quia usus demonstravit, hac methodo procedendum esse. Addidit tamèn ly sapiùs, & benè, cum nonnunquam abstinendo etiàm à turundis ægri pereant, si doloris acerbitas, inflammatio, & febris continua superveniant; verùm, parcat Dominus Antagonista, proposita instantia nihil est ad rem, & omninò extrà controversiam, quoniam, vel abstinencia turundarum deducitur

præcisè ex connexione vesicæ urinariæ in homine cum Peritonæo, & musculis hypogastrii, quo pacto finè dubitatione est intelligendus Joannes Bohn, utpotè dicat *ratione cujus vulnera fundi vesicæ olim per se mortifera credita sapientius commodè, & brevi consolidantur*, & data hac veritate nihil afficit objectio, quia de connexionis necessitate Author Dissertationis minimè dubitavit; nunquàm de situ, & colligatione partium lis mota fuit; legat diligentèr Dissertationem, & reperiet hæc formalia verba. *Et cum nulla sit difficultas de positu, & connexione*. Quæ ostendunt motivum allatum nullum hìc prorsùs habere locum; vel ex metu vesicæ turundæ sunt omissæ, ut nonnulli docent, sicquè praxis ex nostrorum temporum subtiliori Anatome nihil lucri recepit, cum anno 1581. hìc metus innotuerit, & eo tempore eundem usus persuaserit, non minùs, ac post febris remissionem assumptio alimenti, vel in eadem vino se temperare.

Quarto loco succedit praxis catarrhi suffocativi, & tussis catarrhalis, quæ vulgarem maximè infringit proptèr observationes Schneideri, & Villisii Anatomicas, ut ait Joannes Bohn; si Anatome prædictorū virorum hoc beneficium peperit, erit necessaria, & utilis. Dubito autèm,

nam,

nàm catarrhi suffocativi antiquā praxin emendare, ac corrigere opinatus est primùm Helmontius, qui in Opusculo inscripto Catarrhi deliramenta multa Veterum principia removit, v.g. catarrhum à capite depluere, in asperam arteriam decidere, vocat hæc asserta anilia figmenta, & ridicula fundamenta, & in praxi reprobatur cauteria ad revellendos, consumendosquè humores. *Mei*, sunt verba Helmontii, *muneris est ostendisse à scholis nihil unquam negligentius, stolidius, & perniciosius edoctum*; inferiùs sequitur, & ait: *Vana ergo catarrhi è stomacho ad caput elati historia, & materia, vana quoquè intèr musculos, atquè cutim defluxus, decubitusquè, deplorandaquè ignotis causis remedia; vana quoquè cauteria ad revellendos, consumendosquè humores fictos; vana tandem potuum exsiccantium pharmaca*: Ballonius maximas difficultates cognovit, candidè præterea scripsit inexplicabilem esse modum, quo fit catarrhus; alibi observavit catarrhum suffocativum in muliere Cerebro illæso, & solis pulmonibus vitiatis, quem catarrhum fuisse per quandam diachysin, notavit Thevart.

Hæc patefaciunt observationes Anatomicas Schneideri, & Villisii veriori scrutinio catharri ansam non dedisse, & ob authorita-

tem eorundem scholas non recessisse ab illo principio, nimirum quod serum ex capite per trachæam ad pulmones descendat. Porro obstupui Joannem Bohn Schneidero tantoperè tribuisse, qui non minus ac Veteres meo iudicio exorbitavit, dùm catarrhos ex arteriis à facultate sanguinis expultrice apertis seponi, & per membranas transudando excerni, ac prò varietate membranarum, per quas fit transudatio, & pro varietate feri ex sanguine per arterias exclusi, & hinc indè sepositi varios oriri catarrhos imaginatus est. Hæc sententia æquè, ac illa Galeni, & Fernelii deponenda, nec quidquàm Antagonistæ favet; minus opponitur Dissertationi, cujus finis nō fuit tueri Veteres in omnibus, quæ ad Medicinam pertinent, plurima enim istorū præcepta ruunt finè minima Anatome; ut Hepar in ascite semper laborare, venas ad ambitum corporis portare &c. sed fuit ostendere tria asserta magno nostrorū temporum assensu recepta, & sacri nominis titulo celebrata, subtiliorem scilicet, microscopicamquè Anatomen, Dendranatomen, & Anatomen brutorum comparatam *parum, aut nihil solidiori Medicina præctica inservire.*

Deniquè si non in cortice inspexerit prisca de catarrho dogmata, quædam non poterit
non

non approbare, quemadmodum Ettmullerus, qui materiam Antiquorum admittit, *sed ut proprius*, inquit Ettmullerus, *ad rem accedamus*, eo nomine culpandi non sunt Veteres, quod serum statuerunt materiam catarrhorū, ut ut lymphæ vitiosæ propriè hoc competat; serum enim Veterum, quod Helmontio dicitur latex humor neglectus propriè loquendo, est Modernorum lymphæ. Ut ut in explicanda ejusdem natura, & constitutione errarint, utpotè, quod in vasis propriis nondum cognitis lymphaticis nunquam viderunt; in remediis paritèr, & præcipuè in fonticulis non fuere ità absurdi Veteres, ut nonnulli continuò strepunt; idem Ettmullerus consulit interdum esse adhibendos, & experientia quotidiana eos confirmat modò in cervice, modò in scapulis, modò in aliis partibus excitatos, quidquid sit de modo operationis. V Villis ipse suis principiis non est ità potens, ut eisdem tantam in praxi mutationem pariat, ut arbitratur Dominus Bohn; nam quamvis sustineat serum ex capite per trachæam ad Pulmones nō descendere (cujus omninò oppositum tenet Sylvius de le Boe) sed ex trachæ lateribus in ipsorum Pulmonum cavitates decidere, & affectum catarrhi nomine vulgò insignitum producere, hancquè excretionem in trachæ la-

teribus fieri ex Arteriarum osculis, & Glandulis prævia sanguinis fusione, attamen remedia communiter adhibita proponit, & topica frequentata admovet, nempe Dropaces, Fontanellas, Vessicatoria, aliaquè humorum, aut vaporum privata, seu publica quæquè emissaria; ità ut admirari liceat, quare Joannes Bohn ex suppositionibus V Villisianis scripserit non esse capiti revulsionis, cervici verò, & scapulis interceptionis gratiâ localia diversa applicanda; fortius urget instantia, quia V Villis non est alienus ab hypothese in prædictis affectibus simplicibus materiam peccantem nervos pneumonicos subire, & pulmones offendere, consequenter non poterat remove praxin, quæ inhibet, & præcavet, nè materia in tanta copia pulmonibus communicetur, per alia loca excernatur, & avertatur. Idem propugnare tenentur, qui Glandulas nervis ministrare contendunt, inter quos sunt Anatomici non infimi subsellii, & omnes isti non permittunt habere locum reprehensionem Joannis Bohn, dum ait. *Eadem Anatome curiosior Schneideri, V Villisii, aliorumquè cephalotomorum erroris crassissimi convincit practicos vulgares.*

Quintò opponit phenomenon circulationis
fan-

sanguinis, quod therapeuticam doctrinam de revulsione, & derivatione &c. corrigit, ac humorum aversiones moderatur egregiè, ac satis mechanicè. Hæc objectio, uti illa de vasis lymphaticis superius adducta, aperiunt Joannem Bohn abuti otio, & literis; quid est rei intèr Dissertationis punctum, & hanc oppositionem? nihil cum fidibus Graculo. Estne idem quærere, an ex minuta Anatome proficiat medicina practica, an ex circulatione sanguinis? famosa disputatio est post confirmatum ab Harvæo circuitum an tollatur revulsio, & derivatio. Primerosius intèr reliqua, quæ ipsi reddebant suspectam sanguinis circulationem, derivationis potissimùm, & revulsione meminit admissæ, & communiter receptæ in omniû medicorum scholis. Hîgmorus verò oppositionem optimè diluit, dicens ad revellendum sufficere, quod ad partem affectam tanta quantitas sanguinis non transmittatur, ut antea, & hoc ex necessitate sequitur apertâ venâ in loco opposito; quia cum feratur per hunc major quantitas sanguinis, quàm antè sectionem, ad partem affectam minor pellitur, consequentèr revellitur, & ita salva circulatione revulsione ratio explicatur. Idem derivationis modû exponit aperta vena

in eodem latere dextro, vel sinistro in brachio
 vel &c. hæc enim arterias parti affectæ vicinas
 promptè lacunat, sicquè sanguinem per arte-
 riam axillarem copiosius movet ad venā aper-
 tam, qui secus in arterias intercostales propul-
 sus fuisset. Multi alii Doctores post cognitam
 hypothesin, hæc duo explicare conati sunt,
 cùm aliqua tamèn diversitate, cæterùm con-
 veniunt derivationem, & revulsionem dari,
 & hoc fat est prò praxi, quidquid sit de modo;
 sanè ut verum fatear, alitèr credit V Valæus,
 alitèr Conringius, Hofmannus, alitèr Ettmul-
 lerus, qui arbitratur quidquid adjumenti affe-
 runt revulsiones omnes esse tantùm acciden-
 tarium; alibì, nunquàm sanguinem moveri co-
 piosius, aut impetuosius ad unā partem, quàm
 alteram, nequè prò correctione talis motus
 venæ sectionem ullam sub nomine revulsio-
 nis, & derivationis institui posse, cui ex dia-
 metro opponitur V Villis, & benè sanguinis
 motum inordinatum admittens, tanquā œstro
 perciti in partes modò has, modò illas irruen-
 tis, ac cognoscens per phlebotomiā cohiberi,
 & reduci; & omnes prædicti modi Highmori,
 V Valæi, Conringii, & Ettmulleri graves pa-
 tiuntur difficultates, tùm quia non solum mi-
 nor pellitur sanguinis quantitas ad partem
 affe-

affectam, sed quæ pellitur majori impetu fer-
 tur per arterias, & venæ promptius, & cele-
 rius reducant, sic deficiente quantitate oppri-
 mēte in eadem parte affecta, & accedente
 objecto majori impulsu. Natura semper se
 ipsam restituit, si desit causa, quæ eam ob-
 ruat, & accedat, quæ stimulare possit; tūc
 quia nonnulli ex prædictis Authoribus sunt in-
 ter se discordes, proximiorē enim sectionem
 Cōringius, & Hofmānus vocant revulsionem,
 Highmorus derivationem & melius; tūc quia
 Ettmullerus decipitur, dū credit tantū tem-
 pore missionis sanguinis sanguinem copiosius
 moveri ad regionem sectionis; *hoc non durat*
diutius, ait Ettmullerus, *quā vena aperta san-*
guis fluit, hac enim denuò occlusa sanguis brevi
post iterū in omnibus vasis aquali tenore, & quā-
titate circulatur, quod omninò falsum est, tem-
 pus enim requiritur, ut copiosior sanguinis
 quantitas arte ad aliquā regionem mota, per
 tot anfractus recurrat, ut æqualitèr à corde di-
 spensari denuò possit, hinc Neotericus qui-
 dam sensit velocitatem, qua fluit sanguis post-
 quā missus est, esse quidē majorem velo-
 citate, qua fluit antè missionem, sed esse mi-
 norem illa, qua fluit dū mittitur; sed brevi
 tibi communicabo multa mea de venæ sectio-

ne cogitata, partim ex observationibus Veterum deducta, partim ex circulatione sanguinis orta, in quibus etià leges venarum delectum antè Harvejum fuisse rejectum, quidquid plurimi Recentiores scribant, immemores illius Pliniani moniti, *scilicèt esse benignum, & plenum ingenui pudoris fateri, per quos profeceris.* Leges etià plurima de rectitudine, quam natura servat, & quam Hippocrates ità prædicat, ut doceat, *è directo laterum & præcordiorum intentiones, & splenis elevationes, & è naribus eruptiones, & aures è directo.* Secundùm quam naturæ in decubitu methodum, in evacuationibus, quas arte paramus, rectitudinem servamus; nimirùm eorum, quæ naturalitè eveniunt imitatione, & videbis hanc nullum habere locum, quandò viscera afficiuntur, ob motum, qui æqualitè excitatur, si pars directà, vel opposita vulneretur, cum in truncis opus sit movere, & hunc scopum, tam una, quàm altera sectio obtineat, etià secundùm Veteres; si verò alibi, rectitudo admittitur cum aliqua diversitate in partibus superioribus, & inferioribus, quia modò impedit nè quantitas sanguinis ad locum affectum pellatur, modò ut, quæ sistit in loco, immediatè concitetur; sed alia vice de hac materia, ut dictum est; inter-

rim

rim nè tibi persuadeas post notitiam mechanicæ motionis ipsius sanguinis immutatam fuisse praxin sectionis venæ, nam impulsus, gravitas, vasorum contractiones, & compressiones, quibus motio sanguinis mechanicè explicatur, non impediunt, quin sanguis mittatur in omnibus illis morbis, in quibus mitti consueverat antè notitiam mechanicam, non recedendo ab eisdem observationibus loci, temporis, quantitatis, virium, & hujusmodi, quæ passim proponuntur. Discerem, an salvatella post mechanicum studium sit amplius tundenda, ut moris hucusquè fuit? an arteriotomiæ in inveteratis capitis doloribus obstat mechanicus explicandi modus? videas, Amice, Epistolam ad Thessalum conscriptam, sed non esse fidum Hippocratis testimonium apud cordatos legas viros potius luxurians incerti Authoris cogitatum. De omnibus aliquid scire ut Medico utile, & decorum est, ità nimia assuetudine hæc curare, inutile esse, & perniciosum animadvertit Botallus, quòd tanquam additamentum, vel auctarium in Medico esse debeant. Hoc anno, quo hæc scribo, multa fuere in mea Civitate aneurismata; cum multa in cassum adhiberem, placuit consulere Doctores & præcipuè, qui corporis fabricam me-

cha-

chanicè exponunt, sed risum compescui ob
 reverentiam, & cognovi Medicum debere esse
 practicum, huncquè ex præcedente notitia
 non fieri peritior. Vidi duas mulieres, so-
 rores ex solo usu ità celebres factas in resti-
 tuendis ossibus luxatis, ut nullus Medicus ar-
 tem melius exerceret. Multi rationales Me-
 dici optimè distinguunt, & dicunt causas na-
 turalium actionum esse pernoscendas, sed ad-
 dunt aliud esse demonstrare aliquid esse co-
 gnoscendum, aliud id ipsum quærere, & co-
 gnoscere; hinc nascuntur multi errores, & cō-
 funditur una cognitio cum altera, nec limites
 unius facultatis ab altera distinguuntur. Me-
 dicus tenetur cognoscere manum esse instru-
 mentum apprehendendi; cūr autem appre-
 hendat, & ambiat Medico, ut Medicus est,
 non est necessarium scire, cum ipsi fat sit nosse
 ità manum conformatam esse, ut apprehen-
 dat, quòd si verum est, ut probant viri docti,
 intèr quos Pacius, quid de necessitate cognitio-
 nis mechanicæ in Medico ut Medicus est, di-
 cendum erit? hoc finè dubio, Medicum sci-
 licèt hinc reddi doctiorem, non peritior,
 ut aliàs tactum est, & non redditur peritior
 quia mechanicus ille modus non indicat, &
 non transfertur ad usum, potes ulterius ani-
 mad-

madvertere sanitatem esse scopum Medici curantis, ut in illum iste colimare possit ; partem, si possibile sit, restituere debet, ut reddatur potens ad agendum, ad hoc consequendū nullatenus requiritur in Medico cognitio modi, quo pars agit, consequitur enim introducta sanitas ; tuè igitur supponatur cū Cartesio corpus esse machinam, omnesquè ejusdem operationes esse mechanicas ; sive cum aliis diversimodè exponatur, hoc nihil ad praxin Medicam pertinet, quia Medicus practicus cessat operari, postquam pars est sana ; itaque qui dixerunt lineis, & circulis geometricis non curari ægros, benè dixerunt, etiamsi Author Dissertationis epistolaris in prima parte in hanc arenam non descenderit, si tamèn dabitur occasio, hoc argumentum prò viribus considerabit contrà Stenonem, & alios.

Sextò Praxis herniarum inguinalium, ac scrotalium vel respicit actionem Chirurghi, vel materiam medicinalem, utroquè modo antiquæ observationes sufficiunt ; actio Chirurghi est, & fuit, quæ sequitur. Si hernia fuerit parva, & recens, intestinumquè vacuum, æger supinus in lecto collocatur capite paulum declivi, & pedibus elevatis hac ratione intestina ad septum transversum feruntur, & secùm trahunt,

hunt, quòd descendebat, sicquè intestinum
 facillimè reducitur. Si hernia fuerit magna,
 & paritèr recens, unà cum intestino nulla ma-
 teria, aut modica distensio, sensim, & molli-
 tèr digitis hoc est contrectandum, donèc in
 suam sedem abeat, nec variant Scriptores,
 dùm præcipiunt versùs aperturam intestinum
 lenitèr comprimendum, circumagendū, pau-
 latim impellendum, & ad locum relaxationis
 dirigendum esse; concurrente maximè motu
 peristaltico, cujus ope potissimū se insinuat,
 & pristinam sedem sibi comparat & spontè;
 proptereà intèr cautiones in repositione ob-
 servandas vult Panarolus sæpiùs à manuum
 actione abstinendum esse. *Sextò inquit, adver-*
tat Chirurgus facillè spontè intestinum regredi hi-
sce remediis absquè ulla manuum vi. Quandò
 postea delapsum intestinum, est inflàmmatum,
 facibus, aut flatu turgidum, tunc requiruntur
 aliæ considerationes, quæ ad præsentem lo-
 cum non pertinent, nunc sufficit scire repositi-
 tionem fuisse sempèr facilem, quod & Fallo-
 pius confitetur, & plerunque spontaneam;
 Materia medicinalis succedit, de qua quæstio
 est in Dissertatione, & hæc omninò est eadem,
 apud Veteres, & Recentiores, nec quidquàm
 alterata, & mutata est à tot observationibuss

in intestinis, & musculis factis, quas sicet ignorent meliores Orchotomi, attamen ex adepta praxi, & faciendorum ratione æqualiter curant nunc, ac olim; exempla enim magis semper profuere, quam præcepta in Medicinæ magisterio, & universaliter confirmat Tullius *frequentem usum, omnium magistrorum præcepta superare*; eodemque fine Petrarcha *non medicinæ, sed salutis Professores quærebat*.

Septimò ponderetur consequentia ex observationibus Schraderi, & Bidloi deducta, nempe impostèrùm non esse opus prò visceribus Abdominis sitū naturalem in herniis mutantibus repositis, retinendisquè castratione crudeli, & nefanda. Qui benè artem chirurgicam exercuerunt, castrationem oderunt; generalitèr, ità loquitur Fabricius, *hæc Chirurgia duplicitèr agitur, vel sinè testiculi extractione à bonis Chirurgis, vel cum testiculi extractione ab Empiricis, & literarum ignaris*. Inferiùs, quæ operatio ità horribilis, & periculosa est, ut quamvis plures evadant, plures tamèn aut sub ea, aut paulò post moriantur, unde isti suscipiunt egrotantes curandos, ut mortuos, proptèr quam causam ego fui semper hujus opinionis, ut nullo modo patientes hujusmodi periculum subeant, præsertim cum bracherium gestare possint tota vita sua absquè eo quòd

quod unus dies totius vite brevietur, idque cò libentius consulo, quod hisce diebus cum de hac re loquerer cum D. Horatio de Norsia operatore maxime hac in re exercitato, & dixit mihi, quod antè aliquot annos plusquam ducentos singulis annis incidebat, nunc neque etiàm viginti, & causam mihi expetenti retulit, quia bracherio & astringenti medicamento imposito plerique sanantur. Lanfrancus apud Guidonem, Vigo, Fallopius, omnes cognoverunt periculum castrationis, & consuluerunt sapientes, & practicos viros, etiamsi curam scirent, recusare debere similem chirurgiam. Quando prædictæ auctoritates sunt indubitatae, non potest inferri castrationem omittendam esse ob Schraderi, & Bidloi observationes, nam multò antè, quàm còciperentur in rerum natura prædicti Authores cognoverunt meliores Chirurghi prò retinendis intestinis castrationem esse dolorosam, funestam, violentam, & periculosam, adeoque penitus dimittendam, consequenter patet non esse hodiernum documentum id, quod quinto loco infert Joannes Bohn, scilicet; & per consequens (5) nec imposterum opus erit prò illis repositis retinendis castratione adeò crudeli, & nefanda. Immò prædictum Authorem in practica lectione, & observatione Veterum

non

non esse versatum constat. Confirmatur ex
 Valeſco de Taranta , qui floruit Monſpelii
 circa annum Domini 1382. hîc hiſce duabus
 propoſitionibus oſtendit prædictam operatio-
 nem eſſe omninò deferendam. Prima, *qui-
 cunquè incifione tentat curare hernioſum cacochy-
 mum, vel debilem, vel ſenem, vel gulofum, at-
 què intemperantem, homicida maniſeſtiſſimè fieri
 deſiderat*. Secunda, *licèt Herniotomi multos ſa-
 nent, quàm plurimos tamèn in vitæ diſcrimen ad-
 ducunt: ideo huiusmodi curatio dubia, ſuſpecta què
 habenda eſt, infamiae què vitanda gratia cursori-
 bus relinquenda, in manibus quorum multi pe-
 reunt ſuperueniente convulſione, aliquandò verò
 febre, & interdum ſanguinis fluxu; aſſentitur
 Sylvius Ambianus, dum ait; in qua caſtratione
 grandes natu pleriquè præmîum oris, deindè corpo-
 ris reliqui convulſione tandem moriuntur, pueris
 alia inde accidunt incommoda non exigua, ob id
 hac curandi forma potiùs eſt omittenda; & Vidus
 Vidiuſ junior miſeram admodum eam curandi
 rationem vocat, per quam pars aliqua exciditur, nè
 eadem poſthac ampliùs dolere poſſit.*

Demùm ultima motiva ſolvantur. Ad pri-
 mum dicamus Veteres in læſa hæmatofi reme-
 dia Hepati applicuiſſe, hodiernis diebus hæc
 praxis à nonnullis reiſcitur Hepate exauto-

rato; verùm si res diligentè consideretur, adhuc subsistit, nam aut sanguificatio læditur, quia separatio in Hepate vitiatur, & in hoc casu annuente Bartholino eadem remedium genera, indicationes eadem requiruntur, quas vult læsæ sanguificationis munus putativum; sive dicas hanc non esse difficultatem; aut læditur quia in toto particulæ non rectè subiguntur, nec miscentur, consequentè non exaltantur in naturam sanguinis, & tunc est quæstio, & conveniunt remedia Hepati admodum non Hepar respicientia, sed copiam sanguinis per Hepar brevi tempore transeuntis, & in hoc loco aptissimi ad recipiendam debitam alterationem ob situm, & quantitatem. Qui cum Mæbio & Diemerbroeck sentiunt de usu Hepatis, nō possunt nō Hepar respicere, quando hæmatosis offenditur. Qui notabilem bilis usum prò chylicatione cognoscunt, eadem tenentur sequi vestigia, cū vitium primæ coctionis nō emendetur in secunda, & confundantur omnia, si in primis officinis succi debitè nō elaborentur, quandò etiā vasa lymphatica æqualem lympham à diversis partibus non reducerent, uti probabile est, possunt Medici suæ praxis rationem reddere; quare non desunt cogitata, quæ antiquam praxin tuentur, & sustinent;

Alia

Alia, quæ sequitur de Liene objectio, pari facilitate diluitur, quia Veteres in sua hypothese non sunt adhuc omnino despiciendi. Villis de fermentatione defendit Lienem esse promptuarium terrestris, & limosæ partis sanguinis, quæ ibi in fermenti naturam exaltetur, & effervescentiæ gratiâ sanguini restituatur; unde quotiescunque hæc operatio deficit, aut luxuriatur, remedia Lieni opportuna applicantur, quæ morbos inde productos corrigunt, uti sunt magna ex parte Scorbutici, & Hypochondriaci affectus. Similes ferè opiniones proposuerunt nobis Velthufius, & Ettmullerus, ac majori probabilitate conjectarunt, quàm qui persuadere conati sunt in Liene succum quandam separari in portam, hinc in Hepar deferendum còmixtum cum sanguine per ramum splenicum, ut suam Hepati præstet operam in bilis separatione, præcipitando, & singula fortè dissociando, quæ bilem componunt, quia hæc opinio ex dictis maximè cessat. Accedit bilem tantam non habere cum sanguine societatem, ut nequeat separari sine præsupposito corpore præcipitante, ut patet in bile, quàm cystis fellea separat in sententia eorū, qui utramquæ tenent opinionem; ulterius cætera viscera, quæ separant, ut Renes, Testes,

Pancreas, non habent ullum viscus præparativum suæ operationis, & quandò Lienis usus à morbo impeditur, vel arte; non impeditur usus Hepatis, quod ipsum adversarii concedunt, si benè recolant suas observationes, & tenentur concedere, si universalem methodum naturæ considerent ostendentis in multis animalibus sinè Liene Hepar pro sua functione illo non indigere; ex his oportet deducere verisimiliorem esse Villisianam sententiam, adeoque in morbis melancholicis non sinè aliqua divinatione remedia Lieni juxtà priscum systema admoveri.

Si dicas, Amice, Lienis sanguinem in cavam esse refluxurum, non in Portam per propaginem splenicam, cùm proximior sit cavæ truncus, in quem immediatè posset exonari, nisi Lien Hepati confuleret, statim tibi refero rami splenici existentiam necessariā fuisse prò colligendo, & distribuendo sanguine ex Ventriculo, Omento, & Pancreate regrediente per venas Epiploin sinistram, dextram, & posticam, gastroepiploin, vas venosum breve, gastricam majorem, & minorem &c. & data hac necessitate omnibus manifesta, immediatè cognoscitur sanguinem Lienis cōmodius in portam, quàm in cavam reduci, ita enim massa
san-

sanguinea mirabiliter dividitur, trunci majores copia ejusdem non aggravantur, & æconomia naturalis ordine, & industria disponitur; secus si Lien in cavam, aut Renes, & Testes in portam suas sarcinas deponerent, nam in primo casu truncus quantitati fuisset impar; in secundo dispositio incommoda; hæc conjecturaliter valeant, quia in distribuendis vasis naturæ institutum non assequimur. Cur natura non exoneravit in cavam vasa lactea? & si hæc non removebunt animum tuum à prædicta de Lienis usu sententia, poteris æquali fundamēto inferre Glandulas Mesenterii pro secretionem bilis laborare, ex quo ductu particulari excretorio destituantur, & sanguis hinc recurat in jecur; verum alia vice repastinabo hanc vineam, & tibi impertiar plurima de Lienis structura, & usu hætenus occulta, si tamē mihi sanitas, & otium nō deerunt.

Ultima difficultas de humoribus, & partibus novis primo intuitu est speciosa, equidem non potest negari succi pancreatici generationem læsam, motumquē læsum hodie proponis; similiter lymphæ in Glandulis conglobatis præparationem læsam, chyli in vasis lacteis, feri in lymphaticis motum impeditum, & alias hujusmodi infirmitates, de quibus nē verbum

reperitur apud vulgares practicos & inter Recentiores has prolequitur Sylvius de le Boe ob cognitās novas, quas vocant Anatomicas observationes: sed nec iste Achilles fundatam molem destruit, & quia plurima non spectant ad rem presentem, cum non sint de minutarum rerum aucupio, & quoniam in predictis partibus, & succis non dantur morbi novi, sed tantum dantur morbi communes in partibus de novo cognitis; & si concederentur morbi novi, adhuc non evertitur recepta, & antiqua medendi methodus, quæ docet inveniri media curandi per indicationem, id est per rationem, quæ aliquandò fallit; per experientiam, id est specifica remedia, quæ vix rationem admittunt, & quorum agendi ratio non demonstratur; per analogisimum, id est per similitudinem, qua morbi novi sunt expulsi; unde medicamenta affectui cognito appropriata, etiam in altero affectu incognito administrantur priori tamen simili, id quod in primis (inquiunt practici unanimiter cum Galeno) in novis, aliisque incognitis affectibus usu venit, ita etiam se gessit predictus Sylvius, dum læsam genesin succi pancreatici similiter curabat, ac læsam salivæ generationem; nec ab hoc instituto ullatenus recedendum est;

verum, sunt verba Galeni, ex analogismo ju-
vans, quando causa quidem delitescit, nullaquē
observatio habetur, sed affectus quā simillimus
ex casibus est; in hujusmodi enim ab indicatione
profuturum colligi nequit; causa namquē ignora-
tur, nullaquē prætereā facta observatione casuum
similitudinem intuentes cogimur ad simile trans-
gredi; aliquis namquē à serpente Hemorrho vo-
cato demorsus fuerit, indē sanguis largiūs effluat;
nos causam, quare id patiatur, nescientes nequē
observatione instructi, auxiliis ad sanguinis ob-
incisionem profluvia facientibus opitulabimur, at-
quē hac ratione Cnidii medici pulmones purulen-
tos habentibus succurrere tentabant transitu ad si-
mile utentes, quoniam enim quidquid in pulmo-
nibus est, per tussim extruditur, linguam amoven-
tes aliquid humoris in Arteriam instillabant, quod
tussim vehementem concitare posset, ut ex casus
similitudine pus rejiceretur, quam similitudi-
nē explicantes Authores voluerunt hanc de-
sumi, vel ex affectu, vel remedio, vel mem-
bro, ut legere est apud Sennertum, & alios.

Consideres amplius tria cōtinere ultimam
difficultatem, chylum, lympham, & succum
pancreaticum; chylus vel consideratur in or-
dine ad iter, vel in ordine ad productionem;
primo modo nulla est difficultas, quia diversa

semita non importat diversas considerationes medicas practicas; secundò cùm Medicus practicus obseruet effectus, & ità nihil novi contingat, natura enim semper fuit una, licèt, non æqualitèr cognita, ut aliis vicibus dictum est, nec morbi, nec remedia nova erunt ex vi cognitionis; & quidquid ex antiqua hypothesis profuit, adhuc ex nova proderit. Succus pancreaticus vel læditur ob vitium organicũ, & de hoc suprà satis, vel ob vitium fluidorum, pro quo dirigendo Anatome nihil potest, & hoc cognoscitur tantũ ab effectu in primis viis, dũ prima coctio deficit. Defectus autèm primæ cognitionis optimè cognoverunt Veteres, & curarunt, siuè ab una, siuè ab altera causa procedant. Idem sermo locum habet in lymphæ conglobatarum Glandularum præparatione læsa, cuius effectus in sanguine omnibus innotuerunt, siuè coaguletur, siuè fundatur, siuè non misceatur, aut alio pacto alteretur; & hæc vitia tempore antiquo cognita eadem remedia requirunt, ac olim erant in usu; summatim iisdem indicationibus procedendum, & iisdem remediorum formulis; eò enim omnia tendunt, ut obstructiones, & aliæ organicæ passiones, si quæ fuerint, tollantur, intemperies corrigatur, siuè hæc fuerit

in primis, siue in secundis, ut ajunt, qualitati-
bus, & effectus castigantur, quoniam istorum
ablatio causam sæpissimè emendat, & resti-
tuit, superata enim mucilaginosæ constitu-
tione sanguinis eodem tempore vincitur mu-
cilaginosæ constitutionis origo ob vim reme-
dii, quod principium, & productum æquali-
tèr temperat.

Hæc sunt, quæ limis scripsit in sua prælectio-
ne Joannes Bohn, & ratam faciunt similitudi-
nem Luciani Civitatum cum apum examini-
bus; an impugnent Dissertationis doctrinam
benè norunt illi, quibus non est animus per-
foratus. Exploratum est ædificasse in arena,
non in petra, multa motiva nec solvisse, nec
tetigisse quidè, semper esse extrà quæstionē,
quæ nunquam æthiologiam comprehendit;
sed morbos, & materiam medicinalem, quæ
nullum incrementum ex minutis observatio-
nibus, & microscopiis habuerunt, nullaquē
proindè responsione opus esse; sed summa au-
thoritate motum hæc pauca publicis monu-
mentis iterum me consignasse; nō ad remoran-
dum studium Anatomicum minimum, nec mi-
croscopii usum, sed ad ostendendum hinc pro-
ficere Anatomiam philosophicam, non medi-
cam, & Clinicos in morborum notitia, & re-
me.

mediis debere versari, & cavere cibos, qui non esurientes ad edendum alliciunt, & potus, qui faciunt, ut non sitiens bibat; qua de causa Aristides non Atheniensis, non Gottin-
 gensis, non Bononiensis, sed Adrianensis ora-
 tionum tomo primo res minutas contempsit, præcipuè quandò magnæ levius tractantur, & quarum notitia adhuc est modica, vel nulla; referunt eruditi Scriptores ingravescente quondam pestilentia ludos scenicos ad levandam vim morbi, & numen placandum institutos fuisse, qui cum nihil proficerent ortam esse hanc Paræmiam, *ludi scenici ad mitigandam pestem*, qua irritus conatus illorum, qui incalsum laborant, significatur. Audeo à simili dicere multorum Medicorum studia esse ludos scenicos ad mitigandam pestem, cum nihil proficiant in illis rebus, quæ ad finem artis pertinent, & in adversum niti, nec Christianum, nec Medicum practicum decet. Desiderarem Medicos instar agricolæ, non viatoris, hic in transitu laudat plantæ umbram, vel altitudinem; Agricola verò fructum, & pro hoc laborat, *quacunque humus emittit*, Maximus inquit Tyrius, *viator obiter vario sensu in-
 tuetur, sed Agricola sano iudicio spectat, hic flores
 plantarum laudat, ille vel magnitudinem, vel*

umbram; hic colores plantarum extollit, Agricola nihil præter fructum, qui emolumentum aliquod afferat, probat. Si quis viatoris illius prætercurrentis exemplo sermonem aliquem excipiens ad ejus suavitatem laudandam se convertit, minimè damno; si verò Agricolam imitari maluerit, frustra mihi lauda verit sermonem ejus, cujus ut litatis rationem non antè reddiderit. Inferiùs idem Author comparans Isthrum cum Nilo, hunc illi ob fæcunditatem anteponit, gratus, ait, visu inter fluvios Nilus, nequaquam ob affluentiam aquarum, id enim præstare potest & Isther; at Isther infæcundus est, fæcundissimus Nilus; ideo Nilus aspectum oblectat. Illi Medici, qui de infirmorum salute non cogitant, & qui alienum magis, quàm proprium finem quærunt, personati sunt, & de nomine tantùm solliciti, hos arguit Author opusculi de lege & meritò histrionibus assimilat. Qui quidem ex Foesii versione, personarum, quæ in tragediis producuntur maximè similes esse videntur; quemadmodum enim illi, qui formam, habitum, & personam histrionis referunt, nequè tamèn histriones sunt, sic & Medici nomine quidè multi, reipsa perpauci.

Vale Anno 1691. Bononiæ Idibus Novembris.

F I N I S.



A D
PHYSICO-ANATOMICAS
EPISTOLARES
DISSERTATIONES
A P P E N D I X

AVTHORE
IOANNE HIERONIMO

SBARAGLI

EDITIO PRIMA.

INTERNATIONAL
PHOTOGRAPHS
MARKETPLACE
AND
ARTISTS
GALLERY
NEW YORK



As nostras Epistolares, de Recentiorum medicorum studio, Dissertationes coniunctim impressas anno 1693. sine nostro, aut alio nomine, nonnulli Doctores impugnare conati sunt, aut de eisdem votum suum dare sine debitis distinctionibus, & cognitionibus voluerunt. Nos interea ad delendam omnem caliginem, in hac ultima editione, operæ pretium duximus omnem dubitationem remove, & Authores referre, ac refellere, ut veritas propugnata, eadem semper constans, innotescat.

Primo loco, considerandi sunt Collectores Bibliothecæ Anatomicæ Daniel le Clerc, & I. Iacobus Mangetus in secunda eiusdem editione, qui antequam primam nostram Dissertationem Epistolarem adducant in primo Tomo præmittunt argumentum, & quid sentiendum sit de eadem, sequentibus verbis exponunt. *Eaque propter continuo adferamus Epistolam Dissertatiunculam ab Anonymo conscriptam, qua recentiorum Medicorum in Anatomicis, ac præcipue in viscerum minimis, imò in variorum animalium, & plantarum ipsarum Dissectionibus, studium non parum reprehenditur, idquè non tantum quasi inutile; sed etiam, quòd acriora quædam,*
& sub-

& sublimiora aliàs ingenia, quorumquè opera medicina in ijs, quæ habet ad vitā, & valetudinem facientia, multum illustrari posset, multivariæ considerationis amanitatibus præoccupans, velut alius lotos arboris fructus in officii sui, ac curriculi in bonum publicum, societatisq; commoda perficiendi, plenam oblivionem præcipitet.

Hanc quoquo modo confarcinatam censuram possunt omnes annotare, quoniàm in nostris Dissertatiunculis nunquàm sumus universalitèr locuti, ut ipsi Collectores, & Rhapsod. supponunt, & nunquàm à nobis absolutè reprehenderetur quodvis studium Anatomicū, sive minimum, sive comparatum, sive phytologicum, nequè unquàm cogitavimus illud inutile simpliciter appellare, uti repetitis vicibus, seu millies, & liquidò constat in nostris Opusculis, ita ut satisfacere nunquàm possint, qui diversimodè sentientes nos castigant; sed tantum scripsimus prò medicina facienda, subtilitates incausum quæri, & rerum minutias ad pondus practicum nullatenus pertinere, secus rem se habere, si naturalis spectetur historia, prò qua complenda prædictum studium utile, ac necessarium est, omnesq; tum Veteres, tum Recentiores extollunt.

Et sanè si prædicti Collectores attentè primam

nam nostram legissent Dissertationem, ac secundam consideravissent, utiquè nos plenam oblivionem præcipitare non dixissent; nimis enim præcipitanter, nimisque intempestivè in suo festinarunt iudicio; parcant nobis prædicti Viri, si hanc Provinciã ità tuemur, quia de re agitur gravi, hoc est de confusione, quæ nostris diebus plurimum est luxurians delenda, qua medicina non distinguitur amplius à Philosophia; nec nõ de necessaria Scholæ Clinicæ directione; nimis enim exorbitant hodierni Medici, ut Medici, hinc indè amœnitates, & flores colligentes, proprios autem fructus cum insigni temporis, & infirmorum iactura negligentes, ac si in vera Medicina nihil majus esset suspiciendum, nequè ad aliud intendendum esset, quod majori diligentia, & privatim contemplandum esset.

Ab eisdem Authoribus semper libenter audiemus, & addiscemus, quomodo Medicis practicis profutura sit eorundem totalis, & qualiscunquè Rhapsodia, in qua tractatuli de formatione pulli in ovo, de Cornuum vegetatione, & hujusmodi continentur, quæ ità pertinent ad Clinicen, sicut Satellites Iovis; & si similitudo cælestis non arridet, ad aures dicimus, æqualiter ad medendum esse profi-

cuos tractatus enuntiatos , sicut Anatomia artificialis oculi , vel modus dealbandi ossa prò Sceletopœja, de quibus Authores prædicti anxii fuere , quæquè plenam rerum utilium in Praxi oblivionem inducunt . Scimus quidè cognitionem morborum , & remediorum ad optimum Medicum pertinere , quam opuscula relata , & multa alia ejusdem census non pariunt .

Nolumus tamèn viros de re Anatomica benè meritos laceffere , solummodò studiosam juventutem monere tenemur , eosdem Authores candidè insinuavisse , prout in nostra prima Dissertatione tetigimus , hodiernas minutias veritatem non detexisse . De variorum succorum secretionem in Præfatione verba facientes ajunt , neminem hucusquè modū fuisse assecutum ; *Quid fiat (sunt eorundem verba) ut tam diversæ naturæ liquores à Glandulis , omnes paritèr ortum petant , nemo est hætenus assecutus ;* de cerebri structura, & usibus partium post tot labores idem ferunt judicium , textus alibi est allatus; cætera etiam ferè omnia remanent obscura , ut indicatio elici nequeat , quæ diversam à dubitativa notitiam requirit , quod post Dissertationes addiscens Antagonista nō amplius scepticè , ut in omnibus suis Opusculis ;
sed

sed à priori, ut in operibus Posthumis, patet scribere ausus est.

Hæc principis innixi formavimus nostras Dissertationes; quare itaque nos accusent, si approbamus eorum præmissas, non percipitur; maximum est erratum scribere ad aliorum palatum, ad obsequium sibi conciliandum, aut ad prurientem tantum novitatem fovendam, & acquiescimus cum Martiali, dum cecinit.

*Sunt quidam, qui me dicunt non esse Poetam,
Sed, qui me vendit Bibliopola putat.*

Quicumque medentur nobiscum sunt, de aliis non curamus, nec quidquam quærimus; tantum addimus paucioribus Rhapsodiis, majorique attentione opus esse; hac methodo, & magis purgatum erit iudicium, & libri incassum non multiplicabuntur; Aldi Manutii censuram in simili casu editam, & omnibus notam hic ob brevitatem non adducimus; credimus tamen orbem literarium esse cognosciturum, quod sicut non approbamus pro studiorum utilitate repetitas editiones sine additamenti effatu dignis, & omnem aliam industriam, quam literarum progressum, respicientibus, ita intensiorem potè distinguenda veritate applicationem adhibendam esse.

Secundò vidimus Epistolam Petri Regis Amstelodami impressam Kalendis Decembris anno 1697. quam maxima admiratione legimus, etenim ab initio ad finem nihil continet, quod ad rem nostram pertineat; controversia à nobis proposita est communis, & non propria, singularem Authorem non respicit, sed omnes Leptologos sinè contumeliis, & convitiis, sed iuxta mores, & terminos scholarum procedit, & quamvis admittamus verum esse, quod ex Antagonista refert, in pluribus nempe Operis Posthumi locis, & præcipuè in responsione ad primâ Epistolam nostrâ de Recentiorum Medicorû studio eundem cõqueri, debebat tamèn antè assensum, & approbationem idem Author, maiestate, & gravitate regia causam cognoscere, & non clausis oculis pronuntiare, in qua re excusari nullo modo potest.

Non cognovisse eundem statum nostræ controversiæ constat ex eius verbis, quæ sunt. *Hæc satis superquè comprobant diversi tractatus, quos in lucem à quadraginta ferè annis emisit, quales sunt de Pulmonibus, de Tactus externi organo, de Cornuum vegetatione, de Omento, de Pinguedine, de Hepate, &c. certissimum est in his omnibus multa eximia contineri, quæ prius incognita planè erant,*

erant, quæquæ historiam naturalem maximè illustrant, quæ ultima verba, quæquæ historiam naturalem maximè illustrant, evidentissimè demonstrent in hac Sparta hospitem fuisse.

Quæ sequuntur permittantur parergi loco, ut omnibus constet, & in nostra, & in multis aliis quæstionibus, & considerationibus scopum non tetigisse. Eadem autoritas paulò antè allata ostendit modicè versatum fuisse Petrum Regis in lectione Veterum, & Recentiorum Medicorum, ac Philosophorum; etenim exploratissimum est multa, & multa à nostro Antagonista conscripta fuisse, quæ prius incognita planè non erant, & paucissimis exceptis, nomina tantùm nova cogitata fuisse, res autem easdem cum Antiquis remanere. Specimen istius veritatis patet in nostris Opusculis; sed particulare opus à nobis ferè completū veritatem aperiet nō solum contrà Antagonistam, sed etiàm contrà alios suppositos Novatores. Idem argumentum exornavit Theodorus Ianssonius ab Almeloveen in tractatu de Inventis nou-antiquis impresso Amstelodami anno 1684. sed nos & methodo, & cognitionibus, diversos labores pollicemur, ac plurimas æquivocationes declarabimus.

Et quemadmodū in prædictis Petrus Regis

maximè excessit, nosquè iniustè vexavit, ità in toto progressu suæ Epistolæ à terminò deflexit, quod annotare placuit, nè tenebræ confundantur cū luce. Omnia opuscula Antagonistæ sunt sceptica, & prò demonstrationibus non habentur; hoc probatur, ex ipso Antagonista, qui semper dubitativè locutus est, & expressis verbis propriam naturæ obscuritatem ubiquè inculcavit; quandoquè finè suo nomine expresso scripsit; non alio fine, nisi quia suam lubricam cognoscebat doctrinam, ut patet de Ductibus adiposis, quos naturæ imposuit. Si postea Petrus Regis, aut alii scepticam scribendi formam prò demonstrationibus habeant, signum erit aut non meminisse, quid sit demonstratio, aut propositiones Antagonistæ ad examen demonstrativum nunquam revocavisse; possumus quidem prò veritate testari multos Doctores plurimas Antagonistæ positiones impugnasse. Borellus de motu Animalium parte altera acriter aggredditur Adversarium, & ostendit ejusdem errores, quandò modum separandi urinam perscrutatur; Bartholinus libro primo cap. 3. suæ Anatomix contrà usum pinguedinis ab Antagonista adductum ait. *Metuo tamèn, ut oleum camino addatur.* Idem de Papillis prò organo

gano gustus dubitat, & unâ Sauvry dissentit, prout fusè in nostrâ responsione ad Posthumû. Io. Suvammerdamus in Notis in Prodromum D. van Horne observat errores Antagonistæ, cōmissos in Anatome Bombycis, & ità describit. Eotamèn non obstante (quandoquidem pluribus experimentismihi constat, quàm faciliè veritati vis fiat; ubi alienis potius, quàm propriis oculis videmus) levi in speciem argumento ductus, omnes figuras ad examen revocavi; & quanquam molestissimum sit illud sectionis genus, & aliam, quàm vulgaris Anatome administrationis methodum requirat, omnem tamèn illum laborem, motus gravitate rei patientèr in me suscepi; & profectò nec labor, nec iudicium me meum fefellit, non enim errata modò aliquot in figuris hic illic observavi; sed eadem etiàm opera graviora quedam detexi; præcipuum in quo figura à vero aberrant in partibus virilibus spermaticis, & spinali medulla situm est. Ad primum quod attinet non testiculos modò, alieno loco ponit; sed figuram etiàm ipsam mente concepisse videtur Quod olim Amico nostro ipse Antagonista subindicavit.

Alterum eius erratû (sequitur Suvammerdamus) *in figuris in eo situm est, quod medullam spinalem Cerebro in Bombyce naturaliter annexam seorsim, & sinè Cerebro adumbravit; cuius erroris*

hæc ratio est, quod ipse fatetur, Cerebrum se in Bombyce nullum reperisse, qui error errorem alium peperit, scilicet suum cuiquæ annulo in Bombyce Cerebrum adesse; id quod detecto iam Cerebro corrucere necesse est.

Georgius Entius in Malachiam Thrustonum de Respiratione, de Antagonista loquens ait, negotamen illum summa cautela ranarum pulmones introspectasse, & perlustrasse; nam quid sanè id fecerit; cum certò constet nullos ranis Pulmones obtigisse? Tantalihortos vidit, qui apparent aliquid esse, cum revèra non sint.

V Villis de Affectibus cutaneis, eorumquæ remediis describit cuticulam, & dicit hanc ubiquè perforatam esse, & in hujus foramina sudoris vasa excretoria hiare, ac ista Antagonistam, microscopio paulò antè hiatus suos quibusdam quasi valvulis prò sudore detinendo, aut liberiùs emittendo donari, asseruisse; verùm sunt verba V Villis, *has me latuisse fateor.*

Barbatus in Exercitatione de sanguine, & eius sero negat Adversario nostro in Pulmonibus exactissimam fieri in scellam, quia frustra studuisset natura tanto cū labore exactissime miscellæ, nutritioni planè super vacuæ, quia sicut alba corporis membra sero, ita rubra sanguine redintegrantur.

Tilingius discedit ab eodem in præparatione seminis in Renibus, undè de Renum usu nobili §. 75. hæc habet, *Vt verò hac in re dubia, salvo quocunque Anatomicorū iudicio, liberè aliquid statuamus, mentemque nostram explicemus, nos Renes partes esse Principes, generationisque seminis primarias causas efficientes, ac ab ijs vasa spermatica vicina, testes, cæterasque partes generationi dicatas irradiari existimamus.*

Donatus Rossetus in suis Dialogis Physico-mathematicis probare conatus est Papillas nō esse institutas prò tactu generatim.

Antonius Nuck in Adenographia curiosa cap. 1. meminit Antagonistæ, & structuræ Glandularum conglobatarum ab eodem descriptæ; recedit tamèn ab eodem, & concludit. *Sed, ut pace tanti viri hoc dicam, longè aliter earum fabrica nobis oblata fuit.* Recedit paritèr in alia quæstione, an vasa lymphatica sint Glandularū excretoria, undè cap. 3. cogitavit contrà eundem non esse excretoria vasa, & Glandulas lymphaticis non nisi transitum concedere.

Isbrandus de Diemberbroek plurimis in locis ab Antagonista dissentit, in pinguedinis origine, in vasis adiposis, in usu Hepatis separatorio tantum bilis, in qua re Ettmullerus

in Operibus Genuinis tomo primo in Institutionibus Medicis cap. 14. & alii conveniunt, in lacte continente butyrū, & non procedente ex mammarum pinguedine, in miscella pulmonaria, & diversis à Barbato motivis; in ventriculis Cerebri cum Mæbio afferente nullius usus gratia, sed per accidens à natura fuisse formatos; in succo nervorum, quem licet sustinuerint multi Doctores Angli, alii tamē plures eundē accerrimē confutarunt; & in experimento nervi brachii secti, & succi ovi albumen referentis indē erumpentis, manifestē deceptum fuisse Antagonistam testatur Diermerbroeck.

Antonius de Leeuvvenhoeck substantiam Corticis ex nullis aliis partibus constare dicit, quā ex incomprehensibili multitudinemini-morum vasculorum quæ tam arctē sibi invicem adiaceant, ut substantiam vitream ob suā pelluciditatem per microscopium repræsentent. Antagonista voluit esse Glandulosam, & hanc vesicis morbosus probavit.

Sed ne moremur in hac re: omnes, qui legunt, optimē norunt propositiones Antagonistæ, ejusdemquē observationes prò demonstrationibus non haberi, & sæpissimē contradictorias esse. Nos in Responsione ad Posthumum,

quæ

quæ terminata est, multa alia proponemus, tam contrà observationē, quàm contrà illationem; & si plurimi Authores convenerunt in facto cum Antagonista nostro, id non processit, quia observatio sit infallibilis, sed quia laborem timentes, aut tempus non habentes aliena vestigia sinè examine sunt secuti.

Dum vivebat Antagonista, cognovit, & legit multos Authores sua documenta repro-
bavisse, & in relatione propriæ Vitæ meminit Entii, Suvammerdami, VVillisii, Borelli, Diemerbroeckii, Kerkringii, Bonanni, & aliorum, quorum obiectionibus satisfacere conatus est, nostrum munus interea non est, datas responsiones discutere, nec Authores distinguere; cum hic non scribamus, nisi ut Petrus Regis benè percipiat dogmata Adversarii tam in facto, quàm in ratiocinio prò demonstrationibus non haberi, & admitti. Si privatim interrogare possemus Petrum Regis, & fundamentum suæ assertionis quærere, aut cū D. Augustino 11. Confessionum libro cap. 14. §. 2. responderet. *Quid ergò est tempus? si nemo ex me quærat scio; si quærenti explicare velim, nescio;* aut veram esse Aldi censuram post Typographicum inventum concederet, cui & Barclajus adhæsit. Multa faciliter proponun-
tur,

tur, at non æquè facilitè probantur; & multa dicere non est benè dicere.

Modico igitur, seu nullo fundamento scripsit Petrus Regis. *Inventa, ac opiniones paucissimis exceptis, quas ipse singulari modestia, simplici coniecturarum nomine appellat, omnibus acceptissimæ sunt, & prò demonstrationibus habentur.* In materia de facto, seu in nuda historia, qui indagavit, non acquievit, & scepticè retulit; alii verò, qui non viderunt, demonstratiuè eundem admittent? Petrum Regis nunquàm Anatomen exercuisse liquet, secus immensam difficultatem demonstrandi, nè dixerimus impossibilitatem cognovisset.

Eadem infirma methodo de Galilæo, Cartesio, & aliis verba facit, ac spernit, quos deberet adorare, obloquitur præceps, & defendere vellet, qui non possunt defendi. Cartesius à maximis, & præcipuis Doctoribus evertitur; isti sunt Pater Gibieuf de la Barde; Patres Doctrinæ Christianæ; Cyriacus Lentulus Professor Herebornensis; Revius Vestfrisix in Holl. Præfectus; Gassendus, Robervalus, Huetius, & alii; ultimus præsertim notat, quod Philosophiæ Cartesianæ fundamentum sit dubitatio, quod idem Author sit inconstans, quod figmentis nitatur, quod effectibus causas

non necessarias, & causis effectus non necessarios assignet, quod officiat fidei, quod vitiosa utatur philosophandi ratione, addimus nos & ipsis Protestantibus obesse, qui paulatim principiis Cartesianis in Atheismum ruunt, ut deducetur ex nostra Disceptatione modò terminata, sed hætenus non publicata, & est.

Quod Animalia bruta non sint automata.

Hinc in Indice Librorum prohibitorum iussu Innocentii XI. edito anno 1683, reperiuntur infra scripta Opera ejusdem Authoris, & configuntur, donec corrigantur. De prima Philosophia; Notæ in Programma; Epistola ad Petrum Dinet; Alia ad Voetium; Passiones animæ, & Opera Philosophica. Tractatus postea de homine ita convellitur ab omnibus Anatomicis, ut nemo peritus in arte ejusdem hypothesein de Glandula Pineali, de valvulis nervorum, & hujusmodi sustinere audeat, cum natura easdem abhorreat; tumultuariò igitur concludit Petrus Regis. *Ab homuncione quodam violento, ac furenti Theologo duritèr, ac sine causa vexatus fuit; quod inconsultò dicitur, quandò Tribunalia ad id particularitèr destinata decreverunt oppositum.*

Galilæum similiter in hypothesi Copernicana pessimè tuetur, & dum eundem vult laudare,

dare, dolosum, bilinguem, & perjurum declarat; omnes enim, qui opinionem aliquam, *reluctante conscientia*, detestantur, sunt fraudulentum, & indigni homines; nam melius semper est pro veritate supplicium pati, quam fidem perdere; Galilæus autem anno 1633. ut notat P. Ricciolus in Apologia, ubi Sententiæ verba referuntur ore confessus est suum errorem, undè eundem non est censendum sustinuisse tunc temporis oppositum.

Refert etiam multorum nostri temporis Virorum opiniones, licet à quibusdam fuerint rejectæ, attamen in pretio esse, & communiter approbari, demptis Hispanis, Lusitanis, ac Moschovitis, de quibus ita sentit, *Eorum opiniones, quæ statim reiectæ fuerunt, & quorum Authores secundum aliquos ignis etiam æterni pœna plectendi erant, hodiè florent, & in pretio habentur; oppositæ verò prorsus damnatæ sunt, perpetuaquè oblivioni obruerentur, nisi essent Hispani, Lusitani, ac Moschovitæ, qui in tenebris adhuc versantes eas ineptè fovent.*

Parcat nobis Petrus Regis, si eundem non sequamur. Ingenium Hispanicum in tenebris non versatur, Scholæ Theologicæ, & Legales id ostendunt, quarum bibliothecæ Hispanis Authoribus, & acutissimis replentur. Medi-

cæ paritèr non privantur eiusdem Nationis celeberrimis Scriptoribus; intèr quos primas tenet Vallesius, quod & de Lusitanis dicendum; si novitates, ut vulgò ajunt nonnulli, statim prædicti non sint amplexi Doctores, id est, quia magna ex parte non sunt sufficientèr probatæ, ad differentiam multorum, qui nimis velocitèr currunt, & intempestivè præbent assensum, judicantes de fructu, quandò vix nata est exotica planta; qui ad aliquem portum constanter diriguntur, non in omnem ventum parantur; sic in scholis, quarum portus est veritas, non debet omnis clamor audiri. De Moschovitis non loquimur, quia non habent Univesitates, ut habent Hispani, & Lusitani. Augustinus Liber Baro de Mayerberg, & Horatius Gulielmus Calvuccius in itinere in Moschoviam habito anno 1661. ad Tzarem, iussu Augustissimi Romanorum Imperatoris Leopoldi, & à primo descripto, narrant studia ibi incognita esse, & quod maximè notandum est, siæ Medicis, & Pharmacopolis vitam esse diuturnam. *Mirum dictu* (sunt verba describentis Oratoris) *cum tam inordinatè uterquè sexus in Moschovia ætatem agat, plurimi tamèn ad longævam senectam, nullo unquam morbo tentatam producant; videre est ibi*
se-

*Septuagenarios integris viribus vegetos, robustissimos
 lacertis validos ipsi se laboribus submittere, quibus
 apud nos iuventam vix excedentes impares essent;
 credendum à salubritate aeris tantæ valetudinis
 firmitati in nemine unquam à Studiis, uti apud
 nos labefactatæ, multum contribui; Moschi ta-
 men dicunt, quod plus à neglectu ibi Medicæ Ar-
 tis. In tota Moschovia nullus est Medicus, nullus
 pharmacopola, & quamvis in Aula sua tres largæ
 satis manu Tzar meo tempore aleret, aliorum Prin-
 cipum in eodem emulationi tribuendum venit,
 eorum enim opera nec ipse, nec alius quivis Mo-
 schorum serio utitur. Agrotantes omnia Hippo-
 cratis canonica remedia respuunt, exteriora sibi
 applicari vix patientes. Hæc à viris fide dignis
 recepta Petrum Regis eludunt, & Moschovitas
 ab Hispanis, Lusitanis differre demonstrant;
 immò arguunt ejusdem loquendi modum,
 cum non possint dici, ubi Studia non sunt,
 quasdam opiniones ineptè foveri.*

Profectò nisi nomen Authoris nos impul-
 lisset ad scribendum, utiquè prædictæ Epistolæ
 lectionem integrâ non complevissemus, ubique
 enim movet animum ad credendum non esse
 partum docti Authoris, habet si quidè in fe-
 riis de facultatibus obiter loquens faculta-
 tes nunc esse extinctas, & in Scholis tantum
 pue-

puerilibus defendi; facultates (ait) iam planè
 extinctæ sunt, nullaq; sit earum mentio, nisi for-
 sà in sordidis quibusdam Scholis: & nos respon-
 demus nunquàm magis Facultates approban-
 das esse, quàm nostro sæculo, quo omnes me-
 liores, & candidi Doctores plenis buccis post
 tot exantlatos labores Naturam ignorari con-
 fitentur; verba proposita à Petro, manifestant
 eundem non cognovisse mentem Antiquo-
 rum in introductione nominis Facultatis:
 hanc enim si penetravisset, non scripsisset fa-
 cultates jam planè extinctas esse. Galenus, qui in-
 tèr omnes non parum in explicanda Faculta-
 tum theoria laboravit, testatum reliquit tunc
 nomen Facultatis debere adhiberi, quando
 essentia nobis incognita est; & cum etiàm ho-
 diernis diebus essentiæ rerū, & modi agendi
 sint incogniti, possumus omni iure uti nomi-
 ne Facultatis, donèc eadem innotuerint, qua-
 rè hoc nomen scilicèt Facultas est nomen su-
 spensivum, v. g. si quis dixerit Renes separare
 urinam, Hepar bilem, &c. cum non constet
 modus, quo Renes separent urinam, Hepar
 bilem, &c. possumus uti nomine Facultatis,
 interea dicendo Renes habere Facultatem se-
 parandi urinam, & Hepar separandi bilem;
 porrò si tractu temporis cognoscetur modus,

& exactè instrumentū separationis, explicabil-
 tur Facultas, & solo nomine nō utentur Scho-
 læ. Dicimus ulteriùs Galenum non solum Fac-
 cultatis nomen usurpavisse, quandò causa est
 occulta, sed etiā quandò mechanicus patet
 operandi modus, aut saltē talis probabiliter
 cogitari potest, & consequenter apud omnes,
 qui innumeri sunt, nomen facultatis non est
 insulsum nomen, & sinè fundamento, ac quo-
 quo modo inductum, propterea multis vici-
 bus Galenus facultatem organicè explicavit,
 quod est idem, ac convenire cum Recentiori-
 bus; & hæc est communissima sententia apud
 Authores Græcos, Arabes, Latino-barbaros, &
 elegantiores, etiā nuperrimos Anglos, Hollan-
 dos, Italos, Germanos, &c. qui omnes licet in
 Scholis sordidis nō vivant, & alantur; attamen
 facultates admittunt, ut legere est apud Vil-
 lisium, Glissonum, Sylvium de le Boe, & alios.
 Nec obstant, quæ habet Charletonus in Oeco-
 nomia Animali Exercitatione 7. §. 7. quæ re-
 petit Ettmullerus in genuina editione (ultima
 enim censetur cōmuniter apocrypha) in Instit.
 Medicis cap. 4. §. 24. & alii, etenim omnes isti
 Doctores bene considerati (quidquid sit de at-
 tractione) conveniunt cum Galeno, & Anti-
 quis, licet Juniores nonnulli dissentire arbi-
 trentur.

Antequàm verò hisce considerationibus finem imponamus, Glissoni nupèr citati auctoritatem referre non displicet; hic in Cantabrigiæ Academia Professor, & Societatis Regiæ Collega, adeoque in sordidis palæstris non nutritus, in tractatu de Natura Substantiæ Energetica cap. 14. quod est de Potentiis, & Facultatibus in genere impresso Londini anno 1672. nomen Potentiæ, & Facultatis retinendum esse contendit. *Nonnullis, inquit, ipsum nomen Potentiæ, & Facultatis displicet, quod à multis proponantur, tanquàm res, si vè qualitates absolutæ; verùm utcunquè aliqui perperam de ijs loquantur, aut scribant, non sunt propterea è scientiis penitus eliminanda, de multis enim rebus absquè ijs, nequè rectè concipere possumus, nequè quæ concipimus aliis communicare.*

Et sanè, qui Facultatis nomen abhorrent, difficultates non explicant, si ad magnitudines, figuras, & posituras corpusculorū, & meatuum, quos poros appellant, confugiant, & sicut Galenus sua hypothese primarum qualitatum, & elementorum tempus terit, ità idem Galenus in secundo de Naturalibus facultatibus contrà Erasistratum, & alios nervosè impugnavit magnitudinem, & parvitatem meatuum; à qua sententia etiàm alienus fuit in

primo libro de Simplicium Medicamentorum facultatibus cap. 1. sed amplius tenemur asserere, quod licet cū Scepticis, & Empiricis nos undiquè cimmeriæ circumdant tenebræ, attamen fovendam magis esse opinionem illorū, qui Facultatis nomine utuntur, quàm aliorum qui in figuras, & poros se transferunt, & raticō est, quia per facultatem intelligitur causa, & origo actionis, donèc tamèn agentis causæ substantia ignoretur; sed qui figuris, & poris innituntur, poros, & figuras ominò ignorant, & adæquato termino suspensivo non utuntur, supponentes cognoscere id, quod non cognoscitur, sicuti fatentur multi candidi Viri, etiàm intèr Recentiores, & in hoc dubio, in quo scilicèt consistat natura Facultatis, melius est uti nomine, quod potentiam certò significet, quàm introducere figmenta; effectus separationum, & natura figuræ nobis favent; hinc Aristoteles impugnavit Democritum figurassè prò sapore, & aliis inducentem, què D. Tho. lect. 11. de Sensu, &c. egregiè exposuit.

Debemus tertio loco Lectorem monere Antonium Franciscum Bertini in suo Opere Italica lingua scripto, & inscripto *la Medicina Difesa*, credidisse cum aliis non esse locum Responsioni Antagonistæ, ac si hic demonstra-

villet nostram doctrinam contentam in prima
 Dissertatione esse omninò falsam, & eviden-
 tissimè erroneam; nos verò in causa propria
 judicare non possumus, nec debemus. Vni-
 versus Orbis literarius, quàm primùm videbit
 nostra jura exaratis cohærentia, quæ nihil
 aliud expectant, quàm prælum, & ipse erit in
 causa Arbiter; si nos non deceperunt synceri,
 & ingenui Viri (quod nullatenùs sentiendum
 est) qui fuerunt etiàm Antagonistæ amici,
 possumus detegere eosdem obstupuisse occa-
 sione datæ responsionis, quemcumquè titulum
 respiciamus; hinc vox communis Bononiæ est
 eandem nō esse germanum Antagonistæ par-
 tum; nec aliud effugium ad eundem tuen-
 dum cogitare potuerunt Amici, quod sæpè
 repetunt nisi istud, scilicèt responsionem syl-
 vestribus alienæ manus mixturis fuisse detur-
 patam, undè judicium ab ipso Bertini allatum
 istis præcisis verbis; *Si può probabilmente crede-
 re, che forse non sia il Bohn per inoltrarsi nella sua
 controversia, contentandosi di lasciar la gloria à
 quel grand' Uomo della comune difesa, per ha-
 verla ei sì sodamente maneggiata, che per quan-
 to ne dicono i Dotti, rassembra quasi in contrasta-
 bile, vel est ad honorem, vel ex animo præ-
 occupato derivat, vel Amicis favere voluit;*

secus diceremus nunquam Responsionem legisse.

Ex his omnibus, quæ brevitèr tanta sunt, & prolixius in nostra Responsione apparebunt, nemo imposterum dubitabit de Authore duarum primarum Dissertationum de Recentiorum Medicorum Studio, quas ablato Sipario in fine nostræ Sceptis de Generatione Vivipara editionis Viennensis anno 1696. à nobis editas fuisse publicavimus; & mirum est: quomodo Faustinus Gavinellus Venetiis imprefferit anno 1698. Paulum Minum primam nostram Dissertationem elaboravisse, quod legitur in reliquarum Animadversionum præteritione pag. 325. ad Opera Posthuma; sed in Indice postea eorundem suam confusio- nem, & incertitudinem ostendit, dum ait. *Paulus Minus evulgat ipse, vel alius eius Amicus suppresso nomine Dissertationem Epistolicam de Recentiorum Medicorum Studio* 102. editio- nis Venetæ apud Andream Poleti, quo loco nihil tale legitur, sed tantum quatuor ejus- dem conclusiones referuntur in Coenobio PP. Servorum Mariæ 13. Januarii 1689. disputa- tæ, antè quas Dissertatio in Archigymnasio nostro, dum publicè legeremus, erat Audito- ribus nostris communicata, & anno 1687. im-
Re-

pressa . Eadem inconstantia continetur in eodem Indice sub litera R .

Referuntur etiã eodem loco , occasione earundem cõclusionum , multa aliã quã , quando otiosi erimus , examinabimus , & veritatem aperiemus , & quã memoranda erunt in propriis Vitis , & scribenda (hæc enim sunt , quã imitari possimus) proponentur ; Iulius Cæsarea tantum scripto commendavit , quã gessit , & ea gessit , quorum memoria extinguere non debebat , idem nos docet esse servandum Julius Capitolinus in Opilio Macrino ad Diocletianum Augustum , Sabellicus s. Ennead. & alii omnes , quos legere , & suo modo comparare rogamus .

Si idem Gavinellus attentè legisset Antagonistam , quandò ejusdem responsionem animadvertibat , in limine nostram imaginem ad vivum depictam sinè vlla difficultate vidisset ; tibi enim honorarium Lecturæ , Annus nostræ Anatomix publicæ , Promotio Nationis Germanicæ , & alia hujusmodi indicantur , quæ non accommodantur Paulo Mino . Inter cetera autem , quæ animadvertere debebat idem Gavinellus , erat impressio Amstelodamensis Operum Posthumorum , quæ ferè per annum præcessit editionem Venetam Andreæ Poleti , ubi

in Indice tractatum in illo Volumine contentorum num. 5. expresse habetur Author Dissertationis his verbis. *De Recentiorum Medicorum Studio Dissertatio Epistolaris ad Amicum, Authore Io. Hieronymo Sbaralea publici Lycei Bononiensis Primario Lectore.*

Possemus alios Autores in medium adducere, qui contra nos scribentes, nihil aliud præstiterunt, quàm cramben recoquere, & cōmunem cantiunculam repetere de contemptu Anatomiae, quem nunquàm cogitavimus; sed cum nec Autoritas, nec ulla ratio nos moveant ad respondendum, distinctiones allatae, & sæpissimè repetitæ sufficient, ut omnes cognoscere valeant suas æquivocationes; ulterius enim in hac re morari, est pretiosi temporis dispendium sinè necessitate concludere.

FINIS.

DE
VIVIPARA
GENERATIONE
SCEPSIS.
SIVE' DUBIA
CONTRA
VIVIPARAM
GENERATIONEM
EX OVO.

Per Tubas ex Ovarijs ad Uterum delato.

AUTHORE

JOANNE HIERONIMO
SBARAGLI

Philosophiæ, & Medicinæ Dôctore
Bononiensi.

*Utinàm tam facile vera invenire possem, quàm
falsa convincere. Tullius.*

VIVIAN

GRAND

SEP 24

1892

1892

VIVIAN

GRAND

EX OW

1892

1892

1892

1892

1892

1892

1892

DE GENERATIONE VIVIPARA.



Irabilem ovorum naturam non sine stupore sæpe numero perpendi, quando maximas eorundem differentias, & suppositam necessitatem pro omni Generatione, ac singularem structuram pusillum animal ex quorundam opinione continentem animadverti. Sanè Plinius illas exponere conatus est in 10. Historiæ naturalis libro, dum ait: *Ovorum alia sunt candida, ut Columbis, Perdibus; alia pallida, ut Aquaticis; alia punctis distincta, ut Meleagridum; alia rubri coloris, ut Phasianis, Cenchridi. Intus autem omne ovum volucrum bicolor. Aquaticis lutei plus quam albi, idque ipsum magis luridum, quam cæteris. Piscium unus color, in quo nil candidi. Avium ova ex calore fragilia, Piscium ex liquore mollia, Serpentiū ex frigore lenta, Aquatiliū rotunda reliqua fere fastigio cacuminata. Exeunt à rotundissima sui parte, dum pariuntur, molli putamine, sed protinus durescente, quibuscunque emergunt portionibus. Quæ oblonga sunt ova, gratioris saporis putat Horatius Flaccus. Fœminam edunt,*
quæ

quæ rotundiora gignantur, reliqua marè, &c. Hæc Plinius ex Aristotele & alijs, quæ posteriores Doctores diligentius tradiderunt, substantiam, magnitudinem, parvitatem, numerum, figuram, durationem, spontaneum ortum, tempus, locum conservationis, & hujusmodi considerantes, & inter ova Plantarum semina reponentes, priscam Empedoclis opinionem revocantes, cujus meminit Aristoteles, in 1. de Generat. Animal. sequenti carmine ejusdem Empedoclis.

Deinde etiam oviparo Genus arboreum tulit ortu.

Et Theophrastus 1. de caus. plantar. his verbis; *Semina omnia aliquid in se alimenti continent quod una cum generandi principio natura profundit, sicuti in ovis; qua de causa non ineptè Empedocles: Ova solent excelsis gignere ramis, inquit: Enimverò natura seminum ovis proxima est, differere tamèn ille debuit, non tantum de arboribus, sed etiam de omnibus; Habet enim unumquodque alimentum in se, quo & durare temporis aliquantum valet, &c.* Sequuntur Scæger, Aromatarus, Harvæus, nuperrimè Philosophi Burgundici omnia semina Vegetabilium ova nuncupantes, in quibus plantulam reconditam volunt. *Est igitur Plante semen, inquit Burgundici, velut ovum quoddam, in cuius,*

*cujus velut cicatrice non solum est fœtus carina, sed & radicis conus, & gemma, succus in lobis jam crebra fermentatione præparatus adest. Quam doctrinam antecederet proposuerat, Aromatarius, & communicaverat Bartholomæo Nanti, ut patet ex Epistola præposita discursui ejusdem de Rabie contagiosa impressa Francofurti, Anno 1626. num. 2. Illud autem excernunt in vocatis seminibus; veluti in parvis uteris, vel si cum Empedocle loquaris, in ovis arborum: & num. 10. Unde plantarum vocata semina, quacunque jam genitam, & conformatam plantam obtinent, sunt facunda. Docuerunt hoc ipsum Æmylius Parisanus, Joannes Gallego de la Serna, Mundinus Mundinius, & alij longè vetustiores Doctores apud Patrem Bartoli in tract. de Coagulat: quibus adjungam Senecæ auctoritatem, qua prædicta confirmantur, & idem prorsus loquendi modus, quo nuperi Recentiores utuntur, juxta Veteres innotescit: *Seminis modo spargenda sunt*, ait Seneca, *quod quamvis sit exiguum, cum occupavit idoneum locum, vires suas explicat, & ex minimo in maximos auctus diffunditur.**

Ex hac opinione nata, & educata sine beneficio Microscopij, quidquid scripserint Pater Lana, & Fridericus Schraderus, innumeræ oriun-

oriuntur ovorum differentiaë, quæ humanum ferè superant captum, & quæ hæcenus in certum quendam ordinem non sunt redactæ, & difficultè redigi possunt ob ineffabilem industriam, ex qua naturam nunquam dormire cognoscitur, sivè tota planta sit in semine, ut tenent relati Scriptores, & Microscopistæ, sivè non, quod magis arridet, ut alibi probabitur.

Mirabilior evadit præsens Historia ex Viviparorum ovis, quæ hac gaudent nomenclatura, & cum Oviparis convenire dicuntur; quòd omnium principium sit ovum, & origo denominationis in hoc consistit, quod ovipara pariant ovum, vivipara non pariant, sed in utero, vel tubis, aut cornibus detineant pro complemento animalis in ovo delineati; maximum hoc intèr ova discrimen, quòd alia necessariò emittantur, alia retineantur, potissimùm admittunt omnes illi, qui testes Mulierum, & aliarum foeminarum vivipararum firmitèr docent esse ovaria, à quibus ova in uterum, aut cornua per tubas descendant, in prædictisque locis paulatim explicentur, donec animal perfectum ostendant; continet enim hæc sententia duo, si non secundum omnes, saltèm secundum plurimos ejusdem propu-

pugnatores; primum testes in Viviparis esse ovaria, secundum, in ovis animalculum contineri, & quemadmodum in ovo Gallinæ, pullum reperiri docent, ac in ovis arborum plantulam, ità à pari in ovis viviparorum rem se habere sustinent. Aromatarius in Epistola enunciata de pullo in ovo ità testatur: *Quod autem attinet ad ova Gallinarum, existimamus equidem pullum in ovo delineatum esse, antequàm foveatur à Gallina, & credimus augeri à calido materno, non solum tanquàm à foverente, verùm partim etiàm tanquàm à materia nutriente, quod & alijs quibusdam animantibus ab aere communi contingere putamus, veluti in libro de Generat. Animal. Deo dante enarrabimus.* Eandem præexistentiam animalis in alijs ovis proponunt varij Doctores; Syvammerdamius in notis in Prodomũ in ovis Ranarum Ranunculum omnibus suis partibus absolutum admittit: *Admiratione* ait, *dignum est nigrum illud punctum, quod in ovis Ranarum videre est, ipsum Ranunculum omnibus suis partibus absolutum; albicantem verò & circumfusum illum liquorem non nisi alimentum ejus esse.* Tantulam hanc animalium molem in ovis contentorum paulatim explicari tradunt; & sicuti in plantarum ovis non fit nisi expressio, & explicatio plan-

plantæ, ità in ovis animalium partes, quæ mole delitescunt, paulatim incrementum recipiunt, & sensibiles fiunt, ità ut nihil novi generetur, & tàm animalia, quàm plantæ per epigenesin non per metamorphosin fiant, ac in omnibus ovis & seminibus lateant, & hospitentur non solum rerum rudimenta, sed perfecta & completa corpuscula. Totam plantam credidit esse semen Scaliger in primum de plant. Aristotelis: *Est enim*, ait, *Semen tota planta, nequè ab ea differt, nisi partium expressione*. Sicquè ova animalium erunt eorundem compendiola, & in eisdem veluti in quodam brevissimo epilogo contenta, adeoque, quod vix auderem defendere, ova humana erunt parvissimi homunciones. Ab hac autèm sententia discedunt Peripatetici duce Aristotele in 2. de Gener. Animal. cujus auctoritatem lubens adduco, ut innotescat agitatam in scholis antè Microscopistas fuisse præsentem controversiam de minimarum partium statu; *Sed non simul omnia effici* (sunt verba Aristotelis) *vel sensu percipi potest, cum partes aliæ jam inesse, aliæ nondum adesse cernantur, Nec dici potest eas præ sui exiguitate latere, Pulmo enim, qui amplioris, quàm Cor magnitudinis est, posterior Corde in primo ortu conspicitur.*

Utitur similiter natura in foecundandis ovis incomparabili industria, quædam enim in ovario, & unâ in corpore complementum masculini seminis recipiunt, quædam alia extrâ corpus foecunda redduntur; si veræ sunt observationes, quas nonnulli referunt. Aristoteles 6. de histor. Animal. author est Piscium ova extrâ corpus Piscis foecundari: *Nec verò, ait, hæc omnia foecunda locantur, sed ea certè, quibus editis mas semen asperserit genitale; sub partu enim mas sequens semen ovis aspergit, & quæ vitale id virus contigerit, ijs pisciculi enascuntur; cæteris, prout sors tulit, evenit.* Ab Aristotele ne latum quidè unguem recedunt Plinius lib. 9. VVottonus de differentiis Animalium lib. 8. Rondeletius lib. 4. de Pisc. cap. 3. Qui ampliùs ova Piscium in perfectà, & imperfectà distinguit: Illa vocat perfectà, quorum, postquàm conformata sunt, testæ rumpuntur, undè perfectus prodit Piscis, qualia sunt ova Rajarum, Ranarum, Canicularum, &c. Imperfecta infinitorum sunt Piscium, parva & mollia, quæ uterus angustior capere nequit, & perficere, undè foris augentur & complentur, & de hoc Piscium genere intelligendum esse Aristotelè fatetur 3. de Gen. Animal.

Eodem modo, per asperisionem scilicèt,

ova insectorum fecundari tenent alij Doctores, inter quos Borellus de motu Animal. parte alt. proposit. 184. Qui ex eo, quod hanc opinionem probabilem crediderit, propterea voluit in cæteris hoc idem animalibus verificari, hoc fundamento potissimum, quod natura semper per compendiosè operetur, & summo opere à ambages, & multiplicitates abhorreat; quod parum firmum esse, liceat nunc mihi ostendere, immò innumeris erroribus ansam dedisse. Seneca, ut alia vice scripsi in dissertatione. Epistol. ad Amicum, de Recentior. Medicor. Studio, hanc sententiam funditus rejecit, siquidem natura est locuples, & innumerabiles typos habet, quibus vim suam exprimit, non solum si sermo instituat inter animalia; sed multò magis, si extendatur ad Plantas, & Arbores, quibus ob principium allatum tot partes attribuuntur cum proportionem & analogiam ad animalia, ut in hac parte Philosophia monstruosa ferè dogmata contineat, & antiquas fabulas multis ab hinc sæculis explosas cum maxima scholarum & solidioris doctrinæ jactura revocet. Aristoteles naturæ opera diverso modo in Plantis, atque in Animalibus exposuit. Galenus verò, quamvis multum analogiæ tribuerit, non ita univer-

sali-

salitèr & indistinctè loquitur, ut multi Moderni, idcirco in 11. de usu Part. monet. *Maximèq; his nos attentos esse oportere, ubi pars aliqua admirabilis, atquè insolens ab alijsq; ejusdem generis discrepans offenditur; in ijs enim natura aut analogia est oblita, aut artificiosum quippiam excogitans eas à communi aliarum captu, ac fabrica deduxit.* Sequitur idem Galenus & concludit his verbis; *In toto tamèn hoc opere ostendisse mihi videor, naturam nunquàm frustrà multum ab analogia discedere, sed, vel proptèr eximiam quandam utilitatem peculiarem præter ceteras partem efficere, vel proptèr magnam necessitatem prima ipsius, ac principalissima constructione excidentem, ad secundam accedere.*

Intèr Recentiores Stenon singulari observatione facta in oculo Canis Carchariae prædicta confirmat; adeò etiàm, inquit, *Canis Carchariae oculus argumento est, eidem ubiquè legi, naturam se adstringere noluisse; sed eundem effectum modo non eodem saepe perficere.* Et qui hæc negant, se nihil vidisse, aut observasse evidentèr ostendunt. Insecta comparata ad alia Animalia patefaciunt naturam non eandem semper methodum servare; immò nec Analogiam; verùm non immorandum in re tam manifesta, & cum Liceto concludere liceat,

eandem non semper eodem modo, eademque ratione progredi quibusque in effectibus producendis, quasi multifariam, multisque modis non abundet in rebus producendis, & inops consilij cogatur eadem via semper incedere, etiam in eadem Animalium specie, in qua est major difficultas, quia adhuc veritate bene perspecta patet naturam unam methodum non habere in ordine ad eandem operationem in genere; Separationes in specie humana, quas à corpore glanduloso Recentiores cum Sylvio de Le Boe deducunt, id luculenter demonstrant; etenim ommissis varijs instantijs, quæ ex varijs partibus desumi possent ad tollendum principium, solus humor vitreus (cujus substantia integrè resultat ex multis capsulis diaphanis continentibus humorem maximè pellucidum, prout constabit in mea Ophthalmoscopia, in qua præter hanc novitatem, multæ aliæ curiositati Lectorum obviam erunt) meam opinionem ratam facit; quoniam sine Glandulis quotidie secernitur humor limpidissimus; Quamobrem si daretur etiam hypothesis, quod ova fecundarentur in aliqua Animalium specie, aut etiam diversis, sicuti nonnulli contendunt in genere Insector, hinc proinde non est cum Borello univer-

fali-

salitèr inferendum ; Inmò majori probabilitate censendum est in foecundandis ovis naturam diversis artibus uti .

Postquàm foecundata sunt ova , aëtuatio mysticos habet progressus , quædam à Matre foveantur & custodiuntur ; quædam alia post partum non ampliùs à principio producente cognoscuntur ; quædam intrà corpus matris asservantur , donèc Animalis partes sint sufficientèr explicitæ , & completæ , ut dictum est suprà , & quod tenentur asserere Authores generationis viviparæ ex ovarijs. Alia mirabiles habent thecas , quæ tuentur ovum , donèc excitetur , illis enim temporum superat rigores , & aeris benignitatem expectat , à qua Animalia disponuntur ad exitum ; alia latent in limo , alia alijs in locis absconduntur , nè pereant , & perenni annorum cursu rerum species durent .

Observantes multi Doctores tam Veteres , quàm Moderni mirificam hanc naturæ solertiam in omni ferè Animalium & Plantarum specie , de ovis ità mirificè senserunt , ut omnia ex istis ortum suum habere crediderint . Macrobius inter illos cogitavit ovum esse instàr elementi omnibus ferè animantibus , ac idem esse mundi simulachrum , undè 7. Saturnalior. inquit ; *Nec importunè Elementis , de*

quibus sunt omnia, ovum comparaverim; omni enim genere animantium, quæ ex coitione nascuntur, invenies ovum aliquorum esse principium instar elementi; aut enim gradiuntur Animantia aut serpunt, aut nando, volandove vivunt. In gradientibus Lacertæ & similia ex ovis creantur; quæ serpunt nascuntur ovis, exordio volantia universa de ovis prodeunt, excepto uno, quod incertæ naturæ est; nam Vespertilio volat quidem pellitis alis, sed inter volantia non habendus est, quia quatuor pedibus graditur, formatosq; pullos parit, & nutrit lacte, quos generat. Natantia penè omnia de ovis oriuntur generis sui; Crocodilus autem etiam de testeis, qualia sunt volantium. Et ne videar plus nimio extulisse ovum elementi vocabulo, consule initiatos sacris liberi Patris, in quibus hac veneratione ovum colitur, ut ex formatereti, ac penè spherali, atquè undiquè versum clausa, & includente intra se vitam, Mundi simulachrum vocetur.

Eadem doctrina expressè legitur apud Plutarchum 2. Symposiaca, id est convival. disput. Suprà hæc iam (ajebat ridens) Cantabo gnariss Orphicam, & sacram orationem, quæ non Gallina modo antiquius ovum facit, sed ei omnium in universum rerum principem ortum adscribit. Ac de reliquis quidem, quæ plus habent mysterij, favo

vebo

vebo lingua, ut cum Herodoto loquar. Cum autem varias animalium formas contineat mundus, nullum ferè genus expers est originis ex ovo; sed & volucris gignit, & natantia innumera & terrestria, ut Lacertas, & in aqua, terraque degentia, ut Crocodilos, & bipeda, ut Gallinam, & pedibus carentia, ut Serpentes, & multis pedibus prædita, ut Locustam. Ideò, haud abs re ovum in orgijs Bacchicis consecratum est, ut exemplum omnia gignentis, & in se continentis.

Præter istas authoritates, quas omnes ferè Moderni retulerunt, non desunt alij, qui prædicta documenta proposuerunt, & quos omittere prolixa superfluitas cogit; sufficiant modò veteres Thalmudistæ, Cœlius Rhodiginus famigeratissimus Rhapsodus, Licetus in Epistol. de ovi & mundi analogia ad Joannem Veslingium conscripta, ubi multa eruditione eandem demonstrat, & ex Simmia cõfirmat, Mundum à Deo velut ovum à canora matre procreatum esse, affertquè lepidissimam Divi Hieronymi authoritatem explicantem mundi productionem à Deo, præcipuè super illa verba: *Spiritus Domini ferebatur super aquas*; in Hebræo habet: *Merahephet*, id est *incubabat, vel fovebat more volucris ova calore animantis.*

Intèr ultimos Recentiores hanc cramben recoxisse Harvæum de Generat. Animal. nonnulli testantur, hic pluribus in locis omnium Animalium ortum ex ovo deducit, Exercitat. 57. Quippe, ait, omnibus viventibus id commune est, ut ex semine, cèu ovo originem ducant: Sive semen illud ex alijs ejusdem speciei procedat, sive casu aliundè adveniat. Exercitat. 62. de data opera ostendere conatur ovum esse primordium commune omnibus Animalibus, & explicans primordium, inquit: *Liceat hoc nobis primordium vegetale nominare, nempe substantiam quandam corpoream, vitam habentem potentià, vel quoddam per se existens, quod aptum sit in vegetativam formam ab interno principio operante mutari; quale nempe primodium ovum est, & Plantarum semen, tale etiàm Viviparorum conceptus & Insectorum Vermis ab Aristotele dictus; & inferiùs, Quodlibet enim primordium potentià vivens nos (cum Fabricio) ovum appellandum judicamus, vermemquè Aristoteli dictum ab ovo minimè distinguimus, tum quia ad oculum sic apparet, tum etiàm quia id rationi videtur consonum.* Et prædictus Author ità firmitèr suæ hypothefi adhæret, ut in eadem Exercit. 62. statuatur generationem viviparorum omnium ad exemplum ovi Gallinacei referri posse, vel ex eodem

fal.

saltè non difficultèr elici debere, & deter-
 minat hoc principium Authoris verbis rela-
 tum; Quippè natura perfectà, sibi què in operibus
 suis consona ad similes usus, & actiones partes
 quoque consimiles constituit, pariter què ad eundem
 finem, eandem què formam adipiscendam, eadem
 via progreditur, eadem què semper methodo in ge-
 nerandis rebus insistit. Ex hoc principio (qua-
 lecunquè illud sit) infert modum & originem
 generationis viviparorum, undè in Exercitat.
 63. determinat prædictam naturæ uniformita-
 tem in oviparis & viviparis omnibus: Nos verò,
 sunt Harvæi verba: *in observationum harum ves-*
tibulo cuncta Animalia quodamodò ex ovo nasci
affirmavimus, quippè, quo modo, ordine & ratio-
ne pullus ex ovo fabricatur & producitur, eodem
paritèr ex conceptu præexistente viviparorum fœ-
tus proveniunt, una scilicèt, atquè eadem est utro-
biquè generationis species, & utriusquè exordium in
ovum dicitur, vel saltè analogia quadam talè
habetur. Nempè ovum est conceptus foris exposi-
tus, undè pullus procreatur, conceptus autè est
ovum intus manens, donè fœtus debitam in eo
perfectiorem acquisiverit, cetera verò conveniunt.
 Omnino totus est idem Author in citata Exer-
 citat. in hujus argumenti cōfirmatione, & uni-
 in præcedente ad ostendendā universalitatem
 suæ doctrinæ.

In referenda hac sententia Harvæiana non potui esse brevis, quia nihil favet Authoribus omnia ex ovo deducentibus juxta novam hypothesein de ovarijs viviparorum; ratio est, quia Harvæus solum repetivit, & extendit axiomata Hippocratis, seu Authoris libri de natur. Puer. & Aristotelis de Generat. Animal. lib. 3. c. 9. & de Histor. Animal. lib. 7. c. 7. Ille enim indigitat analogiam inter vivipara & ovipara, & similitudinem naturæ inter Homines & Plantas; iste primo loco docet post primum conceptum effici quiddam velut oviforme in viviparis: *Quæ verò, ait Aristoteles, intra se pariunt Animal, id quodamodò post primum conceptum oviforme quiddam efficitur; Hamor enim in membrana tenui continetur, perinde quasi ovi testam detraxeris.* Et secundo loco propugnat analogiam, quam natura in omni animalium genesi servat; *Omnia vero, tum natatilia, tum pedestria, tum etià volatilia, sive ovi forma proveniant, sive Animalis, simili modo gignuntur.* Nec ex ovo dicendum est cum Aristotele, prout sentiunt Recentiores, in ovario producto, omnia Animalia gigni, quoniam similitudo in ovo secundum Aristotelem fundatur in primo conceptu, sive primordio generationis in utero, quod ex semine fit, ex

eodem Aristotele, & oviformem fabricam
 repræsentat; Textus Aristotelis lib. 7. c. 7. rem
 hanc aperta mreddit; *Tum insinuatum in ute-*
ro, diuquè contentum membrana obducitur, sunt
verba Aristotelis de Histor. Animal. quippè
quod antequàm discernatur, exeat velut ovum in
sua membrana contentum detractò putamine; mem-
brana autèm ipsa venis referta est; cui adamus-
sim assentiuntur Ruffus, quandò ad formã ovi
nateriam feminalem in utero concludi intrã
enuissimam pelliculam scribit, Paræus de
hominis Generatione, & alij plures; nec dis-
sentire voluit Harvæus, ut ipse fatetur de Ge-
nerat. viviparorum exercitat. 53. Inest igitur
in utero omnium animalium conceptus primus, si-
ne primordium, quod teste Aristotele est veluti
ovum membrana obductum, cui putamen detra-
ctum sit. Et paulò superiùs explicans conce-
ptum primum dicit: Ità similiter conceptus est
utriusquè coeuntium maris, & fœmina fructus,
utquè futuri fœtus semen; ab ovo igitur non discre-
pat. Et in hac eadem opinione fuit Fabri-
tius, quandò scripsit omnem Viviparorum
conceptum velut quoddam ovum esse. Hinc
manifestè colligitur Harvæum in opinione,
quam tuetur, simpliciter esse Peripateticum,
et Recentiores diversimodè sentire ab Aristote-
le

tele, & ab Hippocrate genituram describentem
 instar ovi crudi detracta testa; aliud enim est,
 omnia Animalia etiàm vivipara ex ovo in ute-
 rum delato, sicquè in loco adæquato recepto,
 generari, aut potius explicari; aliud est, dùm
 generatur, & producitur ex materia seminali,
 vel alia, animal in utero, hanc productionem
 & fabricam inchoare, & progressum recipere,
 instar generationis oviparæ, seù omne opus
 in utero absolvi; Hanc ultimam partem pro-
 posuit, & sustinuit Harvæus, in cujus rei captum
 multi errarunt, etiàm ipse Ettmullerus, qui
 Stenonem cum Harvæo confudit, quamvis à
 Diemerbroeckio aliqualitèr monitus fuisset.

Post Stenonem, qui primus assertor nun-
 cupatur ovarij in viviparis à Svammerda-
 mio, Bartholino & alijs (quamvis de inven-
 tione litigent intèr se Belgæ profectores) cogi-
 tarunt Doctores omnia Animalia ex ovo pro-
 duci, nullamquè proindè dari Generationem
 spontaneam, ideoquè statuerunt, & omnia
 insecta ex ovo, & omnia similiter vivipara ge-
 nerari, comparantes testes viviparorum cum
 ovarijs oviparorum, hoc est admittentes il-
 lud idem esse testes in viviparis, quod est ova-
 rium in oviparis, consequentèr naturam esse
 maximè uniformem, & ovipara à viviparis
 dif-

differre, quòd illa incubatu & amplexu exte-
riore magna ex parte; vivipara verò utero,
& amplexu interiore ova foveant, & suavi ca-
lore foetum promoveant; necnon in oviparis,
quidquid ad constitutionem pulli v.g. ejusquè
augmentum requiritur, id simul adsit, in vi-
viparis autèm alimentum ab utero matris de-
river.

Placet adducere verba Nicolai Stenonis
desumpta ex Historia dissecti Piscis ex Canū
Genere; *Indè, inquit: cum viderim viviparo-
rum testes, ova in se continere; cum eorundem ute-
rum itidem in abdomen ovi ductus instar apertum
rotarim, non amplius dubito, quin Mulierum te-
stes ovario analogi sint, quocunque demum modo,
ex testibus in uterum, sive ipsa ova, sive ovis con-
tenta materia transmittatur, ut alibi ex professo
ostendam, si quando dabitur partium analogiam
exponere, & errorem illum tollere, quo Mulierum
Genitalia Genitalibus virorum analogi creduntur.*
dem Stenon in Observationibus Anatomicis
destantibus ova viviparorum, quas reponunt
atèr acta medica Thomas Bartholinus, & in
Bibliotheca Anatomica Daniel Le Clerc,
& Joannes Jacobus Mangetus, distinctius ex-
plicat ovum, & ovi ductum, dum ait: *Ovi au-
tèm nomine intelligo, non modò rotundas vesiculas*
humo-

humore plenas testiculorum magnam partem constituentes; sed & Chorion cum omnibus suis contentis, utor plerumquè terminis solitis, per testiculos fœmellarum, ovaria, per tubas, cornua, & uteros, oviductus intelligendo; ovaria, scilicèt testiculi dant ovis principium, oviductus autem seu uteri vel cornua cū tubis, dant quidquid requiritur ad perfectum incrementum fœtus. Successivè adducit plurimas observationes factas in uteris Vaccarum, Ovium, Canum, Cuniculorum, Ursæ, in Erinaceo, Lepore, Salamandra, Testudine, & in Mulieribus pro illustranda sua hypothese. In omnibus demonstrat esse ova, quæ cocta concresecunt instar albuminis ovi Gallinacei; & tubas apertas, quæ testiculis incumbunt, in quibusdam Animalium speciebus, & nonnunquàm ova continere testatur.

Ità placuit hæc opinio, ut hoc sæculo plurimi & quidèm graves Authores eam propugnaverint. Joannes Van-Horne in Prodrōmo. Svāmērdamius in notis in prædictū Prodrōmum, Regnerus de Graaf in Tract. particul. Theodorus Kerchringius in Ichnographia Anthropogeniæ, Joannes Alphonsus Borellus de mot. Animal. parte alte. c. 14. prop. 183. cujus verba non potui omittere, cum demonstrent

Recentiorum consensum: Tandem, ait: Recentiorum diligentia, & sagacitas detexit tam vivipara, quam ovipara Animalia fœminea non solum genitalem, sed tantummodo ova conficere, scilicet integra authomata cum omnibus organis, & partibus conformationi Animalis necessarijs elaborare; observarunt quoque in viviparis Sacculos illos membranosos, quos Testes Muliebres appellant Antiqui, nihil aliud esse quam ovaria. Tandem receptum est & sufficienter comprobatum à recentioribus, quod totum opus Generationis consistat in ovi compositione à fœmina, & in ejusdem fecundatione à semine masculino. Adiecit suum calculus Conradus Peyerus in Merycologia, ratus gloriosum esse eorum castra sequi, qui experientiam sibi ducem proposuerunt, ac affirmat in varijs Animalium speciebus, quorum copiam Lutetiæ habuit apud Josephum Du-Vernium, illam immutationem vidisse, quæ est sufficiens ad excludendum ovum à coitu fœcundum ab ipso ovario, quidquid in oppositum scripserit Harvæus. In Damis & microsis hæc invenisse dicit: Exigui quidem fœores sunt Damarum testiculi, sed post coitum fœcundum in alterutro eorū papilla, sive tuberculum fibrosum semper succrescit, quo ovum, sive conceptus ab ovario liberatur, ut per tubam postea descend-

scendat in uterum; Scrofis autem pregnantibus, quæ & ipsæ bisulcæ sunt, tanta accidit testiculorum mutatio, ut mediocrem quoque attentionem fugere nequeat; globuli enim velut in ovario undiquè exuberant. Quod ipsum multi referunt & comprobant; alibi in eodem Opere ex tubarum structura firmam reddit suam hypothesin: Observatur, inquit: itidem deglutitionis quasi specimen in oviductu Gallinaceo, cujus fibre obliquo spirales similiter excipiunt, transmittuntque ova, ut æsophagus alimoniam, quæ glutunt etiam in muliebri natura tubæ à Fallopio denominatæ, ovulisque utero suggestis, quæ de ovario exciderant, consimilem Gula structuram arguunt, Anatomicorum curiositati aliquando magis revelandam. Hinc, sicut ex morbis, & defectu testiculorum foemellarum sterilitatem fieri, ita concludit Animalia secum omnia convenire in ovo universali generationis primordio.

Similiter senserunt Thomas, & Caspar Bartholini. Ille in sua Bartholiniana, & in actis Medicis Hafniensibus, ubi habet, post Stenonis diligentiam neminem de ovibus humanis ambigere; Hic in Opusculo de ovarijs Mulierum, & in Exercitationibus Miscellaneis, Fraciscus Stockhamer in sua Microcosmographia

ad me humanitèr transmissa, in qua compendium doctrinæ modernæ graphicè habetur, Fredericus Ruyschius, qui alienis laboribus non acquiescens ovum in utero humano amplius se invenisse testatur, præterea ovi ductus, seu tubas Fallopianas nonnihil distentas, & ex conceptione planè rubescentes, necnon in testiculorum altero, sinistro scilicèt, ostium, aut aperturam à provida natura factam pisum majus suo cavo admittentem, & exterius esse contractiorem, sedem ovi nuper enixi rubicundis villis affectam, & demùm partem tubæ instar proboscidis ad ovarium directā, ut ovum maturū & foecundū facilius exciperet vidit; Ex his infert sibi primū in Homine patuisse, quā foeminæ ovum foecundum egrediatur, & per Fallopianam ad uterum tendat tubam; confirmatæ sunt hujusmodi observationes à Domino Lietaudo, ut legere est apud Nicolaum de Blegny, nam in scrofa plurimis porcellis prægnante hîc vidit ligamentum latum laciniatum undiquè circundare ovarium integrū, ut nulla remanere debeat suspicio de commoda aptitudine ovi ductus, ad ovum per expressionem, aut lapsum, aut alia ratione effluxurum excipiendum; vidit insupèr orificium tubæ manifestum, ac ligamento prædicto jun-

P

ctum,

etum speciem infundibili præferens, & observavit structuram tubæ, quæ nequit indicare, nisi quòd tuba recipiat aliquid à teste sive à ovario, quod necessariò erit ovum: eoquè magis, quòd tunc tubæ cavitas pennæ scriptoriæ tubulo par esset magnitudine, & proportionè responderet ovorum magnitudini, vix pìso minimo equiparandæ; fortius urget, quod demùm memorat, & est manifestas se depræhendisse cicatrices in involucris testiculorum, *Eodem propè numero, quo porcelli reperti sunt in cellulis uteri.* Assentitur Carolus Drelincurtius in systemate de humano foetu, & in prima istius parte Perioche 10. 11. 12. & 13. hic explicare conatur secessum ovi ab ovario instàr fructus maturi à ramo, vel vitelli è vitellario; nidulum cujuslibet ovi intrà ovarium, quem nervo-carnosum esse dicit, & quæ ad exclusionem ovi concurrant; & docet esse duo, niduli scilicèt fibrosi, & carnosi constrictio blanda, & coarctatio lenis, ac fimbriarum adductior, arctiorquè complexus, & compressus.

Dom. à Sancto Mauritio apud prædictum Blegny doctrinam hucusquè allatam ità munivit, ut conceptionem ex ovis in viviparis, amplioribus fulcris non indigere scribat. Fundamentum est singularis observatio facta in
dex-

dextro ovario, in quo foetum formatum fuisse sustinet; Hac rarissima historia, quam primus orbi literario communicavit, sibi persuadet Author omne dubium esse sublatum; Nonnulli Authores, inquit: *meminere foetum in tubis repertorum; alij in ventris capacitate, nulla vi, aut tubis, aut utero illata, sed vix haecenus quemquam demonstrasse arbitror conceptionem intra ipsos testiculos factam fuisse, vel in ovario, id quod casus à me allatus aperte testari videtur.* Qui esset impossibilis, nisi testes essent ovaria.

Mirum itaque non est, si hodiernis diebus meliores Philosophi & Medici generationem citrà ova non posse perfici autument, & si passim in Miscellaneis curiosis Viri eruditi hanc sententiam tueantur, etiàm in viviparis, inter quos Joannes Sigismundus Elsholtius, & alij; & ampliùs si moderni Practici morbos Mulierum percurrentes à prae dicta ovarù suppositione minimè secedant; ità se gesserunt Joannes Dolæus in Encyclopædia medicinæ Theoretico-practice, Michael Ettmullerus Operum omnium Tomo primo, cujus verba sequuntur: *Ex hac Modernorum doctrina spinosa quàm plurimæ contrversæ de Conceptione, & Generatione prolium numerosa facilius possunt expediri, dū nempe sapius gemelli, interdum trimelli immò*

quatuor etià & octo fœtus sani, & vegeti una vi-
ce à muliere excluduntur, teste Borello centu. 2.
observat. 44. pro numero scilicet ovulorum in
uno, aut pluribus se invicem subsequenter con-
gressibus à spiritu maris genitali tanquàm à Gal-
lo fœcundatorum, & in utero retentorum, quin
& superfœtationis doctrina aliàs obscura hisce fœ-
neratur lucem, dùm ovulum unum repetito denuò
congressu post aliud interjecto aliquot septimana-
rum, etià mensium spatio fœcundatur, undè post-
modum partus secundarius superfœtationem con-
ceptus supervenit. Paulò inferiùs explicat cau-
sam sterilitatis in fœminis hisce præcisis ver-
bis: Et quidè præ cæteris & internis latentibus
ferè causis in fœminis accusari solet defectus se-
minis (ex moderno rum hypothesi) defectus ovu-
lorum non genitorum, vel in uterum non rejecto-
rum, vel eorundem ad conceptionem ineptorum.

A prædictis non recedunt Teophilus Bone-
tus in Polyalthæ, sive Thesauro Medico Pra-
ctico. David Von der Beche, qui exponens,
quomodò una fœmina sit Mater trecentorum
& ultra fœtum, audet dicere, qui à tot ova
fœcundantur simul: Cum itaque, ait, in ovarijs
muliebribus ingens satis ovorum numerus cõtinea-
tur (in qua re quantum decipiatur, norunt illi,
qui experiuntur.) fieri potest naturalitèr, ut non

septem saltem fœtus uno tempore in utero materno concipiantur, sed plures etiã; ita de Comitissa quadam refertur, quòd unico partu trecentorum, & sexaginta infantium mater extiterit; non alia ratione, quàm quòd totidem ova à masculino semine fœcundata fuerint; quod etsi rarissimum sit, secundum tamen causas naturales, quin fieri potuerit, nullum est dubium.

Et cùm facilior problematum solutio veritatem alicujus suppositionis maximè indicet; idcirco omnes propemodum Moderni ovorum hypothesein propugnant, & tanquàm certam ore, & calamo publicant. Interea loci, dum Doctores in vivipara generat. erant solliciti, & ovaria omni conatu ostendere conabantur, Redi singulari libro multa eruditione & experientijs referto ita ovum extulit, ut omnem spontaneum ortum de medio abstulerit, & tantummodò generationem ex ovo admiserit, quàm postea in alijs operibus repetivit, & quam secuti sunt nonnulli Hetrusci Doctores, varijsquè opusculis confirmarunt hypothesein, Joannes Cosimus Bonomo in observationibus de vermiculis exiguis subcutaneis rodentibus, seu de Acaro, italico sermone conscriptis, Petrus Paulus à Sancto Gallo in exiperimentis spectantibus generatio-

nem culicum, patria, seu vernacula lingua exaratis; secuti sunt Philosophi Burgundici, Svammerdamius, Harderus, Peyerus, Marsilius, & omnes propè Moderni, qui vel de industria, vel obiter idem argumentum considerarunt.

Ex his, quæ hætenùs de ovo dicta sunt, & alijs cogitatis, & visis ad sequentia capita differentias ovorum reduci posse putarem, omnis plantarum ovis, quæ integrum fermè librū exposcerent, à substantia exordium sumens, alia ova testam habent mollem, & membranæam, alia duram & diversæ indolis, quadam habent plùs albuminis, quàm vitelli, nonnullis deest sensibilitèr vitellus, alia multum ejus, quod vitellum vocant, habent, minùs albuminis, sunt prætereà alia ova substantiæ pellucidæ, alia verò obscuræ, & opacæ, eadem substantia modò reperitur viscida, & tenax, modò maximè fluida, in quibusdam est alimentum partim, & partim materia animalis, nisi dixerim ipsum Animal, ut dictum est suprà ex Aromatario & alijs, in quibusdam autèm tantum est materia animalis, aut ipsum animal, deficiente altera, quæ sit foetus nutrimentum, concrefcit ope caloris in illis omnibus Animalibus, quorum ova animadverti, etiamsi in
crassi-

crassitie, & tenuitate notabile discrimen ad-
 mittat; si ejusdem foecunditas consideretur,
 inter unam & alteram est admirabilis differen-
 tia, quoniam una apta nata est procreare unum
 tantum foetum, altera plures, vidit Aldrovan-
 dus ex unico ovo multos, ac innumerabiles
 araneos gigni, ita exiguos, ut vix oculis per-
 cipi possent, & fila ducentes ita tenuia, ut
 nihil posset esse curiosius; Goedartius pariter
 ex uno ovo duas muscas provenisse narrat;
 Omnia vero ova non sunt adeo foecunda,
 ut multiplicem prolem edant; constant ea-
 dem ex principiis, quae magis & minus tem-
 porum injuriae resistunt, Erucarum quarunda
 ova intensissimum hyemis frigus tolerant, at-
 que illaesa arboribus annectuntur usque ad ini-
 tiū veris, & aestatis, quorum calore actuantur;
 hanc naturam multa alia ova non habent, quae
 sine accurata diligentia non custodiuntur, aut
 si praesidio egent naturae ruspatoribus hoc va-
 rium apparet; à colore variae insurgunt dif-
 ferentiae, quas ex Plinio supra recensui; solum
 adnotare sufficiat multis alijs coloribus ova
 tingi, ac Plinius enumeraverit; à fotu, quaedam
 breviter actuantur, alia longiori tempore, sive
 extra corpus matris, sive intra, alia nullum fo-
 tum requirunt; celebre est, quod scribit Aelia.

nus de Crocodilo: *Sexaginta dies , ut narrant
 Egyptij , ventrem ferunt, & ova totidem ex sese
 pariunt , totidemquè dies hac fovent .* Quidquid
 vulgò asseritur de aspectu quorundā Anima-
 lium falsum censetur, cùm ille non actuet,
 potius est conservatorius & amatorius, à tem-
 pore exclusionis, & quantitate discreta, cùm
 sint ova, quæ omni tempore, alia determina-
 tis solùm temporibus, vel bis, vel una vice sin-
 gulis annis edantur, nonnullaquè numerosa
 sobole, nonnulla certum numerum habeant,
 & paucum, à quantitate continua, sunt quæ-
 dam, quæ magna sunt, sunt quæ mediocria,
 sunt quæ minima, ferè cum atomis comparan-
 da, à complemento, dantur ova, quæ in-
 completa ab animali fiunt, & pòst partum au-
 gentur, forisquè perficiuntur; è contrà sunt
 plurima, quæ in corpore matris, quidquid ha-
 bere debent, obtinent, à fæcundatione, alia
 antè partum sunt prolifica, alia post partum,
 à modo exclusionis, sunt enim ova, quæ ra-
 cematiim instàr botri uvæ emittuntur, alia nul-
 latenùs cohærent, carentq; omni, & imperce-
 ptibili glutine, à tempore augmenti, *Piscium
 ova in mari crescunt, quadam summa celeritate,
 ut murenarum, quadam paulò tardius; ità Pli-
 nius lib. 9. ubi sunt multa alia de ovis, quæ*
 atten-

attenta lectione digna sunt, ad quem lectorem remitto, ut citius ad institutum accedam, qua de causa prætereo connexionem, nidum, figuras, & hujusmodi alia. Pro coronide breviter tangam Galenum ad praxin ovorum differentias direxisse, dùm tertio de Aliment. facult. tres attulit, penès substantiam, penès tempus, & penès cocturæ rationem. Primo modo, quæ sint meliora considerat, & ait: *Gallarum enim, ac Phasianarum sunt præstantiora; deteriora verò Anserum, ac Struthiocamelorum.* Contrarium refert Athenæus ex Epæneto, & Heraclide Syracusio in lib. de Parand. Obson. omnes enim isti primum locum inter ova, Pavoninis assignarunt; Secundum Vulpanserinis, tertium Gallinaceis. Penès tempus considerat ætatem: *Aut enim longo antè tempore sunt edita, aut brevi,* Penès cocturæ rationem: *Nam quadam diutius cocta fuerunt, alia ad mediocrem usquè consistentiam, alia duntaxat ex calfacta fuerunt.* Secundum quas differentias insinuat, quæ sint meliora, & quæ non pro sanitate.

Hæc de ovis ex Medicis, & Philosophis raptim desumpta animū in admirationem trahunt; non imparem parit ovorum consideratio in scholis Mythologicis, & eruditis, ut
ovum

ovum non tantum fuerit in Philosophica, & Medica Palaestra multarum controversiarum insigne fundamentum, sed & Poetae, & polioris literaturae viri de ovis plurima scripserint, & docuerint. Celebris est apud Poetas Leda Thestij filia, & Tyndari Laconiae Regis uxor, quam alij unum è Templi lacunari pendens, tenijs religatum apud Lacedemonios, ut refert Pausanias in Laconicis, alij duo peperisse ova testantur, ex quorum altero Castor, & Pollux, ex altero Helena, & Clytemnestra natae sint, una cum sorore Timandra ex nonnullorum additione. Mythica haec enarratio mystico involucri rerum naturam insinuat; omnis enim Poësis ex Maximo Tyrio obscure rem innuit, & Macrobius Coloti Epicureo respondet neganti omne figmenti genus Professoribus veri convenire, sequentibus verbis, quae & Vossius considerat de Philosophorum sectis: *Quae sciunt inimicam esse naturam apertam, nudamque sui expositionem quae sicut vulgaribus Hominum sensibus intellectum sui vario rerum tegmine, operimentoque subtrahit; ita à Prudentibus arcana sua voluit per fabulosa tractari; sic ipsa mysteria figurarum cuniculis operiuntur, ne vel his adeptis nuda rerum talium se natura praebeat, sed summatis tantum viris*

*Capientia interprete veri arcani conscijs, contenti
sint reliqui ad venerationem, figuris defendenti-
bus à vilitate secretum.*

Habuerunt itaque Poetæ de ovis sermonē,
& quidē de ovis viviparorum, & quamvis
alii de ventre prægnañte ad ovi formam ro-
tundo, fabulam explicuerint, alij tamē ad
veritatem magis accedentes de vesicula ovi-
formi intelligendam esse putant; qualem de-
scribunt Hippocrates de natura Pueri in Psal-
ria; vel de ovo vero, de quo Olaus VVor-
nius, Bartholinus in Histor. Anat. &c. Qui
referunt Annam Amundi filiam uxorem Gud-
brandi Erlandsonij bina ova pepetisse Galli-
laceis simillima; quod ipsum quibusdam alijs
Mulieribus familiare esse ex Herodoto Hera-
cleote testatur Coelius Rhodiginus, Quippe
ait: *ova parere Selenetidas Mulieres, indequē na-
cētes Homines quinquies decies esse nobis amplio-
res; quod approbat Herodotus quoque Heracleotes.*
Sed hæc, & alia pleraquē vel intēr magica, vel
intēr fabulas reponuntur; non itā se habent,
quæ Hippocrates observavit sive alter Priscus
Author libro citato num. 4. ex versione Cor-
arij, dūm ait: *Qualis autēm erat, ego referam,*
velut si quis ovo crudo externam testam circum-
irca adimat, in interna verò pellicula, inclusus
liquor

liquor pellucescat. Quam observationem confirmarunt Benedictus Silvaticus & alij, nuper. rimè Antonius de Heide in Observat. medicar. centuria Observat. 44. quæ continet ovi-forme quid utero excretum, his verbis Mulieri aliquot liberorum matris terrore percussa menstruus fluxus per duos menses subsistens supervenit; elapsis aliquot diebus excernit vesiculam nuclei avellane æqualem, nihil præter aquam limpida in se continentem; membrana vesiculam constituens diaphana erat, eius tamèn parti quid carnei placenta uterina simile annexum conspiciebatur: hinc vesicula, licèt fetus rudimenta in ea notari haud potuerint, abortus speciem præferebat.

Hinc constat hallucinatum fuisse Natalem Comitem in Mythologia, scribentem: *Ridiculum igitur esse, & ovum natum esse muliere, & tot Homines ex ovis, & eodem partu, & omnes vixisse; fictum igitur fuisse, Ledam ovum peperisse, quia prægnans ventrem ad ovi formam rotundum haberet, vel, ut alij maluerunt, quia in eadem pellicula ovo persimili fœtus concreverint.*

Si subindè animus converatur ad historias, auguria, paræmias, & eruditiones, multa, & multa occurrunt de ovo nullatenus præmittenda. Ex Glossis veteribus in Persium in Satyr. 5. ad carmen: *Tunc nigri Lemures,*

ovoque pericula rupto; habetur Sacerdotes ova exploravisse ad prædicendum: *Sacerdotes*, sunt verba Glossæ, qui explorandis periculis sacra faciebant, observare solebant (extrema aliqua superstitione) ovum igni impositum, utrum in capite, an in latere desudaret, si autem ruptum effluerat, periculum ei portendebat, pro quo factum fuerat, vel rei familiari ejus. Putavit etiam Isaacus Casaubonus in commentario ad eandem Satyram posse prædicta de alio genere Religionis accipi, si scilicet casu aliquod ovum inter comedendum irrumperetur, aut pertunderetur; eodem prorsus modo, quo superstitiosi pro tristi habent augurio, si quid è mensa decidat, aut si evertatur salinum, aut quid simile eveniat. Huc pertinet Pliniana lectio de augurijs ovorum; narrat Vir eruditissimus, & verum scientiarum omnium fermentum; *Juliam Augustam*, prima sua juventa *Tiberio Casare* ex *Nerone* gravidam cum parere virilem sexum admodum cuperet, hoc usum esse puellari augurio, ovum in sinu fovendo, atque cum deponendum haberet, nutrici per sinum tradendo, nè intermitteretur tepor; nec falsò augurata proditur.

Legitur etiam apud *Cœlium Rhodiginum* prohibita fuisse ova in cœnis nuptialibus *Naucratitarum*; *Naucratitarum*, inquit, nuptialibus cœnis

cœnis cavebatur, nè quis ovum intulisse vellet, aut mellita. Apud Romanos cœnæ initium erat ab ovo; undè communiter pro hujusmodi notitia adducuntur Horatij Carmina, *si collibuissest ab ovo*. Usquè ad mala citaret Jo Bacche; ubi Porphyrius interpres apud Tiraquellum in Genialium dierum lib. 5, ait: *Hodieq. ovum initium cœnæ*; quod tradunt omnes Historici, & ipse Cicero ad Papirium Patum his verbis: *Integram famem ad ovum affero*, ut Commentatores omnes exponunt, & inter alios Lipsius 3. Antiquar. lectionū, qui ulterius docet eadem de causa Apulejum ova *Gustulum* appellavisse, quamvis etiā in secunda mensa adhibita fuerint, teste Athenæo.

Tanto postea in honore fuerunt ova, ut apud multas gentes Religioni inserviverint; adeoque in purgandis piaculis & lustrationibus quotidianus quondam usus erat ovorum, quasi inter reliqua gratiorem haberent potestatem, ut loquitur Gesnerus ex Marcello Vergilio. Ægyptij, & Pythagorici ita ovum circumspexerunt, ut illi purificationis tempore ab illis se abstinerent, isti jubente Pythagora semper. Porphyrius de Abstinencia ab esu Animalium Ægyptiorum describit morem. *Multi quoque ab omnibus prorsus Animalibus, &*

*in purificatione omnes abstinebant, quippè cum nè
qua quidem tunc ulla sibi esse edenda censerent.*
Et Pythagoræ decretum refert Laertius, apud
quem legitur abſtinentia *ab ovis, & quæ ex ovis
naſcuntur Animalibus*. Immo nonnulli volunt
eodem interdicto fabas intellexiſſe, ac ſi di-
xiſſet, dum fabas prohibuit, ab ovis abſtinen-
dum eſſe; Geſnerus hanc affert interpretationem,
à qua recedendum eſſe puto, quia fabas
ab ovis diſtinxit Laertius, nec Beroaldus dili-
gens ſymbolorum Pythagoræ interpres, &
mœnioris literaturæ decus, hoc unquam co-
gitavit.

Multa alia, quæ eruditam partem comple-
ent (nè parergum ſit majus ergo) videantur
pud Athenæum, Plinium, Geſnerum, Al-
brovandum, Eraſmum, Manutium, Tholoza-
um, quos libentè refero, cum eos ſempèr
oderim, qui malunt in furto deprehendi, quam
mutuum reddere.

Quamvis verò plurima de ovis exarata fue-
nt, omnia tamèn examini ſubijcere, nequè
ræſentis eſt loci, nequè brevitatis Opusculi per-
mittit. Inſtitutum igitur meum erit, vivipa-
am generationem ſecundum Modernorum
ſententia conſiderare, & non hæc omnia incudi,
ut ajunt reddere; ſed ſolum opinionem ho-
dier-

diernis diebus maximè celebrem, & quam verisimilem esse, libentè fateor, pro viribus explorare; nimirum an sit sufficientè probatum, Testes vulgò foeminarum vivipararum esse vera ovaria, & vesiculas lymphaticas magna ex parte eisdem componentes esse vera ova, quæ per tubas in uterum, vel cornua deferantur prò formando foetu. Obiter aliam tangentur de ovis, sed in gratiam hypothefis principalis.

In hac quæstione dubitare mihi licebit, & sceptico more scribere; & si difficultates, quæ proponuntur contrà hypothefin, quam omnes ferè Recentiores, ut certam & indubitatam approbant, & quam multis sudoribus confirmare conati sunt, non erunt alicujus ponderis, non erit proindè meus labor castigandus juxtà Hippocratem 1. de Diæta. dùm scripsit: *Immeritò autè ullus aliquis ipsorum reprehendatur proptereà quod invenire non potuerunt; immò laudandi potius omnes, quod investigare conati sunt; itaque redarguere ea, quæ non rectè dicta sunt, minime institui.* Et ab Hippocrate non recessit Aristoteles; quandò docuit: *Non solum illis agendas esse gratias, quorum opinionibus quis æquiescit, sed etiam illis, qui supersciterenùs dixerunt; cum cõferant aliquid isti, habitum namque*

nostrum exercuerunt. Et Averroes sequitur Philosophum, atque non solum laudat, & extollit illos, qui secum conveniunt in opinionibus, sed etiam illos, qui diversimodè sentiunt. Luminaria hæc in medium attuli, nè qui oppositam sententiam habent, commoveantur, alterentur, & succenseant; cum diversitas opinionum excitet intellectum ad acquirendam virtutem, & veritatem comprehendendam. Duretus inter Medicos insignis & cedro dignissimus Vir suo tempore monebat, dissensum Medicorum esse optimum, laudabat opinionum discrimina, quia fructum, qui hinc nascitur, apprimè cognoscebat; propterea hoc memorabile theorema posteris reliquit: *Bona est inter Medicos opinionum dissensio, pessima voluntatum.*

Et si mea opinio, quæ communiori adversatur, non arridebit contrariæ sententiæ fautoribus, siquæ mea Fundamenta non erunt tanti roboris, ut opposita cogitata infirmare valeant, saltem cum moderamine proposito à Cartesio recipiantur, ut scilicet contrarii Doctores melius de suis judicare possint: *Opiniones aliena* tradit Cartesius, *ita sunt consideranda, sicuti exteriores ab advenis; istis enim expedit aliquid de illis nosse, non ut eosdem se-*

quantur, sed ut incorruptius de suis judicent. Nequè speciosa cōditio, aut grave nomen eorum, qui ova propugnant, prò ovis admittendis, aut vulgarior assensus attendantur; nàm hujusmodi inspectiones sunt remoræ, quibus literarum progressus impediuntur, & sunt venena, quibus stupida reddūtur ingenia. Boetius hanc veritatem attigit de cōsolatione Philosophiæ, & coactus fuit asserere: *Multa opinione utentiū nunc splendorem accipere, nunc amittere*; Et Thomas Hobbes de opinionibus communiter receptis loquens ità sentit; *Huic ergò Philosophiæ parti idem contigit, quod vijs publicis, quibus omnes ingrediuntur, euntquè prorsum & retrorsum, alij animi causa inambulant, alij rixantur, sed nihil seritur*. Non igitur nomen Authoris, gentium æstimatio, populi consensus, numerus Authoritatum, fama, applausus considerentur; argumentorum pondus sit illud, quod moveat, & lectori persuadeat veritatem, quem rogo non esse præoccupatum, nequè alicui sectæ addictum; etenim juxtà Galenum difficillimum erit istum ad veritatem cōvertere, cū sola autoritate, sprete ratione regatur. Galenus tantoperè inspexit, & cognovit, quidquid nunc asseritur, ut de compositione medicamentorum secundum locos scripserit: *Falsas*

ſas opiniones , animas hominum præoccupantes , non ſolum ſurdos , ſed etiam cæcos facere , ita ut videre nequeant , quæ alijs conſpicuè apparent .

Quinquè , ut promiſſum munus exordiar ſunt de teſtibus vulgò dictis vivipararum foeminarum in ſcholis medicis opiniones . Prima , quam vetuſtiſſimi Patres cum innumerabili Doctorem caterva defendunt , eſt teſtes foemininos à natura ad ſeminis generationem inſtitutos fuiſſe , & quamvis notabilem diverſitatem cognoscerent intèr iſtos , & viriles , nihilominus à propoſito fine non receſſerunt duce Galeno , qui in 14. lib. de uſ. par. & alibi utilitatem allatam acerrimè tuetur etiamſi ſtructuram diverſam notam haberet , ut legitur in libello de diſſectione Vulvæ ; *Teſtes autem foemina à lateribus vulva adiacent , ad fundum , utrinquè alter juxta cornua , magnitudine , quàm viri longè minores ; forma item & habitu multum diverſi .*

Secunda docet omninò oppoſitum , ſcilicèt teſtes foemininos nihil ſeminis conficere , additquè nullius eſſe in generationis opere utilitatis ; hanc Harvæus de Generatione Animalium exercit. 65. conſtantiè defendit . Singulare hoc cogitatum Authoris verbis referam ; *Teſticuli in his , ut ovibus , capris ac biſulcis*

omnibus, visuntur quidem, sed sunt quasi parvæ glandulae, quæ Prostatibus potius, aut mesenterij glandulis proportionem respondent (quarum usus est stabilire venarum divaricationes, & humorem lubricandis partibus conservare) quàm semini, eiquè prolifico concoquendo, coitusquè tempore profundendo instituta sunt. Sumquè egomet hujus sententia, tum ob alias rationes plurimas alibi allatas, tum maximè quòd coitus tempore (quandò maribus testiculi turgent, & humore seminali replentur) in cervis & damis, ceterisque viviparis omnibus (in quibus reperiuntur) immutentur uterique cornua, testiculi autem dicti (tanquàm ad generationem nihil facerent) nec turgeant, nec quicquid à solita constitutione (sive ante coitum, sive post ipsum coitum) variant, nequè ullo indicio, utilitatem aliquam, vel ad coitum, vel ad generationem afferant. Hanc observationem à se sæpius factam inculcat in eadem Exercitatione prædictus Author, & firmitèr concludit, foemellarum testiculos coitus tempore citrà variationem ullam pristinam faciem servare, cum tamèn aliæ partes generationi inservientes, tam in maribus, quàm in foeminis, ingentem subeant mutationem; ex qua observatione deducit testiculos, vulgò appellatos in foeminis non esse à natura constitutos pro generatione, cum nihil im-

mutentur tempore generationis; sed tantum glandularum munus exercere, & hoc secundum mentem Galenicam, hoc est stabilire vasa, & humectare partes.

Sanè Falloppius suo tempore contrà Galenistarum usum de foeminarum testibus dubitare incoepit, & ansam alijs exhibuit quærendi naturæ finem in fabrica prædictarum partium, & in Observationibus ad Petrū Mannam conscriptis loquens de foeminarum testibus, adversus communem sententiam tenet non apparere ad seminis generationem factos fuisse: *Omnes*, ait, *Anatomici uno ore asserunt in testibus foeminarum semen fieri, & quod semine referti reperiantur, quod ego nunquàm videre potui, quamvis non levem operam, ut hoc cognoscerem, adhibuerim; vidi quidè in ipsis quasdam veluti vesicas aqua, vel humore aqueo, alias luteo, alias verò limpidoturgentes: sed nunquàm semen vidi, nisi in ipsis vasis spermaticis, vel delatorijs vocatis.* Et in Institutionibus Anatomicis, quando considerat organa generationi inservientia, existimat testes venas fulcire, quæ ad uteri fundum feruntur, & glandularum vicem præstare, cum ipsarum iter fulcro quodam indigeat: *Quæ autè à testibus deveniunt vasa* (sunt ipsius Falloppij verba) *vena illa sunt, quæ*

ad uteri fundi latera enutrienda, aut quid aliud efficiendum deveniunt; quibus venis testes glandularum vicem præstare, videri possunt; in ipsarum enim divaricatione fulcrum quoddam necessarium erat, à quo vasorum divaricatio sustineretur: aut testes erunt hac ratione geniti, qua colemus diximus in fœminis, nempe ut masculum cum testibus generare possent; alioquin impossibile futurum. Sit igitur ut curquæ velit, Testes in fœmina ad seminis generationem facti non apparent. Quæ cōclusio Falloppiana omninò cum relata ex Harvæo convenit, immò etià in fine prædicti Doctores nullatenus discrepant.

Tertia opinio est Testes muliebres non minùs notæ gratiâ, quàm mammas, aut istarum papillas in viris conditos fuisse, ac cum virilibus collatos esse cadavera testium; documentum istud est Caspari Hofmanni in Instit. Medic. quæ sic habent. *Testes muliebres cum virilibus collati sunt cadavera testium; parvi enim sunt, ex succi, & quod rei caput est, non compacti ex uno solido corpore, sed ex multis sibi invicem impositis, ut si quis ex arena funem texeret, in quibus non nisi rarissimè humoris aliquid continetur, tam semini masculo similis, quàm atramentum lacti, & quid potest esse similitudo, cum quod Galenus urget, tanta sit dissimilitudo? Sed & ubi*

omnia bene habuerint, qua via in uterum venit? immo effunditur extrà in paucis ijs, in quibus est; quare dico audacter, testes hi non minùs sunt notæ gratia, quàm mammae, aut si ita vis, papillae illarum in viris. Hanc sententiam ita amplexus est Hofmannus, ut in Apologia pro Galeno ab eadem nullatenùs recesserit, & ubi irridetur Rorarij doctrina in cōtradictionibus, quia cum vellet salvare foecundationem feminis muliebris ex Galeno, alia istius viri dogmata evitare nequivit: proindè cum ad rem devenisset, siluit.

Opinionem Hofmanni poterunt curiosi legere apud Averroem in Colliget ad amussim delineatam: Sed testiculi, quos dicit Galenus feminam habere, apparet, quòd non habeant effectum in generatione; quia sperma mulierum, quod generatur in mulieribus, in generatione inventionem non habet, & si aliquis vellet dicere admirando; ergò facti sunt in vanum! Respondemus, quòd nec in hominibus mamillae habeant aliquam inventionem in generatione, & tamèn habent eas.

Quarta opinio est Cremonini de semine: hic convenit cum alijs asserentibus testes esse glandulas, sed particularitèr explicat munus istarum glandularũ pro cōmodo generationis independentèr à semine: Rem igitur totam sic

*considerate? inquit Cremoninus) Uterus debet
 factum continere, quare debet servari modus con-
 sistentie, debet extendi, & dilatari, quoniam fœ-
 tus in ipso crescit ad magnam molem; debet deni-
 què roborari, nè disrumpatur fœtus incremento,
 & omninò nè patiatur debilitatus in toto tempore
 pragnationis; & ideo dicunt Anatomici se reperis-
 se uterum dilatatum in pragnantibus, qui tamèn
 factus erat crassior, cum extensione, & dilatio-
 ne deberet potiùs attenuari. Hac autèm tria sunt
 maximè necessaria, & nisi natura his providisset,
 esset improvida; quare dico ego istas glandulas
 humiditatem servantes, & illa vasa humiditatis
 plena ad hunc usum à natura esse facta, & quod
 ipsi dicunt, reperiri in illis humiditatem crassam
 & viscosam, quammaximè arridet nostro dicto,
 quia ad faciendam illam incrassationem, & exten-
 sionem requiritur talis humiditas, quæ sit crassa
 & viscosa, ut possimus jure meritò dicere, si hæc
 instrumenta habeant usum maximè necessarium,
 & maximè tamèn remotum à generatione seminis,
 non benè ex ipsis deduci argumentum, quòd fœmi-
 na habeant semen, quod volui dixisse, ut cogitetis
 de hoc usu & alijs cogitandum tradatis.*

Quinta est Medicorū Recentiorum, qui post
 Stenonem, uel Jo. van-Horne, ut alij scribunt,
 crediderunt testes in viviparis esse ovaria:

quod

*Quod est ovarium in oviparis, sunt testes in viviparis; utpotè qui perfectà ova in se continent humorescatentia, & pellicula propria circumcincta, qualia adhuc domi reserve inflata. Ità monet van-Horne in Epist. quadam ad Rolfin-
cium missa, seu in Prodromo.*

Hæc novitas ex natura sua plurimos habuit asseclas: *Cantio enim hæc hominum longè est celeberrima vulgò, Et gratissima, qua nuperrima venit in aures; ut habetur apud Manutium, qui ulterius ait: id potissimum usu venire in Medicis; nostros fastidimus, licet eruditos; belluam è longinqua barbarie profectam suspicimus; itidem Pharmacopola magno emunt herbas è longinquo advectas, cum interdum meliores nascantur in hortis vicinis.* Et tanta Reipublicæ Medicæ jactura hæc eveniunt in arte, ut nostris diebus nimius novitatum pruritus meliorem ferè praxin deleverit, & utiliore Medicinam hoc sæculo fermè perdiderit: *adeò naturale est, magis nova, quàm magna mirari, ex Seneca.*

Non est tamèn animus Novatores objurgandi, & illorum diligentiam reprehendendi, qui naturam detegere satagunt, hætenùs non occupatam, sed illos meminisse vellem Aristotelici documèti in Ethicis, ubi dicitur: *Nonnulla esse, qua cum nova sunt, oblectant, postea verò*

verò non simili modo. Et ratio est, quia actio
 est actio, & intentio in res novas, quam im-
 usitatas, ut explicat Philosophus; confirmat
 Obertus Giphanius, & communiter Interpre-
 tes; acriorem modò actionē temperare oportet,
 nè defectu temporis & examinis lapsum
 mentis efficiat. Hac de causa Plinius inter la-
 boriosa reposuit rebus novis fidem tribuere:
Res, inquit, ardua est, vetustis novitatem dare,
novis authoritatem, obsoletis nitorem, obscuris
lucem, fastiditis gratiam, dubijs fidem, omnibus
verò naturam, & natura suæ omnia. Et Quinti-
 lianus castigat partus, melius dixerim, ob im-
 maturitatem, abortus, quandò scribit: *Omnia*
nostra, dum nascuntur, placere, alioqui nec scribe-
rentur. Multæ itaque novitates, cum sint præ-
 coces, matura indigent indagine; tempus re-
 quirunt pro assensu, & si meliora inveniri pos-
 sunt præteritis, ut tamèn illa cognoscantur,
 non oportet ruere, sed pedetentim incedere,
 & disputationis filo veritatem distinguere; co-
 què magis, *quia hæc est vetus, & Socratica ratio,*
ut testatur Tullius contra alterius opinionem dis-
serendi, nam ita facillimè, quod verissimillimum
est, inveniri posse Socrates arbitrabatur. Et ut
 facilius cognoscat lector, quid docuerint Re-
 centiores, an novam structuram, an novam
 illa-

illationem, parumpè immorabor in Veterum
 Scholis, antequàm illos expendam. Galenum
 observavisse conformationem in testibus fœ-
 mineis valdè diversam à virilibus, tactum est
 suprà, sed hanc diversitatem (sit venia Autho-
 ris dictum) potuisset meliùs exprimere; de
 dissectione vulvæ ait: Testes fœminæ *latos esse,*
virorū rotundos, atquè oblongos; fœminarū *glan-*
dulosa, virorū *molli carne constare,* fœminarum
utrumquè propria membrana qualis est in maribus,
quam dactam hoc est excortabilem dicunt contegi;
elytroide verò, idest vaginali, ac scroto fœminarum
testes carere; arterias tamèn ac venas ab ijs, quæ in
 vulvam feruntur, *profectas, testibus utrisquè alteri*
comitti, & priusquàm eò deveniant, inter se conne-
xas, cincinni in modum, non secùs atquè in mari-
bus implicari, ut si revolutionem hanc præsecue-
ris, una incisione multa ora efficias, non quod mul-
a vasa, sed quod unum, & idem semel multis lo-
cis fuerit præsectum. Hæc Galenus, apud quem
 etiàm in alijs locis, ubi agit de eadem parte,
 egisse me non memini, descripsisse eundem
 lymphaticas vesiculas, quæ nunc sunt sub ju-
 lice. Mundinus, qui quondàm Bononiensis
 Academiæ & Anatomicorum sui ævi, ac mul-
 torum subsequentiū temporum ità Princeps
 fuit, ut Statuta Patavini Lycei textualem Mun-
 dinum

dini expressè jufferint lectionē , animadvertit
foëminarum testes , & in sui sæculi ruditate de-
terminavit *testes foëminarum non esse verè testi-*
culos , sicūt sunt illi , quibus viri potiuntur ; nec
iste paritèr vesiculas observavisse visus est .

Posteriores autèm Anatomici amplissimā
de istis mentionem fecere . Vesalius de cor-
poris humani fabrica . Falloppius in Observat.
Platerus in suis tabul. Spigelius de humani
corp. fabrica . Riolanus in Anthropographia .
Bavhinus in Theat. Anatom. Coiter in tabull.
int. corp. part. Laurentius , Valverduus , Mar-
chetus , Salomon Albertus , Andernacus in
suis Anatomicis . Rodericus à Castro de natur.
Mulierum . Vidus Vidius , qui vesiculas vocat
cava quædam humorem aquosum continentia
& alij . Archangelus autèm , dùm Falloppium
réprehendit , propriam negligentiam accusat
nullo enim fundamento asserit Falloppiu
negantem semen in foëminis , malè tantum affe-
ctas foëminas secuisse ; verba Archangeli sunt :
Cui respondeo obtigisse , ut foëminas malè affectas
dissecaret , id quod ipse indicat , dùm ait , vidit
quidèm in ipsis foëminarum testibus quasdam ve-
luti vesicas aqua , vel humore aquoso , aliàs limpidas ,
aliàs luteo turgentes , quem in finem , quem in usum
natura in mulierum testes vesicas illas aqua ple-

nas intrusit? Ità tocutus nō esset Archangelus, si proprijs oculis foemininos testes inspexisset, quod in Anatomia religiosè sempèr servandum, & ob eandem incuriam, & autopsiæ defectum istæ vesicæ non fuerunt à Columbo, Knoblochio, Veslingio, Plazzono, Vassæo, Colle, & alijs descriptæ.

Cognoscitur ex tot Anatomicorum lectione antè ovarij hypothefin illud idem corpus, quod nunc ovum nuncupatur Anatomicis cognitum fuisse, & eisdem in hac parte structuram innotuisse, ac solam differentiam esse in illatione, nō in facto; immò si diligentèr prædictorum virorum observationes attendantur, liquidò patebit, non tantum examinavisse vesiculam, sed contentum, figuram, numerum & hujusmodi. Vesalius humorem in prædictis sinibus stagnantem vidit croceum, luteum, & foetidum, & in hunc refudit uterum strangulatum, quo interierunt duæ nobiles quellæ, quarum historiam describit in opere citato. Falloppius etiàm diligentèr consideravit lympham prædictam, & modò aqueam, modò luteam, modò limpidam se vidisse narrat. Idipsum profecutus est Spigelius, qui easdem vesiculas aperuit, & aqueum humorem invenit, aut sero lactis similem, pauloquè crassius.

fiorem; adjunxit: *Sunt hæc vesiculæ verò alijs plures, alijs pauciores, nec uniformitèr sibi iunctæ, hinc est, quod observaverim vix certam esse, ac unicam ipsis figuram, sed plurimum inter se prædijectorum ratione differre.* Eandem diligentiam adhibuit Valverduſ, ideoquè describens substantiam eorundem testum, ait: *Estq; tota fixibus quibusdam prædita, præter sedem, quàm venæ aliquot & arteriæ occupant, qui sinus, nec eandem omnes magnitudinem, ut nec seriem numerumve servant, sed in omnibus aqueus quidam humor consistit, qui testiculis manu compressis, magno impetu velut ex disrupta vesica exilit.*

Admissa igitur varietate inter nuperos Scriptores, & Veteres citatos in illatione, superest, ut si illi docent esse ova, exponatur, quid ipsi cogitaverint de usu vesicularum; non omnes convenire certum est, patiuntur enim æqualem obscuritatem, & ferè majorem, ac aliæ partes; ita ut Authoribus sit plurimum condonandum, si veritatem non attingant.

Nonnulli inter Veteres altissimo silentio usum prætereunt. Falloppius istorum albo describitur, solitus plerumquè incomparabili candore, aut propriam ignorantiam confiteri, aut tacere; Valverduſ, & alij eadem via

incedunt; Vesalius expressè non loquitur de
 eodem, in progressu tamèn capitis indigitare
 obscurè videtur semen continere : *Vasorum,*
ait, seminalium in mulieribus, ortus, & ductus,
ipsaque testium substantia, & conformatio mulie-
res semen habere, mihi utcunque persuadent. Ar-
 changelus ut dictum est, credidit, vesiculas
 esse in statu præter naturam; sed in Anatomicis
 parum huic essetribuendum testatur Riola-
 nus, ex quo modicum esset exercitatus. Sa-
 lomon Albertus aservare semen sibi persua-
 dit: *Testis, inquit, mulieris finus, atque com-*
pressus, virili mollior, & humidior, multis con-
stant vesiculis sibi invicem adnatis in modum vari-
osorum παρὰ σάκκων, idest vesicularum, in quibus
semen ad eiaculationem tanquam in penuarijs
cellis colligitur; quibus etiàm multò similior,
quam testi videtur. Hoc idem confirmant
 Tabulæ Anatomicæ Coiteri. Riolanus duos
 fines dubitatiuè proposuit; primus ad titil-
 lationem, secundus ad humectationem, in-
 terrogat enim: *Quo fine humor ille contine-*
ur? an ad titillationem; an similis est humo-
ri salivali, & oleoso, qui perfundit urethram in
viris, quem in mulieribus etiàm necessarium
iudicavit Galenus. Platerus verò solam ir-
 rigationem cognovit, & inter modernos Har-
 vaeus

væus de Generatione Animalium , prædictæ opinionioni adhærere videtur , dum in Cervis , Damis , Ovibus , Capris , ac Bifulcis omnibuss fatetur esse parvas veluti glandulas , quæ pro-
statis potiùs , aut mesenterij glandulis propor-
tione respondeant & irrigent , quàm semem
concoquant , & profundant .

Ex hac opinionum diversitate , & silentio manifestè deducitur Veteres non cognovisse usum verioremem vesicularum ; est enim axiomat certissimum Doctorem , dissensum ignorantiam arguere ; ideoquè *non posse aliquid scire ex ipsa disensione monstrarunt* : ut loquitur Arnobius aduersùs Gentes ; aut si quis ex istiss metam attigerit , ob varietatem adhuc eandem nescire possimus , quemadmodum idem Arnobius affirmat : *Ità enim labant sententia , alteraque opinio ab altera convellitur ; ut aut nihil ex omnibus verum sit ; aut si ab aliquo dicitur , tot rerum diversitatibus nesciatur* . Et alibi velut arrogantes illos increpat , qui verum illud esse contendunt , in quo acquiescunt : *Arrogantis est dicere id , quod tibi placeat , esse verum ; quod verò animum ludit , id libidinis , & falsitatis arguere* .

Ulteriùs pergens æquale dissidium invenio in Tubis , quas Moderni oviductus appellant ;

de istis etiã differendum est ; omnis enim necessitas cogit , ùt instituto fiat satis , Antiquorum , & Modernorum sententias referre . Tuba , communiter Falloppiana nuncupatur , & ita describitur à Falloppio in Observat. Anatom. *Meatus gracilis , & angustus ad modum , qui oritur nervens , ac candidus à cornu ipsius uteri , cumquẽ parum recesserit ab eo , latior sensim redditur , & capreoli modo crispat se , donèc veniat propè finem : tunc dimissis capreolaribus rugis , atquẽ valdè latus redditus finit in extremum quoddam , quod membranofum , carneumquẽ ob colorem rubrum videtur ; extremumquẽ laterum valdè , & attritum est , velut sunt pannorum attritorum fimbria , & foramen amplum habet , quod semper clausum jacet concidentibus fimbrijs illis extremis , quæ tamen si diligentè aperiuntur , ac dilatentur , tubæ cujusdam aneæ extremum orificium exprimunt : quare cum hujus classici organi , demptis capreolis , vel etiã ijsdem additis , meatus seminarius à principio usquẽ ad extremum speciem gerat , idèò à me tuba uteri vocatus est : confirmavit hanc suam descriptionem in varijs Animalium speciebus , & unanimiter ab Anatomicis receptam lego .*

Cæterum Falloppius fuit Author nominis non rei , Riolanus in Anthropographia me-

cum est, & citat Ruffum Ephesium, qui prædictam tubam Parastatam varicosum nominavit; qui Ruffi Ephesij desiderat textum, adeat ejusdem de Corporis Humani partium appellationibus librum primum, & inveniet hæc formalia verba latinitate donata à Junio Paulo Crasso Patavino; *Fæminas varicosis assessoribus carere Hierophilus planè existimat; nos verò in pecudis utero è testibus enata vascula, atquæ utrinquè varicis instar revoluta, conspeximus in hac autèm in uteri cavum perforata subibant, è quibus mucosus quidam humor, si quis exprimeret, emanabat, magnaquè erat spes hos seminarios esse canales, & eorum generis, qui varicosi nuncupantur.* De hoc judicio Riolani nolo intereà esse sollicitus; addam tamèn manifestissimas Galeni authoritates, quæ probant tubas Venteribus cognitæ fuisse, de usu. par. *Cum autèm id esset satius, natura jure sursum cornua matricis porrigenz propè testiculos sustulit.* Et inferiùs; *Fæminarum testiculi, cum parvi penitus essent, vasquè exigua essent productura, loco, quem nunc possident, opportunissimo sunt siti; utraq; quidèm matricis parte positi, paulò autèm supra cornua abducti.* Quæ verificari non possent, nisi productum cornu vidisset, quod est idem cum tuba. In eadem opinione fuit idem Galenus

de Diffec. Vulvæ, quandò describens foeminarum testes ait istos juxtà cornua collocari utrinquè, & sanè nomen Falloppianum explicat similitudinem, non negat productionem ipsius cornu; ità etiàm sensisse Theophilum de corp. hum. fabri. dicendum est, quandò propè utrumquè cornu foeminæ testes sitos esse scripsit, utpotè qui ab utroquè latere semen in cornua dimittant. Hofmānus in Apologia prò Galeno expressè defendit meam opinionem, & tubas à Falloppio nomen tantum habuisse sustinet, aliàs substantiam Galeno innotuisse putat, adducitquè auctoritatem desumptam ex eodem in lib. de diff. vulvæ c. 9. asserente, vasa seminalia propè testes lata esse, & sensibilem cavitatem habere, sed parcant mihi manes Hofmanni, parum enim favet eidem prædicta autoritas, si benè caput Galenicum expendatur, in quo à cornu processu, quid distinctum innuitur per vasa seminalia; potius itaquè per aliàs à me allatas auctoritates asumptam intentionem posse probari crederem, quàm per adductam ab Hofmanno; quibus alterū adjungam ex 14. lib. de ul. part. c. 11. deductam ubi habetur: *Ad semen verò à proprijs testiculis trahendum cornua fuisse comparata, quæ propterea sursùm ad ilia spectant,*

paulatimquè arctata desinunt in fines angustissimos, utraqùè sui lateris ipsorum testiculo conjuncta.

Hac occasione mihi liceat breviter annotare nominum diversitatem, qua sæpiùs utuntur Authores, diversos parere conceptus, & Lectores faciliter in varias trahere sententias. Arteria Bronchialis, Glandulæ conglobatæ, & conglomeratæ, Proturberantia annularis, Aeris robur elasticum, & alia innumera, quæ Deo favente in singulari tractatu de Cognitione Veterum, & Recentiorum Medicorum, & Anatomicorum examinabuntur, habent Veteres Authores, quamvis prædicta nomina non usurpata fuerint, & homines curæ lectionis non sinè confusione oppositum sentiant. Arteria Bronchialis, patet ex Galeno 5. de loc. aff. his verbis: *Quippè necesse est ex arteria oriri vasa quadam, per quæ sanguis in pulmonem transferatur, quemadmodum Erasistrati secta hoc ipsum per arteriam pulmoni substratam fieri autumat; hujus enim arteriæ extremæ partes, & quidè exiguæ ad asperam arteriam transire videntur; atqui ipsa quoquè ex magna arteria, antequàm ad spinam perveniat, initium sumit: paulò inferius: Hanc igitur arteriam, quæ à majori arteria spina incumbente in pulmonem fertur,*

Et

Et rursus infra ait: nequè enim quemadmodum arteriam quamdam à magna deductam in pulmonem ferri affirmant, ità de vena dixerint; etenim arteria tametsi non manifestè in viscus ipsum ramis distribuitur, ei tamèn substerni, atquè ad asperam usquè arteriam ramusculos emittere videtur. Verum à magna vena, quæ spinæ incumbit, venam aliquam in pulmonem transire nequè nos unquàm vidimus, neque dissectorum quisquam scripsit; ac nè Erasistratus id affirmare ausus est. Glandulæ conglobatæ & conglomeratæ cognitæ fuerunt omnibus priscis Anatomicis, & loco istorum nominum, usi sunt Glandulis & Glandosis corporibus, quibus & diversos usus, & diversam substantiam, seù structuram, raram & densam attribuerunt; prout legere est apud Galenum varijs in locis, præcipuè in secundò de femine. Protuberantia annularis observata fuit à Constantio Varolio, & alio nomine insignita, ut ex Epist. i. ejusdem ad Hieronymum Mercurialem patet. Robur elasticum aeris est Platonium in Timeo: Quod autèm præter naturam coactum est, secundum naturam venititur, sequè revocat in contrarium; undè motus elastæ nequè Stephani Natalis, nequè Boylei, & aliorum est; ità de Polypis cordis differendum est, quos Galenus, Beni-

venius, Smetius, Bavhinus, Schenchiuss, Vesalius viderunt, & nomine excrescentiæ morbosæ in corde, ejusquè vasis pulmonibus, &c. nobis reliquerunt. Marinus testimonio Galeni in secundo de semine ductus salivales nuncupavit venulas. Falloppius lymphaticorum vestigia finè hoc nomine descripsit. Spiritus apud Hippocratem impetum faciunt, exploduntur ex Villisio, uno verbo dicam, universa medicina oneratur inutili onomatopæia, quæ maximum parit tumultum, ad quem evitandum, tractatus promissus plurimum conducit; in eo enim ostenditur nominum magna ex parte esse nova, & res antiquas, nec non Medicorum hanc priscam fuisse consuetudinem, quemadmodum etiàm notavit Baconus, *in circulo se magis exercendi, quàm in progressu*.

Nunc retrorsum vela dabo, & tubarum examen ulterius prosequar, relictos cursus iterum assumens. Istas cognovisse Veteres apud me non esse dubium videtur. Post Falloppium omnes postea Anatomi de eisdem amplam mentionem fecerunt, discrepantes tamen inter se, & in structura, & in usu; nam Falloppius asseruit, & prò veritate conspicuum foramen habere; quod alij negarunt, & instar in-

testi-

testini cæci occlusas esse docuerunt . Intèr quos Highmorus , Spigelius , Bucretius , Marchetus , Plazzonus , qui plurimùm à Falloppio dissentit , & omnes isti à recto declinant , quia licet tubæ à fimbrijs concidentibus occludantur , non proindè sunt cœcæ , imperviæ , & imperforatæ ; quia manifesto foramine prædictæ sunt , à fimbrijs tamèn prædictis occluso ; aliud enim est , quòd tubæ sint cœcæ ad instàr intestini cœci , ut relati Doctores asserunt ; aliud quòd sint perforatæ , sed ab aliquo corpore occlusæ .

Dissent prætereà in usu : Galenus , ut dictum est , arbitratur deferre semen ad uterum : Falloppius expurgare fuligines uteri : *Vasa ista* , ait Falloppius : *ità se habent , ac si duorum spiraculorum , aut caminorum vicem gererent , per quos uteri fuligines intrà abdominis cavitatem exhalarent* . Successivè dubitat , an assignatus usus sit præcipuus , & addit : *Hac an præcipua sit istorum vasorum utilitas , non satès affirmare ausim , cum demùm per frequentiore , diligentiore què dissectionem ipsorum naturam edocti erimus , accuratius de ipsis , plenius què asserre enitemur* . Falloppium valdè impugnat Bartholinus in Anatomia reformata ad sanguinis circulationem , & in Bartholiniana quartò renovata ; susti-

nent verò Bavhinus, Riolanus, VVarthonus, & alij. Idem Falloppius in Observationibuss narrat, in tubis se invenisse semen exquisitissimum, nunquàm in testibus; undè deducit Bartholinus locis citatis Falloppium opinatum fuisse tubas semen generare, quem tamèn usum ipse Bartholinus non approbat, & vult verum usum esse semen ex testibus per coecas vias vasorum, quæ per membranam ramificantur recipere, & in proprijs anfractibuss perficere, seù ulterius coquere, vi tamèn à testibus irradiata; hinc postea elaboratum ad uterum deferre per tubulos cornibus uteri implantatos prò generatione.

Bartholini lectio admirationem parit maximè in Bartholiniana; cùm enim legerit Stephonem, Kerchringium & alios, ac admiserit omnia ex ovo generari, etiàm hominem, non debebat inferre de tubis, quidquid modò dictum est. Eandem censuram meretur Molinetti doctrina in Dissertationibus Anatomico-pathologicis; quando enim observat hic Author tubas haud parum à testibus distare, nullamquè viam intercedere, seù saltè apparere, qua à teste genitura in spatium tubæ, quamvis modica fuerit, possit transmitti, confugit ad cecas vias, & hariolatur genituræ materiam

tiam in halitus subtilissimos solutam per imperceptibiles poros in tubas ferri, ibiquè crescere, postea per manifestam cavitatem earundem in uterum descendere, Highmorus in Disquisitione Anatomica altissimo silentio usum præterit & potius tacitus veneratur artificium obscurissimum naturæ, quàm quòd explicet: *De illarum, id est tubarum usu* inquit: *multum silent Anatomici, nequè certi aliquid, quod addam, habeo; nè fietis itaque posteritati imponere viderer, sileam & ipse.* Quod & Spigelius, & alij servarunt sequentes illud, quod olim docuit Divus Augustinus axioma occasione cuiusdam dura ipsi proponentis problemata: *Mallem quidem, respondit, eorum quæ à me quaesivisti habere scientiam, quàm ignorantiam; sed quia id nondum potui, magis eligo cantam ignorantiam profiteri, quàm falsam scientiam profiteri.*

Veslingius in Syntag. Anat. credidit tubas esse vasa semen asservantia, & excernentia, & similiter nominari Marchetus testatur. Idem scripserat Lindanus; quia verò cornibus cæterorum Animalium tubas vult respondere Harvæus, ideò eodem munere fungi arbitratus est, & quemadmodum in cornibus illa semper cōcipiunt, ita in hisce aliquandò conformari docet foetum. *In muliere,* inquit Harvæus, *due*
tube

tubæ propè cervicis uteri exortum in cavitatem
 ejus perforatæ non habentur vulgò cornibus ana-
 tologæ, sed à nonnullis Anatomicis, vasa sperma-
 tica; ab alijs spiramenta uteri; ab alijs vasa defe-
 rentia semen, aut asservantia censentur, tanquam
 essent de genere vesicularum seminalium, cum ta-
 mèn reverà cornibus uteri cæterorum animalium
 proportionè respondeant; ut liquidò patet ex situ,
 connexionè, amplitudine, perforatione, similitudi-
 ne, atquè etiam officio; quemadmodùm enim alia ani-
 malia (ut iam dictum est) semper in cornibus con-
 ciunt; ità etiàm aliquandò mulier reperta est, quæ
 fœtum in cornu, seu tuba illa gereret; ut doctissi-
 mus Riolanus ab alijs observatum meminit, & nos
 etiàm proprijs oculis conspeximus. Sunt itaque
 ex Harvæo tubæ additamenta, seu appendices
 uteri, quas natura instituit, ut uterū suo modo
 augerent, & ut in ipsis aliquandò cōceptus fie-
 rent; votū Authoris eventus nonnunquā con-
 probavit, non solum ex ipsius, & Riolani testi-
 monio, sed etiàm aliorū, & nuperrimè Barbatii,
 qui Venetijs Anno 1672. 29. Martij hoc idem
 se vidisse asserit in Dissertatione Anatomica
 de formatrice, conceptu, organizatione, & nu-
 tritione fœtus in utero. Sect. 2. de conceptu.

VVarthonus demùm occurrit, qui in Ade-
 nographia non tantum convenit cum Fallo-
 pio,

pio, ut dictum est, sed ulteriùs addit in coitu
portionē prolificā virilis seminis in se rapere;
Fundamenta, quibus innititur prædictus Au-
thor, sunt, quòd Harvæus in cavitate uteri
post coitum foecundum per aliquot dies nihil
seminis in eodem depræhenderit, & quòd
Falloppius in tubis semen invenerit; quòd
cùm à testibus foeminarum non derivet, sta-
tìm infert esse virile ibi asservatum, & reten-
tum, ut postea ad testes foemininos deferatur,
prò mixtione cum foeminino, & indè pro ge-
neratione: *Ex dictis itaque constat*, ait VVar-
thonus, *testes muliebres constructos esse, non*
tantum ad semen proprium conficiendum; sed ad
recipiendam sufficientem portionem seminis viri-
lis, quod cum suo semine permixtum placido, len-
toquè motu per vasa sua ejaculatoria deponant in
uteri parietes, ut ex eo formetur fœtus. Et ut
tollat difficultatem de via seminis virilis ad
testes, quærit: *Fortè per fibrillas nervosas à du-*
ctu tubæ reflexas ad exteriorem testiculi extemi-
ritatem. Ad hæc patet discrimen, quòd inter-
cedit intèr Veslingium, Marchetum, & alios,
ac ipsum VVarthonum, nam illi locuti sunt
de semine foeminino in tubis asservato, quo-
usquè statuto tempore ad uterum transmitta-
tur, iste verò prò semine virili contendit mo-
dò explicato.

Haftenùs opiniones de testibus, & tubis, si non omnes saltèm magis celebres usquè ad hodierna tempora sunt relatæ, & istæ ob varietatem, quam continent, nostram caliginem manifestant: certum enim est, ut dictum est suprà, quòd, quòd plures sunt de aliqua re opiniones, de eadem eò major est incertitia. Ter-
tullianus 2. de natur. hoc idem statuit, & lepi-
dè V Vendrockius addit: *Ergò cum probabiles illa sententia ex offusa humana menti caligine nascantur, manifestum est, quòd major fuerit illius ignorantia, eò plura ipsi probabilia visum iri, & contra, quo mens hominum purgator, & scientia veritatis instructior fuerit, hæc pauciora fore, quæ probabilia putet.* Tàm Veteres, quàm Moder-
ni vesiculas lymphaticas, & tubas observa-
runt, omnes tamèn æqualitèr ex eodem facto non concluderunt. *Magna enim, inquit idem V Vendrockius, ingeniorum, magna doctrinæ, magna veritatis, magna cœlitus illapsi luminis diversitas (addere mihi liceat, magnas naturæ operandi modus) quibus omnibus fit, ut quæ probabilia uni videntur, alter tanquàm certa, & explorata percipiat.*

Omnes adductas opiniones examini subijcere non decrevi, sed tantùm illam, quam Moderni proposuerunt de ovis, ovarijs, & ovi-
ductu

ductu in viviparis, afferendo dubia, quæ animum non præoccupatum movere poterunt, si non ad negandam hypothesein, saltèm ad eandem ulteriori disquisitione illustrandam, eoquè magis, cùm viri docti inter Recentiores hucusquè non acquieverint, & alia fundamenta expectent, quibus intellectus constantiior reddatur. Ettmullerus in Physiologia, prædictam suppositionem ità castigat: *Sed hæc sunt nova, & nondùm sufficientè probata, ideoquè tantummodò significasse sufficiat.* Diemerbroeckius, Joannes Baptista de Lamzverde in Naturali Molarum uteri Historia, Joseph Du-Verny in Dissertatione de Generatione Hominis relata à Nicolao de Blegny in suo Zodiaco Medico-gallico, Barbatus in Dissertatione Anatomica superiùs citata, Lamius, Mauricæus, Samuel Janssonius, & alij, quos refert Theodorus Janssonius ab Almeloveen in Tractatu de Inuentis nov-antiquis dubitant.

Confirmatur ulteriùs occasio dubitandi de veritate hypothesis, si discrepantiæ intèr ejusdem fautores considerentur; etenim huc, & illuc feruntur, nec unanimi voto propositam opinionem tuentur; sive locus, per quem ovum exeat ab ovario, consideretur, sive via, per quam feratur in uterum; quomodò, & ubi foe-

cun-

cundetur, quomodò moveatur, & separètur à partibus connexis, quomodò augeatur in utero, & hujusmodi; in quibus omnibus discordes invenio Recentiores; etenim si locus, per quem ovum exit ab ovario, expendatur, hìc variè proponitur ab eisdem. Graaf de Mul. orga. gener. infer. Joannes Sigismundus Elsholtius in miscellaneis curiosis, & alij variè sentiunt. Primus admittere videtur particulare foramen à natura formatum in medio testis, seu ovarij conspicuum, antè, & post ovi expulsionem tantùm apparens, cum aliquali prominentia, quam præ similitudine papillam nominari posse scribit, & foramen prò Animalis magnitudine variare dicit, cum in vaccis stylum, in cuniculis verò tantùm modò fetam admittat. Secundus, id est Elsholtius arbitratur aperiri ovarium morbofo quodammodo, & quasi quadam specie apostematis, undè ait *Et quamvis in non gravidis ex ovario in tubas nullũ foramen manifestò compareat, in recens tamèn gravidis natura sibi foramen parat per ovarij membranam, quasi quadam specie apostematis:* Et hìnc explicat, cù vomitus, nausea, & similia eisdem contingant; *Atquè hæc per abscessum quasi facta exclusio, siuè translatio ovi ex ovario in tubam, & hìnc in uterum, procùl dubio ge-*

nuina ratio est nausea, aut vomitus, qui sub initium conceptionis, & primis post fecundum coitum diebus accidere fœmellis consuevit.

Et ità censent alij Scriptores, qui volunt ovarij involucrum in papillam acuminari, & rumpi, ly *rumpi* importat aperturam morbosam, non dilatationem, quæ tantum esset necessaria, si partes explicarentur, & foramen aliàs inconspicuum, fieret manifestum, & pauatim aperiretur, ut explicat à pari Græaf, exemplo osculi uterini. Svammerdamius verò in notis in Prodrumum loquitur terminis communibus, uti & Ruyschius *reſeratis* *semper membranis*. Drelincurtius proponit alijs dubium discutiendum. Bartholinus de ovarijs mulierum apertis verbis fatetur hoc esse pſi ignotum: *Quomodo scilicet rumpatur ovarij membrana, an sola corporis hujus magnitudine, an quovis alio modo.* Via, per quam ovum interum fertur, nō minori obscuritate explicatur, quàm foramen prædictum. Svammerdamius tanti hanc difficultatem fecit, ut præter authoritates Drelincurtij, Stalpartij V Vanlervviel, & Stenonis (qui omnes rem hanc difficillimam putant) ex proprijs observationibus factis in Gallinis, Ranis, Anatibus, & alijs, concludat, omni adhibita diligentia motum

tum ovi ex ovario in tubam, & uterum ex obscuro obscuriorem reddi, & licet tuba pateat, & moveatur; nihilominus non acquiescit, & habet hæc formalia verba: *sed nec hoc quidem difficultatem tollit, ut jam non obscura modo, sed ferè indissolubilis hæc questio mihi videatur.* Ex quibus liquidò concipitur, non potuisse intelligere modum motus ex ovario in uterum per tubam, licet non dubitaverit de motu ovi ex eodem termino per tubam ad uterum.

Alij negarunt motum ovi per tubam, ita Kerckringius in Anthropogeniæ Ichnographia; sentit enim: *Semen virile per tubas cæcas Falloppianas circumductum ad testes pervenire, & ibi cum ovo eodem modo, ac in cæteris oviparis, mira quidem, & hæctenus non explicata; sed vera tamèn ratione coniungi, atquè ovum ita fecundatum per vas ejaculatorium ad uterum transire.* Et si vera esset Observatio V Varthonij de valvulis in tubis admittentibus ingressum ad testes, & prohibentibus regressum ad uterum, nunquàm tubæ possent esse ovi-ductus: *observavimus, inquit V Varthonus: nupèr in dissectione Equæ gravide tubas Falloppianas plurimis valvulis toto earum ductu muniri, nè quid seminalis materia per easdem versùs uterum, aut in ejus cavitatem deferatur; verùm è cavitate uteri*

uteri in tubas, foramen stylum admittens cerneba-
tur. Videntur ergò vasa hæc ità constructa esse,
ut potius e cavitate uteri aliquid excipiant, quàm
quicquam in eandem effundant.

Urgent etiàm gravissimæ difficultates de
modo fœcundationis, & loco; nam alij tenent
seminali auram ad uterum, & tubas ascen-
dere, hinc ad ova pertingere, & fœcundare;
posse etiàm eandem auram ex vagina proce-
dere, & eundem effectum producere; ità opi-
natus est Graaf, & impulsus ad hoc credendum
ex consideratione, quomodò ova in gallinis,
& reliquis avibus fœcundentur, nam modi-
cum feminis, quod gallus brevissimo tempo-
re, ferè momento, ejusdem in vaginam effun-
dit, & per oviductum anfractuolum, & lon-
gum ad ova pervenit, ac fœcundat, non pos-
set hoc opus efficere, nisi seminali auræ attri-
bueretur; cui sententiæ maximè opponitur
Caspar Bartholinus locis proximè citandis.

Alij docuerunt totum semen, sive subtilio-
rem ejusdem portionem sanguini per venas
communicari; à sanguine per circulationem
noto ad ovarium deferri, & successivè ova
fœcundari. Intèr istos reponitur Caspar Bar-
tholinus in Epistola Anatomica de Ovarijs
Mulierum & Generat. Histor. In Exercitatio-
S nibus;

nibus; Miscelaneis, & in opusculo de Diaphragmatis structura nova, quam opinionem antecessentèr receperat à præceptore suo Nicolao Stenone, ut confitetur in prædictis Exercitationibus. Hanc postmodum impugnata lego à Joanne Alphonso Borello de Motu Animalium. Parte alte. proposit. 184.

Svammerdamius in notis ad Prodromum ita obscuram fœcundationem esse voluit, ut facta istius difficultatis comparatione cū altera de modo motus tubarum, aliquantò majorem hanc nominet, & difficultèr admodum per experientiam & fortè non nisi ratiocinando posse solvi contendat: *Alia, & aliquantò major* (fatetur Svammerdamius) *difficultas occurrat circa fœcundationem horum ovorum, quæ fœcundatio, vel conceptio nihil aliud esse videtur quàm perfectioris motus cōmunicatio, ita ut ovum quod in ovario, & nutriebatur, & vivebat, post conceptionem, ovario relicto, perfectiore modo, atque ita nutriatur & vivat ut jam ipsum se se curare, & sustentare posse putandum sit: sed enim, quia hæc fœcundatio fortè non nisi ratiocinando, & difficultèr admodum per experimenta demonstrari potest, cupidum lectorem ad eruditissimum D. Harveyum relegabimus, qui in suo de Generatione Animalium libro hæc omnia fusè prosecutus est.*

Miror Syvammerdamium in cōtroverſia difficili, & obſcura lectorem ad Harvæum remiſſiſſe, qui ova non cognovit, & ſemen poſt receptionem excerni ab utero cenſuit, & tantum aſſatu, ſeu ſpiritali quadam irradiatione internam uteri cavitatem foecundari decrevit; qua opinione, ut omninò improbabili, omnes reſceſſerunt, teſtimonio Alphonſi Borelli, qui ulterius eandem varijs motivis eludit. Nonnulli inſupèr Anatomici, & Philoſophi exiſtimaverunt ova non foecundari in ovario, ſed ab hoc ſejuncta, & in confinio uteri exiſtentia à ſeminis virilis contactu, & aſperſione perfici pro futuro conceptu defendunt; ſicut ova gallinæ non expectant ſemen galli in ovario, cum ſubventanea ferantur ad uterum, & in via creſcant, ac perficiantur; ità de ovibus viviparorum diſcurrunt, quæ extrà ovarium vel in tubis, vel in cornibus poſſe foecundari ſuſtinent per contactum, & aſperſionem ſeminis maſculini, quod etià in inſectis verificari dicunt; & hoc ratiocinium adducit Joannes Alphonſus Borellus de motu Animal. poſſe confirmari obſervatione Falloppij, qui ſæpius in tubis ſemen vidit: ampliùs poſſet admitteri ova in utero foecundari, ſivè per aſperſionem, ſivè ab immutato uteri tono, quia

nō defunt observationes demonstrantes post coitum semen in utero remanere; narrat Carrus in Mundinum se aperuisse cadaver cujusdam juvenis, & pulchræ, quæ fuit suspensa Bononiæ, & erat prægnans, quæ per quatuor dies antequàm suspenderetur, coiverat, & testatur se invenisse aliquam notabilem portionem spermatis intrâ matricem, quod sperma erat in suo colore, & in substantia naturali, sicut est sperma masculi: nequè remonent omnem dubitationem omnes ferè Recentiores cum Harvæo; ex quo enim non videant post coitum semen in utero, statim inferunt ad uterum non impelli, vel ingressum ex utero rursus foras effluere, quod ipsum in oviparis indicaverat Harvæo Fabricius; & ratio est, quia potest in tubas secedere, ut Falloppius observavit, vel potest cum Borello ab utero exugri, vel cum Aristotele dissolvi, & in spiritum verti, vel tandem ob motiva, & rationes Diemerbroeckij, quibus nonnunquam semen ab utero effluere potest sinè necessitate illationis Harvæianæ.

Omitto consultò ad probandam existentiam seminis in utero historiam, cujus meminit Amatus Lusitanus, & Sanchez, ex Petro Mato, de duabus coeuntibus fœminis

Thes-

Thessalonicæ , altera conjugata , quæ proximè virile semen receperat , & incubante , altera vidua , & succuba , cujus uterus virile semen attraxit , & concepit ; omitto inquam , & libenter , quia placet cum Sinibaldo historiam prædictam cachinno prosequi , & potius inter muliercularum fabulas prædictum casum referre , quàm inter historias medicas ; adeoque miratur idem Sinibaldus Amatum , qui tantam ineptiam suis curationibus inferere non erubuerit ; in eodem voto est Zacchia , qui ulterius utitur testimonio Cratonis in quadam Epistola ad Andream VVeckelum , in qua habetur Amatum plura conficta , quàm vera scripsisse , & interdum hoc modo suas opiniones confirmare voluisse .

Sunt etiam plerique Doctores , qui tenent feminis corpulentiam ovo ipso , ovario adhuc hærenti peculiaris cujusdam ductus ope affundi , sicquæ cum ovo misceri , & idem fecundare ; in quo ductu quærendo multi Anatomici oleum , & operam perdidderunt .

Postremò in suppositione , quod corpulentia feminis , tum ob mucum , tum ob anfractus , & gelatinâ quandam in vagina existentem ad iterum pervenire non possit , arbitrati sunt alij spirituosas , & volatiles feminis particulas ab

eodem mucō coerceri, eidem quē misceri, 88
 prò vehiculo & menstruo semini inferuire, ut
 tandem se insinuet, & media partium cōtigu-
 tate utero, ejusquē fluidis partibus commu-
 nicetur prò obtinenda conceptione; quæ opi-
 nio non differt ab illa de contactu, nisi quòd
 particularem modum explicandi habeat; 88
 prædictam gelatinam in vaginis reperiri effe-
 cōmunis observatio tam in brutis, quàm ho-
 minibus; legantur Observationes anatomicae
 Collegij privati Amstelodamenfis factæ in va-
 gina vitulæ recens natæ, Blasius in Anatomia
 Animal. de Vacca, Harvæus de Generat. Ani-
 mal. viderunt hoc ipsum Jacobus Sylvius Am-
 brianus, Valverduus, Laurentius, & alij innu-
 meri, quibus meum calculum addo, cū ean-
 dem semper invenerim; non propterea ex hac
 communi observatione benè illatum est, par-
 tes seminis subtiliores coerceri modo prædi-
 cto, quia & in utero, & tubis est idem albu-
 men, prout sæpius observavi; præterea crassior
 substantia ineptè dicitur vehiculum tenuior-
 tis, & demum spiritus seminalis irretitus à ge-
 latina redderetur inefficax; necnon glutinosi-
 tas seminis arguit cogitatum esse dubium.

Tantoperè variant Doctores in loco, & via
 foecundationis, nec minùs differunt in modo
 ejus-

iusdem. Svvammerdamius, ut tactum est
 aprà, voluit à semine masculino perfectiorem
 notum tantum communicari; convenit Pa-
 er Bartoli; plerisque alijs placuit hæc opinio,
 ac addiderunt ova fatua, & infœcunda habe-
 re quidẽm totalem organicam Animalis con-
 structionem, sed sinẽ motu, adeoque compa-
 verunt eadem horologio absque machina
 & artificio motivo; è contra fœcunda dixe-
 runt esse similia eidem horologio cum machi-
 na movente, seu cum pondere, ut vulgò di-
 citur, appenso. Borellus admisit quidẽm pro-
 babilitatem prædictæ opinionis, non potuit
 amẽn eidem subscribere, & docuit totam or-
 ganizationem à matre non pendere, nec non
 emen masculinum organicam foetus constru-
 ctionem efformare, & complere; intèr cate-
 ga fundamenta, quibus utitur, est hoc obser-
 vandum, nempe diversam esse cõstitutionem
 ovi fœcundi, & infœcundi; in illo enim appa-
 et authoma pulli; non in hoc, poterat verò
 Borellus animadvertere defectũ perfectioris
 notus, vel motus absolutè partes explicantis,
 impedire posse sensibilitatem authomatis. Ad
 motum ovi fiat transitus; & hinc non desunt
 equalia diffidia; sive motus consideretur in
 ovario, quando scilicet ovum excluditur, sive

in tuba, quandò ad uterum supponitur deferr
 ri. Graaf de Mulier. organ. loquens de primo
 motu ait; *Qua ratione autem id contingat, ar
 duum est determinare.* Judicat tamèn ova è te
 stibus prodire partim virtute testium, partim
 dispositione ovi: primo modo, beneficio cu
 jusdam materiæ quasi glandulosæ excrescena
 tis intèr membranas ovum investientes, quæ
 post coitum fœcundum sensim accrescit, glo
 buliquè figuram acquirit, ovumquè compri
 mit, & hac compressione mediante per forat
 men descriptum expellit ovum: secundo mo
 do hanc expulsionem facilitari arbitratur ex
 peculiari ovi natura, & conformatione, qua
 facilè propulsioni cedit, nequè timet prò aff
 sensu firmam adhæsiõnem, quam habent ova
 cum ovarijs; cùm & placenta utero firmitèr
 connectatur, & tamèn in partu sponte secer
 nitur; sic fructus ab arbore, dùm maturescunt,
 facillimè separantur, & in oviparis connexio
 ovi cum ovario non impedit, quàm statuto
 tempore spontè decidat.

Apud Bartholinum de Ovar. Mulier. legi
 tur à fibris carneis circà ovaria repertis prin
 cipium separationis ovi petendum esse, quæ
 cõprimant debitis temporibus vasa ad ovum
 tendentia, siquè impediunt alimentũ, arescat

pedunculus, quo ovum hæret ovario, consequenter separatio contingat ipsius ovi ab ovario, quemadmodum in fructibus arborum exemplificatum est suprâ.

Propositum motum alij explicantes, ut Peyerus, & Stockamer, tenet expulsionem è proprio alveolo ipsius ovi causari ab incremento corporis fibrosi, quod ex omni latere, seu posterius & in ambitu ovo adhæret; hoc enim incrementum non posse non protrudere, & urgere corpus proximum constantè docent. Hæc opinio factum Anatomicum veritati magis consonum supponit, quàm prædicta: afficiuntur tamèn ambæ gravissimis difficultatibus, de quibus infrâ. Drelincurtius à prædictis Authoribus parùm recedens duo ad ova excludenda ab ovario conniti tradit, *niduli scilicet fibrosi, & carnosi perioc. 12. coarctatio levis, seu constrictio blanda, necnò aliunde adductior paulò, arctiorquè fimbriarum perioc. 9. complexus, atquè compressus.*

Deniquè Elsholtius in ea fuit opinione, quòd ovi incrementum ad exclusionem stimulare ovarium, & sicut in gallinis evenit, dum ova grâdescunt, ità in viviparis succedere voluit, ovario stimulado à magnitudine ovi; cui omninò opponitur Bartholinus de Ovarijs, de-
cre-

crementum in ovo foecundo, & mox mox ab ovario recedendo, & notabile prædicans: *Cum ova*, ait: *è testibus excludenda, vel jam exclusa decuplò minora sint alijs, adhuc in testibus herentibus.*

Dubitant etiàm ovorum Patroni in viviparis, quomodò ova in cornibus, aut in utero augeantur. Stenon noluit definire, ut in dissecto pisce ex canum genere patet, an in uterum ex testibus ova, an ovis contenta materia transmittatur, quo dubio evita vit difficultatem; sequitur Drelincurtius, quandò quærit; *An ovorum, vel globulus integer, vel liquor ex ipsis elisus, strictas, collapsasquè tubarum extremas horas quandoquè subire queat, citrà quâ aliò defectat?* Et reverà rationabilis occurrit dubitandi locus, quomodò vasa, quæ semel exsiccata & clausa supponuntur, iterùm aperiuntur, & uniantur cum utero, aut cornibus, cum finè vasorum novo commercio impossibile sit ovum novam magnitudinem acquirere, nisi enim addatur nova materia, quam vasa necessariò debent suppeditare, nulla sequetur augmentatio. Idem Drelincurtius à similitudine seminum, quæ terræ committuntur, & madore coelestii, intumescunt, ac fermentantur, explicare conatur germinationem

ovi, ejusdemquè incrementum intrà uterum: Pari propemodum eventu, scribit Prelincurtius, ovum uteri sinu, ceu feliciter terra susceptū & genitali spiritu masculo inibi perfusum (à quo pori, & meatus antea occlusi referantur, ut ait Peyerus) atquè etiàm matris corde, ceu sole facundè foetū spumescit primum, & exagitur, ac deinceps de germine perioc. 27. 30. suo fibrillas sursum atquè deorsum profert, nervulos nimirum, atquè venulas, & arteriolas, quæ radicularum, & ramusculorū more huc & illuc expanduntur; immò istarum radicularū majuscula tres medium Embryonis centrum permeant, atquè sic per mediam ovi lympham aliquandiu fluitant. Sed illā tandem gyris suis, atquè meandris tranant universam. In illius igitur ovuli pelliculas usquè cōtendunt, quibus orbiculatim se se primum affigunt, ut illas tandem pertundant, & in obvios sibi porulos uteri radiceantur, atquè circulo suo umbilicalis funiculi dicti laxè quidè torti, sed nodosi, ternisquè contexti chordis, resticulas constituent ab Embryonis centro in matricem exporrectas. Eandem fovet doctrinam Graaf, quia verò, & exemplo viviparorum eandem roborat, & ulterius notat tunicas investientes ovum non semper eodem modo augeri, idcirco hæc pauca prædictis addere liceat ex eodem. Hic igitur Author scribit;

bit, ovum à testibus in uterum delapsum duabus membranis investiri, exteriore, & interiore, chorio scilicèt, & amnio, utramquè inequalitèr augeri docet, nam in ovibus, vaccis, alijsquè brutis exterior, seù chorion brevitempore tantoperè extenditur, ut internam centuplò exsuperet, ob copiam materiæ, quam intrà se continet, in alijs animalibus eodem modo augentur, & sibi tantoperè coherent, ut maxima tantùm cum difficultate secerni una ab altera possit, potissimùm circa finem gestationis. Incrementum in his tunicis admittit per imbibitionem, & ait: *Nec aliter ovum augmentū suum capeſſit, quàm quod dicta tunica delatum in uteri fundum humorem imbibant, eadē ratione, qua vitellorum tunica in avibus albumen induunt*; quod eò facilius admittendum putat, quia experientia quotidiana constat, semina terræ commissa simili modo augeri & germinare.

Svammerdamius nihil determinat, & ita loquitur, ut persuadere videatur se sufficientem in hac re non habere notitiam ob defectum observationum, supponit tamèn humorem ovi dilatari reſeratis membranis, necnò placenta uterinam utero annecti, id quod in brutis facili negotio demonstrari posset, si Macenates adessent, quos hac cura propius tangeret. Et

Elsholtius in Miscellaneis curiosis curiosè
 se expedit à proposito nòdo his verbis; *cate-
 rum ovo non harenti, sed ritè in uterum delato,
 qua eveniant ulterius, & què illud incrementa
 sua capiat ibi, hìc accensere nihil attinet, nequè
 enim à Veterum doctrina hac parte multum recedit
 Neotericorum cura, nisi, quòd exactius multa ex-
 plicent*; credebam, nisi me fallat Veterum
 lectio, hypotheses toto coelo distare, isti enim
 ex permixtione seminum, & sanguine men-
 struo generationem fieri autumarunt, & testes
 in foeminis particulare semen conficere, Mo-
 derni verò oppositum statuunt, negantes per-
 mixtionem seminum, & usum assignatum te-
 stibus sexus sequioris, & ovum in uterum, vel
 cornua deferri per tubas ex ovario determi-
 nant; quare nullus capio, quomodò possit
 Elsholtius dicere non esse laborandum in
 explicando augmento ovi intrà uterum in-
 nicholis Neotericis, cum à Veterum doctrina
 non multum recedat hac parte Modernorum
 cura.

Kerckringius loco toties citato modum
 hunc, & ipse præterit, dubitat tamèn de
 duabus membranis, de quibus confidentèr
 nimis locutus est Graaf, ut ex dictis patet,
 Undè ejus formalia verba hìc appono: *Pel-
 licula,*

licula, vel pelliculis extrinsecus circumdantur, que postquam in uterum prolapsa sunt, brevi tempore extenduntur, & in Amnion, Chorionquè commutantur. Sequitur postea, & anceps esse videtur de veritate enunciatae doctrinae, idcirco addit: Atquè ideo dubitabam pellicula nè, an pelliculis circumdaretur ovum humanum, quocirca geminas inde efformari intelligam, & tamèn geminas esse obtenuitatem non videam, nihil enim hìc affirmare decrevi, quòd culter arte directus non detexerit. Paucis verbis hìc Author se ipsum convellit, & tangit motivum dubitandi, an in utero, aut cornibus quædam fiant, quæ ancipitem reddunt ovorum hypothèsin, cum partium præexistentia, quæ tantum explanatione indigeat.

Considerent itaquè omnes, qui ingenuitatis pretio ducuntur, maximas, & innumeras difficultates, quibus est obnoxia ovorum suppositio, tam in propositis controversijs, quam in multis alijs, quæ possent excitari, & postea concludant, an sit certa, an ambigua, an liceat dubitare, an clausis oculis concedenda, Andabatarum more. Si prædictis dubitationibus proprias, quas hìc prosequar, addam, major erit obscuritas, quam alij majori diligentia, & studio, ac repetitis observationibus illu-

illustrare conabuntur; interea nemo me increpet, si metam & scopum non tangerent, quia nihil definire audeo, sed tantum dubitare, & censuras quasdam afferre in studiis maximè proficuas: *Sunt candida, & prudentes censura vehementer studiis omnibus utiles*, ut inquit Vives, *si animi iudicium citrà damnum affectus profertur* ex Tacito. Errores, qui in tanta caligine possunt obrepere, nihil ab instituto me remouent, quia, ut habet Dionysius Longinus; *in magnis labi generosum peccatum est*; immò amplius: *In re incerta licet mentiri*, ut Tholozanus tradit; proponam igitur mea dubia, non ad aliorum palatum compositus, non versicolor, quo pacto arguebatur à Philopono Tullius, sed sinè additione, & illa Philosophica libertate, non effræni tamèn, & laxa, sed moderata, quam meliores scholæ commendant, non sollicitus, quis aliquid dicat, sed quid aliquis dicat, ut Plato in Charmide; *non quis dixerit, sed quàm rectè dicatur considerando*; quod Cullius de nat. Deor. elegantissimè persuadet, licens; *Non tam Authores in disputando, quàm actionis momenta querenda esse, quin etiàm obesse erumquè ijs, qui discere volunt, auctoritatem eorum, qui se docere profitentur, desinunt enim suum iudicium adhibere, id habentes ratum, quod ab eo, quem*

quem probant, iudicatum vident; nec probare
 solebat Cicero: quod de Pythagoricis accepimus,
 quos ferunt, si quid affirmarent in disputando,
 cum ex his quereretur, quare ita esset, respon-
 dere solitos: ipse dixit, ipse autem erat Pythago-
 ras. Idem in Gorgia, in Protagora, in Crito-
 ne, & alibi fuisse Platonem legit & collegit
 Vossius de Philosophorum sectis; & quamvis
 scribere contra communioem sit contra tor-
 rentem nati, & nihil boni promovere, potius ri-
 sum, & jocos excitare, ut etiam cecinit Ovidius:

Stultus ab obliquo, qui cum discedere possit,

Pugnat in adversas ire natator aquas.

Nihilominus ut præteritarum, ita præsentium
 opinionum vicissitudo non est improbabilis:
 quondam motus sanguinis per venas ad ambi-
 tum, hæmatosis in hepate, & aliæ similes con-
 clusiones ob Veterum reverentiam in hono-
 re erant, nunc vilescunt; quondam nomen
 Galenistarum in pretio erat, nunc istud est va-
 cuum: *rebus cunctis inest quidam velut orbis ex*
 Tacito; ita suspicari meritò liceat tempus quid
 aliud aperire posse, & hodierna cogitata irri-
 dere; satius itaque erit in hoc progressu pro-
 prio Marte uti, quam aliorum sequi vestigia,
 quemadmodum Seneca docuit, dum ait: *Quæ*
alium sequitur, nihil invenit, immò nec querit.

Hac

Hac libertate meum votum dubitativè afferam; nobiscum enim ità comparatum est à natura, ut cum vulpe Æsopica à ciconia invitata ad cœnam *licuerit videre, & esurire, gustare non licuerit*. Et ut ordinatim procedam, ac ut melius difficultates innotescant, tria considerabo. Primum erit vesicula lymphatica, sive serosa, aut ovum vulgò appellatum, quarendo, num verè sit ovum, vel non; secundum versabitur circà tubam tam respectu suæ structuræ, quàm respectu sui motus, & ultimum erit productum in utero post coitum foecundum unâ cum uteri dispositionibus. Ex his tribus, nisi gravissimæ conjecturæ me decipiant, constabit conclusionem de ovis viviparorum, aut omninò infirmam esse, aut hucusquè sufficientè non esse probatam, ideoquè amplissimum adhuc remanere dubitandi locum.

Et quoniàm dispositione & ordine in omnî re nihil pulchrius, exordiar à vesicula serosa, quam inter ova non reponerem ob suam existentiam in suppositis ovarijs, quandò vivipara non sunt prolis capacia; expertus loquor in vetustissimis vaccis, quæ licet non essent ad generationem aptæ, attamen in partibus, vulgò testibus nominatis habebant conspicuas vesiculas; alijs vicibus in vitulis, agnis, alijs.

T
què

què animalibus solo lacte nutritis, quantitatem prædictarum vesicularum depræhendi, & in signis magnitudinis, quo tempore obtinellam ætatem generationi nullam dant operam; vidi ulterius in testibus viviparorum, nisi in statu morbofo fuerint, ut euenit, quando sunt strumosi, ferè semper eundem numerum vesicularum, & ejusdem fermè magnitudinis, quod in oviparis non observatur; gallinæ enim modò in vitellario nullum servant vestigium ovorum, modò numerosum, modò non ità.

Si quis crederet in vitula tunc esse ova factua, & imperfecta diuturnitate temporis complementum acquisitura, hallucinaretur ob observationem in annosis vaccis factam, & quia ova in alijs animalibus, quæ evidentè ova ponunt, tantum temporis non exposcunt prò sua integritate, & perfectione; undè nisi gratis hoc asserere possunt de alijs, in quibus analogiam constituunt, quamvis concederetur æquali tempore in omnibus non perfici; immò sensus prò suis viribus motivum ità respondendi adversarijs præbere non potest, quia si magnitudinem vesiculæ, figuram, situm, colorem, materiæ concrescibilis conditionem expenderint, non poterunt non inferre

ferre vesiculam esse completam, licet non sit
tempus ad generandum aptum.

Urget ulteriùs alia analogia ex gallinis de-
sumpta, quæ sæpè ac sæpiùs ova edunt incom-
pleta & fatua; quare etiàm in viviparis non
contingit exclusio ovi incompleti & fatui? unde
si consideretur ovi imperfectio, deberet istius
partus aliquandò observari, quòd nō succedit,
& etiamsi in hac re Kerckringius loco adducto
tradit, *tàm coniugatas, quàm virgines hæc ova sæ-
pissimè excernere insensibilitèr quidè, quia non
advertunt, nec quicquàm suspicantur de ijs, sed
quod mihi ex relatione quarundam constat sentire,
dum reflectunt.* Et Syvammerdamius in Notis
nichil addat authoritati Kerckringij, attamen
replicatæ observationes non permittunt istius
doctrinam, & tàm in virginibus, quàm conju-
gatis excretio istorum ovorum non est obser-
vata; quod quotidiana confirmat experien-
tia tempore potissimùm catameniorum: non
quia hæc sint ab utero, sed quia sæpiùs inspici-
tur materia illinc educta, quo medicis fre-
quentissimè apparerent, inspecta ob alios fines
eadem, & mulieres omnes non essent tàm stu-
pidæ, ut non adverterent, & referrent com-
munitèr hanc notabilem excretionem, quæ ob
molem ovi nō posset esse insensibilis, ut fatetur

prædictus Author, & in suppositione quòd ali-
 quæ negligenter, aliæ plures, & diligentiores
 considerarent hunc cursum naturalem, & ita
 ova cum minori difficultate tunc admitteren-
 tur, nec opus esset grandi præsidio ad hoc sta-
 tuendum; verùm iste eventus non observatur.
 & id, quòd asseritur in foemina humana, lo-
 cum habet in foeminis viviparis aliarum spe-
 cierum, in quibus controversa ovi excretio
 hætenus naturalitèr non fuit annotata, quid-
 quid sit, vel esse possit de aliquibus hydatidi-
 bus uterinis, vel in vagina productis, quas non-
 nunquàm emitti posse concederem, vel de
 foetus rudimento ovo non absimili, ut dictum
 est suprà; & hanc partem tenentur Recentio-
 res sustinere, quia paucis exceptis Kerckrin-
 gio &c. volunt tubas non esse testiculis, seu
 ovarijs applicitas, nisi cùm ovum excipiendum
 est, & intelliguntur de ovo foecundo, quando
 videlicèt tempore conceptionis ovum depo-
 nitur; undè virgines, vetulæ, & foeminæ aliæ
 viviparæ, quæ non generant, ovum nunquàm
 ederent, quia tubæ nō moventur ad ovarium,
 seu testibus non applicantur, nisi tempore
 conceptionis, alio tempore deficiet via, qua
 ovum ad uterum transire possit, consequen-
 tèt impossibilis erit ovorum excretio.

Innexus eidem analogiæ de gallinis obser-
vo maximam diversitatem inter vitellarium,
& ovarium viviparorum; in illo enim ova
non continentur intrâ marsupium, observan-
tur exigua, majora, maxima, acervatim con-
iuncta, pedunculo tantum connexa, in vivi-
paris hic progressus non adest, in his supposi-
ta ova intrâ densam membranam includun-
tur, & ex omni parte validè connectuntur; suc-
cessivum incrementum vesicularum, ut vitel-
lorum non apparet, proindè analogiæ vires
sunt debiles ad ostendendum ovum.

Efficaciùs dubitatur, quòd prædicta vesicula
non sit ovum ex defectu ostioli, per quod ex
ovario excludi deberet; observavi sæpissimè
in varijs animalium speciebus superficiem te-
stium semper levem, & æqualem, hanc obser-
vationem non oculis nudis, sed armatis, & in
aprico feci, nunquam autem potui detegere
ostiolum, aut foveam, sive foramen, per quod
ovum egrediatur, vidi quidem vesiculas mo-
dicum exsurgentes, sed foramen, aut saltè
cicatriculam oculi mei nullo modo invenire
potuerunt. Graaf, ut dictum est, eandem
observationem admittit, & frustra quæri te-
statur, cum immediatè antè & post ovi expul-
sionem tantum apparere dicat, non tollit ta-

mèn dubium, quia deberet nota remanere: sive foveola, aut cicatricula, & vestigium in membrana investiente, cum hujusmodi pars sit talis conditionis vulgò Spermaticæ, ut semel aperta retineat aperturæ signaturam, etiam quandò clauditur instar cujusdam characteris, & eò magis hîc deberet observari, quò magis ponderatur magnitudo corporis egredientis per suppositum foramen, quæ nonnunquam pisum majus æquare dicitur.

Confirmatur dubium ex ovarijs gallinarû, quæ sunt aperta, & patula prò transitu ovi ad suum terminum; eadem vel simili ratione ovaria viviparorum deberent habere regiam viam, per quam ovum in oviductum transferret, hæc autem desideratur, & quæritur, ac Doctores variè se torquent in solutione istius difficultatis, & si veritati esset conformis doctrina Elsholtij suprâ relata, quòd scilicet ovi exclusio quasi per abscessum fieret, seu quòd ovarij membrana quadam quasi specie apostematis aperiretur; tunc membrana ferè universa esset cicatricosa, & continuò apostemata producerentur in membranis testium, nec non frequentius, si cum Kerckringio admitterentur ova excludi tam à virginibus, quam à conjugatis, cum gravibus symptomatibus ob-

solu-

olutionem continui factam in parte maximè sentiente, ut est membrana investiens, immò cum periculo necis ob inflammationem & convulsionem, cæteraquè funesta accidentia, quæ semper comitarentur sexum sequiorem, sive tempore conceptionis, sive aliàs stimulante libidine, nec unquàm essent aliquæ foeminæ viviparæ, quæ essent à prædictis molestiis immunes, quia semper solveretur cōtinuum maximè sensitivum; & nihilominus experientia docet oppositum; & si aliquæ, dum concipiunt, nausea, vomitu, & cæteris laborant, aliæ & majori ex parte optima fruuntur valetudine; quapropter oportet rationabiliter suspicari de veritate propositæ doctrinæ.

Periculum prætereà esset, nè guttulæ lymphæ, vel sanguinis extrà vasa ibi remanerent, & pus gignerent, quod paulatim partem corrumperet, à quo periculo naturam esse alienam, dum naturaliter operatur, nemo est, qui ambigat; si itaque ovi exclusio ab ovario est naturalis, debet habere viam naturalem, non occultam, non morbosam, secùs natura sui immemor præter regulas sibi consuetas, & tutas operaretur, quod nullatenùs dicendum: nec unquàm concipiendum, cum natura sine doctore sit docta, & quæ expediunt, & ne-

cessaria sunt, faciat; quemadmodum Hippocrates optimè expressit; & de Alimento scripsit: *Naturas omnium sine doctore*, & 6. Epid. *Natura morborum medici; invenit natura ipsa sibi ipsi aggressiones non ex prameditato; partim verbat est nictare; partim verò & ea quæ lingua subministrat, & quacunque alia huiusmodi, non edocta natura, & nullo magistro usata, quibus opus est facit; opus est transitu libero, aperto, & conspiciuo prò ovis transferendis, & fecisset perinde natura, atquæ si esset edocta: quocircà si instrumenta, aut partes accommodatæ defunt, quales poscit usus, & suppositus naturæ finis, omnino iure poterit in dubium revocari, quidquid in hypothesi nova de generatione vivipara sine formidine de opposito scribunt Neoterici.*

Argueretur insuper de defectu natura, si ovum, quod habere debet facilem motum, non posset moveri intrà ovarium, & ad ostiolum pervenire; id cōstat diligentèr observando situm ovorum, & connexionem eorundem, cum corporibus fibrosis componentibus ovarium; collocantur enim supposita ova in omni parte ovarij, & ità undecunque connectuntur, excepta modica portione, quæ superficiem membranofam tangit, cùm prædictis corporibus, ut nullatenus è suo nidulo, & alveolo de-

deturbari possint ; supponantur tamèn tempore
 conceptionis disponi ad motum , & eodem
 tempore admittatur ovum in altera extremitate
 positum esse illud , quod fœcundum redditum,
 aut alio modo completum debeat esse futuri
 fœtus principiũ mediante ejusdem ex-
 clusione , & motu in tubam hinc in uterũ ; aut
 istud ovum è directo involucrum membrano-
 rum pertransibit , aut ad foramen in medio
 formatum secundũ Graaf impelleretur ; si pri-
 mum ; quot sunt situs ovarum in superficie, tot
 excitabuntur ostiola prò concedendo transitu
 ipsius ovis, quod quàm sit improbable, nè dixe-
 rim impossibile, omnes norunt, & rationes al-
 late liquidò declarāt ; si secundũ ; obstant alia
 ova intermedia, quæ maximè ligata nõ possunt
 cedere, nec iter permittere ovo fœcundo , aut
 disposito ; obstat etiã corpus fibrosum interpo-
 situm, ità ut admissa ovi dispositione adhuc nõ
 posset moveri, & ad ostiolum pervenire, quem
 modum , & quidè arctissimum non lego suffi-
 cientèr dissolutum ab aliquo authore contra-
 riæ sententiæ ; cogitare quòd illa , quæ sunt
 in medio, tantũ actuentur, & quæ sunt in op-
 positis extremitatibus, nunquàm disponantur
 ad exitum, & semper fatua remaneant in ova-
 rijs, non possunt concipere , nisi qui rem ana-
 tomi-

comicam nō viderunt ; cæterum qui historiam
 & fabricam testium, & vesiculas examini subiiciunt,
 cum videant omnes vesiculas æquales
 non possunt hisce cogitatis adhærere.

Augetur difficultas, si eadem arctissima connexionio, & vinculum expendatur ; vidi, & sæpe numero observavi vesiculam à proximo corpore ita colligari, ut ex omni parte sit vinculis, & funiculis reddita immobilis ; vidi amplius in aprico vesiculas prædictas non minus ac vitellos in vitellario, copia sanguineorum vasorum ditari, quæ sibi tribuit Svammerdamius, & figura demonstravit.

Hisce ex facto anatomico certissimo præsuppositis, ut ova separentur, & sine jactura animalis, debent vasa sanguinea exsiccare, & tabescere, eodemquæ modo se habere debent funiculi, & fibræ, ut vesiculæ liberæ reddantur & ab omni connexionione vendicentur ; neutrum succedere tempore conceptionis valdè probabile est, & utrumquæ esset necessarium, si vesicula esset ovum ; & primò certum est vasa sanguinea, quæ ad partes generationi dicatas tendunt, eo tempore, quo generatio instat, notabiliter turgere, ut constat in utero, cujus propagines spermaticæ idem principiū agnoscunt, ac illæ, quæ testibus, & proinde vesiculis

natura conceduntur, & si illæ maximum incrementum recipiunt, etiã istæ suo modo debent tumere, aut saltẽ non obliterari, prout esset necessarium, si vesicula deberet reparari, secus immineret sanguinis effusio, cujus etiã modica quantitas prò nece sufficeret.

Secundò unanimi ferè consensu volunt contrariæ sententiæ fautores, corpora fibrosa succrescere, hinc ovum ab ovario liberari, quatenus illorum augmentum sensim istud è suo veolo exprimat, ac eousquẽ protrudat, urbeatquẽ, donẽ per foramen exeat idoneum.

Modò ex hac doctrina explicatur quidẽ circumpulsiõ vesiculæ, non liberatio ejusdem ab ovario; ex quo enim corpus fibrosum augetur, occupat majus spatium, occupando majus spatium magis comprimit vesiculam, ex hac majori compressione nõ exsiccantur fibræ, consequentẽ non tollitur connexio corporis fibrosi cum vesicula; quod maximẽ constat, si advertatur compressionem esse in vesicula, nõ in corpore fibroso, quod augetur, adeoque ejus alimentum non intercipitur, ut fibræ debeat arefcere, & corpus connexum in libertate ponere; non enim dari potest, quod si corpus augeatur, & vesica disjungatur, sed oppositum,

fitum, id est, quod fibra marcescat, sicquè cesset connexio; & pugnancia simul coguntur admittere, qui diversimodè opinantur, augmentum scilicèt fibræ, libertatem vesicæ, & vasorum siccitatem; nec dicatur ex compressione corporis fibrosi posse vasa sanguinea vesicularum intercipi, adeoque vesiculas liberas reddi, quia adhuc remanet dubium, cum non videatur probabile, eo tempore, quo prædicta vasa pleniora sunt, & natura transmittit ad eadem majorem sanguinis copiam, indigere eadem compressione impediēte similem motum in vasis vesicularum, immò non potest intelligi, vasa sanguinea fibrarum repleri, & vesicularum depleri, cum non differant; & observationes confirmant hanc veritatem, breviter namquè post coitum, vesicularum tunica plurimis sanguineis vasis sensibilitèr adornantur, quæ antè coitum non ità conspicua sunt; dubium prætereà est, an compressio posset esse tanta, ut tolleretur motum in vasis prædictis, maximè cum vesiculæ possint de rotunditate sua aliquid amittere, & longiores fieri, quod admissio, motus in objecto erit liber; fortius idem ostenditur ex ovis excludendis ab ovario, vel exclusis secundum novatores; quia sunt decuplò minora, alijs in testibus hærentibus,

ibus, ut scribunt Graaf, & Bartholinus; quod si non arridet, oportebit admittere à valida circumpulsione vesiculam pati, & solvi contraria methodum naturæ in omnibus oviparis, in quibus ovum integrum ab ovario secedit; & data etiàm suppositione, quòd explicaretur cessatio connexionis per compressionem, quàm habet vesica cum vasis, hinc non cessaret connectio, quam habet eadem cum corpore fibroso, consequenter assignaretur mouens sine dispositione in mobili, à quibus omnibus semper deducitur vesiculam non esse ovum, hoc enim si esset, facillimè moveretur, separaretur sine apostemate, sine dolore, & alijs difficultatibus, prout separantur vitelli à vitellario.

Ad hæc majorem requirit assensum exarata doctrina, si consideretur contraria, quæ ex necessitate ponit omnes vesiculas solutas, & in libertate constitutas; unde quando Doctores conantur enodare modum, quo ovum post coitum fecundum ab ovario liberetur, nihil docent, quòd omnia ova è suis alveolis excludantur; & ratio est prompta; quia incrementum corporis fibrosi est universale, nequè particulariter respicit unam, vel alteram vesicam, sed omnes; unde tam ovum fecundum

dum, quàm infœcundum propelleretur ab augmento prædicto extrà proprium nidum, & dicitur habet locum, si vasorum sanguineorum interceptio ponderetur, omnia enim, & non de terminata vasa impediri supponuntur, tam quæ ova fœcunda irrigant, quàm quæ infœcunda, undè omnia secundum propositam doctrinam adversariorum ova deberent potius coitum prolificum esse, & reddi libera, & in hoc libertatis statu frequentissimè observari, quod cum non contingat, votum meum nervosè persuadetur; & si addatur paritas de vitellis, quorum pedioli singularitèr disponuntur ad eosdem relaxandos, magis confirmabitur.

Nequè diversimodè inferendum ex alia hypothesisi fibrarum carnearum, quas nonnulli contrà naturam commentantur in tunica investiente vesicarium, seu ovarium, quoniam earundem compressio æqualitèr afficeret omnes vesiculas, & ità æqualitèr in utroquè ovario disiungeret ova à sua connexionē; sequeretur secundò aliud majus inconveniens, & est, quòd fibra carnea in prædictis locis impediret exitum ovi, quod non habet, ut dictum est secundum modernos, locum determinatū, undè exeat; dixi *contrà naturam*, & notantèr,

nam

am fibræ carneæ fuerunt quidem in mente
 uorundam anatomicorum, sed nunquàm in
 membrana, aut circà ovarium, sicut pluriès
 autopsia me docuit.

Adversùs propositam dubitationem de li-
 bertate ovorum, adducere quis poterit obser-
 nationē Svammerdamij in notis ad Prodro-
 um, & est se observavisse ova quandoquē
 ovario citrà ullam connexionem planè libe-
 ra, cujus generis unum apud se retinebat Au-
 thor, sed minus rotundum. Prò responsione,
 nunquàm auderem singularem istum casum
 nunquàm fictum reijcere, quoniàm candor,
 ingenuitas Scriptoris id mihi persuadere ne-
 ceunt; cæterùm si observationem observa-
 tioni licèt opponere, religiosè testari possum,
 e tot testes diversis temporibus in diversis
 animalibus disseccuisse, & nunquam invenisse
 similem raritatem. Scio, quòd miserandi po-
 nis, quàm mirandi sunt multi, quòd alij sunt
 maximè fortunati, alij *sunt viles pulli nati in-*
licibus ovis; sed unà scio naturam omnibus
 eade, & nisi status morbosus Svāmmerdamio
 libertatem ostenderit, contrarium eandem
 communiter patefacere, & concessa observa-
 tione, quæsanè ob raritatem, artis non est, si
 debilitaretur aliqua objectio, aliæ multæ al-
 latae,

lata, & afferenda in suo robore manent, ut
 ratiocinanti patebit. In vesicarijs frequen-
 ter raritates præter naturam reperiri omnes
 illi norunt, qui sectioni student, quando-
 què nullam prorsus vesicam vidi, sed tan-
 tum durum corpus tartarizatum; alijs vicibus
 loco testis unam tantum vesicam superantem
 magnitudinem naturalem testis sine corpore
 fibroso; ex qua observatione dubium excitatum
 est, an natura eadem magna vesica vteretur
 ac naturaliter pluribus, & absquè aliqua deter-
 minatione quæri potest, quorsum abeat lym-
 pha ovarum, quando cæteris decuplò minor
 observantur; nonnunquam apparent vesiculae
 humoris foetidi plenæ, & hoc phænomenon
 deberet frequentius observari, si essent ovaria
 quia hæc sunt instituta, ut excludantur ab ovario
 sive foecunda, sive infœcunda. Postquam
 debitam magnitudinem sunt adeptæ; secus pu-
 tescunt; quemadmodum igitur observantur
 similes raritates, non erit improbabile, quod
 etiam aliquandò in statu præter naturam libe-
 re inveniantur vesiculæ in suo vesicario.

Postquam ex motu, alijsquè motivis hæc
 nunc allatis indicatum est, esse locum dubitan-
 di de ovo in viviparis respectu vesiculæ sero-
 sa, superest idem explorare ex foecundatione
 quam

quam censeo prædictas suspiciones maximè cō-
 probare; ex hac enim insurgunt validissimæ
 conjecturæ existentiam ovorum non medio-
 critè obscurantes.

Prima sit, quòd superfoetatio esset commu-
 nissima, quamvis Doctores hanc rarò evenire
 tradant, & experientia istorum asertum con-
 firmet. Kerckringius in Spicilegio Anatomico
 Observat. 2. autoritate Philosophi 7. de
 Histor. Animalium cap. 4. & Plinij 7. Nat. Hi-
 stor. cap. 11. (quos locos unà notavit Theo-
 philus Raynaudus de ortu infantium contrà
 naturam per sectionem cæsaream) ostendit in
 mulieribus rarò evenire, ut superfoetent, & cō-
 munitè alij adstipulantur; atquè ob tantam
 raritatem eò pervenerunt nonnulli, ut eam
 fieri posse non existimaverint, ut legitur apud
 Tacchiam, quamvis non sint audiendi, inquit
 Laurentius, & optimè, quia exempla extant
 superfoetationis, quæ excludunt omnem dubi-
 tationem, in *l. antiqui ff. si pars hered. petat.* ubi
 Paulus I. C. ex Lælio scribit visam in palatio
 mulierem liberam ab Alexandria perductam,
 ostenderetur Adriano cum quinque liberis,
 ex quibus quatuor eodem tempore enixa di-
 cebatur, quintum post diem quadragesimum.
 Cortia apud Raynaudum testatur Genuæ se

novisse nobilissimam foeminam, quæ tertio mense post legitimū puerperium novum macululum edidit; & Plinius loco citato ait: *Secundum paululum temporis inter duos cōceptus interces-
 uterquē perfertur, ut in Hercule, Iphiclo fratris
 ejus apparuit*; modò si vesiculæ lymphaticæ essent ova, quotidie haberentur superfoetationes, nec essent ita singulares, ut reverà afferitur, quoniā repetito congressu aliud ovum foecundaretur, & novus conceptus, & partus superveniret, & cūm frequentè congressu novi habeantur, nova semper causa superfoetationis cognoscitur, cujus impedimentum cūm nullum possit adduci, sequitur quot dies nam esse debere; idcirco obstupesco Ettmullerum de morbis mulierū explicantem conceptionem, læsam sustinere doctrinam superfoetationis, aliàs obscuram, ex ovorum suppositione lucem recipere, cūm nullatenus gravissima controversia enodetur, potiùs novæ dubitationes insurgant ex novo congressu maris qui nō impossibilem importaret singulis mensibus, aut alio spatio temporis novam conceptionem, & consequentè novam quasi foetationem, toties enim mulieres conciperent: quoties ova, quæ in utroquē ovario sunt multiplicata, foecundarentur; & non repugnat, quod

Successivè fœcudentur in pluribus se invicem
 Subsequentibus congressibus à masculini semi-
 nis spiritu, quandò gravida jam mulier reddi-
 ta fuerit; rursus incassum quærerent scholæ
 terminum superfoetationis, de quo latè Zac-
 chia in Quæst. med. legal. lib. 1. si quotiescun-
 què sunt ova, & novus habetur congressus
 semper fieret superfoetatio. Eadem conside-
 ratio occurrit de gemellis, & multiplicibus
 foetibus, qui in specie humana ad similitudi-
 nem multiparorum ferè semper observaren-
 tur, & darentur multæ concepti ones, multi-
 què partus portentosi, & præter naturæ præ-
 scriptum singulis horis & diebus, ob multipli-
 citatem ovorum in utroquè ovario aptorum
 ad recipiendam fœcundationem, & motum
 successivum per tubas in uterum.

Non me latent complures historiæ collectæ
 ab Andrea Laurentio, Joanne Benedicto Si-
 nibaldo, Cælio Rhodigino, Lactantio Eugè-
 nio, Ludovico Bonaciolo, quæ evincunt in
 mulieribus multiplices simul foetus; *invenitur
 etiam in jure civili* (verba sunt Tertuliani lib.
 de Anim.) *Græca quædam quinionem enixa fi-
 liorum, semel omnium mater, unici foetus parens
 multiplex, unici uteri puerpera numerosa, quæ
 et stipata corporibus, penè dixerim populo, sextum*

ipsa corpus fuit. Sed nonnullæ sunt subleffæ fidei, & aliæ uti prodigia habentur, & fortuitæ dicuntur à Sinibaldo, autoritate Aristotelis scribentis *fortunam, & casum esse eorum quæ nec semper, nec frequenter eveniunt.* Prædicta igitur exempla non infirmant institutum quia tanquam rara, & singularia ab omnibus proponuntur, quæ secus juxta suppositionem ovorum frequenter, & quotidie deberent observari.

Hiscæ cogitatis aliud ex analogia desumptum adjungam; refert ex propria observatione Fabricius: *Mulieres, quæ gallinam domi gallinæ destitutam habent, eam per unum, atque alterum diem alibi gallo committere, & ex hoc exiguo tempore succedere ovorum omnium fecunditatem per totum illud anni tempus;* & citat Aristotelem in 3. de Gen. Animal. c. 1. ubi ita legitur: *Nam cum semel aves coierunt, omnia ferè ova semper habere perseverant;* id est fecunda, ut habet ipse Fabricius, quem repræhendit Harvæus, cum ille de suo ly *fecunda* addiderit.

Post Fabricium assentitur Harvæus; Idque egomet etiam, sunt Harvæi verba, *experientia edoctus, ex parte affirmare possum, nempe vice singulum ovum à gallina (post hujus à gallo divortium) proveniens fuisse fecundum, & prolificum, ut quem-*

nemadmodum à piscium genitura in aquam spar-
 tam magnam ovorum congeriem fœcundari certum
 est, & in canibus, porcis, alijsquè animalibus coi-
 tiones aliquot pluribus fœtibus procreandis suffi-
 ciunt (adeò ut aliqui compertum sibi existiment,
 canis fœmina sæpius, quàm ter quaterve ineatur,
 & fœcunditati ejus obesse, pluresquè fœminas quàm
 vires inde procudi) ità quoquè gallus aliquot suis
 impressionibus, non modò ovum in utero, sed to-
 tum etiàm ovarium, gallinamque ipsam (ut sæpè
 dictum est) prolificam reddat. Hæc Harvæi au-
 thoritas magis ad rem facit, quàm superior
 & Fabricio, nam licèt iste concesserit paucu-
 s coitiones galli sufficere ad plurima ova fœ-
 cundanda per multum temporis spatium, at-
 tamen cum simul docuerit semen galli in bur-
 si gallinæ contineri, possent aliqui ad hoc cõ-
 gere prò novis, & successivis fœcundationi-
 bus, hoc autèm cum negaverit Harvæus, &
 motivis urgentissimis, tum scilicèt quia bur-
 sa, seu cavitas tam in mare, quàm fœmina re-
 fertur, tum quia in eadem nunquàm galli ge-
 nitura adest, tum demùm quia etiamsi adesset
 bi semen, & asservaretur, non esset prolificum
 sed ignavum, & vappidum, adeoque fœcun-
 dationi ineptum; solum enim fœcundum est,
 quando coitus, & amoris æstu spiritale red-
 ditur,

ditur, prout idem Harvæus efficaciter suadee
 ab Aristotele in 2. de Gener. Animal. moni-
 tus, quem nullatenus ob præcepti gravitatem
 præterire debeo; *inest enim*, ait Aristoteles
in semine omnium, quod facit, ut fecunda sint se-
mina, videlicet quod calor vocatur, id non ignis
non talis facultas aliqua est, sed spiritus, qui in
semine, spumosoque corpore continetur, & natura
qua in eo spiritus est, proportionem respondens elec-
mento stellarum (quasi dixerit, divina, & supra
 captum nostrum) *quàm obrem ignis nullum ani-*
mal generat, neque constitui quicquam densis, vel
humidis, vel siccis videtur.

Ex his itaque cum pateat Harvæum ratio-
 nabiliter Fabricium confutavisse, & experimen-
 tia confirmavisse unum, atque alterum coitum
 integrum racemum, omniaque illius anni ova foe-
 cunda reddere; quamvis de hac re antea du-
 bitavisset, aliquis etiam poterit inferre, in hy-
 pothesi ovorum in viviparis unum, vel alterum
 coitum in his sufficere ad foecundanda omnia
 ova, consequenter ad concipiendum sæpè, ac
 sæpius sine repetito congressu, quod cum sit
 plurimum à veritate alienum, satius erit arbi-
 trari vesiculas lympharicas non esse ova, & te-
 stes vulgò nominatos in foeminis viviparis non
 esse ovaria; videtur motivum propositum majus
 robur

obur habere, & recipere ex nulla necessitate
 complementi in ovo, ut foecundetur, cum &
 imperfecta, & vix inchoata, immò inchoan-
 a ova ab uno, vel altero coitu foecunda red-
 antur, quod addidisse placet, nè quis regere-
 et incapacitatem foecundationis ob incom-
 pletam sui naturam; & Aristoteles ipse in 6.
 de Hist. Animal. suum votum præbet, dùm ait;
ut si jam candidum acceperunt humorem, fieri non
potest, ut vel subventanea in foecunda mutantur;
 Ex quo d lemma contrà Graaf formari potest,
 pro quærenda veritate; aut enim ovula in cu-
 niculis reperta in tubis, sive minutissimæ ve-
 siculæ tertio à coitu die ibi existentes erant
 completæ die, quo coitus habitus est, vel non;
 si primum; nō poterant foecundari ex Aristo-
 tele, & alijs, si secundum; non est probabile
 brevi cursu dierum trium formari, separari,
 globulos augeri, membranam solvi, vasa ex-
 cecari, &c. Eadem ratione omnes illæ vesicæ,
 quæ communiter in denatis observantur, &
 ova reputantur, non poterunt foecundari in
 virginibus, & alijs ad prolem aptissimis, cum
 non complecti; & tempore conceptionis operæ
 pretium erit potius fatuas excludi, & alijs lo-
 cum cedere, hoc est foecundis successivè pro-
 ducendis, quæ omnia carent probabilitate,

quā nō possunt fatuæ moveri deficiente mo-
 uente, quòd tantum supponitur post coitū fecun-
 dandum, ut omnes concludunt contrā Kerr-
 ckringium, sicuti dictum est suprā, & hoc præ-
 sente observaretur certissimus ovi subventan-
 nei partus, qui non succedit, & vesiculæ fecun-
 dandæ requirunt majus temporis intervallum
 ac sit illud, quod intercedit inter coitum pro-
 lificum, & rudimentum conceptus, multas
 cōsiderationes possent contrā analogiam pro-
 poni, sive ex parte seminis, sive ovi, &c. sece-
 cum eadem utantur Recentiores ad suam hy-
 pothesin firmandam, poterit & à me adduci
 prò eadem infirmanda, & quæcunque dant
 occasionem dubitandi, præbent etiā moti-
 vum veritatem ulterius indagandi.

Sed vesicaria, seu ovaria geminata sunt anti-
 madvertenda, quæ in viviparis uniparis non
 essent necessaria, vix, ac ne vix quidem in vi-
 viparis multiparis, in quibus sunt cum illis
 æqualia. Et quod majorem concitat admira-
 tionem, plura numerantur ova in vaccis, quàm
 in scrophis, cujus oppositum (si essent ova, quæ
 dicuntur ova) contingeret ob multiplicitem
 foetuum in istis, nō in illis; communis respon-
 sio innixa providentiæ naturæ de partibus ge-
 minatis nunquā mihi integrè arrisit; in oculis
 hoc

oc observavit, & docuit Joannes Keplerus in
 Paralipomenis ad Vitellionē, cujus verba hīc
 nullatenus sunt omittenda: *bini sunt .i. oculi
 in animalibus, & paralleli, & congruo intervallo,
 ut suprà cap. 3. & infrà cap. 9. n. 2. dicetur, ob di-
 stantias verum notandas* (considerarem ego &
 itum) *non verò alter in compensationem alterius
 missi; natura enim nihil jacturæ destinat; de
 turibus, cæterisque hujusmodi partibus idem
 probabiliter sentiendum, ità ut non sit ità cer-
 ta veritas, sicut est certa apud omnes prædicta
 elpontos; & quandò etià verificaretur, quod
 vulgò creditur, scilicet in subsidium naturæ
 geminata fuisse ovaria, adhuc in hac supposi-
 tione multiplicando ova, & non ovaria suum
 nem eadem consequeretur, prout observare
 est in gallinis, in quolibet enim vesicario nu-
 merantur plures vesicæ, & ovorum, sive vesica-
 rum multiplicitate sinè ovarij, aut vesicarij ge-
 minatione satis consuleret futuræ jacturæ na-
 tura, quæ si ab hac methodo recedit, & di-
 versimodè operatur, ac necessitas velit, pote-
 rit cū fundamento dubitari de existentia
 ovi in viviparis.*

Et eò magis à prædictis principiis non erit
 recedendum, quò magis constat modum fœ-
 cundationis confirmare eandem existentiam

valdè dubiam; plures sunt modi, quibus ovum foecundari exponunt, de hisce verba feci superius, hìc ostendam ova esse dubia, singulos modos considerando. Qui tenent sucum seminale per venas sanguini communicari, & cum eodem ad ovarium perducì pro ovorum foecundatione, còguntur admittere omnia ova supposita in utroquè ovario simul foecundari debere, ad utrumquè enim ovarium, & ad omnia ova vasa equalitèr distribuuntur, quare non esset assignabilis ratio, cùr unum ovarium vel unū ovum, & non alterum foecundaretur.

Idem omninò debent admittere, qui seminale aurā volunt ad uterum, & tubas ascendere, hìnc ad ova pervenire, & foecunda eadem reddere, quoniàm ex utero per utramquè tubam ad utrumquè ovarium ad omnia proindè ova perveniret, & suum effectum, scilicèt foecundationem præstaret; hæc autèm ratiocinij necessitas excludit ovum in viviparis, tùm ob multiplicitem foetuum simul in uniparis, tùm ob superfoetationem, & alia motiva superius allata.

Harvæus hanc difficultatem evitare potuisset, quia internam tantùm uteri cavitatem foecundari credit spirituali irradiatione, ut dictum est, & quoniàm ad uterum non omnia

ova simul deferuntur, sed successivè, & cum intervallo, benè intelligitur, quomodò omnia ova non unâ fœcundentur; sed quia opinio Harvæi, ut incredibilis ab omnibus rejicitur, nequè poterit hîc nodus hac suppositione dissolvi, seu difficultas de omnium ovorum fœcundatione superari.

Adhuc principalem objectionem non tollunt illi, qui ductus peculiare sibi in mente inxerunt deferentes semen secundum suam integritatem ad ovarium, quoniam deducunt suam illationem ex factò cogitato, non autem viso, & illi ductus aut haberent propagines, & ramificationes tendentes ad omnia ova, aut non; si primum; recurreret principalis objectio; si secundum; cur natura transmitteret propaginem ad unum ovum, & non ad aliud? & in casu fœcundationis alterius ovi quomodò illud fœcundaretur? & habita fœcundatione, quomodò vasculum illud separaretur, & iterum uniretur prò nova fœcundatione?

Qui verò seminis corpulentiam in utero, vel in tubis contrà Harvæi doctrinam conceperunt, possunt quidem primo intuitu difficultati de omnium ovorum fœcundatione satisfacere, verum re melius considerata, & intimius

mius perspecta non discutitur, quia, aut statim recepto ex hypothese femine in utero ovum excluditur ab ovario, aut post aliquam temporis distantiam, & illic ovum discedere nullo pacto est probabile, cum requirantur immutationes in movente, & mobili, quæ tempus requirunt, ut patet ex Peyero, & alijs, qui tubercula fibrosa admittunt; requiritur itaque mora, & ex hac sequitur semen, aut corrumpi, aut vappescere; quod verosimilius est, adeoque infœcundum reddi, ut dictum est ex Harvæo, undè licet tangeret ovum, istud tamèn remaneret ignavum.

In brutis oritur altera dubitatio; hæc enim cum in cornibus semper concipiant, oportebit existimare, quod semen, aut æqualitèr dividatur, & distribuatur ad utrumquè cornu, cum immutatio in utroquè ovario admittatur, aut si ad unum cornu tenderet, & ovum ex opposita tuba descenderet in cornu, frustraretur opus naturæ, aut rationali motu semen dividi dicendum esset; quæ omnia quot & quantas difficultates involvant, quot fabellas includant, nemo est, qui non cognoscat. Huic parti favet plurimum, quod scripsit Lamzveerde: *Sed quia etià, ait, in uterina area non invenio medium, quod ejaculatum masculinum*

linum semen versus laterales tubas determinet, cum omnis motus ex natura rectus sit, & in recto cursu maneat, donèc à fortiori aliorum determinetur: dùm ergò recta ducitur linea ab uteri orificio, per quod in actu amoris ejaculatur semen ad ejus fundum, nulla ratio mihi demonstrat causam, quæ rectum seminis masculini motum inflectit versus laterales tubas.

Et quis sibi persuadebit naturam tam ineptè generationem moliri? in mulieribus, quæ rarissimè admodum in tubis concipiunt, difficultas proposita non habet locum, ex communiori naturæ methodo, si quandò verò ab hac recederent, etiàm ipsæ eidem essent obnoxia; prædictæ difficultati necitur altera de difficili insinuatione seminis in ovum, etenim istius membrana est densissima, & secundum nonnullos Doctores sunt duæ membranæ negantes particulis etiàm subtilissimis ingressum; inde non tam facilitè, si semen tangeret, foecundaret; contactus enim foecundans, non licet tantum indistantiam localem, & juxtapositionem, sed additionem partium, quam conditio membranæ, immò, ut ajunt, membranarum, negare videtur. Quod motivum urget etiamsi concederetur semen diversum ab illo, quod supponitur in utero, cornibus, aut ubi post moram.

Fa-

Fabricius huic sententiæ adhæret, dum ita loquitur: *Locus autem, in quem immittitur, ad pertingit semen, propè podicem est, ubi ovum iam perfectum corticem habet, aut saltè densa tunica obductum est, quam semen galli penetrare non potest; & hæc autoritas valdè confutat adversarios, quia semper ovum suppositum in viviparis densa membrana, sive membrana obducitur, ut semen penetrare nequeat, & contactu, seu aspersione foecundare; quod intelligitur in hoc supposito de omni ovo, sive facto, sive faciendo; ad differentiam opinionis admittentis insinuationem seminis in sanguinem, secundum quam, si quæ ova sunt formata, non essent hæc capacia foecundationis, facienda verò, seu de novo producenda non viderentur habere hanc difficultatem; sequitur Fabricius in eodem capite, & ait: nam cum in ovo (id est semen) non appareat, sicut dictum est; cum tamèn à gallo semen in uterum porrigatur, queritur, cur in uterum galli semen immittatur, si in ovum non ingreditur? itè si in ovo non adest, quomodo ovum foecundum ex galli semine, quod non habet, efficiatur? mea opinio est, galli semen in uteri principium immissum & iactum, efficere totum uterum, & simul quoque omnes vitellos eò cadentes, ac totum deniquè ovum foecundare.*

fecundum, idque facere sua facultate, seu spiri-
 ali substantia irradiante, eo modo, quo videmus
 ex testibus, & semine alia animalia fecunda red-
 di; si quis enim in memoriam revocaverit incre-
 dibilem illam transmutationem, qua animal ex-
 sectum afficitur, dum calorem, robur, & fecun-
 ditatem amittit in toto corpore, facile, id quod di-
 cimus, unitantum gallinae utero evenire concedet;
 & certè in eadē specie capones id satis persuadent,
 ut ubi exsecti fuerint, & testibus, semineque
 destituti, jam vigorem omnem, fecunditatemque
 miserunt, id quod similiter exemplo vermium,
 ut sericini, vel bombyces dicuntur, confirmatur,
 ut simulatque coiere, femina mox semen jam re-
 ceptum foras emittit, & subinde ova parit absolu-
 ta, & duro cortice obvoluta; hæc Fabricius, quæ
 collunt contactum, & asperisionem corpulen-
 tæ feminalis pro fecundatione, & cum alijs,
 quæ adducuntur paulò infrà ab eodem; pro-
 ant enim omnia ova simul fecundari, quæ
 hypothesin ovorum non parum infringunt, scio
 abriciū acriter impugnari ab Harvæo in ordi-
 ne ad spiritalem substantiam, & irradiatio-
 nem, sed de hac re cum non sim sollicitus, in-
 dicasse mihi sufficiat prædicta autoritate à
 contactu, & aspersione seminis, tam in ovipa-
 ris, quam in viviparis ova non fecundari.

Nec

Nec opponantur diversæ similitudines et
 brutis deductæ, quibus contactus, & aspersio
 communiter probantur; in piscibus olim Ar-
 istoteles id docuit, postea hunc secuti sunt innum-
 meri Scriptores, nihil de proprio addentes
 nisi numerum; *Spargunt*, inquit Aristoteles, *scilicet*
ova omnes, & magnam ovorum partem, ut narra-
tur, mares devorant, alia pereunt in humore, quæ
autem locis opportunis edita sunt, hæc servantur
nam si omnia servarentur, nimia cujusque generis
esset copia nec verò hæc omnia foecunda locantur
sed ea certè, quibus editis mas semen asperserit
genitale; sub partu enim mas sequens, semen ovum
aspergit, & quæ vitale id virus contigerit, ipsæ po-
sciculi enascuntur, cæteris prout sors tulit, evolvuntur;
hoc idem & in mollium genere fit, mas enim
sepia ova, quæ fœmina ediderit, persequitur, suum
semen aspergens, quod vel in reliquis ejusdem ge-
neris fieri ratio est; verum non nisi in sepijs hoc
visum adhuc est. Intèr modernos valdè ex-
 pertos Harvæus est in hac parte cum Aristo-
 tele unitus, & in exercit. 36. scribit: *Ova po-*
scium foecundandi vim forinsecus mutuari exer-
cit. 40. Certum esse à piscium masculorum gen-
tura in aquam sparsa magnam ovorum congeriem
foecundari, exercit. 41. se vidisse pisces mare
femellas turmatim sectari, ut ova recens posita
lacte

actæ suo sive emine aspergerent. In insectis alij
tudent hoc demonstrare, hinc extendunt do-
ctrinam ad reliqua animantia, inter quos Bo-
ellus, qui expressè ait: *Id ipsum in reliquis ani-*
malibus verificari, propterea quod natura semper
compensiosè operetur, & summopere ambages &
multiplicitates abhorreat; ac si certus fuisset in-
sectorum foecundationem modo prædicto suc-
cedere.

Verùm esto, quòd in aliqua animalium
specie foecundatio fieret per contactum, &
asersionem, non statim sequitur hac me-
thodo debere uti naturam in omnibus; argu-
mentum enim ab inductione, & similitudine
presumptum non demonstrat (& si ego in hoc
tractatu usus sum analogia, huic ideò inni-
sus sum, quia adversarij eadem conati sunt
ostendere suas conclusiones) id sæpius Ga-
enus inculcavit, sed plurimi Recentiores hu-
ius doctrinæ maximè necessariae obliti sunt;
Thrasylbulum de sanitate tuenda scribit,
probavisse in lib. suis de demonst. inductione
adhibendas non esse prò demonstratio-
ne scientiam gignente; de Decretis Hippo-
cratis, & Platonis, inductionem inter argu-
menta remotiora reponit, alibi Sophistas re-
prehendit, quòd inductionibus, aut exemplis

usi fuerint, alibi Platonem excusat suas demonstrationes inductionibus efficientem, nam dicit, *diluciditatis causa id fecisse*, non quòd illæ scientiam inducant, undè quamvis non sit spernendum argumentum ex inductione deductum, eidem tamèn non plus est tribuendum, quàm par est; qua de causa Hippocrates 6. Epid. docuit: bonis medicis similitudines parere errores, & difficultates.

Est etiàm difficultas, an id, quod assumitur prò inductione, sit verum, & sanè semper anceps fuit, an id, quod in piscibus observatur, & communiter approbatur, sit principium ova fœcundans, cùm non sit verisimile generationem in aqua suam posse præstare effectum, tum ob quantitatem aquæ, & modicam generationem, quæ inutilis redderetur ab aqua dilutatum ob motum, qui non permittit debitum contactum, & asperisionem; secùs Averrois fabula de mulieris conceptione in balneo maxime veritatis speciem præferret; hæsitandi occasionem fovet lectio Bronzerij, quæ sic se habet; *Vidi ego, & alij etià qui mecum aderant, viderunt in vallibus Adriaticis lucios pisces, & cyprinos masculū, & fœminam in latus inversos se invicem confricantes, ad eum ferè modum, quo tam hos, quàm alios plerosquè pisces coire Philosopho*

osophus tradidit, simulquè fœminam emittere
 va, & masculum semen projicere; asserunt ejus-
 modi asperisionem inservire prò incubatu; ego pau-
 os futuros existimo, quibus probabile videatur
 naturam semine abuti prò incubatu, & calorem
 deò brevem, & momentaneum posse coquendo,
 quantum sufficit, perficere; si vellent semen suo
 calore ovi calorem, nè expiranda evanescat,
 retinere, assertio forsàn esset minùs absurda; ob-
 servavit etiàm idem Author non omne semen
 piscium glutinosum esse; undè addit, cum in-
 quam non omne piscium semen istiusmodi viscidi-
 atis sit, sed ut plurimum longè dilutius, undè facilè
 abluatur, atquè ab ovo secedit; tandèm conclu-
 dit, ego adhuc non habeo, quod animum expleat,
 scripsi, ut excitentur perspicaciores; quàm in-
 genuitatem oportet commendare, quia pi-
 ces coeuntes nunquàm erit probabile semen
 effundere in aquam prò fœcundatione, quan-
 dò in vas idoneum immittere possunt, & aptio-
 ri, ac tutiori modo fœcundare, quàm à Peri-
 pateticis assignato; quibus etiàm, an sit certa
 genitura, seu semen, quod in aquam projici-
 tur, non constat; apud Mundinium, & Pari-
 sanum invenitur quæstio hæc agitata, & du-
 bia sunt non contemnenda contrà documen-
 tum Peripateticum, cum non sit facilè con-

cipere , quomodò semen ovorum membranas penetrare possit , circumdare , adhærere , vim suam conservare , movente , fluente , abludentequè aqua , ac eadem ovorum porulo infarciante ; obscurum etiàm est , quod proponitur in papilionibus , nimirum quod extremo ovario appendatur ingens vesicula , à qua glutinosus exstillet ichor in vaginæ sinum , quod masculinum semen excipiat , & pertranseuntia ova irrorando foecundet , tum quia vix potest admitti , quomodò in transitu natura sufficienter sibi consulere valeat ob brevitatem temporis , tum quia integumenta , lubricitas , & durities in quibusdã alijs ovis obstant , tum quia si semen adhuc integumento adhæreret , statim in aere ejusdem virtus periret , & evanesceret ; & si concedatur , quidquid Fabricius scribit de vermibus sericinis , ut dictum est supra , & quod experientia demonstrat , ut sæpius proprijs oculis vidi , nunquàm poterit verificari quòd pertranseuntia ova irrigentur à semine masculino in vesicula asservato , quia foemina semen à masculo immissum prius foras expellit , antequàm ova pariat , undè hæc in suo transitu ad oras vesicæ nequeunt invenire semen foecundans , cum prius à foemina exclusum fuerit ; ex quibus conijcitur , nequẽ

similitudines aspersioni, & contactui corpori
 lentiae seminalis favere; denique ovum quod
 transit, vel est completum, vel non; si primum;
 est incapax foecundationis; si secundum; non
 est probabile, quod à natura antè debitam per-
 fectionem edatur.

Confirmatur meum votum ex diversitate
 ovi foecundi ab infœcundo; in ovo foecundo
 est authoma pulli respondens gemmae planta-
 rum, non ita in subventaneo, in quo nullum
 vestigium authomatis pulli apparet; idem di-
 scrimen in ovis arborum olim vidit Joseph
 Aromatarius, & orbi litterario communicavit
 duabus positionibus exaratis in Epistola de
 generatione plantarum ex seminibus præmis-
 la discursui de rabie contagiosa. Positiones
 autem sunt 10. & 11. in 10. habet; *Vnde plan-
 tarum vocata semina, quaecunque jam genitam, &
 conformatam plantam obtinent, sunt foecunda. In*
 11. *quæ verò non habent, infœcunda prorsus ex-
 stant, nec ullo amplius remedio foecundari pos-
 sunt, si deciderint à planta;* indigitant istæ ob-
 servationes foecundationem importare talem
 constructionem in ovo, quæ ipsi accedat, dum
 fit, non postquam factum est ovum, sive ad-
 mittatur irradiatio Fabricij, sive aura semina-
 lis Regneri de Graaf, quæ non differunt; ni-

mirum est necesse ovum foecundum habere ,
 dum fit, diversitatem in principijs, ut sit foecundum; postquam enim conformatum est
 & integrum, nequeunt amplius partes foecundationis complementum importantes superaddi, ac si dicerem, non posse prius formari ovum, & successivè foecundari: modò, qui sustinent foecundationem per contactum, & asperisionem corpulentiae seminalis, aut etiàm per auram, & irradiationem, supponunt ovum jam formatum in ovario, quod antecedentè ad contactum, aut praesentiam corporis irradiantis sit infoecundum, & post contactum, vel auram foecundum, id est cum diversa structura, quam neutrum potest producere, cum hisce modis non possint ovo infoecundo addi illae partes, quae foecunditatem constituunt, & quas fortè semen masculinum non habet, nisi disponendo totum: sed in re obscurissima, motivum mihi dedisse sufficiat, ut excitentur alij ad indagandam rei naturam. Si quis cogitaret omnia ova esse aequalia in structura, & hinc conaretur vim argumenti tollere, asserendo à spiritu seminali partes quasdam explicari, quae in ovo foecundo appareant, in subventaneo non, ob defectum ejusdem spiritus, responderem cessare cogitatū ex otio spiritus

in ovo etià foecundo, nisi fotu excitetur, & tamèn antè fotū partium diversitas in utroquè cernitur, foecundo scilicèt, & infoecundo; imò immediatè post partū unumquodquè ovū diversitatem ostendit, quam semen sua asperione tam citò producere non posset; Borellus est in eadem opinione, ovum scilicèt foecundū fieri tale, dūm formatur, quandò ostendit totalem organicam animalis constructionem in ovo non à sola matre gigni, sed ex paterno semine principalitèr effici; verū sui oblitus admisit postea contactum foecundantem, & ovum in ovario productum infoecundum, quæ hypothesis cū prima nō convenit, quod ipsum non advertens Ettmullerus, mirum non est, si equalitèr succedere foecundationem in ovo perfecto crediderit; *in oviparis, ait, femina in ovario vitellum generat, in utero succo lacteo ab forma albuminis investiendum, quod ovum iam in suo rudimento, quàm iam perfectum masculo fecundat sui seminis, aut potius spiritus genitalis cum semine excreti attactu, vel conspersione, reliquis ovis omnibus infoecundis (cōmunitèr subventaneis dictis) undè unus galli coitus ad aliquot menses fecundam reddit gallinam, ita ut omnia ova, tunc excludat fecunda, quamdiu illa vis communicata à gallo perdurat; inferius idem fit*

in piscibus oviparis v. g. in carpine, ubi nihil aliud est, quàm ovulorum congeries; hæc ergò coitu, qui fit tantum per partium posteriorum quemdam affricum, à fœmella excluduntur, & semine maris asperguntur, quæ ergò contacta sunt isto maris semine sunt fœcunda, & ex ijs fiunt pisciculi, quæ verò non, ea cùm infœcunda intireunt.

Porro funditus evertit opinionem oppositam observatio relata ab Aristotele in 6. c. Hist. Animal. hinc narrat: *Terræ Persicæ parvæ quadam mure foemina rescissa, foetus foeminini prægnantes cõperiri.* Aristotelem sequuntur Androvandus de Quadrupedibus digitatis, Licerus de quæsit. per Epist. & communiter omnes. Nè tam longum iter fatiget animos veritatem avidos, addo in Italia id sæpè innotescere, & in agro Romano Anno 1691. quantitatis muræ pleno, prædicta observatio confirmata est; ita testati sunt mihi nonnulli viri fide digni, & ita sentiendum præ veritate teneo, quidquid in contrarium scripserit Sinibaldus, dùm dicit: *Nollem profectò Aristotelem eam retulisse historiam nimis aphilosopham, tantoquè indignam naturæ symmysta;* hoc, quod in muribus succedit phœnomenon ita excludit fœcundationem per contactum, ut ferè evidens sit.

naturam hac methodo non uti, cum nullum
 semen masculinum, quod ovum aspergere
 possit, occurrat, ob novam genesin finè con-
 ressu, & eodem argumento utitur Harvæus,
 ut ostendat fœcundationem in toto, non per
 asperionem in parte; *Quasi mas, inquit, non
 solum fœminā fœcundam, sed & conceptos quoq; in
 utero fœtus prægnantes redderet, quemadmodum gal-
 lina noster non solum gallinam, sed etiā ova ab
 ipsa procreanda fœcundat.*

Eisdem fundamentis eluditur ultima sen-
 tentia modificans asperionem media gelati-
 na, & præter dicta superius non apparet ali-
 qua necessitas coercendi partes volatiles fe-
 minis, quæ sunt partes principales operativæ
 ejusdem, nec omni tempore gelatina esset in
 prædictis locis, quandò animalia ratione at-
 ta sunt inepta ad generationem; & tandè
 natura Penelopes telam retexeret formando
 semen cum activitate, quam debebat repri-
 mere; probabilius itaque est seminis partes
 volatiles, & salinas in constitutione seminis
 sufficienter misceri, & ordinari, quàm post
 maculationem à gelatinæ corpore; hinc ob-
 servatur in gallinis ejusmodi mucum deesse,
 ex qua analogia aliquod lumen haberi potest
 ad confirmationem cogitati propositi.

Con.

Cōsideratis varijs opinionibus de fœcundatione, quæ suspectam reddunt ovorum positionem in viviparis, omissis de industria illis, quæ se tenent ex parte modi, quo ovum fœcundatur, cum istæ non reddant hypotheseſin dubias ex parte existentia, prosequar alia argumenta & observationes ad eandem suspicionem comprobandam; multis vicibus curiositate motus aperui bruta plena, & vidi, manuquæ tetigit in cornibus plures fœtus cum aliquali diversitate, scilicet in uno cornu dextro, vel sinistro depræhendi unum fœtum, in altero tres quatuorve, interdum plures, interdum pauciores; in canibus, felibus, suibus, cæterisque viviparis multiparis observatio est quotidiana, & prædictos conceptus ita vidi distinctos cum debitis intervallis, ut nulla sit communicatio inter unum, & alterum; hæc indubitata inspectio animum movet ad negandum ovum, quoniam si tot fœtus in uno cornu existentes à tot ovis originem haberent, quæ supponuntur à Modernis, quo ingenio, & ratiocinio ita disponderentur, ut unum alteri locum cederet sine confusione, & præjudicio naturæ? quãdò primum ovum in ovario fœcundum, vel extrà brevi ex hoc in tubam descendere debet, cùm non detinetur in principio

cornu? cùm amplius impellitur? & à quo ordi-
 nata motio habetur, & ad extremitatem cor-
 rupta protuditur, ut remaneat succedentibus ovis
 opportunus locus? ovorum suppositione diffi-
 citè explicari possunt hæc problemata, &
 ostendunt ansam quærendi aliquid aliud, quod ha-
 tenus lateat, valdè diversum, & distinctum
 communiori sæculi sententia. Nulla ratio
 satisfacit, quare in situ ultimi ovi in aliquo cor-
 nu, in quo sint tres, vel plures foetus, non re-
 moverit primum ovum, & quare hoc descen-
 dit, ac si cognovisset alijs esse cedendum lo-
 cum, & quare in altero cornu, ubi est uni-
 us foetus, hic sit in medio cornu, non in ex-
 tremitate tubas respiciente nullatenus impe-
 dita. Qui prædicta non viderunt, ad ipsam
 naturam confugiant, & animalia multipara
 ægnantia inspiciant, sicquè explorabunt,
 dum difficultatis, & enarrata cùm historia
 anatomica convenire percipient, ex qua in-
 tergit alterius contemplationis occasio; ete-
 nim apparet in uno cornu tres, vel quatuor
 fetus reperiri, in altero unum tantum, quod,
 si confugiant adversarij ad aliquam occultam
 positionem ovorum, ægrè explicabunt, cùm
 vesiculis serosis amborum testium juxta sen-
 tentiam non inveniatur aliqua disparitas, & diffi-
 cultudo.

Alia

Aliae observationes factae in mulabus meae
 dubitationes, promovent; dissentiunt quidē
 DD. de testiculis mularū. Svammerdamius
 ex relatione ipsius Stenonis scribit mulas tes-
 culos habere, sed ovis carere, Graaf verō
 relatione ejusdem Stenonis oppositum omni-
 nō habet; utriusquē Doctoris textus, & ipsius
 ma verba adducere placet, ut melius Lecto-
 res judicare possint: *Dominus Steno*, ait Svva-
 merdamius, *qui primus, quod sciam hoc ovarium*
divulgavit anno 1670. mihi retulit, mulas tes-
culos quidem habere, sed ovis carere, ut iam factum
sit de causa sterilitatis earundem conjecturam co-
pere; rogavimus, sunt verba Graaf, clarissi-
mo D. N. Stenonis, quatenus nobis communi-
care dignaretur ea, quae in diversis alijs animan-
libus (quorum nobis copia deerat, aut disseccandi
opportunitas non concedebatur) circa foemellarum
testes observasset, nec defuit voto nostro; res-
pōndit candidē nobis impertivit, se in damis, po-
cellis indicis, taxis, cervis, lupis, asinis, etia-
mulis, alijsquē ova diversae magnitudinis intro-
nisse, quae omnia cum nostris observationibus co-
lata in omni foemellarum genere ova reperiri ju-
ntis superquē confirmant, & ipse Stenon in obser-
vationibus spectantibus ova viviparorum fo-
etis jussu Serenissimi magni Ducis Hetruriae

Registratis in Bibliotheca Anatomica, & in Actis
 Medicis, & Philolophicis Hafnienſibus refert
 è duabus mulabus examinaviſſe diductos
 ſticulos, & in prima nullum veſtigium ovi
 veniſſe, benè verò in ſecunda, inæqualis
 magnitudinis; habent igitur mulæ in ſuiſte-
 culis ova, & non ſolùm authoritate Steno-
 ſ, ſed propria autopſia rem certiffimam con-
 firmavi, & qui ſecùs ſenſerint, ad ſenſum eos
 mitto, nulla enim melior reſtat mihi pro-
 fundi ratio, ſicùt etiã dicere ſolebat Conſtan-
 ſ Varolus, ut patet in Epift. 1. de neru. opt.
 Heronymum Mercurialem; & nihilomi-
 ſ mulæ ſunt ſteriles, à qua ſterilitate debe-
 nt eſſe immunes ob veſiculas, quas habent
 eſſent ova) & etiã ob tubas patulas, &
 certas; non enim rariffimum eſt, quòd ova
 beant, undè nequè rariffima deberet eſſe
 ularum foecunditas, licèt omnes Doctores
 aveniant, omneſquè experientiæ ſuadeant
 ularum partum eſſe inſolentem.

Plinius hoc affirmat: *Eſt in annalibus noſtris,*
las peperiffe ſapè, verùm prodigij loco habitum.
 ius obſequens, Conſulibus C. Valerio, &
 Herenio mulam peperiffe in Apulia refert,
 inter portenta reponit. Pierius Valerianus
 rat Ægyptios volentes indicare ſterilem

mulierem mulam pinxisse, & cōmunitè maxima difficultas indicatur hoc adagio, *cū mulā pepererit*; quamobrem nemini dubium est sterilefcere mulas, & plurimū laborasse viros doctos in explicanda causa, idest Scaligeri Cardosum, Cardanum, Uterverium ex Androvando, qui veterum cogitata in hac controversia collegit. Intè Recentiores post ovorum hypothesin conveniunt Stenon, Syvanmerdamius, & alij sterilitatis causam esse ovorum absentiam, addit primus ovorum nimiam intrā testiculos profunditatem, vel materiam ovorum conceptui ineptam, aliasquē sterilitatis causas communiter relatas, quæ omnia loquendo de modernis ovorum fautoribus parum roboris habent, quia frustra naturā ovum produxisset, quandò nunquā posset ad actum reduci; undè probabilius erit opinandum vesiculam non esse ovum, & alium finem habere longè diversum ab assignato à Modeenis; difficultas gravior evadit, si attendatur alia observatio ejusdem Stenonis putant ova mularum, dū adhūc in testiculo sunt placentæ primordijs investiri; quare natura mulabus apparatus disposeret generationem cū tam sterili eventu, prout dies magister est qui non cognoverunt ova, vexantur & ip

reddenda causa sterilitatis, sed cùm à Mo-
 ernis major apparatus ad generandū in mu-
 lus admittatur, quàm ab antiquis, major
 cessivè erit difficultas in illorum, quàm isto-
 rum scholis.

Post mulas ad vaccinam speciem animum
 converti, & ex hac dubium non contemnen-
 dum insurgit adversus ova; inter testiculos
 seminarū vaccini sunt cæteris magis vesicu-
 lares, frequentèr hanc in vaccis vesicularum
 quantitatem animadverti, & quidquid à me
 prius visum est, idem in observatis Anato-
 micis testatur Blasius, qui ait: *Vix crediderim*
objectum aliquod occurrere, cuius testiculi in foe-
illis vesicularem magis substantiam exhibeant,
quam quidèr eos, qui in vaccis occurrunt, facere
debemus; hæc observatio præbet locum mo-
 ro, quod vesiculæ non sint ova, quia anima-
 livipara, quæ minus sunt multipara, plures
 habent vesicas, sive ova, quàm quæ sunt mul-
 tipara, & contrarium deberet observari, si
 quidquid supponitur ovum, esset ovum; vac-
 cini rariùs concipiunt geminos foetus, quàm
 canes, feles, scrophæ, quæ ferè sempèr nu-
 merosam prolem edunt cùm paucioribus ovibus;
 canibus observavit Blasius contextum ve-
 sicularum non esse notabilem, *ipsa substantia*
testis.

testis hujus, flaccida valdè, atquè porosa, notabiliter
tamen minimè in ea vesicularis contextus. Hanc
activitas seminis major, & minor variam habet
fobolem in varijs animalibus producit, quatenus
unum semen aptius sit ad plura, aliud ad pauciora
ova actuanda? cogitatum esse rationabile, si canes
haberent plura ova, quàm vaccae, cum in bobus
supponendum sit seminis activum, quàm in canibus,
verùm cum contrarium observetur, omnia adversariorum
fulcra ruunt.

Eadem animalia vivipara multipara examinata
fovent suspicionem meam, quia deberent maximam
in suis testibus, seu ovarijs mutationem patefacere
post conceptionem, propter maximam ovorum
copiam, quæ eodem vel brevi tempore à suppositis
ovarijs excluduntur, & per eadem moventur, & ita
conspicua deberet esse prædicta mutatio, sive ad
veoli ovorum vacui, sive plura foramina, sive
corpora fibrosa expendantur, ut neminem deberet
fugere, etiàm in re anatomica medicè versatum,
cum è contrà viri peritissimi citrà ullam
varietatem testes inspexerint.

Harvæus adducit suam observationem factam
in talpis, & muribus majoribus, quæ mihi
plurimum favet: *Dictum mirum*, inquit
quan-

anta maribus (in talparum, & murium majore
 genere) coitus tempore, tum in vesiculis semi-
 narijs plurimum distentis, tum etiam in testiculis
 undet genitura copia (quod etiam in gallo galli-
 ceo antea observavimus) & quam ingens muta-
 tio in utriusque sexus genitalibus cernatur, cum
 men glandula, quas fœmellarum testiculos ar-
 terantur, citrà variationem ullam pristinam fa-
 tem servent; sed castigatur Harvæus à Peye-
 re, & alijs; ille de Ruminatione asserit in
 trophis prægnantibus tantam accidere testicu-
 rum mutationem, ut mediocrem quoque atten-
 tionem fugere nequeat; globuli enim velut in ova-
 rio gallinaceo undiquè extuberant. Ast eò pridem
 gravit celeberrimus Harvæus, undè negant re-
 re quenkam; sî superstes foret, nunquàm dubi-
 vi, quin erratum ultrò esset retractaturus.

In hoc bivio ob reverentiam Authorũ, quò
 mihi sit vergendum, nunc non determino;
 adducant alij ex meis dubitationibus, solum-
 modo tangam agi de parte omnibus nota, &
 eundem finem, scilicet ad indagandam mu-
 tionem post coitum, eodem tempore explo-
 rata, & nihilominus tantopere intèr se differ-
 re; porrò in hisce controversijs, quæ factum
 spiciunt, authoritates vilescunt, & quæ vidi
 jungam; immutantur testes aliqualitèr, quia

universum corpus immutatur, sed non illi
 immutatione, quæ supra adducta est, & quæ
 esset necessaria, præcipuè in multiparis, si ex
 testibus tot ova egrederentur, quot foetus ab
 iisdem concipiuntur; id prò veritate testari
 possum, quia in felibus, & vaccis recens præ-
 gnantibus testes examinavi, & non potui omni-
 ne id, quod prædicant adversarij, ratum faci-
 cere.

In eisdem viviparis multiparis numerum
 foetuum superaret numerum ovorum; de serce-
 phis res notissima est, in quibus foetus usque
 ad videnos procedere solere testatur Plinius
 ex Aristotele, alij, ut Uterverius, & Dempster
 sterus ex Aldrovando usque ad triginta pro-
 gressos docent, in alijs speciebus animalium
 idem verificaretur, in quibus multiplicitas
 foetuum est ita frequens, & numerosa, ut illa
 tio adducta necessariò sequeretur, aut saltè
 omnia ova simul excluderentur ab ovario, &
 hoc proindè sinè ovis appareret, quod hacten-
 nus vidit nemo, nisi in statu morbofo; & hoc
 ultimum motivum habet etià locum in uni-
 paris ob plures coitus, qui potius obsunt foe-
 cunditati, quàm quod ovaria exhauriant; lee-
 gitur apud Harvæum: *In canibus, porcis, alijs-
 què animalibus coitiones aliquot pluribus foetibus*
 pro-

recreandis sufficere (adeò ut aliqui compertum sibi
 existiment, sì canis fœmina sæpius quàm ter, qua-
 ræve ineatur, id fœcunditate eius obesse, plures-
 que fœminas, quàm mares inde procudi;) quod
 non deberet evenire, quia plures coitus plura
 ova actuarent; omisi consultò rarissima exem-
 pla in specie humana plerumquè unipara, an-
 notata ab Alberto, collecta à Schenchio, &
 Sinibaldo, alijsquè suprà relatis Authoribus,
 quia ex eodem Sinibaldo referunt multi, cre-
 unt pauci, sed in hac æquè, ac in alijs specie-
 bus animalium repetiti coitus cum ejacula-
 tionibus seminis parùm favent ovorum hypo-
 thesi, & pellex hoc ipsum firmat. Nè cogi-
 unt autèm Lectores ex tot difficultatibus pro-
 potis contrà ova me veterum sententiæ ad-
 here de seminum permixtione, & eorundem
 visione, quàm esse obscurissimam fateor, sed
 dicavisse mihi sufficiat ovorum suppositione
 servatam adhuc esse naturam; si locus esset in
 impari provincia aliquid proponendi aude-
 rem conijcere semen esse menstruum quod-
 dam sanguinariam homæomeriam disponens
 oviformem conceptum in utero, vel cor-
 ribus, & successivè postquàm fœminæ factæ
 fuerint gravidæ ad lac, introducta videlicet
 specifica motione in particulis ipsius cruoris,

mammis ipsis analogis, quæ aliàs cum omni
 vasorum genere nihil separant, & si semec
 uterinas oras non pertransiret, tanta in mam
 mis non esset mutatio, quanta observatur
 compressio hippocratica de Nat. Pue. nihil
 explicat, cum requiratur nova dispositio in
 objecto; frigida etiàm est doctrina Galeni de
 constitutione mammæ prò solutione proble
 matis; multi alij Doctores currunt, quare
 seminali fermento omnia absolvi velut ab
 adæquato principio putandum, parcant mihi
 niveæ animæ, si tumultuariè loquar, & ulter
 riùs non progrediar, quia obiter, & raptim in
 re maximè caliginosa hæc pauca tetigi, ut
 constet non esse necesse prò foetus fabrica, vel
 ad semen immediatè, vel ad ova confugere.

Ut meliùs explorarem naturam vesicularum
 an scilicèt ad ovorum genus reduci possit, ova
 diversorum animalium examinavi quæsitum
 Drelincurtio proponitur: *An duabus pelliculis
 sibi què proprijs succingantur? an geminum albo
 rem, atquè chalazas præseferant? an autèm lym
 pham quidè uniformem, chalazas verò nullas
 habeant?* occasione istarum difficultatum ad
 ovum gallinaceum primò me contuli, ut ma
 gis ad manum, & vidi esse veram observatio
 nem Fabricij asserentis ovum componi ex vi
 tello,

llo, albumine, chalazis duabus, tribus
 membranis, una scilicet vitelli propria, dua-
 us totius ovi communibus, & cortice, qui-
 us cum limitatione duo addidit, quod parti-
 us adscribi nequeant, alterum est quædam
 rigua cavitas in obtusiore ovi parte intus
 opè putamen formata, alterum, perexiguum
 bumquè vestigiū, quasi rotunda cicatricula
 telli superficiei adnatas repetitis observatio-
 bus ab Harvæo alijsquè posterioribus Ana-
 micis cōstitit albumen non esse tantum cras-
 sie varium, ut scribit Fabricius, sed esse du-
 ex, utrumquè propria membrana involutū,
 erum liquidius, & alterum crassius, aliaquè
 motuerunt, quæ lubens omitto, cum instituto
 eo nihil inferviant, scopus enim est ex ana-
 gia ovi potissimū gallinacei in partibus ma-
 s principalibus, & conspicuis quærere, an
 vesiculæ lymphaticæ sint ova, & si sensum de-
 rere nolim, præcipuū in Anatomicis ducem,
 arti neganti assentiri teneor, cum diversitas
 rtium constitutiva ovi gallinacei analogicè
 on sit in ovis suppositis viviparorum, felis
 nis, ovis, vaccæ, hominis, &c. quæ hacte-
 us explorare contigit, chalazas in omni ovo
 periri statuit Fabricius, cujus verba hîc ap-
 onam ad concludendum non esse vesiculas

ova ob defectum illarum partium, quæ in ovis
reperiuntur: *Hæ* (idest *chalazæ*) reperiuntur
indifferentè in ovo gallum experto, & non experto,
perpetuoquè adsunt, nequè .n. ego nō adesse un-
quàm comperij, quòd si aliquando *chalazis* ovum
destitutum invenias, dicas id omninò præter na-
turam esse, & rarissimè contingere, aut analogon
quid esse positum, ut in minimis ovis; ego sa-
nè ovo omisso anserino, indico, gallinaceo, & no-
stratis gallina, in quibus magnitudine effatu di-
gna *chalazæ* visuntur, inveni insupèr manifestè
in columbo domestico, necnòn turrita adesse *chalazas*;
quin immò conspectui sese quoquè obtulerunt
vel etiàm in per quàm exiguis passerulorū ovibus;
in quibus perindè tenuissimus, albusquè pilus
aut filum, aut nervulus oculorum acie cernere fuit
sed id tantummodò in claro sole, primaquè eius luce
à sole proficiscente, nequaquàm in secunda, ut ex
his concludendum videatur consentaneum esse,
omnibus *chalazas* adesse ovis; abstinui autèm for-
micarum ova, & alia id genus perquàm minima
contemplari, ratus oculi hominis aciem illuc non
perventuram, sed *chalazis* analogon quid in simi-
libus exiguitatis immensa ovis supponendum esse
conjeci; declarat isto sermone Fabricius, in
omnibus ovis *chalazas* adesse, & ejusdem au-
thoritate negari poterit substantia ovalis in
vesi-

vesiculis controversis, quandò chalazæ non
 lerunt, modò cùm istæ in illis non reperian-
 er, nequè quid analogum, non poterunt se-
 undùm Fabricium ova denominari.

Secundùm alios autèm quis posset dicere
 eò nō apparere in vesiculis lymphaticis ani-
 malium viviparorum chalazas, aut quid ana-
 gum, quia in istis animalibus ova non con-
 tuuntur ex vitello, ad quem in medio con-
 nendum chalazæ, veluti duo cardines, forma-
 e sunt à natura; adhuc non enervaretur ar-
 gumentum, quòd loco chalazæ procedere
 potest à cicatricula, vel alia parte, quæ in ovis
 certis reperitur, ut incerta, cujus naturæ
 nt, determinantur; nam si occurrat aliquod
 corpus, in quo nec vitellus, nec albumina, nec
 catricula, nec chalazæ (quidquid sit de natu-
 ra, & usu istarū) nec aliæ partes sint, quæ in alijs
 ovis reperiuntur, & istud corpus appelletur
 ovum, quæ species ovi erit ista, aut quo fun-
 damento nuncupabitur ovum? aut ista no-
 menclatura inducitur ob analogiam aliorum
 animalium oviparorum, ut ratiocinantur mo-
 derni in hypothese ovorum, aut finè, & arbi-
 trio; si primò modo, cessat omne fundamen-
 tum denominandi ovum vesiculam testicula-
 rem ob defectum partium, quæ in alijs ovis
 sunt;

sunt; si secundo modo, non erit ovum verum
& reale, sed fictum & suppositum, & ità cen-
sentur vesiculæ prædictæ, in quibus nihil de-
præhenditur præter serositatem maximè flu-
idam, & sinè albuminis lentore, ità ut etiàm
desit analogia in albumine, qua de causa ean-
dem serositas erumpit in faciem secantis, nisi
sibi caveat; volui prætereà indagare mate-
riam contentam intrà vesiculam, & eandem
crudam, & coctam oculis subieci nudis, & mu-
nitis semper in locis apricis, & non potui nisi
homogeneum corpus inspicere; cruda serosi-
tas excepta in marmoreo lapide, aut charta
pergamena patefacit suum fluorem sinè ali-
qua consistentia redolente naturam albugi-
neam, & sinè diversitate repræsentante ali-
quod opificium, quod in alijs ovis depræhen-
ditur etiàm infœcundis; cocta idem confir-
mat, partes enim ubiquè æquales complent
totum unius rationis, nec media coctura ap-
paret aliquid, quod diversimodè judicare fa-
ciat, ab inspectione crudæ; solum calore con-
crescit, qui effectus, cum sit communis alijs
serositatibus in viviparorum corporibus con-
tentis, non probat præ existentia ovi.

Qui crederent ex ovis piscium posse exclu-
dere necessitatem hæterogeneitatis, & succes-
sivè

sive vim infringere argumenti propositi maxime aberrare mihi videntur, quoniam eadem, si intus aspiciantur, non sunt homogenea, quemadmodum saepius observavi in varijs piscium speciebus, & liquores, quos continent, sunt albuginei. In cartilagineis hoc ipsum testatur Harvæus; *Piscium cartilagineorum* (nempe *raja*, *pastinaca*, & *canicula*) *ova bicolora sunt, & vitellum satis coloratum habent*. In ovibus sapiarum teste Rondeletio continentur humores oculorum humoribus similes: *Qua ibi continentur*, ait Rondeletius, *oculorum humoribus similia sunt; primum enim aqueus, & tenuis humor effluit, mox alius priore crassior, tertius veluti crystallinus, ceterorum mollium ova his similia magna ex parte existimo*. In ranarum ovibus foecundis structuram heterogeneam ranarum, seu fabricam earundem omnibus numeris absolutam Syvämercius adnittit: *Præter memoratam hanc membranam*: ait relatus Author, *ipsum quoque amnion, chorion, & principium placentæ & fetus, nec non primum ejusdem alimentum ovo inesse crediderim, ut ut non nisi aqueo humore repletum esse videatur, qui at non unius semper, ejusdemque coloris est, ita decoctus quandoque concrevit, quandoque non ita, & sapor quidem ejusdem, cum manifestas qualitates nullas habeat*.

beat, vix, ac nec vix quidem describi potest; sequitur, & dicit: *Admiratione dignum est nigrum illud punctum, quod in ovis ranarum videre est ipsum ranunculum omnibus suis partibus absolutum; albicantem verò, & circumfufum illum liquorem non nisi alimentum ejus esse, quod ipsum sensim dilatatum, ita attenuatur, ut exire cum velit, possit, paulò inferius: Magis mirum est hunc ipsum ranunculum in ovario usque adeò exiguum ortus, & incrementi sui principium habere, ut ferè visum effugiat, utut ipsum animal sub hac tantula mole delitescat.*

Stephanus Lorenzinus in Obser. de Torpedine cicatricem, colliquamentum, circulos, vesiculas, & hujusmodi alia heterogenea corpuscula notavit in ejusdem ovis. Insectorum ova alij perlustrantes diversas particulas constitutivas viderunt, in bombyce vitellū membrana conclusum observaverunt; de ovis arborum, & plantarum idem senserunt Recentiores, quæ si foecunda fuerint, habere plantulam delineatam testantur, omninò dicendum secundum Modernorum principia omnia ova esse heterogenea; quid superest cogitandum de ovibus viviparorum animalium? Hæc si sunt, prout asseruntur, habere debent structurā suæ speciei, quam nullatenus ostendunt;

majori itaque probabilitate cōcludendum est testiculares vesiculas non esse ova, & majori certitudine, ac conformitate cum tutiori, & communiori philosophia idem inferendum est, maximè ob ova humana fœcunda, in quibus juxtà hæc principia (quæcunque sint) hospitaretur authoma hominis, seu pusillus homo formatus, & in ovo delineatus, antequàm per tubam ad uterum perveniret, quod phænomenon omnes hucusquè fugit, & occultam cōtinet absurditatem, quàm nullo modo meliores permittent scholæ propter illationes ipsis benè notas; & revocari posset impium Paracelsi somnium à recutito Lusitano approbatum de productione homunculi, si ovum humanum fœcundum sub fimo equino custodiretur.

Quibus etiàm arridet doctrina Philosophi de Natura animalium, & primo de Generatione eorundem, minùs possunt admittere hæc ova; definit enim ovum & ait: *Ovum est ex cuius parte animal gignitur, reliquum cibis ei, quod gignitur*; quam definitionem de ovo perfectò, & propriè dicto interpretatur Fabricius, sicut idem impropiè ovum appellat, quod similiter Aristoteles describit, *ex quo ovo animal nascitur*; ut sunt ova fornicarum, mu-

muscarum, aranearum, quorundam papilionum, & huiusmodi, quæ Aristoteles potius vermiculos, quàm ova appellare voluit; quia tamen vulgò ova dicuntur, & ad sensus potius talia sunt, quàm vermes, ideò Aristoteles 5 de hist. animal. c. 26. & 28. & cum eo Fabricius de formatione ovi, & pulli c. 1. scribunt scorpiones terrestres, vermiculos ovorum specie parere, itèm & locustas edere vermes ovi speciem gerentes; omittendo itaque hæc ova improprie dicta, cum non sit tempus disputandi, an ova sint vermiculi, an in ovibus contineantur, quod nequè determinare voluit Lister, ova, quæ proprie talia dicuntur, expendantur, & quærat, an in viviparis sint, & ut veritas innotescat, animaduertendū est duo ex Aristotele ad ovum constituendum concurrere. Primum est id, ex cuius parte animal gignitur, Secundum reliquum, quod est alimentum ejus, quod gignitur. Primum nequè ab inductione aliorum ovorum pater, in quibus aliqua organizatio cognoscitur, & quæ organizatio in majori parte ovorum est conspicua, in alijs verò ovis non ità conspicua, vel ob parvitatem, vel ob conditionem materiæ pellucidæ, ut in araneis, sed necessario supponenda, nequè ab effectu, cum nunquam

rudimentum hominis, vel alterius vivipari animalis viderit aliquis in vesiculis, seu suppositis ovis, licet nequè conditio materiæ, nequè ovi parvitas obstent; Secundum penitus deest in eisdem vesiculis; quis enim sibi persuadere potest quantitatem alimenti necessarij v.g. ad vitulum in tam parvis vesiculis conservari, tanquàm residuum ejus, ex quo animal prodit, aut tanquàm pars specie distincta? deducant alij originem humoris amnij (quem unà cum vasis umbilicalibus nutrire censent Moderni) ab ipso ovo; ego certè dissentiri debeo, quoniam & quantitas humoris ostendit aliam originem, quàm parvam vesiculam, & conditio materiæ in hac contentæ arguit diversam naturam ab illa, quæ intra amnion est; cocta enim vesicula repræsentat ferositatem concrescibilem, fecus autem illa se habet, quæ intra amnion reperitur; admovi enim igni, donec ebulliret, & nunquàm concrevit alterius instar, in vitulino foetu annis proximè elapsis experimentum feci, & id, quod scripsi, didici, simulquè confirmavi veram esse illorum opinionem, qui tenent materiam reperiendam intra amnion, & in qua vitulus natat, exigi per os à foetu, nam in ventriculo vituli inventa est aqua limpida ejusdè rationis, ac illa, quam amnion complectebatur. Do-

Doctrina Aristot. confirmata est postmodum à Theophrasto 1. de caus. plant. c. 7. & l. 4. c. 31. & videtur maximè probabilis & fundata in evidenti providentia Naturæ, qua unicuique necessitati optimè consulit; nisi enim in ovo esset pars auctifica, animal donèc intrà ovum habitat, vivere non posset, usquè ad debitum complementum, quocircà ovum requirit partes essentialiter à Philosopho indicatas, & illa corpora, quæ non habent istas partes, intèr ova non sunt reponenda, quandò hanc sententiam non tolleretur objectio, quæ fieri posset dicendo, partem auctificam in viviparis alibi utero suppeditari, sicquè sufficientèr ovum per alteram partem ab ovario receptam compleri, cui objectioni fieri posse satis putarem negando necessitatem prædicto modo operandi, cum æqualitèr & pars auctifica ab utero & ab eodem simul pars animalis derivare valeant; hoc est, si ovum fit in utero, vel cornibus quoad partem nutritiam, cur in eisdem nequit elaborari quoad alteram partem constitutivam? sicuti tenent omnes Peripatetici cum Aristotele, oviformem conceptum viviparorum concedentes, & in utero aut cornibus productum. An uterus, vel cornua non tabilitèr non immutantur, & vasa sanguinea non

non deferunt ad istas partes mixturam heterogeneam, uti ad supposita ovaria, prò ovorum fabrica? An Natura non est eadem utrobiquè? & hoc sanè consilium verisimilius est, quàm oppositum, nullum enim animal oviparum complet & perficit ovum in loco pleno sed vacuo; gallinæ partim in uteri parte superiore, partim in inferiore, immò in istis uterus superior nullus est, nisi postquam eadem concepit; ex quo alia coniectura deduci potest, cum mulieres sive conceperint, sive non conceperint, semper habeant ova, & ovaria plena; in piscibus, ut in cyprino, halece, & alijs vesiculæ oblongæ sive folliculi sunt, in quibus ova nidulantur; serpentes ab eadem methodo non declinant, in his cornua uterina sunt primorum ovi rudimentorum sedes, quamobrèm & vivipara controversa, aut in utero, aut in cornibus sua ova elaborarent, non in corpore fibroso, solido, & pleno, in quo toto vitæ tempore conservantur, quod evenire nullo modo deberet, quoniam omnia ova, postquam matura fuerint, vel emittuntur, vel ad uterum prò fotu transmittuntur; ut in raja (de cujus foecunditate & ovis latissimè, & optimè Aldrovandus 3. de Pisc.) pastinaca, canicula, &c. videre est, non in ovarijs
de-

detinentur, & hæc succederet detentio, quam
 adversarij evitare non possunt, potissimum in
 infœcunda ova spectentur, in virginibus, &
 alijs, prò quorum motu non agnoscunt dispo-
 sitionem in parte, nisi post coitum prolificum
 nequè solummodo ex prædicta Aristotelis do-
 ctrina infertur meum votum, sed expressis
 verbis idem Aristoteles in 1. de Gener. Ani-
 mal. c. 20. testatus est nullo modo viviparum
 propagari per ovum; undè ait; *At verò, quæ vi-*
vipara sunt, sinè ovi partione, ut homo & quæ-
drupedum, quæ suffragines intus flectunt (hæc
enim omnia animal procreant sinè ovo) ijs omni-
bus ea purgatio fit, nisi quid læsum per generatio-
nem sit, ut mula. Sed cùm Aristoteli parum
 tribuant, qui sibi multum tribuunt, idcir-
 cò meas dubitationes non corroboravi so-
 la authoritate ejusdem, sed plurimis alijs ar-
 gumentis magis & minus probabilibus, ac va-
 rijs observationibus ratam facere meam per-
 plexitatem conatus sum; & si ingenuitas non
 recipit contumeliam, quamvis essem in erro-
 re deprehensus, castigari nō debeo; tot conje-
 cturæ, quot natura universalitèr suppeditat
 animum liberum semper movere poterunt
 saltèm ad dubitandum, si non ad definiendū
 Joannes Baptista de Lamzveerde consentit

& ità scribit: *Quapropter rei gravitate motus iudicium potius suspendere, quàm temerè determinare malo, donèc certiora, & evidentiora experimenta omnes scrupulos è mente nostra sustulerint; verùm enim verò quidquid de rei veritate sit, apud me certa constat sententia illum humorem, in quo totius hominis volunt contineri compendium propria membrana in testibus conclusum, malè vocari ovum, quia ovum non solummodo universa animalis continet membra, sed etiàm sufficiens alimentum intrà eandem membranam, quo prima animalis stramina in justam quantitatem extenduntur, & debitam dicti animalis formam audagentur, ut partui, vel exclusioni matura sint.*

Remanet modò dicendum cui bono finè institutæ vesiculæ, quotiescunquè ovi positio sit dubia; hujus nodi dissolutionem possem, & deberem omittere, maximè cùm mens mea ab initio fuerit solum proponere motiva contrà famosam hypothésin, non autèm quidquam definire, vel statuere; cæterùm nè hanc rem sicco pede præteream, brevitèr indicabo, orò recta responsione problematis, necessariam esse adæquatam cognitionem fabricæ testiculorum, qui non tantùm habent prædictas vesiculas, sed potissimùm constant fibroso corpore, quantitate vasorum sanguineorum mi-

rificè complicatorum, & etià vasis alterius
speciei, quæ primùm in medio testiculi vacui
ni detexi, & continere lympham limpidam
fortè illius conditionis, quæ est in vesiculis
animadverti; hæc eadem vasa diligentiori
examine sunt quærenda, ut melius iudicium
proponi possit; quandoquè etià nactus sum
in vacca prægnante luteum corpus striatum,
& exteriorem versùs testiculi partem protu-
berans insignis magnitudinis, ità ut majo-
rem ejusdem partem occuparet, nec una vi-
ce, sed pluribus in prædicta animalium specie
hoc phænomenon vidi; vesiculas ulteriùs mi-
croscopio subjeci, & utramquè earundem su-
perficiem inspexi, quàm non esse simplicitèr
membranosam ex singulari substantiæ modo
deduci posse suspicatus sum, potiùs si huriolari
liceret, crederem esse glandulosæ naturæ, &
hanc concava superficies præcipuè testatur;
institutas idcirco opinarer istas vesiculas ad se-
parationem alicujus lymphæ post debitam
moram, & fermentationem sanguini restituenda
non dissimili modo, quo ex quibusdam
glandulis particulares liquores in sanguinem
reducuntur; nequè est ludus inutilis secerne-
re, ut remisceatur aliquid, quia secretæ ex
cruore substantiæ altiore acquirunt ener-
giam,

giam, quàm haberent, dùm latebant in illo; accedit, quòd plures particulæ activissimæ coeuntes majorem vim habent, quàm singulæ disiunctæ, & alijs obvolutæ; sic post separationem unitæ, & fermentatæ & penè dixerim cohobatæ sanguini cui affunduntur, aut novum motum impertiuntur, aut impediunt, nè aliud principium in recurso ad centrum hoc ipsum offendat; necessitatem materiæ impermixtæ ostendunt præter reductrices glandulas, alia vasa lymphatica, quæ ex artubus, & visceribus reducant, in sanguinem denuò materiam, quæ antecederet præditus erat, & glandulæ ad plexum, sive capsulæ atrabiles à simili hoc persuadere videntur; patitur in circuitu sanguis, in quibusdam locis, quia nimis laxatur, in alijs, quia recipit peregrinas particulas, aliò alio modo, natura sollicita de istius elixirij conservatione, modò restituit centro proportionatos liquores; modò partibus, modò recursum remoratur, ut tempore impendium refarciatur; ut in viris, quorum venæ præparantes, ad differentiam arteriarum, ut observavit Graaf, non alium in finem calamistrata constitutione conformantur, nisi ut sanguis tardius reducatur ad centrum, quàm si directè portarent ad idem.

Istæ instantiæ, quæ manifestè probant re-
currentis sanguinis refectionē in diversis partibus,
ostendunt etiā probabilitatem cogitationi allati de verisimili additione alicujus lymphæ
eidem sanguini post iter ad uterinas oras, quam
vesiculæ controversæ suppeditare possunt
sunt omni tempore, magis autem post conceptionem;
illustratur eadem sententia ab inductione, etenim
vel lymphæ in vesiculis disponitur, & exaltatur in naturam fermenti pro
beneficio partis, vel pro utero, vel pro toto; nullius
necessitatis cognitio excludit partem, & prætereā in alijs
glandulis non fit separatio pro glandula, seu pro se;
nequit secundo loco separari pro utero, quia uel ad
uterum transferatur sub forma ovi, vel sub forma lymphæ,
primum responsum ex dictis infirmum est, multò
magis secundum, quia difficilius excipi potest
liquidum, quàm solidum, etiamsi de hac re dubitaverint
multi authores, & nuperrimè Lamzveerde, qui suum
calculum addidit pro motu materiæ fluidæ per tubas
ad uterum sequētibus verbis: *Quapropter hætenus acquiescimus,
donè certior detur experientia, judicando, quòd in actu amoris
per fimbrias in extremitate tubarum semen muliebri humoris,
& non instar ovi ex earum testibus, è multis vesiculis glandulosis,*
plu-

plurimis vasculis seminalibus per textis, coagmen-
tatis exprimatur, & per iubam in uterum propel-
latur, quam internam quasi ejaculationem fœmi-
na in palaestra voluptatis cū voluptate percipiunt;
 hoc autem non solum difficilius est compara-
 tivè ad solidum, ut dictum est, sed ferè impos-
 sibile ob allata motiva contrà ovi delationem;
 & ulterius quia tubæ extremitas nunquam
 adæquatè coniungi potest, ut ita valeat spatium
 obstruere, nè liquor per superficiem testiculi
 ex parte fluat; si igitur lymphæ non colligitur
 in vesicis prò comodo partis, aut uteri, se-
 quitur in iisdem colligi, & asservari prò utilita-
 te totius massæ sanguinariæ, est què hæc, ni fal-
 lor, vera ratio, cū plures sint in quolibet vesic-
 cario vesicæ, & magnitudinis effatu dignæ,
 quia scilicet parvam partem non respiciunt,
 & cū quantitate vasorum sanguineorum or-
 natæ sint; nempè ut humorem ex arterijs de-
 promptum expeditius in venas, vel per aliud
 genus vasis post justam procrastinationem trans-
 ferant; nulla fit hîc nervorum, & succi nervei
 juxta Anglicanam scholam mentio, quoniam
 constabit in alio tractatu existentiam ejusdem
 esse quidè in mente hominum, sed non in
 natura, & nervorum veriore structuram,
 & usum adhuc latere.

Quæcunque tollunt modernam vesicularum theoriam, eliminant etiã easdem esse materiam, ex qua glandula excitetur, cujus ovum separatur, foveatur, & statò temporè ejiciatur, minorem enim hæc opinio probabilitatem habet, quàm opposita, ex quo nulla conjectura persuadere possit glandulam à natura formari prò separatione ovi, & fortè ejusdem determinatis temporibus, & nè quis censeret glandulam fieri prò separatione materiæ necessariæ ad fabricam ovi, opportunum duxi magis explicare prædictam sententiam, quæ in hoc consistit, quòd glandula excitata extuberans foràs trumat ovum, quod, quanto perè à veritate alienum sit, omnes illi norunt qui usum, & finem glandularum in genere separatorium post miscelam, & genesin penetrarunt.

Ad secundum tempus est transeundi, quærendo an tubæ sint instar oviductuum recipiẽdo ab ovarijs ovum, istudquè transferendo in uterum. Du Verney in Zodiaco Medico-Gallico partem negantem acriter tuetur, si enim, ait, hæc propositio vera foret, non solum necesse esset, tubas immediatè annecti testiculis, sed prætereà illis inesse amplitudinem proportionem respondentem magnitudini ovarum, quòd com meatum illis

illis concederent facilem; ut melius prædictus
 Author suam determinet intentionem, utitur
 exemplo avium, in quibus canalis oviductus
 nomine insignitus penè insensibilis est, prius-
 quàm foeminae ova pariant, accedente verò
 tempore partus illam magnitudinem, & capa-
 citatem acquirit, quæ ovis transitum concede-
 re potest, quòd cum non succedat in foeminis
 viviparorum, in quarum tubis nunquàm tem-
 pore conceptionis immutatio cernitur, idcir-
 cò cōcludit in alios usus constructas esse, quàm
 quos ovariorum assertores illis assignant, hinc
 potius existimat liquorem in vesiculis asserva-
 tum, *solam esse materiam foeminis ad generatio-*
nem suppeditatam, quæ coitus tempore ab ijs ex-
primatur, & versus vasa deferentia extruditur,
postea in uterum evehenda juxta vulgatissimam
sententiam. Hæc doctrina licet dubitandi oc-
 casionem præbeat, admittit tamèn responsio-
 nem, quoniàm in aliquibus animalium spe-
 ciebus, est evidens connexio, ut in torpedine,
 in alijs nulla est, licet ova evidentissimè po-
 nant, nequè potest negari aliqualis immuta-
 tio, etiàm quandoquè tanta, ut sint tubæ loci
 capaces pro fœtu, & nemo negavit aptitudi-
 nem tubarū ad dilatationem etiàm insignem,
 ut status præter naturam aperuit, legatur Tul-

pius, Muys, Marquardus, & alij; demùm quia materia in vesiculis contenta non est fecundalis, odor, color, concretibilitas, & huiusmodi demonstrant Du Verney non benè sensisse de liquore lymphatico vesicularum.

Melius fundamentum ad everrendam Modèrnorū hypothèsin deducendum est ex situ & modo situs ipsarum tubarum, pluriès hanc rem aggressus sum, sed nuperrimè in diversis mulieribus, quæ fato cefferunt meas dubitationes confirmavi, & omissa distantia tubæ ab omnibus notata à supposito ovario latitudine pollicis, & interdum majori, observavi, & sæpiùs vidi (quod mihi maximum facessit negotium) tubam à fundo uteri explantatam deorsum ferri versùs testem existentem inter uterum, & ipsam tubam cum aliquo intervallo inter utrumquè corpus; vidi etiàm eandem tubam cum eodem intervallo à teste hunc interdum transgredi, & paulò infrà terminare, alijs vicibus testiculi planum non pertransire, ita ut terminus tubæ sit infrà testiculum, vel ad planum testiculi directè, & non transversaliter, ejusdemquè orificium deorsum respiciat, suaquè proboscis sit declivis; quæ omnia excludunt naturalem dispositionem in eadem, ut sit oviductus, cum non sit probabile

naturam voluisse formare tubam prò delatione ovi ad uterum, & firum, & proboscidem cum foramine directo ad partem, ex qua ovum nequit procedere, nec recipi; non ad testem seu ovarium, quod est laterale, & ad quod nullam habet tendentiam, sed tantum ad partes inferiores.

Ut hanc charybdim adversarij evitent, docent in tubis tempore conceptionis particulares motus, quibus ajunt easdem contorqueri, & ad testem seu ovarium revolvi, & idem amplecti, ac ita accommodari, ut ovum sine difficultate admittere possint.

Motus isti, si haberent aliquod fundamentum, hoc haberent in fibris, istæ verò responsionem non admittunt, quia, ut pluriès observavi, tubæ paucas, vel nullas habent fibras transversales, & plures longitudinales, & omnes eludunt prædictos motus; cognoscitur præterea ex autopsia conditio motus, qui competit tubis, moventur enim motu lumbricorum instar, qui nunquam est ad latus, sed sursum, hoc autem motu nunquam poterunt accommodari testiculis, adeoque neque fungi supposito munere; ordinem fibrarum, quem refert Peyerus obliquo-spiralem cõsimilem structuræ gulæ pro deglutiendo ovo, non potui in-

invenire, benè novi rem opposito modò habere in œsophago, & oviductu supposito quoniàm motus objecti in œsophago est supernè deorsùm; in tubis autèm deberet esse deorsùm supernè, quia fundum uteri & testibus, & proboscide tubæ altius est; hæc major altitudo infert aliam difficultatem prò motu quia ut objectum moveatur deorsùm supernè requiritur sinè aliquo impedimento validæ activitatis, quam structura tubæ non indicat ob rugositatem, & fibrositatem internam solo specillo manifestam, quæ remora est motui, quem Moderni propugnant.

Et quandò etiàm concederetur adversariis quòd nullatenus est concedendum, tubas statim temporibus habere particulares motiones quibus ad testes accederent, nisi unà cùm istis motibus admittatur in tubis distincta cognitio, nunquàm erunt, vel esse poterunt oviductus; siquidèm ova non excluduntur ab uno determinato loco testis, nequè ab una determinata areola ejusdem, sed modò ab una, modò ab altera, & in pluribus locis; proindè ad ovaria oviductus accedentes ad unam potiùs partem, quàm ad alteram deberent moveri, quod opus excludit præcisam machinam, & ostendit operationem ex vi cognitionis, non

structuræ tantum, quæ nunc illam, nunc istam partem designare nequit pro debito motu tubæ ad accipiendum ovum fœcundum ex ovario descendens.

Imperceptibilis, aut ad minimum difficillima hæc harmonia inter oviductum, & ovarium confirmatur ex his, quæ deberent eodem tempore fieri in tubis, & ovarijs: in tubis eandem apertura deductis, ac dilatatis firmijs, necessarius motus ad ovarium, & ad præfixum locum ejusdem: in ovario autem debent simul, vel brevi tempore fieri ovi, vel ovorum fœcundatio: hæc disponi ad motum mutantibus partibus contiguas, aperiri involutum testis, nisi etiã admittatur in hoc particularis motus, quæ omnia, an concorditè fieri possint, plurimùm dubito. Majus dubium insurgit, si in multiparis una tuba v. g. dextra recipiat ovum ab una parte ovarij, & sinistra eadem die, vel paulò post ab altera respectu ejus ovarij, quomodò mechanicè istæ partes movebuntur, cùm similis motus ad terminum eundem esse debeat? vel quomodò tuba uni parti ovarij accommodata alteri adaptabitur, quando plura ova ex eodem ovario recedunt? in uniparis, aut hæc omnia admittuntur in quoque ovario, & utraqùe tuba, aut in uno, vel

vel una; primum negat singularitas foetus; si secundum adducatur, simul assignari debet potior ratio, quare una tuba, & non altera moveatur, aut natura in casum operaretur, quod minimè cogitandum.

Sequeretur ex eadem hypothefi frequentissima conceptio tubaria, & rudimentum foetus in ovario sapissimè observaretur; in tubæ genesin promoverent fibrositas allata, multa quantitas, capreolaris, & arcta constitutio, vix ipsum flatum non admittens, & nihilominus hæc est ita rara, ut ob raritatem nonnulli eandem negaverint; si igitur in utero conceptio est quotidiana, & in tubis insolens, non erunt tubæ oviductus; secus, quod rarum est, esset frequens, & è contrà, quod observatur frequentèr, rarò eveniret; succederet etiam quandoquè, & crebrò explicatio ovi in ipso ovario ob densitatem tunicæ, quæ multis viribus resisteret exclusioni ovi, & effectum propositum pareret; & prò hac observatione non legitur nisi unus Author, de quo infra.

Capacitas earundem tubarum maximè varia animum movet ad indaganda mysteria naturæ. Syvammerdamius tubam vidit latiorē in fine, quàm in medio, & delineavit Graaf hanc variam capacitatem considerantem

ob animum, quem mancipatum habebat, credidit hinc ludentem, quandoquē naturam esse deducendam, *Capacitas hujus ductus*; inquit, *plurimum variat*; in principio enim tantummodo etiam admittit, in progressu verò, ubi latissima est, auricularem digitum sepius recipit, in fine autem ejus coarctationes, si vè foramina, modo non dilatentur, quartam solummodo digiti illius crassitie partem admittunt, hinc tamē naturæ lusui quidquā concedendum est; quæ doctrina ludentem potius authorem ostendit, quā naturam; hæc enim præsentē æquali necessitate deferendi ovum non debet esse varia, nisi accedente diversa magnitudine ovi, quæ in eodem animali non contingit, & si via in progressu est latissima, talis debet esse in principio, & fine, urgente eadem necessitate recipiendi, ac deferendi ovum ad suum terminum; natura semper serio agit, & nunquā ludit, & si quandoquē consuetas actiones relinquat, variatio oritur, vel ex superveniente nova necessitate materiali, vel finali; unde cum spontanei ludi à natura sint reiiciendi, citius erit opinari variam capacitatem tubarum arguere quid diversum ab officio oviductus. In vitula ætatis suæ duorum mensium observavi tubas latissimas in fine, & penes

cor.

cornu arctissimas, quo tempore modus conformationis est æqualis alijs temporibus, licet plura ova supponantur transacta, quæ deberent partem arctam dilatare, & non fetum tantum admittere, ut in recens natis animalibus.

Alia artificia occurrunt in tubis diversorum animalium, in quibus cum Doctores supponant communem ova deferendi usum, non deberent adesse, ob rationem mox tactam; in vaccis, ovibus, cuniculis, & hujusmodi alijs animalibus tubarum extremitates servant perpetuam, & tenuem membranofam expansionem, in muliere verò sunt fimbriatæ, aut fofofiaceæ, ut alij loquuntur, ut melius testes sunt incisuris amplectantur secundum recentiores, quibus deficientibus in brutis, deficit mediū quo eisdem accommodari possint; propterea nascitur difficultas, utrobiquè æquali urgente necessitate, existimandi, an similis diversitas ostendat aliquid aliud quærendum esse, præter usum allatum in schola moderna; & si concederetur omnes tubas æqualitèr posse testibus statim temporibus amplecti, (quod à veritate abest) non idcirco evacuatur omnis dubitatio, quia nunquam constat, quare tubæ non sint semper unitæ cum suis ovarijs, ut in tor-

edine, ad evitanda multa pericula, quæ contingere possunt; sinè enim unione ova in abdominis cavitatem descenderent frustrata cōceptione, vel quia tempestivè, vel quia non ebite adhæreant.

Falloppius, & alij connexionem tubarum cum testibus viderunt, sed in statu præter naturam, in statu verò naturali semper isti distant ab illis, & tamèn in hoc statu secundum modernos est necessarium accedere tubas ad ovarium; si itaque non possunt tubæ non approximari testibus, quid mali contigisset, si semper hæc duo corpora unita fuissent? aut si collocata fuissent, ut non esset opus motu, in ranis? in quibus orificium tubarum immobile est; si analogia spectetur, non solum in prædictis animalibus, sed cum alijs verè illa est, nequè in infundibulo, nequè in ovario, utero, &c. & si ideò natura indiget motu, quia semper tuba non recipiat ab eadem varij parte, tunc recurrit alia difficultas, de qua supra verba sunt facta; prædicta doctrina illustratur exemplo superfoetationis, in quo si tuba post primum partum recessisset ab ovario, & brevi tempore teneretur ad idem accedere ob alium. Animalia multipara, si non omnia, saltèm plurima, & quæ maximè
fala-

salacia sunt , & foecunda alteram exhibere considerationem non spernendam , & est , frequentem conceptionem deberent ista habere tubas connexas cùm ovarijs .

Cuniculi , qui in calidis regionibus singulis mensibus concipiunt , & interdùm superfecundant , habent ferè continuam necessitatem approximationis tubæ ad ovarium , natura itaque què in istis , & alijs similibus animalibus , non fuisset provida , si tubam cùm ovario conjunxisset ? quare recedere tenetur ab ovario , brevi elapso tempore iterùm accedat ? recessus erit inutilis , dùm mòx mòx novus accessus erit necessarius ; in eisdem multiparis , quo ingenio uterentur tubæ discedentes ab ovario post exclusionem tantùm ultimi ovi foecundati & non antea ? urget etiàm dubium in uniparis ob gemellos , quorum unus celerius , alius tardius alio nonnunquàm nascitur per octo , decemue , aut plures dies ; in hoc casu , an tuba post primum ovum expulsum ab ovario remanet cum ovario conjuncta , vel non ? primum ? quare si tuba spatio octo , vel decem dierum unitur cum ovario , non poterit semper cum eodem uniri sinè foeminarum incommodo ? & si nõ recedit post primum ovum cognoscit nè raritatem eventus ? secundum

cogitari nequit, quia non discederet post mo-
 dum cum tempus verum reversura. Hisce ratio-
 nibus motus arbitratus sum probabiliorem es-
 se sententiam illorum, qui asserunt tubas esse
 appendices & additamenta, quibus uterus fiat
 capacior, & amplior; conceptio tubaria hunc
 usum patefacit, & à simili, exemplo auricula-
 rum cordis roborari potest, quæ sicut appo-
 nuntur, & continuantur cum corde, ut istius
 cavitates fortè adaugeant, ita maximè pro-
 babile est tubas simile officium respectu uteri
 præstare, & hac de causa evenire, ut vices in-
 terdum uteri subeant, consentaneum etià
 rationi videtur, foramen tubæ, quod nec ad
 introducendum semen (ut ex tunica testis patet,
 quam nequit ob densitatem pervadere) nec
 ad introducendum ovum vel materiam ejus-
 dem formatum est, prout ex dictis habetur,
 moderari aliquam ventilationem, aut levare
 foetum nè effluviis pondere prematur. Fal-
 loppius dubitativè proposuit eandem senten-
 tiam: *Hæc an præcipua, ait, sit istorum vasorum*
utilitas, non satis affirmare ausim; cum demum
per frequentiore, diligentiorequè sectionem
ipsorum naturam edocti erimus, accuratius de ipsis,
leniusquè afferre enitemur. Idem dubium ha-
 buit Drelincurtius, quādò quæsit, an ad dia-

stolen, & sistolen exstructæ sint tubæ; sanè res est caliginosa, & profundum opificium est prædictum tubarum foramen, quòd si fimbriarum muscularis naturæ modò occluditur, modò referatur; cùm natura valvulam non instituit loco fimbriarum? & si idem non obstruxisset, quæ jactura orta esset?

Verùm hæc de tubis sint satis, & ad tertium animus convertatur, scilicèt ad productum in utero post coitum fœcundum, & uteri dispositiones. Productum uterinum infringitur per tubas delatum ovum. Harvæus refertur, circa diem Nouembris 12. aut 14. aliquid primum in uteri damarum cavo ad futuram prolem pertinens reperiri, & id fatetur se cognovisse plurimorum annorum experientia, quod autem illud fuerit, proprijs Authoris verbis exprimitur: *Circà tempus prædictum per median-*
triusquè cornu, atquè etiàm uteri cavitatem me-
cosa quedam filamenta (tanquàm aranearum tela)
ab ultimo sive superiori cornuum angulo ducuntur,
quæ simul junctæ membranosam, ac mucilaginosam
tunicam, sive manticam vacuum referunt; atque
ut plexus choroides per cerebri ventriculos tradu-
citur, ita sacculus iste oblongus per totum utriusquè
cornu, intermedijsquè uteri cavitatem protelatur
paulò inferiùs: Post diem unum, aut alterum

mantica hac impletur aquosa, alba, lenta, & albuginea materia, longumquè farcimen humore isto plenum refert, & sequitur dicens; Conceptus iste adauctus, & extractus figura mantica, sive duplicis farciminisprehenditur, & exterius quidè purulenta quadam sorde oblinitur; intus verò lubricus est, lentumq; humorem, ovi albumini liquidiori non absimilem in se continet, & demùm docet hunc esse cervarum, & damarum conceptum primum. Hæc observatio maximè dirigit animum prò neganda ovi delatione ad uterum, quia rudimentum fabricæ apparet in utero. Mantica, sive tunica obijcitur, primum vacua, & successivè impletur, quæ de ovo verificari nequeunt, cum hoc primum in utero deberet inspicere, & non vacuum, sed plenum, nequè in fieri, sed completum, & foecundum, aut saltè juxta diversam opinionem celeriter foecundandum, in reliquis excepta foecundatione secundum eandem, in ovario formarum.

Alij etià Authores præter Harvæum nunquam ovum in vtero potuerunt invenire, vel in cornibus. Sylvius Ambianus in variorum corporum dissectionibus refert se uteros recens prægnantes inspexisse sinè mentione inventi ovi; ità testatur Diemerbroeckius, qui ulte-

rius addit à nemine notatum fuisse, quod frequentissimè deberet observari, quia quotidie in suppositione moderna in uterum, vel cornua deberent ova descendere, & ibi esse conspicua; dissecai & ego sæpissimè quàm plurimos uteros, & cornua tam post coitum, quàm alio tempore, & nunquàm vidi aliquod ovum aut foecundum, aut fatuum, sive vesiculas in eisdem locis existentes antecedentèr ad omnem aliud fabricæ principium.

Maximum robur recipit prædicta assertio ex insigni mutatione, quæ observatur in utero tempore conceptionis; hic enim in muliere gravida in dies, prout foetus increverit, crassior, & carnosior fit. Muliebris uteri substantiam in prægnante cùm graphicè descripserim Arantius de humano foetu, non debeo eandem missam facere ad meum institutum inferendum, est, inquit, *enim fungosa, spongiæque maximè similis, non tamèn simplex, sed in multos cortices, fungorum quorumdam modo, qui in arboribus nascuntur, facile divisibilis, & foras in omnibus spongiarum, vel pumicis more pervia.* De vasis ità loquitur prædictus Author: *Harum venarum amplitudo in gravidis profectò admirabilis est, nam perfectò puero, emulgentium & dimidia ferè eam magnitudinem æquant.* Obser-

vatur tandèm naturam fuiffè follicitam de
productione carneæ fubftantiæ, fivè placen-
tæ in utero, quæ, quoufquè foetus ad maturi-
tatem pervenerit, non alitèr augetur, quàm
vafa, quæ per ipfam difperguntur, hæc omnia
in foetus commodum producuntur in utero,
qui ubi perficitur, & completur, primùm etiàm
produci verifimile erit, nimirum fi in utero
ovum, ut ajunt, conceptionis augetur, nutri-
tur, & perficitur, ex eadem materia in utero
formari poterit, cùm fit ejufdem virtutis præ-
bere materiam nutritiam, & conformatricem;
dare effe, & quæ confequuntur effe; tantus
enim eft nexus, tantaquè rerum communio
inter fe, ut quod confequentis caufa dicitur,
idem & antecedentis effe cenfeatur.

Et licèt in omnibus viviparis non fit æqualis
apparatus, & uniformis immutatio, attamèn
in omnibus eft talis, & fufficiens ad perfua-
dendum in utero ovum non folùm compleri,
& augeri, fed etiàm inchoari, quemadmodum
& ex fupradictis abundè conftat.

Tres veficulæ poft conceptionem intrâ
amnion ab omnibus ferè antiquis, & mo-
dernis obfervatæ doctõribus, ut legere eft
apud Deufingium in Genefi Microcofmi, Bo-
naciolum, Platerum in phyf. quæft. & com.

munitèr apud alios rem anatomicam tractantes, conspicuæ, magnæ, membranulis obvolu-
tæ, necnon aqua limpidissima plenæ suspen-
ctam ovi ad uterum delationem reddunt, quo-
niàm in ovo præsupposito nullum earundem
apparet vestigium, nulla in eodem membra-
na, quæ easdem distinguat, & indigitet; rur-
sus quælibet ex prædictis vesiculis æquat ovum
in suppositis ovarijs existentem, immò supe-
rat; undè, cùm sit impossibile prædictas vesicu-
las in illo contineri, vel ab illo excitari, non
potest non inferri ex hac observatione ovum
in viviparis non ab ovario derivare, sed in
utero fieri juxtà Aristotelem, Harvæum, & alios;
& fabricam foetus in hoc perfici per successi-
vam metamorphosin, non per explicationem
partium, quas adversarij in ovo anteceden-
tèr ad motum in uterum admittunt.

Accedunt observationes Hippocraticæ spe-
ctantes dispositiones uteri exaratae in Aphorif-
mis: *Quaecunq; ait priscus Medicinæ Legislator,*
frigidos, & spissos uteros habent, non cōcipiunt. Et
quaecunq; præhumidos uteros habent, &c. Et quæ-
cunq; siccos magis, & adurentes; nā ex defectu ali-
menti corrumpitur semen; quaecunq; verò ex utrisq;
mediocrem habent temperaturam, ea fecunda sunt.
Probant istæ observationes, recedendo etiàm
à com-

communi interpretatione innixa diversis
 principijs, uterum, qui vulgaritèr hortus ge-
 nerationis dicitur, ovum non recipere, quia
 in suppositione quod sit malè constitutus, non
 amplecteretur ovum, nec eidem complemen-
 tum impartiretur; sed ovum vel remaneret
 in utero sinè effectu, quod non est dicendum,
 vel sensibilitèr excluderetur ab utero, & hoc
 nunquàm est observatum, iminò esset, in sup-
 posito moderno post coitum, ovum fœcundū,
 quod ponderatum, & examinatum documen-
 tum secundum alia principia *gravissimam cen-
 suram requireret*; extendi potest proposita do-
 ctrina ad uterum nimis pinguem, qui similiter
 fœcunditatem adimit, non quod in hoc statu
 impediatur ovi fœcundi delapsus in uterum,
 sed quia in eodem non posset perfici, conse-
 quenter ovum expelleretur, aut spontè ab ute-
 ro prodiret, & ob hanc, vel aliam similem cau-
 sam quotidie observarentur ova excreta, &
 etiàm fœcunda ob pravam uteri diathesin,
 quod non evenit, nec evenisse referunt Scri-
 tores. Quandò verò os uteri concorpora-
 tum, ut loquitur Aristoteles, agglutinatum,
 ut membrana coopertum, aut aliquo tumore
 affectum esset, non impediretur conceptio,
 quia semen ad uterum non pervenit, intrat in

sanguinem alia via , ad ova fertur , & foecundat ; hæc per tubam in uterum transirent , ce-
 utero autem foras non possent ob impedimen-
 tum organicum expelli, remanerent in utero
 sine spe exclusionis, licet maturarentur; quam
 obrem non solum , ut ajunt ex intemperie
 sed ex mala conformatione ova concutiuntur
 & conquassantur , & quæcunque de uteri oscu-
 lo, sive de Atretis, & intemperie dicta sunt, de
 ejusdem appendicibus, seu tubis verificantur,
 quæ sæpissimè læduntur, vel quia sint imperr-
 viæ, vel quia nimis arctæ, vel nimis brevess
 aut longæ, quibus præsentibus impedimentis
 ovum foecundū, aut frequentem redderet com-
 ceptionem instar Mussipontanæ (de qua tamè
 suspicantur graviores Doctores) aut in ova-
 rio frequentissimè observarentur rudimenta
 generationis, quæ omnia narrent alij, & cre-
 dant, ego certè eisdem hætenus assentiri non
 possum , & dubitare cogor .

Antequàm finem imponam huic sceptico
 opusculo , observationes Lietaudi , Ruy schij ,
 Graaf , & potissimùm quandò testatur , se
 ovum vidisse in tubis , Domini à Sancto Mau-
 ritio , &c. breviter percurrere oportet . Ex
 hisce habetur observatas fuisse cicatrices in
 involucris ovarij, sedes ovorum respondentes

numero foetuum in multiparis, conceptionem testicularem, ova ipsa, ut dictum est, intrà tubas, prout videre est apud prædictos Authores in suis tractatibus, & in Zodiaco Medico-Gallico, quæ ovorum hypothese finè dubitatione demonstrare videntur; quid enim aliud requiritur, ut animus sit certus de eadem?

Cæterum mihi concedatur venia, si candide loquar; nunquam audebo negare tot viro-
rum magni nominis attestations, & depositiones, quot passim leguntur, nunquam inter monita sublestæ fidei easdem reponam, afferre tamèn mihi liceat, & proprias observationes, & id, quod alij Anatomici ovorum pariter defensores scripserunt; in fele quatuor foetuum plena minoris magnitudinis avellana, nullam vidi sedem ovi enixi, nullam cicatricem, & tubam maximè angustam, sed sectis testiculis ob aquæ efluxum vesicularum cavitatem inspexi, quam, ut prò nidulo ovi accipiat, præconcepta opinio imponere potest; Graaf de foramine ovarij verba faciens, immediate antè, & post ovi expulsionem tantum apparere dixit, & alio tempore frustrà quæri; si remaneret cicatrix, aut plures, ut in multiparis, cum nunquam deleantur in parte membranosa, inquisitio non esset frustranea, & ipse
Graaf

Graaf rem magni momenti nō omisisset; pro veritate istos characteres omni diligentia adhibita, & oculis armatis, & in aprico in variis animalium speciebus factis observationibus nunquā potui detegere, & alij conveniunt asserentes hanc esse unam ex difficultatibus quibus Moderni torquentur.

Nequē plurimū favet adversarijs conceptio testicularis; hęc enī multis nāvis scatet. Primus est, quā non probat ex vesicula tamquā ovo suppositum foetum ortum esse, nec ex alio corpore, ut ovo antecedentē ibi locato, ut in ovario; secundō quis certum reddat observatorem foetum inventum in ilio sinistro conceptum fuisse in ovario? testis læsi poterat eodem tempore conjungi cum phasmate relato, adeoque, cum non implicent hæc simul fieri, non benē deducitur, conceptionem intrā testiculum factam fuisse; demū nolo intereā prædictam conceptionem ita castigare, ut quondā Guido Patin, & alij plures in judicijs varijs collectis à Laurentio Straußio Mussipontanam, & Gunther, alijquē rarissimam Philippi Salmuth historiam, nē dicam jocolum commentum de conceptione per os facta, & infante indē excluso; à simili enī præcipitantia me abstinco, nequē
defi-

finire volo sarcoma aliquod figuratum fuisse
 loco veri foetus, quamvis defectus amnii,
 chorij, funiculi, placentæ, &c. suspicionem
 ducant, nè dixerim certitudinem, cum sine
 placenta non possit foetus formari, nec un-
 quam in teste hæc appareat, & videatur, ex-
 cepto Stenone, qui in mulabus sterilibus (im-
 possibile dictu) ova scripsit placentæ primordiis
 vestiri; sed tantum moneo similes raritates,
 mereantur assensum, non primo intuitu ju-
 candas esse, quod perpetuò in Anatomicis
 observandum rogo, nè ludicræ narrationes
 in rebus serijs, & magni momenti compa-
 rentur; eadem de causa sæpius recolendum
 se putavi documentum Senecæ de Ira, asse-
 ntis falsitatē interdum veritatis nomine ob-
 pere, & plerumq; homines specie recti deci-
 pi; *Causa autem iracundia, scribit Seneca, opinio
 iniuria est, cui non facile credendum est; nec aper-
 tis quidem, manifestisq; statim accedendum; qua-
 rum enim falsa veri speciem ferunt. Dandum sem-
 per est tempus, veritatem dies aperit.* Ideoq; du-
 tavi de existentia ovorum in viviparis, dubi-
 rem etiã de natura ovi illorum animalium,
 ut evidenter ova ponunt, an scilicet conti-
 neant animalcula omnibus suis numeris ab-
 oluta, ut de ovo ranæ monet Syvammerda-
 mius

mius, & epigenesin minùs admitterem in generatione, quàm metamorphosin; exciperem tamèn nonnulla insecta, ob observationes factas in ovis bombycis, quæ probabiliter ostendunt epigenesin, quàm metamorphosin; ex quo intra corticem hyemali tempore depræhenderim vermem ferè completum, & hanc doctrinam ad omnia insecta non extendo, quia ex una, eademquè erucarum specie distincta animalcula proveniunt. In viviparis oviformis conceptus in utero, vel cornibus fit per metamorphosin, & non tam brevi tempore à conceptione, ut notat priscus Author de Carnibus in genitura supposita septidierum, quem objurgat Riolanus in Animæ versionibus in Anatomica Laurentij; & magis jure, quia repetitæ observationes in genituris etiàm unius mensis factæ, demonstrarunt nullam membrorum discretionem adesse, ita fertur sit Riolanus loco citato, Deusingius de Generatione foetus in utero, & alij.

Ultima consideratio, quæ speciem aliquam prò Modernis habet, est ovum repertum, ut ajunt in tubis, vel cornibus, &c. ex qua suam sententiam determinare volunt; verum prò hac enodanda referam me vidisse sæpissimè, & ferè semper in diversis animalium speciebus,

us, & etiã in foemina humana vesiculas non
 solum in tubis, sed in utero intus, & foris, &
 anno præterito 1694. in muliere mortua in
 Josocomio Vitæ observavi proximè ad orifi-
 cium tubarum unam vesiculam, quæ ex omni
 parte ovum mentiebatur, alijs vicibus penès
 latera testiculorum similes vesiculas vidi, &
 vera non erant ova supposita, sed vesiculæ
 ydatideæ ex omni latere cùm partibus vici-
 nis colligatæ, & ejusdem naturæ, ac sint aliæ
 vesiculæ, quæ frequentissimè apparent in hac
 regione, hinc fortassè ortæ sunt multæ æqui-
 vocaciones Scriptorum existimantiũ se vidisse
 ova, quæ verè non sunt, etiamsi imponere
 possint, ut prò ovis reputentur; credidi tamèn,
 ex quo viderim in prædictis partibus ferè sem-
 per vesiculas, posse rationabiliter quæri, an
 sint semper in statu præter naturam, an inter-
 ùm secundùm naturam; quod opus diligen-
 tiores præstare poterunt; addo, non solum
 esse locum dubitandi, an sit ovum corpus in
 tubis, vel cornibus ferè semper observatum,
 sed amplius ab adversarijs probandum esse
 præcisè esse in tubas, vel cornua delatum ex
 varijs, & non ibi genitum, & productum,
 prò futuræ generationis commodo; Har-
 æus prædicta corpuscula vidit, & descripsit:

In Lepore & Cuniculo multi globuli (quemadmodum in Serpentibus ova) tanquam armillæ pluribus succini globulis filo unitis conspiciuntur, sed ibi genita esse sensit, & experimen-
tibus hoc confirmavit.

Hæc sunt dubia promissa, & cogitata in-
gravissima, quam plurimi, ut evidentem pro-
posuerunt, obliti majorem partem hominum
opinionem magis, quam argumentis judicare
& multorum opera esse instar picturæ Geo-
graphicae, & Prospectus, quæ licet admira-
dos situs, & terras repræsentent, admota
mè manu nihil continent.

Hæc monuisse volui, nè meus scepticus pro-
cedendi modus reiiciatur; expedit enim co-
bicare etià de suis, ideoquè Sosigenis me-
tio fit à Plinio, & istius exemplum affertur
imitationem; *Sosigenes*, ait Plinius, *ipse tri-*
commentationibus quanquam diligentior esset co-
teris, non cessavit tamèn addubitare, ipse sem-
corrigendo. Quem locum animadvertit Vo-
sius, ut utilitatem dubitandi insinuarer,
Marcus Tullius hoc idem præcepit, quando
testatus est; *Nihil esse tam temerarium, tamque*
indignum sapientis gravitate, atquè constantia
quam aut falsum sentire, aut quod non satis ex-
ploratè perceptum sit, & cognitum sinè ulla dubi-
tatione defendere.

Omnes illi, qui de ovis viviparorum scri-
 serunt, & candidè cogitata sua expresse-
 runt, & quidè graves, cognoverunt,
 & confessi sunt, ut patet ex allato progressu;
 mihi similiter alias in medium afferre licuit,
 cum natura sit omnibus obscura, & cognitio
 turba, errorquè homini semper adhæreat, sicut
 futuris incertus exitus juxtà Cardanum, &
 quot hypotheses prò certis habebantur sæcu-
 lo elapso, quæ præsentì ità sublatae sunt, ut
 audor sit illas recoquere? credunt nè propte-
 reà Moderni omnes præsentis sæculi opinio-
 nes nullam vicissitudinem esse habituras? na-
 tura nondum est occupata & adhuc est verum,
 quod scripsit Aristoteles, *Balbutienti assimila-*
um fuisse primam Philosophiam de omnibus, tan-
quam in principijs novam existentem. Et quem-
 admodum, ait idem Philosophus, *vespertilio-*
is oculi ad lumen diei se habent, ità & intellectus
prima nostræ ad ea, quæ manifestissima omnium
sunt; immò meæ difficultates contrariam opi-
 nionem illustrabunt, & quæcunque interce-
 et inæqualitas inter ovorum fautores, & me,
 nullius erit ipsis præjudicij, quoniam velut
 murca se habebit, sinè qua præstantissimi li-
 quores conservari non possunt, tantum abest,
 inquit Naudæus, ut propter illam viliori pretio
 di-

distrahantur. Promovebunt demùm studium
 Anatomicum, quo nihil jucundius, nihil
 solvenda naturę phœnomena utilius, quoniã
 multę observationes erunt repetendę; hoc
 quę potissimùm in animo habui, etiamsi con-
 trarium me sentire dixerint nonnulli desultorij
 homines, non mente, sed auribus determi-
 nantes, occasione Dissertationum Epistolarum
 de Recentiorum Medicorum studio
 quas ablato sipario à me editas fuisse fateor
 & quas cùm multi non intellexerint, vél aliis
 abducere secundis votis voluerint, mirum
 est, si in odium Anatomes conscriptas effe-
 protulerint; cognoscent autem ex hoc tracta-
 tulo exasciato, & alijs, qui brevi sortientur pu-
 blicam lucem, vim suę illationis, & meum cari-
 dorem; alias censuras consultò prætereo, quod
 vereor cùm Aulo Gellio de viris doctis judica-
 re, nè quorum opinionem improbo, illos ve-
 deat improbasse. Mihi intereà duo sufficiant
 primum non omnibus unum esse, quod pla-
 ceat, & in naturis hominum varias esse dis-
 similitudines, ut alios dulcia, alios amara de-
 lectent; secundum est, methodum Apellis
 & Polycleti, qui suas olim imagines celte-
 maleumquę manibus tenentes exculpebant
 me semper esse secutum, ideoquę spongia in

manu hæc lectori offero , animo delendi
 quæcunquè litura egent . Partem scepticam
 elegi , quia de rebus abditis , quæ arcana vi-
 agunt , & operantur , ratiocinari , est potius
 imaginari , quàm scire , nos , ex Cicerone do-
 et Servius , ita *Philosophi sumus , ut cum fabris*
habitare possimus ; verè humanum scire est pul-
chrè imaginari , isquè verius philosophatur , qui
ulchrius imaginatur ; tædio investigandæ ve-
 ritatis aliorum opinioni succumbere , quis un-
 quàm laudabit ? optima itaquè methodus erit ,
 in explorando pertinaci diligentia persevera-
 re , & in magnis quæstionibus tutò dubitare ,
 quo genere & cautè indocti , & docti glorio-
 se semper poterunt naturam perscrutari .

Est nè quisquam tanto inflatus errore , ut sibi
se illa scire persuaserit ? Tullius .

F I N I S .

1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

1870 1871 1872 1873 1874 1875 1876 1877 1878 1879 1880 1881 1882 1883 1884 1885 1886 1887 1888 1889 1890 1891 1892 1893 1894 1895 1896 1897 1898 1899 1900

1870 1871 1872 1873 1874 1875 1876 1877 1878 1879 1880 1881 1882 1883 1884 1885 1886 1887 1888 1889 1890 1891 1892 1893 1894 1895 1896 1897 1898 1899 1900

1870 1871 1872 1873 1874 1875 1876 1877 1878 1879 1880 1881 1882 1883 1884 1885 1886 1887 1888 1889 1890 1891 1892 1893 1894 1895 1896 1897 1898 1899 1900

IOANNIS HIERONYMI

SBARAGLI

BONONIENSIS

DE VIVIPARA

GENERATIONE

ALTERA SCEPSIS,

Jovis argumentis, & observationibus
confirmata, & propugnata.

PRIMA EDITIO

Iconibus exornata.

*Numquid non in utero fecit me, qui & illum ope-
ratus est & formavit me in vulva
unus? Iob cap. 31.*

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

1142732-001 001

DE GENERATIONE

VIVIPARA

ALTERA SCEPSIS.

Res ardua semper fuit, quemadmodum Plinius Vespasianum monebat, *dare obscuris lucem, dubijs fidem, omnibus verò naturam, & naturæ suæ omnia*, ut alijs vicibus scripsimus.

In Anatomicis hæc veritas maximè elucet, tiam si in his experimenta conclusiones præstant, cum & hæc, nisi repetantur, & diversis temporibus fiant, ac præ illatione diligenter considerentur, obscuritates non remoueant; deòq; Franciscus de le Boe Sylvius in addimento disputationis sextæ prudentèr, & vti-
tèr docuit experimenta sæpius esse iteranda, cum omni tempore æqualitèr ab eisdem non instruamur. *Hæc (inquit) lubentiùs annotamus, è quis existimet eundem successum semper expectandum institutis (modo licèt simili) experimentis; cum non rarò impedita reperiantur, diversimodè saltèm affecta in varijs subiectis vasa; quorundam circa sæpius facienda sunt sectiones, sæpius iteranda eadem experimenta, priusquàm in re inter*

*Anatomicos controversa aliquid certi queat detee-
minari, quod, dum negligunt aliqui ex aliorum illu-
bris, aut proprijs commentis tantum docti, mirum
non est, si, ut temerè, sic grandi licet supercilio
perperam indicent de plerisque, assumentes videlicet
licet prò fundamento certo quidquid Authorum
dissentientium aliquis statuit, vel urget palam
suo, & placito magis fauens, quamvis, an res ita
se habeat, planè ignorent.*

Hac de causa Opusculum de Generatione
Vivipara à nobis in sæculi elapsi fine editum
& pendenti titulo inscriptum, alijs sectionibus
& observationibus examinare decrevimus ac
explorandam naturam, & veritatem, animo
deliberato ab his, quæ prius scripseramus re-
cedendi, si recantationem posteriores isti con-
natus, novaquè hæc tentamina indicavissent:
illorum more, qui licet publicæ luci sua cogi-
tata in aliqua controversia commiserint, in
contrariam à veritate coacti iverunt senten-
tiam.

Inter nuperrimos Recentiores Plempius
proponitur, qui sanguinis circuitum mordicus
impugnavit, & postea eundem constantè su-
stinuit, inani philautiæ literarium candorem
anteponens; *Primum* (ait) *mihi inventum hoc
non placuit, quod & voce, & scripto publicè te-
status*

status sum; sed dùm postea ei refutando, & explodendo vehementius incumbo, refutor ipse & explodor, adeò sunt rationes ejus non persuadentes, sed cogentes.

Et in præsentì argumento de ovarijs, & ovis in Viviparis occurrit Isbrandus de Diemberoeck, qui in primâ suæ Anatomix impressione ova, & ovaria viviparorum de medio sustulit, ut legere est libro primo ejusdem cap. 23. In secunda eorundem existentiam indubitanter, & accerrimè defendit lib. 1. cap. 24. Sed quid opus est referre istos Authores, quandò D. Augustinus instar omniù Doctorum prædictam methodum in pretioso suo Retractionum libro nos docuit? in cujus Prologo estatur Opuscula sua velle cum quadam severitate recensere, &, quod offendit, velut censorio stylo denotare; *nequè (ait) quisquam nisi imprudens, ideò, quia errata mea reprehendo, me reprehendere audebit, & inferius in eodem Prologo ita approbat à se ipso disensum, si error postulaverit, ut hac via concludat plures, & meliores fieri magistros; magistros autem plures, sunt Augustini verba, tunc fieri existimo, cum diversa, atquè inter se adversa sentiunt.*

Nos interea arbitrabamur post novam editionem anatomicam Diemberoeckij, & quod

magis urget , post experimentum Antoni Nuck relatum in Adenographia curiosa , & Vterifœminei Anatome nova cap.7. labores novos, novasquè sectiones ex prævijs istorum Virorum cognitionibus debere nos instruere non ad Scepsin, sed ad demonstrationem ovarij, & ovi in viviparis; adhibita autèm omnium diligentia Scepsin confirmavimus, ac omnem deficere demonstrationem cognovimus.

Et quoniàm ordine , & dispositione nihil pulchrius (ut scribit Cicero) cùm sit eadem cujuslibet tractatus anima, primò nonnullas observationes afferemus, deindè varia argumenta, & tertio respondebimus Diamerbroeckio, & Nuckio, & hac methodo nostræ Scepsis vires iterùm stabiles apparebunt.

Inter observationes, quas primò loco proponimus, hæc nō videtur omittenda, & quam Alexandro Pascoli in Vniversitate Perusina egregio Professori communicavimus, ut constat ex nostra Epistola ad eum transmissa, & humanitèr ab eodem relata in sua purgata & compta corporis humani italica Historia.

Mulier rustica anno 1697. 29. Maij ex casu à moro in colligendis folijs nutritiis bombycinità gravitèr læsa fuit, ut non multò post obierit; hæc eadem erat recens gravida, ideòq; ad

explorandam modernam hypothefin cadaver
 à nobis apertum fuit; in hac fectione observa-
 vimus testes, feù (ut aiunt moderni Anatomici)
 ambo ovaria, quæ erant in ftatu præter natu-
 ram dura, & fcirrhofa, microfcopio indagata
 iftorum superficies non demonftravit aliquam
 cicatricem, vel foveolam ovum egreffum in-
 dicantem; ad meliorem confequendam noti-
 tiam eorundem penetralia infpeximus, & vi-
 dimus in dextro ovario unam tantum veficu-
 lam magnam humoris flavi plenam, circa quã
 aderant maculæ flavæ ovula pifcium repræfen-
 tantes; in finiftro paritèr una tantum erat vefi-
 cula ad superficiem extrinfecè locata folitè ma-
 gnitudinis, fed coloris albi; fibræ carneæ, ex
 quibus testes hujusmodi plurimum cõftituun-
 tur, erant tartarizatae, & tantoperè involutæ,
 ut nullus ordo determinari potuerit, minus
 fupponi in prædicto ftatu earundem motus;
 undè duo ex hac obfervatione constant, im-
 potentia moventis, & defectus mobilis, etiam-
 fi mulier efferet plena, quæ arguunt ovum ex
 ovario per tubas ad uterum non transmitti.
 Eadem occasione exploravimus humorem in
 utraqùè veficula contentum, & qui ftagnabat
 in dextra cyfti nunquàm concrevit ad ignem,
 fecus verò, qui in finiftra, hic enim intar
 al-

albuminis ovi, aut feri concrefcibilis sanguinis coagulatus eft, & quandò veficulæ funt in ftatu naturali fempèr continent fimilis conditionis materiam, quemadmodum multis, & multis vicibus experti fumus.

In tubis nihil præternaturale vidimus, magnitudo erat confueta, ut & latitudo major in fine, quam penès uterum; in hoc erat foetus exiguus, vix attingens tertiam partem digiti auricularis, completus tamèn, & diftinctus in omnibus fuis particulis, ita ut vel fexus mafculinus optimè diftingueretur, fitus etiàm ejufdem foetus erat naturalis, ficùt & humor, in quo natabat, limpidiffimus erat.

Ex his conftat fola, ut ajunt, ovaria fuiſſe morbo, & quidèm diuturno correpta, confequentèr poſſumus deducere non fuiſſe probabile ovum, & proindè foetum fanum ex infirma origine, & conformatione omninò præternaturali derivaviſſe.

Scimus Adverſarios opponere poſſe ftatum morboſum utriusquè ovarij excitatum ſolummodò fuiſſe poſt graviditatem, aut ſufficiens unicum ovum fuiſſe prò prædicta generatione; ſed unà ſcimus morbum fuiſſe diuturnū, proinde eſſe veriſimile prægnantem ftatum morboſam conſtitutionem præceſſiſſe finè probabili ſuppoſi-

positione alicujus ovi sani, dicimus ulterius Adversarios finè fundamento opponere, & nisi suam hypothesein aliundè, & certò probaverint, facile petent principium.

Præcitatum Pascoli nostra hæc observatio habuit fautorem, sequentibusq; verbis ab eodem approbata est: *Si compiacque ultimamente parteciparmene alcune di sommo nerbo in una lettera inviata mi di Bologna, ed eccone fedelmente a copia.*

Multæ aliæ observationes, licèt dissimiles ob graviditatem, in ovarijs factæ nostrâ sententiam probabilem reddunt; etenim maxima pars foeminarum, quæ cultro anatomico ubijciuntur, ostendit ovaria malè affecta, & tã mulieres frequentissimè essent steriles, si quæ proponuntur à Modernis, veritati essent conformia; modò enim habent vesiculas humoris morborum plenas; modò serositas una cysti continetur formante integrum ovarium, & hoc sæpissimè nobis contigit videre; modò observavimus adnatam ovario sinistro excrescentiam follicularem plenam materiæ sanguineæ, & intus mirabili vasorum structura prælitam; modò finè alicujus vesiculæ vestigio eadem ovaria nobis apparuerunt. Rhodius in Observationibus, Riolanus in Anthropographia,

phia, Vesalius tam in fabrica corporis humani, quàm in Epistola ad Ioachimum Roelants testantur statum morbosum predictarum partium; accedit Marchetus in sua Anatomia, qui narrat, *se vidisse in femina testem in dextro latere ad magnitudinem ovi gallinacei serositate plenum, & dum mulier viveret, se esse gravidam aiebat: In altera muliere (legitur apud eundem) testes cum ligamentis, & tubis ita implicatos, ut veluti sine distinctione una massa carnea videretur; connatos testes cum tubis Falloppius ipse describit; Ioannes Bauhinus apud Schenchium lib. 4. Observationum pilos, seuum, pus in eisdem partibus detexit, hydropis meminerunt alij apud eundem Schenchium lib. 3. præcipue autem observandus Io. Heintzius, qui affirmat mulieres sæpè habere has partes morbosas; quodq; etiam mulieres (sunt verba eiusdem) frequentèr testium morbis affici soleant, cum non raro de tumoribus, & molestijs internis super inguina conqueri soleant; ly frequentèr nostram opinionem confirmat; & omnes Anatomici snum calculum addunt, adhærent Practici, inter quos Dolæus, & melius Author sacrae Eleusiniæ scripsisset, si non dixisset, *Contentus humor aqueus, serosus, interdum diutina mora corrumpitur, alienum acquirit colorem, &c.* ex his*

igitur probabile erit, immò plusquàm probabile partes hodiernis diebus nuncupatas ovaria, non esse ovaria, secùs mulieres majori ex parte essent steriles, & infœcundæ, eamdem considerationem extendere possumus ad tubas, quæ, cùm semper non habeant proportionatam longitudinem, prout in diversis mulieribus vidimus, nostram Sceptin plurimum poterunt illustrare.

Ponderavimus prætereà colligationē ovarij cùm ligamento, quæ tantam inducit difficultatem, ut moderna hypothesis obscura semper magis reddatur, ratio nostra est hæc, quia quando tuba supponitur ovum recipere, multum debet supponi approximatio, & adhæsiō tubæ ad ovarium, donèc ovum fuerit exclusum; hoc opus, ut absolvatur, requirit tempus, ovum enim ab ovario paulatim secedit, ut videtur à gallina, non ictu oculi, proindè tuba adhærere debet ovario, ut ab hoc in illam ovum commodè transeat; hæc commoditas postulat, ut tuba vi appræhensum ovarium retineat, usquequò completus fuerit transitus vi in tubam, secus ovum decideret in cavitatem abdominis.

Sì in hypothesi ovi hoc est necessarium prò obtinenda generatione, & delatione ovi in
ute.

uterum, erit simul necessarium concludere modernam hypothefin esse scepticam, ratio est, quia tuba non potest retinere ovarium idemq; vi apprehendere, ut in nova suppositione requiritur, cum tantum lateraliter tangere possit (si tamen hoc etiam verum sit) non amplecti, impediante colligatione ovarij cum ligamento vespertilionum alis assimilato; roboratur ex tubarum fimbrijs hæc conjectura, istæ sunt inæquales, pannis attritis, & laceris, ut loquitur Falloppius, similes, unde nequeunt ob inæqualitatem longitudinis, & brevitatis accommodari, & adhærere; urget pariter lævitas membranarum testis, quæ non permittit necessariam adhæSIONem, & ovarium tubæ arctissime insidere, vel hanc instar manus illud arripere. In ovibus connexionem ovarij cum ligamento quæsimus, & fundamentum mox allatum confirmavimus de difficili adhæSIONe tubæ, quoniam tanta est connexio prædicta, ut recondantur testes intra ligamentum, seu & melius investiantur à ligamento, & non tantum à propria membrana, quod instar capsulæ eosdē cingit; in prægnantibus verò capsula prædicta est aliquantulum aperta, continet nihilominus testem.

Ex eadem connexionione ovarij, ut & tubarum
cùm

cùm ligamento, & situ earundem partiũ aliã animadversionem deduximus tubas nimirum, & testes semper moveri ad motum ligamenti naturæ muscularis, undè Vesalius, & Archangelus inter musculos idem reposuerunt, & hoc ipsum Bartholinus non ausus est negare, quidquid in cõtrarium senserit Graaf. Quando itaq; partes istæ moventur ad motum ligamenti, non poterit constare tubas in motu accedere ad testem, sed potius erit dicendum easdem sequi motum ligamenti, adeoque in istius contractione servare proportionabilem motum, ac habent in relaxatione, undè æqualis erit distantia in contractione, & relaxatione.

Non desunt, qui proprium motum tubis, & testibus attribuunt, nobis autem motus proprius videtur superfluous præcipuè, quando ligamentum contrahitur, quia tunc proprius motus redderetur inutilis ab alieno, & maxime ob terminos oppositos, quos prædicti motus respicerent, undè quo tempore ligamentum contrahitur, & ratione istius contractionis, & ratione improbabilis motus tubarum, tubæ non poterunt accedere ad testem, nec testis ad tubas; in relaxatione ligamenti, si admitteremus motum peristalticum in tuba, adhuc non vincitur difficultas, tùm quia est
du-

dubium , an talis motus possit fursùm ovum
movere in fine tubæ , tùm quia non explicatu
necessaria adhæsiō , de qua suprà.

Prædicta doctrina roboratur ex termino a
quem actionis , seu contractionis ligamenti
qui non est ad fundum vteri , sed ad partem
cui uterus alligatur , nempe ad peritonæum in
regione ossium ilij , quo pacto detinetur uter
rus in suo situ , & sede , nè procidat .

Inferamus ex his nec motum ligamenti per
suadere approximationem , & adhæsiōem
tubæ ad testem , seu ovarium , nec motum
propriū peristalticum tubæ tollere propo
tas difficultates ; quare approximatō , & ad
hæsiō tubæ ad ovarium erit potiùs imaginaria
quàm realis , & probata , & ejusdem censu
erunt contorsiones , inflexiones , & obliquita
tes Ruyschij , & aliorum præcipuè tempore cō
ceptionis , & generationis , quo & ligament
tum plurimū contrahitur .

Et cum nostræ sententiæ cardo sit autopsiæ
& historia anatomica partium muliebrium
generationi famulantium , idcirco data oppor
tuna occasione hoc anno præsentī , iterū acci
pionem nos invitavit veritatis amor , & de
nuò in foemina annorum 20. circitè ex febre
acuta extincta exploravimus , ligamentum
testes ,

testes, & tubas, & confirmavimus naturam
 valdè diversam esse ab anatomica ichnogra-
 phia, cognovimusq; studium librorum artifi-
 cialium valdè distare à studio libri naturalis;
 omnes istæ partes erant sanæ, ligamentum ute-
 ri fundo annexum usquè ad peritonæum pro-
 tendebatur; ab eodem fundo tuba oriebatur,
 quæ progrediens suprâ testem, eundem ferè
 integrum tegens velut pannus, connexa li-
 gamento, & ulterius procedens terminare vi-
 ta est testem versùs spatio duorum digitorum
 transversalium pendula, & distans unâ cum li-
 gamenti portione; testis instâr castaneæ nō co-
 nectebatur nisi in parte plana, seù parumpèr
 crassa cum ligamento, in parte rotunda est li-
 ber, & nulli corpori continuatur, hæc obser-
 vavimus, & fidelitèr scripsimus, ac delinean-
 da curavimus, ut omnes ex vera inspectione
 vim illationis cognoscant; prædictarum par-
 tium situs, in quo benè percipiendo laboran-
 dum est, nostram Seepsin non parùm tuetur,
 quoniàm ex eodem deducitur ligamentū con-
 tractum elevare simul testes, & tubam, undè
 in proportionabili situ remanent, ut dictū est,
 quia æqualitèr movet utrumq; corpus conne-
 ctum, situs tubæ procedentis ex fundo uteri, &
 quæ ultrâ testem percurrit, ut in figuris nostris

videre est, ac suprà testem notabiliter elongatur, maximè confirmat nostram dubitandi methodum, quia si tuba, ut dicunt, & supponunt omnes, qui contrariam tuentur sententiam, debet ex testibus, seu ovarijs ovum recipere, quare non terminat parallela ad ovarium, vel saltèm ità ut hoc amplecti possit, cùm tantoperè extenditur suprà idem? longitudo descripta, & delineata in nostris figuris tanta est, ut si debet ovum recipere ex ovarijs, vel ovaria debent accedere ad tubā, vel hæc ad ovarium, vel utrumq; corpus ad se invicem accedere; ovarium ascendere nunquàm concipi potest ob connexionem allatam, probabilius esset tubam moveri ad ovarium, sed difficultas proposita de cōtractione ligamenti obstat, quæ non permittit similem accessum, quem & tubæ fibræ dissuadent.

Sed supponamus tubā contrahi, torqueri, flecti, ac testem amplecti, & detinere, hoc enim modo testis erit firmus ex una parte ob suam connexionem cum ligamento, antè ob tubam transeuntem, postè ob eandem tubam contortam, & testem tangentem; hìc sanè modus, cui autopsia occasionem dedit, & de quo Authores nihil hucusq; cogitarunt, præter difficultates allatas hac alia premitur,

& est

& est talem motum tollere transitum ovi ex parte antica ovarij, ad cujus superficiem ovula æqualitèr apparent, ac in parte postica, & si dicatur posse eandem tubam ad partem etiã anteriorem ejusdem ovarij contorqueri, & inter ligamentum, & ovarium ferri ad ovum recipiendum, nos respondemus hoc quidèr posse dici, sed non posse rectè dici, quia dùm acet mulier, tuba ipsa impediret insinuationem proboscidis inter ovarium, & ligamentum, & in hoc statu nunquàm transiret ovum in tubam, ovarium rursus non detineretur prò necessaria adhæsione tubæ ad idem ovarium; quocircà ex omni latere sunt spinæ.

Postquàm vidimus tantam tubarum longitudinem, istarumq; fibras indagavimus, alijs motivis nostram Scepfin decrevimus, inter quæ hoc reponimus, & est nunquàm esse probabile tubam situm illum naturalitèr pertransire debere, ex quo ova possit recipere, cùm itaq; pertranseat, & in notabili distantia, oportet determinare, cùm nihil sit in natura superfluum, tantam longitudinem mysticam esse; & cùm non sit probabile præcisè pertransire, ut rursus deorsum moveatur ad illum situm, in quo poterat terminare, ob enuntiataam superfluitatem sequitur naturæ finem

quarendum esse; hunc autem cum nequè aperiant Moderni, meritò concludimus rem adhuc hanc diem obscurissimam esse. Quod Moderni arcanum naturæ suæ hypothese non detegant, patet ex dictis, cum longitudo inservire nequeat ad testem vi apprehensum à tuba retinendum; ad meliorem captum nostræ difficultatis formetur hoc dilemma, aut tuba testem pertanſiens recurrit præcisè, & tantummodo ut ovum recipiat, & hoc modo est superflua longitudo, aut recurrit, ut ovum recipiat, & firmum testem detineat, & firmet, & ita res non explicatur, nec gravissimæ difficultates propositæ enodantur.

Animum unà convertimus ad fibras tubarum, quæ non sunt tales, ut tubam movere possint ad unam, & alteram ovarij faciendam hoc enim opus requirit diversos fibrarum ordines, qui desiderantur in eodem corpore tubæ præterquam in fimbria.

Eadem fibræ in nova suppositione, dum tubæ post receptum ovum deferunt ovarium relaxari tenentur, cessant enim ab actione seu proprio motu, qui est secundum Modernos ad ovarium prò recipiendo ovo, & ad pristinum statum redeunt, & proboscide sua aperta deorsum spectant, & despiciunt (nisi tunc

temporis claudantur à fimbrijs , quod valdè caliginosum est) dùm hæc contingunt , aut ovum excidet in abdominis cavitatem , aut non transibit in uterum relaxata tuba , aut morabitur in eadem tuba , & ità omnis conceptio erit tubaria ; qui ab hisce semitis recedere volunt , coguntur tubis duos motus proprios assignare , alterum ad uterum prò delatione ovi , alterum ad ovarium prò receptione ovi , nos hujusmodi species non habemus , nec habere possumus , si fibras tubarum consideremus , & anatomicam fabricam istarum partium ponderemus , ex eademq; ratiocinemur ; fautores ovorum in viviparis dignentur istius argumenti vim exquirere , & postea de Scepti , quid sentiant , scribant , & diligentèr considerent , an methodus arguendi ab oviparis ad vivipara finè multis , multisq; limitationibus , & sublimitationibus sit sufficiens .

Audivimus nonnunquàm Professores nostras censuras approbantes , sed reprobantes , defectum positionis , ac si , qui impugnant unam sententiam fidejussores de veritate manifestanda evaderent ; istos Telamones à nostris exercitationibus sempèr exclusimus , censescentes melius esse de aliqua re dubitare , quàm alteri falsò assentiri , præcipuè quandò de ea-

dem sumus maximè incerti , & Sauvry in hoc argumento similiter processit .

Dubitationes , quas proposuimus , id similiter evertunt , quod cogitari posset ex observatione Leevvenoeckij , hic acerrimè negavit vesiculas esse ova , & observavit in uno testiculo *quinque, aut sex maculas sanguineas causatas, quibus aliqua bullula aquosa, & particula quadam glandulosa, maximam in partem sic dicta ovaria confluentes, erant disrupta, &c.* posset hæc observatio fortè parere opinionem tubas esse vasa excretoria testium , & aliquod fermentum uterinum deferre tempore generationis , in vesiculis , ceu glandulis elaboratum ; cæterum observationes , & argumenta quibus impugnantur ova , impugnant fermentum . Nos alia vice dubitavimus, an vesiculæ essent glandulæ , & non fuimus alieni ab opinione ; non credimus tamèn, quod naturaliter debeant disrupti , & idcirco Leevvenoeckij observationem tantum in statu morbofo esse admittendam usq; adhuc suspicamur .

Insuper observavimus tubas in statu tantum præternaturali connecti, & uniri cum suppositis ovarijs ; ab hac observatione excitatur intellectus ad indaginem obscurissimæ rei, & est quare in statu naturali ab hac unione na-

tura se abstinuerit, cujus beneficio ova facili-
tè, & sinè periculo transmitterètur ad uterum,
necesse est .n. tubas conceptionis tempore ad-
hærere ovarijs prò ovorũ receptione, & unio
continua non potest esse nisi morbosa; crescit
difficultas in schola moderna, quæ tantoperè
tribuit analogiæ, etenim si credimus Jacobæo
in ranis tubæ connectuntur cū ovarijs. *Interiùs*
(ait) *ubi infra ovarium tendit in ostium ovale,*
B satis amplum aperitur, fibrasq; mittit, quas re-
nibus, & ovario annectit. Id ipsum tetigimus in
prima Scepsi exemplo torpedinis ex Redio.

Qui huic difficultati respondere desiderant,
debent explicare necessitatem cogentem na-
turam ad tollendam unionem in statu natura-
li, quam non adducunt, quicunq; ovaria, &
oviductus admittunt. Nos sæpè cogitavimus
hoc dubium exponere, & arbitrati sumus na-
turam artificio tubarum disiunctarum ab ova-
rijs patefacere, nec hæc esse ovaria, nec illas
oviductus, cū si essent, ut asseritur, deberent
oviductus cognoscere situm adhaesionis, quod
excedit opus mechanicum tantum, non enim
sufficit oviductum ad testem accedere, sed de-
bet accedere determinatæ parti in tali situ,
modò antè, modò retrò, modò sursùm, mo-
dò deorsùm, modò ad unum latus, modò ad

aliud , & cùm hoc à structura pendere non possit , idcirco natura non coniunxit ovaria cùm tubis , hacq; methodo indicavit in vivis paris testes non esse ovaria , nec tubas oviductus ; qui pulsat cytharam , hoc testatur , cujus digiti unam , vel alteram fidem tangentes , manifestam in pulsante arguunt cognitionem quod à simili non possumus admittere in tubis , & ovarijs ; & eò magis , quia illæ non possunt hæc intrà se recipere , ut apparet ex inæquali magnitudine testis , & tubæ ; & si reciperent , adhuc non conciperetur universaliter motus ovi intrà oviductum prò itinere ad uterum tùm ob partem inferiorem ovarij , tùm ob laterales nimis adhærentes tubis .

Observationes , quas afferunt moderni , & antiqui Anatomici de motu uteri , testium , & tubarum si non omnes , saltem plurimæ sunt certæ , & apparentes ; sed utrùm isti motus sint instituti ad fines à Modernis propositos , & an sufficiant prò necessaria adhæsione . hoc opus , hîc labor est , & intereà nisi nova fundamenta à Modernis adducantur , in partem negantem proni erimus . Inter antiquos Anatomicos Berengarius noster in Mundinũ paritèr nostrum , & in Isagoge nonnulla de hoc motu norat , quæ hoc institutum illustrare , ac

ulte-

ulteriùs excitare poterunt prò meliori consequenda notitia, brevitati studentes textus non apponimus, sed hortamur lectorem, nè observationes prætereant.

Tandem insignis apparatus, qui in brutorum cornibus, & in mulierum uteris observatur, dum bruta, & homines formantur, & generantur, efficacitè ostendit uterum ad incubatum, & explicationem partium tantum non institui; constans, & perennis est observatio viviparorum ova post exclusionem non indigere amplius connexione cum matre, si secus non viviparis sit, potens conjectura nascitur totum opus in utero absolvi, & ubi perficitur quod non possunt negare Adversarij) hoc opus, ac terminatur, ibi etià inchoare posse, & qui vult negare hanc partem, oportet hunc possum evidentè eandem destruere, quod nucusq, non legitur. In utero, & cornibus fetus vivit, augetur, conservatur, & nutritur, & eadem principia, ex quibus hæc fiunt, eadem sunt, ex quibus ovum componitur; undè maxime probabile est ovum formari in utero, & cornibus ad mentem Aristotelis, & non alibi non viviparis, & si formaretur extra uterum, postea ad uterum transmitteretur, quomodo adhereret? quomodo communicaret cum
pla-

placenta? hinc profectò sunt difficultates numquam solvendæ, sive vasa, sive situs considerentur.

Ovum, & fœtum formari in una parte, nutriri autem, & augeri in altera non videtur nobis esse faciliter admittendum, quia natura nihil absquè ratione, & frustra facit, quia eadem natura semper facit, aut quæ necessarii sunt, aut quæ melius; quare ab Adversariis ostendenda est ovi transmittendi necessitas, aut quod melius sit ovum in uno loco formare, & autem uterum transmittere, quam in ipso utero formare, de quibus non loquuntur Moderni, & supponentes ea, quæ probatione indigent.

In multis pennatis certum est ovum in una parte non compleri, sed in vitellario, seu utero superiore vitellorum racemum confici, in utero autem inferiore albumen adiungi, & ita ovum in diversis partibus integrum reddi; diximus notanter in multis pennatis, & non in omnibus, quia de omnibus non habemus autopsias, & arguere ex analogia non solum non dilucidum; sed etiam videtur ridiculum esse, & offendere, ut habet Sextus Empiricus; cæterum in pennatis evidentia facti probat necessitatem, cujus ratio solum remanet querenda; in casu verò, de quo fit sermo, factum supponitur, & nul-

& nulla est evidentia, undè nulla paritas est concedenda.

Dicimus prætereà in omnibus oviparis nõ constare methodum, quam servat natura in gallinis, dùm in his producit vitellum, & albumen in diversis uteris; quare si in omnibus oviparis natura non est uniformis, non licet arguere à quibusdam oviparis ad vivipararum demonstrandis diversis partibus, in quibus ovum compleatur; omnia ova, quæ dantur in rerum natura, non dantur cum una proportionem, consequenter, si quædam complentur in diversis locis, non est de omnibus hoc idem affirmandum, valet amplius nostra ratio, si concedatur ovulum in ovo cum Graavio, cum huic heterogeneitati uterus satisfacere valeat.

Hoc anno, quo Auctarium istud impressum est, ad veritatem indagandam in prægnantis ovibus cornibus universum generationis specimen vidimus, universus naturæ labor, & industria in eisdem aderat, cotyledones majores, & minores, ac propriè, ut notat Needham, & antecederentur Arantius noster plurimum fa-
ciunt, in eadem ove observatæ sunt membræ, quarum altera ferè depicta, funiculus umbilicalis asper, & papillaris (quem libenter
obij-

obicimus Papillaristis, nè in suis opinionibus
 persistent) in tubis verò, & testibus nulla die
 prehendebatur mutatio, tubæ erant longæ
 capreolares, arctæ, albæ, & nullatenus alte-
 ratae, testes similiter prægnantis istius anima-
 lis cum nō prægnantis testibus conveniebant
 & tantum id, quod dictum est suprâ, distingue-
 re potuimus, quamobrem & observatione, &
 ratiocinio nostra Sceptis non est penitus ex-
 plodenda.

Ad eandem magis roborandam Diemen-
 broeckij, & Nuckij animadversiones, experi-
 menta, & rationes inquirere debemus. Pri-
 mus in sua Anatome emendata, & aucta hy-
 pothesin ovi, & ovarij magno calore sustinui-
 nos hîc tenemur palinodici Authoris funda-
 menta afferre, & prò viribus discutere, & si-
 cut istius ingenuitatem maximè commendat
 mus, ità ejusdem facilitatem approbare non
 possumus.

In capite 24. libri primi suæ Anatomiae re-
 formatae legimus hæc motiva, quæ iuxta or-
 dinem Authoris adducuntur, & immediate
 post à nobis solventur.

Primò ait vesiculas Veteribus notas fuisse
postmodum Io. van Horne in epistola ad Rolfincium
ova primum nominavisse, idq; convenientissimè

*nomen exinde sequentes Anatomicos meritò refer-
 vavisse, cum revera sint ova, & in illis minoribus
 adhuc existentibus nil, nisi tenuis quidam liquor
 contineatur, qui similis est albumini in avium
 ovis contento, & ovis illis coctis eodem modo con-
 rescit, seu coagulatur, ut albumen in avium ovis,
 nec ab hoc albumine consistentia, aut sapore quid-
 uam differt; secùs atq; facit liquor in hydatidi-
 us (quales hæc ova esse quondam malè putarunt
 Vesalius, Falloppius, Riolanus, alijque) contentus,
 qui nequè coctione induratur, nequè similitudinem
 saporis cum ovorum avium albumine habet.*

Respondetur objectionem propositam duo
 continere, primum est vesiculas esse ova, con-
 sequentèr, & est secundum, easdem non esse
 hydatides. Vesiculas non esse hydatides ità
 nos credimus, prout dubitamus esse ova, &
 repetitis vicibus legimus Vesalium, Falloppiũ,
 Riolanum, & alios, ac nunquàm cognovimus
 hos Anatomicos vesiculas intèr hydatides
 reposituisse, itaut in hac parte Diemerbroeckiiũ
 exorbitavisse constet, quoniàm prædicti Do-
 ctiores optimè perceperunt testium muliebriũ
 vesiculas esse naturales. Porro nos rationali-
 ter dubitavisse, & dubitare de existentia
 ovorum in viviparis alibi, & in hoc auctario
 constat, nec consistentia, & sapor instar albu-
 minis

minis ovi cocti quidquam nos movent, quoniam de sero concrefcibili sanguinis hæc eadem verificantur, ut omnes norunt, & scripserunt, inter quos Lamzveerde in Hist. molarum uteri cap. 8. verificantur similiter de vesiculis in mulabus existentibus, licet istæ sint infocundæ.

Monemus ulterius totam vim argumentationis partis contrariæ consistere in analogia & similitudine, ut ex verbis prædictæ auctoritatis elicitur, *qui, idest liquor, similis est albumini in avium ovis contento*, argumentatio autem ex analogia, & similitudine desumpta est infimissimi roboris, ut dictum est, & latissimum apparebit in nostra responsione ad Posthumum, mōx mōx publicanda, unā cū censuris rerum anatomicarum, de quibus in modernis scholis fit sermo.

In prima nostra Scepti raptim consideravimus istud de similitudine motivum, & conclusimus antè coctionem lympham vesicularum, & albumen ovi gallinacei plurimum inter se differre, sive saporem, colorem, sive consistentiam ponderemus; undè non patet nervus argumenti, etiamsi post coctionem in consistentia, & sapore manifestetur aliqua similitudo.

Addimus admissa similitudine post coctio-
 nem præter hanc ad concludendū ovum multa
 alia requiri; videantur prò hoc motivo, quæ
 nostra prima Scepti exarata fuere, tandem
 placuit nobis referre pellucidissimam aquam
 ad gustum subsalsam, in qua foetus vitulinus
 natat, & ex qua nutritur existens in corpore
 matris, non esse concrescibilem ad ignem, uti
 experti sumus; hinc deduximus concrescibili-
 tem non ostendere simpliciter materiam ge-
 nerationis, & subiectum partium, quemadmo-
 dum non concrescibilitas non arguit in obie-
 cto ineptitudinem ad nutriendum.

Ad id, quod idem Diemerbroeckius habet
 de hydatidibus, licet non esset opus responde-
 re, attamen dicimus universaliter propositio-
 nem istius Authoris esse durā, & non posse fa-
 cilem admitti ob insignem hydatidū varieta-
 tem, & alijs vicibus diximus propositiones uni-
 versales esse periculosas, in casibus particula-
 ribus concedimus, quæ opponuntur, nempe
 morem in hydatide contentum, nequē co-
 cione indurari, neq; similitudinem saporis
 cum ovorum avium albumine habere; ceterum,
 cum non semel viderimus ab ovario sup-
 posito pendentes vesicas effatu dignas, & inter
 hydatides sine difficultate reponendas, sero
 con-

concrefcibili refertas, ftatuimus etiàm hydatides al quando repleri fero, quod coctiom induretur, & quod nos vidimus phænomenon non, alii approbarunt.

Secundò dicit, *ova muliebria, aliorumque viviparorum gemina membrana circumdari, una crassiore, altera tenui; illa postmodum in conceptu chorion, hæc amnion constituit &c.*

Tota hæc difficultas confistit in fuppositis quibus negatis ruit; geminas membranas innovere veficulas cū differentia enuntiata crassitie, & tenuitatis omninò negamus, & Diemerbroeckium nunquàm easdem vidiffe; fed tantum mente cōcepiffe afferimus; Graaf alitèr de membranis ovorum fcripfit, *notatu dignum est in perangusto limpidiffimi illius ovi medio aliud quasi ovum etiàmnum innatare; ex quo constat ova è testibus in uterum prolabantia duabus membranis investire, quarum exteriorem Chorion interiorem verò Amnion appellandam esse non ambigimus.* Idem Diemerbroeckius paulò infra quando quærit, undè fit, quod ova subventanea à virginibus, & viduis non deponantur, respondet id, inter aliàs causas, evenire, quia *propter tenellam, qua circumdatur, pelliculam dilumpitur, & ideò non posse cognosci; iste sermo ab oppositione plurimùm differt.*

Ter-

Tertiò. In omni genere animantium ova inveniri fatetur, & hodiè hoc certum, & sancitum haberi, quod sicuti de avibus, plurimisq; piscibus, & insectis notissimum est, ità per innumeras sectiones, & inspectiones variorum animalium hodiè de Viviparis quoq; indubitatum evasit.

Hac oppositio nihil penitus concludit, & contradictoria continet, nam primò dicit Author in omni genere animantium ova adesse, postea sequitur dubius asserens in plurimis piscibus, & insectis ova dari; si in plurimis generibus piscium, & insectorum ova dantur, ergò non erit certum in omni genere animantium ova inveniri; ex plurimis speciebus piscium, & insectorum non potest prò omnibus animantibus colligi illatio.

Proportionem inter omnia ferè animalia successivè in hoc consistere diximus, videlicet omnia ferè animalia simili modo gigni arbitramur, & consequenter, si ovipara formantur, undè prodeunt, ità vivipara formantur in utero uelut ova suis membranis contenta, non ex ovis per tubas ab ovarijs in uterum transmissis; ità explicant hanc proportionem Hippocrates, Aristoteles, Harvæus, &c. quorum auctoritates in nostra prima Scepsi etulimus, & easdem observaverunt non so-

lūm Medici, & Philosophi, sed & Moralistæ inter quos Florentinius, qui impulsus à prædictis autoritatibus, & alijs, quas cumulavit, hominem inter animalia ovipara quodammodò reposuit.

Quartò. *In quibus verò animalibus materia ovorum fecundorum conceptui, seu formationi inidonea est, illa aut propter defectum ovorum, ut contingit in vetulis, & mulis, aut propter ovorum pravam intemperiem, vel conformationem sterilia sunt.*

In hoc sermonis progressu quædam non cohærent, & confusa proponuntur, si supponitur materia ovi fecundi, hæc non erit conceptui, seu formationi inidonea; in eadem suppositione sterilitas non aderit ex defectu ovi, secus explicandū est, quare data materia ovi fecundi non excitetur ovum fecundum, vel infecundum; sed has, & alias similes instantias omittamus, & animadvertant omnes Authorem undiquè falsis suppositis inniti præcipuè verò constat suppositorum falsitas ex vetulis, & mulabus, in quibus negat vesiculas, seu putativa ova. Stenon in mulabus describit; legantur acta medica Hafniensia, & quæ relata sunt in prima Scepti, nos sæpè hæc confirmavimus, & vidimus; in vetulis similiter non

non defunt vesiculæ, non tantum in specie humana; sed in alijs speciebus viviparorum; in puellis nupèr natis observavimus easdem conspicuas, & copiosas, ex quibus observationibus nostra Scephis vigorem recepit, cum non sit prò certo affirmandum cæteras partes generationi dicatas in vetulis, & puellis, aut absumi, aut tempore formari, seu explicari, ut sunt māmæ; ova autem putativa statim apparere, & nunquam deficere; in vacca annosa vesiculas majores deprehendimus, quàm in vitula; si istæ observationes aliquid docent, ut revera docent, non possumus non dubitare de ovarijs, & ovis in viviparis per tubas in uterum delatis.

Quintò. Gignuntur hæc ova in testibus fæmellarum vivipararum ex sanguine spirituosos per arterias preparantes, & spiritu animali per invisibiles nervulos ad testes affluente, atq; in membranosa, ac glandulosa eorum substantia materiam ejus generandis idoneam relinquentem, dum reliqui residui humores per venulas, & vascula lymphatica ad cor redeunt.

Respondetur eundem Authorem semper supponere, quæ sunt probanda, & quæ non sunt inter se cohærentia. Nos olim arbitrati sumus vesicularum glandulosam esse naturam,

& attulimus maximum istius opinionis fundamentum in prima nostra Sceptsi, non cum Barbato ex interioribus protuberantijs, quas in vaccis videre non potuimus, licèt diligentè easdem quæserimus juxtà formam ab eodem Barbato expressam in tab. 2. fig. 5. Successivis temporibus legimus eandem opinionem apud Danielem Sauvry in Anatomia novaratiocinijs illustrata, ubi habet, *Qualibet enim vesicula consideranda est, ut glandulosa quædam cavitas, in quam omnia vascula testiculorum ingredientia per extremitates suas capillares desinunt.*

Admissa itaq; hac opinione non proindè testes sunt denominandi glandulosi in sententia eorum, qui tenent ova; & ratio est, quia vesicula est effectus glandulæ, adeoq; testes independentè à vesiculis sunt probandi glandulosi, & Diemerbroeckius, si vult sustinere suam sententiam debet inter alia ostendere testes exclusis vesiculis esse naturæ glandulosæ; sciimus, ut dictum est, eundem docuisse materiã, ex qua ova producuntur, separari in membranosa, ac glandulosa substantia; quocircà, si vesicula est corpus separatum, poterit ad membranas, ut corpora separantia confugere, & hinc materiam ovi, ovumq; ipsum deducere,

Verū nec ista responsio est idonea, quia mem-
brana ex eodem lib. 5. in Appendice est *pars si-*
milaris alba, lata, plana, densa, & extensibilis,
ex seminis portione lenta, viscidaq; genita, par-
tes subiectas, ac contentas custodiens, continens,
colligans, corroborans, & determinans, hic non
legitur munus separatorium, undē non conve-
niunt theoremata Diemberbroeckiana; aliæ
partes, quæ componunt testem muliebrem, ita
habent naturam glandulosam, ut cor habet
naturam ossis; sunt enim vasa varijs cincinnis,
& capreolis contorta, & serpentino ductu fle-
xa, ut nup̄ vidimus in vaccis, & fibræ carneæ,
quarum munus nō est separare materiam ovi;
ex enumeratione igitur partium, quæ eundem
testem constituunt, non invenitur pars, si exi-
mantur vesiculæ, cui competere possit natura
glandulæ; secus res se habet in gallinis, in qui-
bus tam uterus superior, quàm inferior natu-
ræ evidentèr sunt glandulosæ; consequentèr
non erunt ovaria testes muliebres, quia non
sunt glandulosi, & natura, seu fabrica glan-
dulosa necessariò debet præcedere ovum, ut
causa suum effectum.

Potissimū istud fundamentum nonnullos
movit, ut scriberent *vesiculas colliquamento re-*
fertas non esse rigorosè ova; sed materiam, ex qua

glandula excitatur, cuius ope ovulum separatur, fovetur, & statò tempore eyciur; hæc eadem opinio demonstrat necessitatem glandulæ, im cæteris novissimum continet errorem pejo- rem priore; tùm quia iteratæ sectiones nun- quàm ostenderunt excitatam glandulam ex materia vesicæ, tùm quia glandularum munus nunquàm poterit esse fovere, & statò tempore eijcere ova; hæc sunt paradoxa, & tamèn in honore.

Concludimus quidèm nos contrà cõmunio- rem sententiam docentem vesiculas esse ova, easdem vesiculas non esse ova, adeoq; testes non esse ovaria, & principio cõmunitèr cogni- to, & admissio de necessitate substantiæ glandulosæ prò fabricandis ovis, & cùm testes non sint glandulosi, benè sequitur nec vesicu- las esse ova, nec testes esse ovaria; quod ova non possint formari nisi in parte glandulosa patet, quia non possunt constitui nisi ex par- ticulari materia separata; separatio autèm in sententia probabili fit opæ glandulæ, & ubi non est glandula, reperitur particularis mem- brana, cuius fibris materia serosa filtratur; modò in testibus muliebribus excepta mem- brana investiente, & filamentis membrano- sis colligantibus fibras carneas, & vesiculas
cùm

cum fibris non extant aliæ membranæ, quibus separatio attribui possit: confirmatur hæc assertio, quia tam membrana investiens, quam fibræ membranosæ à peritonæo propagantur, cui generatio, ovi seu separatio materiæ integrantis, & complementis ovum attribui nequit, propterea dicendum est non esse vesiculas ova, nec testes ovaria ob conditionem substantiæ testis.

Demum tollitur quintum motivum Diemerbroeckij, idem retorquendo, etenim universus sermo, qui ab eodem proponitur de testibus gemellarum vivipararum, universus, & melius accommodatur utero, quoniam hic habet arterias sanguinem deferentes, habet nervos à quibus spiritus animales suppeditantur, habet substantiam membranosam, & glandulosam, in qua materia generandis ovis idonea relinqui potest, habet venulas, & vasa lymphatica, quibus id, quod superest, ad cor reducitur; unde æqualiter, immò melius genesis ovi concipitur in utero, quam in teste.

Sexto sequitur idem Diemerbroeckius dicens. *Ex his omnibus bene concludunt hodierni Anatomici duce Io. van Horne testes muliebres potius earum ovaria, quam testes appellandos esse; idq; imprimis, propterea quod neq; in figura, neq;*

in substantia, & contentis ullam similitudinem cum testibus virilibus habeant, paulò infrà contendit prædictarum partium summam necessitatem ex fœmellarum castratione patere, utpotè quæ exsectis his partibus non minus steriles evadunt, quàm mares exsectis testibus.

Vtrumquè motivum est effatum prò demonstranda hypothesi moderna; considerantes primum concedimus hoc antecedens. Testes muliebres nequè in figura, nequè in substantia, & contentis ullam similitudinem cum testibus virilibus habent; sed negamus hanc consequentiam, ergò sunt ovaria; quomodo enim hæc sequatur ex præmissis antecedente, nunquàm percipere potuimus, & æqualitèr connectitur, ac si quis diceret, Petrus est dives, ergò sanus; defectus omnis similitudinis testis fœminei cum testibus virilibus probat illum ad aliquod munus diversum esse institutum, ac sit institutus testis virilis, sed præcisè non probat esse ovarium; & data suppositione, quod idem testis semen cōficiat, ut inter Modernos notanter Sauvry fatetur, adhuc testis muliebris ob conditionem feminis diversam habere debet structuram diversam; Du Verney olim similiter argumento respondit, nos prædictam arguendi formam

ponderantes ulteriùs debemus argumentum retorquere dicentes; testes foëminarum nullam habent similitudinem cum ovarijs oviparorù animalium, ergò non erunt ovaria; hæc forma est probabilior, & magis connexa, quàm opposita.

Secundum de castratione fundamentum nò est prædicto validius, quia mulieres, & aliæ foëminæ viviparæ possunt exsectis testibus steriles fieri, vel quia in actu castrationis lædantur partes, & præparantes arteriæ ex Barbato ad generationem necessariæ, vel quia testes aliquo modo concurrant ad eandem; non autè præcisè quia auferantur ovaria; quamobrem æqualitèr ut suprà peccat Diemberbroeckius ex antecedente non colligens necessariam conclusionem, & in causali errans; concedamus igitur ablatis testibus foëminas viviparas sterilefcere, sed negemus ideò sterilefcere, quia ovarijs priventur. Aliquod commercium inter testes, & tubas situs indicare videtur, hic autè non probat ova, in vaccis nuperrimè quædam vasa è testibus prodeuntia nobis an imposuerint dubitamus; sed de hac re nondum sufficientè explorata alibi verba erunt.

In hac de castratione materia est controversa, vtrum mulieres possint castrari, anti-
 quas

quas fabulas ad bonam frugem reduxit Dalechampi^{us} in Athenæum prò castratione infibulationem interpretans; in brutis autè unà cum testibus uterus auellitur, & vasa ità læduntur; ut experimentum nihil hucusquè probet, eruditionis studio legantur, quæ habent: Riolanus, & Sinibaldus.

Septimò duo adducit argumenta, quæ multum roboris habere credidit; primum deducitur ex conceptione tubaria; hoc ipsum (ait) *testatum adhuc magis faciunt observationes quorundam medicorum fide dignorum, à quibus in cadaverum mulierum gravidarum sectionibus comper- tum est ex istis ovibus ob præternaturalem aliquam causam in tubis retentis usq; ad uterum non transeuntibus, fœtus in ipsis tubis formatos, in usque post mortem dissectis inventos fuisse (quæ historia, etsi nobis quondam mera anilia somnia esse visa fuerint; nunc tamèn per ovorum, & tubarum meliorem cognitionem eas veras esse credimus.)*

Alterum est observatio Friderici Ruysschij habita Amstelodami 15. Aprilis 1673. ex qua fatetur totum hoc negotium per autopsiam clarissimè innotescere; observationis compendium est istud; mulier quædam brevi post cōceptionem tempore interiit; aperta ambas tubas ostendit solito rubicundiores, crassiores, & magis disten-

stent, quā status naturalis exhibeat; dextram
 ulterius versū ovarij aperturam intortam;
 uterum solito crassiore, rubicundiore, &
 fungosiorē, in ejusdem cavitate liquorem, cui
 innatabat foetus rudimentum substantiæ mu-
 cilaginosæ, quod rudimentum ab aere sequen-
 ti die itā resolutum fuit, ut ejus nè vestigium,
 quidē relīctum fuerit, & tandem ovarij fœ-
 cundati cavitatem, seu aperturam, à qua ovū
 exciderat, rubicundam, & spongiosam. Hæc
 sunt præcipua notanda in observatione com-
 munita à Ruyschio, cui tantum tribuit Die-
 merbroeckius, ut autumaverit controversiam
 esse prò Modernis terminatam per autopsiā,
 nec amplius superesse dubitandi locum.

Nos semper aliorum veneramur placita,
 & aliorum observationibus plurimum tribui-
 mus, sed & nostras non omittere debemus;
 conceptio tubaria, bona venia Diemerbroe-
 ckij, nihil probat ejusdem intentionem, etiam
 si fuisset autoptes ovi; ratio est quia ex hujus-
 modi conceptione supponitur ovum, non pro-
 batur, & quandò etiā ostenderetur ovum,
 leberet simul ostendi, ad demonstrandam hy-
 pothesin modernam, ovum fuisse translatum
 in tubam ex ovario, & non productum in tu-
 ba, quod cum hucusquē sit obscurum, obscura
 pro-

proinde est ovi positio; quocirca non solum in utero, sed in tubis fieri conceptionem libenter concedimus; concedimus etiam multos Doctores antiquos, & modernos ova vidisse, sed nullus potest asserere eadem ex ovarijis procedere.

Quidquid adiungitur ex Ruyschio, majoris specie imprimit, & nisi quis fuerit observator, & proprijs manibus naturæ ruspator, ex observationis lectione non potest non convenire cum modernis; sed qui experiri conantur, & proprijs oculis veritatem explorant, non sunt ita prompti ad assensum, hæc quæ sequuntur nec infringant aliorum fidem, sed tantum testentur nostram sortem; in felibus, canibus, ovibus, vaccis opportunis, & ad observandum tempestivè oblati, & sectis mutationes, quæ proponuntur, in tubis ferè semper non potuimus deprehendere, immò in ovibus, & vaccis hoc anno 1701. quo hæc scribimus ex connectione tubæ cum insigni portione ligamenti utrinquè, undè non redduntur liberæ in sua extremitate, cognovimus difficiliorem modum accedendi ad ovarium, & idem amplectendi, quàm in muliere; singularis etiam animadversio Ruyschij suspicionem inducit, an ambæ tubæ causa conceptionis fuerint *solitæ*

rubicundiores, crassiores, & magis distenta, quoniam mulier, cum sit unipara, non debet habere ambas tubas dispositas ad ovum recipiendum, nisi naturam frustra agere dicamus, quod nefandum est; accedit unius tantum foetus rudimentum apparuisse, demonstrans unam tantum tubam debere alterari, & disponi ad recipiendum ovum, non sociam, quæ incassum disposita fuisset, cum ovum non debuisset recipere in suppositione unipara: alijs vicibus aliquales mutationes in tubis deteximus, sed simul cognovimus non debere inferri ex his esse easdem oviductus; quia, cum tubæ sint propagines uteri, quotiescunq; uterus crassior, rubicundior, & fungosior fit, toties tubæ suo modo debent admittere aliquam alterationem; sed non fiunt fungosiores, & per adversarios, cum sint canales, non debent in eisdem excitari illa, quæ fiunt in utero; mutationes igitur, quas aliquandò vidimus, probant continuationem cum utero, non naturam oviductus.

Difficultas est in motu, & præcipuè in conceptione, & inflexu, cum tendentia, ut ajunt ad ovarium, ex quo motu Neoterici suam hypothesein plurimum illustrari contendunt, & porro nervosum est motivum, nos tamèn

conabimur hunc nodum aliqualitè relaxare ; nisi dixerimus penitus dissolvere ; primò dicimus hanc observationem esse rarissimam , quid sit de aliqua contorsione , quæ sempè est in tuba naturalitèr , & vix posse fieri , cùm tantum ex adversarijs contingat tubam flecti , quandò ovum in hanc ex ovario transitorium est ; undè nisi hac brevissima temporis differentia sectio fiat , & observatio (quæ occulta est) non poterit observari flexio ; hinc est multos Anatomicos , licèt in hac re diligentes , non potuisse hanc flexionem observare ; verum aliorum fortunè nolumus præjudicium afferre , & secundò supponamus , quæ de hujusmodi motu magnificè prædicantur ; quandò tuba haberet structuram prò motu ad ovarium , turbatur , non illustratur hypothesis de transitu ovi per eandem tubam ad uterum , ratio est quia structura ejusdem tubæ determinata est ad unum motum , qui , si erit ad ovarium , non erit ad uterum , & ità data suppositione observationis non illustratur transitus ovi in uterum cùm post flexionem tuba relaxetur , adeòque non possit movere ovum , quod à se non movetur , sed ab alio moveri , & impelli debet : tuba autèm , quandò est relaxata , necessariò non agit , & propterea non poterit transmitti

ovum ad uterū ex impotentia moventis; mobile verò, quod est ovum, ascendere non potest resistente propria gravitate, prò cuius doctrinæ captu inspiciantur figuræ; Dicimus tertio maxime dubitari posse, an tuba in cadavere dexū, & contorsionem servare possit, cum partes cōcidant in cadaveribus: dicimus quarto tubas moveri ad testes vel motu ligamenti, vel motu proprio; primum non potest dici, sive contrahatur, sive relaxetur, quia ligamentum contractum trahit ad peritonæum; relaxatum finit tubam prò parte recta deorsum ferri, unde nec in contractione, nec in relaxatione ligamenti intelligitur tubæ conversio; minus secundum, quia recurrunt ea, quæ dicta sunt, inter quæ illud est evidens scilicet supposito motu proprio prò contorsione non posse dari alium motum prò delatione ovi in uterum, cum duo motus proprii non possint tubis convenire; si propriè tuba movetur ad testem prò recipiendo ovo, non poterit moveri ad uterum prò delatione ovi, quod pluribus verbis placuit exprimere ob robur, quod nobis habere videtur; ceterum tubas moveri nunquam libimus inficias, & adhæremus Harvæo in exercit. 65. & 68. de Generatione Animalium, difficultè verò concipitur insinuatō ob vicinarum partium pressuram.

Ab

Ab eodem Ruyschio afferuntur aliæ mutationes, quas considerare tenemur; refert dextræ tantum lateris tubam versus ovarij aperturam intortam vidisse, interrogare hîc possumus, cûr sinistri lateris tuba non fuerit æqualitèr actuata; maximè cûm *non solum tuba dextræ, verùm etiàm sinistri lateris solito rubicundiores, crassiores, & magis distenta erant, usquè ad omnium spectantium admirationem*; tanta mutatio in omnibus tubis fit, & postea dextra solum, & non sinistra intorquetur! refert similiter se observavisse *fœtus rudimentum substantiæ muscilaginosa*; an hic est locus suspitioni? digne-
tur Lector Authoris verba ponderare, itaque *an illud rudimentum embryo, an verò adhuc ovum fœcundatum sit dicendum, anceps hæreo*; refert ulterius vidisse *ovarj fœcundati cavitatem, aut aperturam, è qua ovum exciderat, quod alij affirmant, & scribunt Philippus Verheyen, Peyerus, & alij plures*; nos prò cognitione istius historiæ multa scripsimus in nostra prima Scepsi, quæ repetere non licet; addimus post quinque annos ab ejusdem Viennensi editione secuisse alia animalia ad veritatem cognoscendam, & nunquàm aperturas vidisse nequè necessariam cicatricem microscopio quæsitam.

Qui tenent depositionem ovi infœcundi, inter quos est Diemberbroeckius, & in hac etiã parte analogiam inter ovipara animalia; non possunt negare membranam testes muliebres investientem debere esse semper apertam, & non solum paucis diebus à coitu, sed quocunque tempore prò transitu ovi infœcundi; hoc cum non verificetur, meritò dubitatur, an testes sint ovaria; illi postea Doctores, qui non tenent depositionem ovi, infœcundi in virginibus, alijsq; mulieribus castam vitam degentibus, ab alia gravissima difficultate torquentur, & est ovum infœcundum non formari à natura prò retentione; quare aut semper aperta debet esse membrana prò transitu ovi fœcundi, aut infœcundi, aut vesicula lymphatica nō est ovum; & hanc difficultatem non legimus ab aliquo Authore fuisse propositam, & discussam; si Diemberbroeckius cum ratiocinio suo coniunxisset factum anatomicum, & examinavisset testem virginum, sua asserta non proposuisset, nec à Ruyschio motus fuisset, si, quæ hic Author scripsit, iusta lance librasset, etenim cujuscunq; Authoris observationes hucusq; habitæ difficultates nostras non superant, nec questionem gravissimam finem imponunt, ita ut possi-

mus tutò concludere cum D. Decaux Medico in opusculo de Generatione hominis; tot etenim controversiæ jam olim extiterunt, & hoc seculo tot novæ sunt prioribus additæ circa mulierum tum semen, tum concipiendi rationem, & alia ejusmodi ad quæstionem hanc attinentia, ut vix detur exeundi, ex tot labyrinthis potestas.

Et hæc sunt ea, quæ Diemberbroeckium impulerunt ad mutandam sententiam, quæ sine difficultate enervata sunt, tum ob contradictiones, & positiones inter se non convenientes, tum ob observationes infidas, tum ob rationes levis armaturæ; equidè motiva hucusq; allata nostram Sceptin nō esse irridendam demonstrant, quibus addimus Diemberbroeckium voluisse feminis virilis spirituosam portionem per tubas ab utero ad muliebres testes ferri prò fœcundandis ovis; scilicet primò (ait prædictus Author) *seminis virilis prolifici in uterum iniecti maximè spirituosam partem per tubas ab utero ad testes muliebres, & ova in ijs contenta defluere, eaque ova hoc semine fœcundata è testibus excidere, & excipi ab extremitatibus earundem tubarum ijs annexarum, & sic per has paulatim promoveri ad uterum.*

Continet hæc doctrina nonnulla, quæ rectum Diemberbroeckij progressum non medio-

critèr offendunt; primò tuba moveret semen ab utero ad testes, & ovum ab ovario ad uterum; hos motus negat structura tubæ, quæ à natura instituta est prò uno motu tantum, & methodus naturæ, quæ in eodem ductu diversa corpora non movet. Secundò possent sæpè impediri, & confundi motus, maximè si unà mobilia essent in actu, hoc est ovi ad uterum, & seminis ad ovarium. Tertiò esset superfluous motus seminis ad ovarium, quandò ovum posset foecundari in utero, vel tuba; hanc difficultatem Diemberbroeckius vix evitare potest, quia tenet depositionem ovi in foecundi, & nisi probet necessitatem foecundationis in ovario, quod opus grave est, nodum non solvet. Quartò semper tubæ ostenderent hunc transitum, vel ratione motus, vel ratione contenti, & pariter ovaria mutationes indicarent prò ingressu seminis, & nihilominus Doctores, quos ipse Diemberbroeckius sequitur, ut Graaf, & Ruyfchius contrarium docent, & mutationes in prædictis partibus tantum tempore conceptionis, & post coitum foecundum admittunt, quibus alij assentiuntur, ut Peyerus, Verheyen, &c. Quintò, quia trium integumentorum, nempe membranæ investientis ovarium, & aliarum duarum membranarum

ova investientium, inter quas altera est crassior, oblitus, fœcundationem in ovario tenet, ubi difficilius fieri debet, quàm in tuba vel utero (qui est locus conceptionis) ob pauciora integumenta ab ipso semine superanda; & hæc cogitata sint non studio contradictionis, sed inveniendæ veritatis ergò.

Modò accedamus ad Nuckium, cui nonnulli tantum attribuerunt, ut crediderint istius observationem omnem litem diremisse; annalis post observationem Nuckianam sit, vel non terminata, quæ sequuntur, demonstrant; nostrum interea munus erit prædicti Authoris observationem referre, nostrasquè annotationes adiungere.

Itaque Nuckius cap. 7. suæ Adenographiæ huiusmodi experimentum proponit, quod Authoris verbis reddimus. *Canis fœmina tertio post congressum institutum die extraxi per vulnus abdomini inflictum sinistri lateris cornu (cujus ovarium jam duobus ovulis majusculis notabiliter conspicuum) inter vaginam, & ovarium medio loco ligatura arctiori constrictum, reposui, vulnusq; intrà octiduum ad cicatricem perduxì; vigesimoprimo post ligaturam iniectam die canem cultro anatomico examinandam inspecio, & quod antè hariolatus eram, etià plenè prospexi; sinistro*
cornu

*cornu pars (inter ligaturam, & ovarium) duplici
 fœtu erat obsessum; altera verò portio (ligaturam
 inter, & vaginam) plane vacua nobis visa, quod
 manifestissimè probat ovula ulterius, quàm ad
 ligaturam propelli non potuisse, & in ipsis ovulis
 aura seminali fœcundatis fœtus quarendos esse;
 non verò in semine virili: oppositi lateris cornu
 itidem inspecto tribus fœtibus (sed regularitèr
 dispositis) distentum reperi; notandum interea,
 unius, atq; alterius lateris fœtus jam consumptos,
 & in materiam purulentam penè conversos esse,
 cujus rei causam hæcenus distinctè concipere non
 potui.*

Hæc, quæ Nuckius orbi literario communi-
 cavit, primo intuitu tantam in nobis admira-
 tionem pepererunt, ut sæpiùs de veritate
 experimenti suspicati fuerimus; quandò po-
 steà secundis cogitationibus idem examinavi-
 mus, admirationem expulimus, & plurima,
 atq; plurima cognovimus, quæ nostram incer-
 titudinem confirmarunt.

Quandò igitur prædictus Author ligavit si-
 nistrum cornu, & inter ligaturam, & ovarium
 duos fœtus detexit, non poterat inferre ex
 duobus ovulis ex ovario sinistro in sinistram
 tubam delatis processe prædictos duos fœ-
 tus; quoniàm nos, qui dubitamus de hypothesi

ovorum in ovarijs, possumus, & rationabiliter respondere duos foetus non fuisse productos ex duobus ovis receptis à tuba ex ovario; sed duo ova in sinistro cornu genita, & producta fuisse; undè cùm experimentum non probet duos foetus ortos esse ex duobus ovis ab ovario sinistro depositis, & à tuba sinistra receptis, iure meritò concludimus experimentum propositum nihil afficere nostram Sceptsin, & hoc cogitatum legitur etiam in fine nostrae primæ Sceptsis.

Posset aliquis prò Nuckio opponere ovarium sinistrum duobus ovulis majusculis notabiliter conspicuum fuisse, adeòq; duos foetus ex eisdem derivavisse in cornu sinistro mediante tuba; verùm posse aliquem ità opponere non imus inficias, at benè, hoc est dubium; ratio nostra est, quia ipse Nuckius refert quidè vidisse duo ova majuscula in ovario sinistro; sed nō legitur apud eundem prædicta ovula supposita post conceptionem duplicis foetus non amplius apparuisse, & ovarium prædictum in duplici loco apertum fuisse, hæc cùm desint in Authore relato, debemus nos asserere experimentum propositum nihil probare; amplius cogitavimus, quòd si suppositum ovarium apparuisset destitutum

enunciatis ovis majusculis, adhuc esset difficultas, an sub forma ovorū transferint in tubas, an sub alia forma defecerint, Stenon, Sauvry, Leeuwenhoeckius, & alij motiva nobis exhibent itā dubitandi, etiamsi hypothesis istorum Doctorum gravissimi difficultatibus torqueatur.

Consideravimus similiter ligaturā factam in cornu sinistro medio loco, melius, & aptius debuisse fieri in fine tubæ ad probandam modernorum hypothesein, quia tunc ovum descenderet in cavitatem abdominis, & itā ligaturā nos instrueret, & melius, quam in loco proposito à Nuckio; ulterius, nè ligaturæ nobis imponant, consuleremus ambo cornua ligari, & juxta naturam effectus discurrere; sanè si ambæ tubæ in suis extremitatibus penès fimbrias devincerentur, constaret aliquid fortè hætenus ignotum, & amplius oportet experimenta repetere, quia si quandòq; inter ligaturam, & vaginam rudimentum foetus apparet, nonne tota Adversariorum moles rueret?

Omnia experimenta, quæ in hac materia fieri, & cogitari possunt, à nobis ob temporis inopiam, & ob sanitatem, quæ sæpè non faver, non sunt executioni mandata; poterunt juniores, quibus otium, & virium robur præstò

erunt nostras dubitationes vel discutere, vel augere; certū tamēn est ligaturam in tuba vel tollere, vel minuere ejusdem motum, quod admissio (quemadmodū negari non possumus) cōstantēr asserimus) statim apparet infirmitatem experimenti ex ligatura desumpti ex inventionē Nuckiana, quia tuba reddita paralytica, vel semiparalytica ex ligatura non poterit accedere ad ovarium, nec isti adhærere prò recipiendo ovo.

Ligaturarum hunc esse effectum norunt omnes illi, qui in anatomico studio se exercuerunt, & ratio est omnibus manifesta, quia ligaturis intercipitur motus in arteria, & nervo, & intercepto motu in istis vasis, vel in altero istorum tantū, statim pars paralytica fit; quare Nuckius nequit ex suo experimento concludere modernam hypothefin de generatione vivipara ex ovo per tubas ex ovarijs in uterum delato; possumus quidēn non ex eodem experimento deducere testes non esse ovaria, & tubas non esse oviductus, quia quandō fit conceptio, & tuba non potest recipere ex ovario, sequitur supposita ovaria, non esse vera ovaria, & conceptionem cum Neotericis non esse explicandam, sed aliam methodo.

Auget nostras coniecturas, & suspiciones ultimum notandū ipsius Nuckij, & est eundem vidisse unius, atq; alterius lateris fœtus jam consumptos, & in materiam purulentam penè conversos esse; quia hîc modus loquendi animum nostrum nihil erudit, & non distinguit, an essent fœtus, nec nē, & an essent effectus morborum alterius naturæ, ac ipse Nuckius crediderit, cui nostro cogitato si divinationes aliquæ favēbunt, eò magis experimentum ruet.

Causæ verò plures, & plures non desunt prò suppositione effectus morborum. Prima est in cornibus, & uteris gelatinas, & mucos concrecibiles congeri, qui faciliter concrecentes possunt varia phænomena producere, & nonnunquàm fœtum mentiri, augetur coniectura, si causa aliqua præcesserit, quæ partem læserit, & dolorē excitaverit, ut in nostro casu vulnus, & ligatura concretiones, & putrilagines, ac abscessus inducere possunt, quid simile refert se vidisse Harvæus de Generatione animalium. *In unius quidē (ait) aut alterius utero præter naturam extenuato inveni putrilaginem quandam viridem, & ichorosam, abscessus instar cavitatem ejus replentem; undē non est mirum, si quandòq; observatores decipiantur, & existiment consumptum & putridum* fœ-

foetum aliquam molem , quæ nunquam fuit
foetus, nisi falsus, & adulterinus.

Secunda est Authorem experimenti expressè dixisse tam in sinistro , quàm in dextro cornu foetus fuisse jam consumptos, & in materia purulentam ferè conversos ; quando objectum est jam consumptum, & in materia purulentam penè conversum quomodo potest cognosci, & distingui? consumere propriè importat in nihilum redigere, & rei effigiem abolere; igitur si foetus erant consumpti, hoc est in nihilum redacti abolita eorumdem effigie, quomodo possunt denominari foetus aut saltèm lipsana, & analecta foetus, præcipuè cum foetus naturalis nunquam visus fuerit?

Tertia deducitur ex æqualitate effectus observati tam in uno, quàm in altero cornu, & tamen læsio non erat in utroquè cornu æqualis; quamobrèm insurgit ex relatione ejusdem Nuckij occasio grauitèr dubitandi, an fuerint foetus illa corpora, quæ in utroquè cornu fuerunt inventa; confirmatur hæc suspicio ex verbis sequentibus ejusdem Authoris, *cujus rei causam hætenùs distinctè concipere non potui*, quæ demonstrant nec ullam causam universalem, nec aliquam particularem in-

ovario, tuba, & cornu dextræ partis apparuisse, quæ uniformitèr operari debuisset tam in dextro, quàm in sinistro cornu, & propterea in hac versamur opinione experimentum hæcenus non concludere, & sæpius esse repetendum ad veritatem cognoscendam, cum hucusquè in maximis versemur tenebris, partem enim ligatam vel ob impeditum alimentum, vel motum, aut alio modo læsam posse foetum depravare à nobis concipitur, sed non ligatam, & sanam æqualiter pati in objecto non concipitur, & ideò dubitatur vel de experimento, vel de supposito foetu.

Quarta, alijs ejusdem Authoris æquivocationibus innititur; hujusmodi sunt positiones de origine vasorum lymphaticorum ex arterijs, & venis, de arteriosis ductibus glandularum conglomeratarum continuis cum excretorijs, de fabrica glandularum conglobatarum, quas muscosas appellat, & de alijs hujusmodi anatomicis rebus, quas, qui considerant, poterunt benè distinguere nos non esse penitus excludendos, arteriarum extremitates, & fines esse initia lymphaticorum vasorum, & quandòq; mediante vesica, quandòq; non, an inflationes manifestare possint sinè æquivocatione, meliores Anatomici judicent; non de-

defunt rationes, & quidè non spernendæ
 quæ Nuckij experimenta debilitant, & dati
 suppositione, quod prodeant vasa lymphati-
 ca ex copioso, & violento aere distendente va-
 sa arteriosa, adhuc non probatur lympham im-
 mediatè ex arterijs procedere, consequentè
 arteriarum extremitates esse initia lymphaticor-
 um, quia licet aer transeat, hinc non com-
 stat transire lympham; sicut enim sanguis per-
 meat loca, per quæ aer non transit, ut patet
 ex lege circulationis in renibus, pulmonibus
 &c. in quibus & lac per arteriam injectum sim-
 ullo labore per venam in cor refluit, & non
 aer mediante tubulo introductus; ita à con-
 trario potest aer per vias quasdam se insinua-
 re, per quas lymphæ non transeat, adeo-
 què non remanet probatum ex experimentis
*angustissimos arteriarum canaliculos excludere
 ob pororum formam omnes particulas heteroge-
 neas, & transitum præbere liquori lymphatico*
 & aliud est ostendere aliquod iter ex inflata
 arteria in vas lymphaticum; aliud illud iter
 esse ex extremitate arteriæ in idem lymphati-
 cum finè medio.

Accurata lectio ejusdem Nuckij commove-
 nostra vota, quia interdum & inflata arte-
 ria spermatica eundem successum non vidit

interdum observavit mercurium suum valdè mobilem, non aerem prædicta ostendere, & è contrà interdum ex venis inflatis suam conclusionem conatus est probare, absquè consideratione, quod liquor lymphaticus non possit ex venis procedere, cum portent ad centrum, & hoc solum cogitatum nostrum sufficit, ut ostendatur robur argumenti, & experimenti Nuckiani. *Tertium observare licuit* (ita scribit Nukius) *in testiculo virili, ex cujus unica vaginali (inflatis prius venis spermaticis liectis) vas unum, aut alterum lymphaticum egredi notavi; idq; toties cum successu institutum, quoties flatus diligentius fuerit immissus; interdum docet à spiritu fortius adactò non tantum plurimas exiguas in superficie lienis elevari vesiculas, sed ex eisdem vesiculis vasa prodire lymphatica flatu etiam turgida, quod nobis nunquam videre licuit tam in liene, quam in pulmone, quamvis milliès vesiculas elevari observavimus, & nobiscum plures Professores idem experti fuerint, nec ulterius in glandulis conomeratis assertum Nuckij vidimus comprobatum ligata vena, & excretorio vase, in quo su transitus debuisset esse in lymphatica vase, & non fuit.*

Altera positio de continuatione ductus excre-

cretorij cum arterioso est æqualiter probata & experimenta proposita probant potius transitum, quem omnes iniectiones ostendunt ligata vena, quàm continuationem, quam oculi etiàm armati nunquàm potuerunt attingere, & eadem experimenta non tollunt occasionem dubitandi.

Sed in hujus Doctoris hypothefi hoc unum animaduertimus, quod admirationem parit: nam arteriæ cōtinuantur cum lymphaticis, eadem cōtinuantur cum vasis excretorijs, quarum omnes arteriæ partim cū excretorijs vasis, partim cum lymphaticis cōtinuantur; excretoriæ propagines sunt plures, sunt plures & lymphaticæ, à quibus arterijs deponetur, sanguis reuehendus per venas? numerosissima lymphatica describit in hepate Nuck, in eodē viscere sunt innumerae propagines felleæ, si omnia hæc vasa ab arterijs derivant, vix supererunt arteriæ, aut propagines portæ sanguinem deponentes prò recurſu ad centrum; quod alia vasa sanguinis tranſeant in lymphatica, & excretoria vasa, alia non, cogitent, qui volunt animadvertimus præterea omnes arterias in ſuis terminationibus, & capillaribus oſculis debere convenire, & non debere habere diversas pororum formas, ut conveniunt omnes

in motu sanguinis ad ambitum; aliquas arterias ipse Nuck tenetur admittere sanguinem reponere à venis revehendum, cùm nō omnes? est nè major ratio de una, quàm de alia arteria? & si hoc est munus arteriarū portare sanguinem ad minimas etiā partes, non possunt continuari cum excretorijs, & lymphaticis vasis, nec munere separatorio fungi, secus multæ particulæ suo privarentur alimento, & proprio destituerentur elixirio; hoc autem argumentum latissimè considerabitur in tractatu de Glandulis, in quo hæc, & alia contra communem opinionem afferentur.

Tertia positio enuntiata de glandulæ conglobatæ fabrica, quam idem Nuck muscorum appellat, id, quod diximus, confirmat, cùm experimenta, quæ affert ad fibrosam, & universam substantiam istarum glandularum demonstrandam, non detegunt, nec aperiunt integram, & maximè earundem considerabilem portionem, ut omnibus est notum.

Hæc, & alia plura similis census, quæ examinare non decrevimus in eodem Nuck existentia, sint specimina quædam prò exploranda veritate experimenti spectantis generationem viviparam ex ovo, ut docent Moderni, a quo hucusq; non debemus acquiescere, cùm
sic

ut res obscura, & multis difficultatibus involuta: nos interea tenemur omnes monere minus esse dubitare, & constantè nihil sentire, quàm falsa sentire, & nihil esse tam futile, ce-
Tullio, quàm quicquã approbare non cogni-
tum; quandò observationes meliores, & ca-
animo sincero propositæ dissensum postulla-
bunt, prompti erimus à Scepti recedere, &
quo casu palinodia est commendabilis, & cum
Plauti adolescente Philolache in Mostellari-
hanc alteram partem terminemus.

*Ego verum amo, verum volo mihi dici:
mendacem odi.*

FINIS.

FIGVRARVM

EXPLICATIO.

Figura prima.

H Vmanum uterum, tubas, & testes paululum exhibet in parte antica.

A. Uterus humanus.

B. B. Tuba ab utero orta statim paulillum descendens, capreolaris, ac lateraliter percurrentes super testem, postea sursum revoluta, & proboscide sua deorsum, & lateraliter vergens versus testem, à quo plus, & minus in diversis mulieribus distat; eadem tuba à ligamento circumdatur usq; ad fimbriam E. E.

C. C. Testis, seu, ut ajunt Moderni, Ovarium, modicum detectus immediatè sub tuba in crepidine ligamenti collocatus.

D. D. Ligamenti portio.

Figura secunda.

E Asdem partes ostendit in parte postica.

A. Vterus.

Ff

B. B

- B. B. Testes in parte plana connexi cum crepidine ligamenti, cæterum liberi.
 C. C. Tubarum portiunculæ excurrentes sub ligamento, & teste incumbentibus usque ad extremitatem E. E.
 D. D. Ligamentum,

Figura tertia.

HÆc ostendit easdem partes in parte posteriori, & plicaturam ligamenti, quæ evidens est inverso teste.

- A. Vterus.
 B. B. Tubæ extrà situm.
 C. C. Testes extrà situm.
 D. D. Plicatura ligamenti, seu theca, in qua testes probabiliter reconduntur, & hæc theca æqualiter apparet, si elevetur tuba in parte antica.

Figura quarta.

- A. **F**inis tubæ humanæ apertus.
 B. Fibre musculares potissimum componentes eundem finem, & diversi ordinis earundem, quæ, dum contrahuntur, claudunt probabiliter tubam.

C. Fi-

C. Fibræ nonnullæ obliquo modo extensæ per cavitatem tubæ ; in eadem cavitate sæpè reperitur humor , quem semen exquisitissimum esse scripsit Falloppius ; nos fermentum peculiare credimus à tuba secretum , & in vaccis annosis ferè sempè flavum vidimus .

Ex his , quæ delineanda curavimus , patet tubæ extremitatem muscularis naturæ actuatam , & contractam non posse arripere testem , eundemq; retinere , nisi prius eidem accommodetur relaxata , quod impossibile videtur , cùm relaxata non agat ; quando enim incipit contrahi , incipit claudi , & nequit in actu contractionis accommodari ; idem sentiendum de fibris C , quæ contractæ cavitatem angustiores reddunt & ita ineptam reddunt tubam prò transitu ovi .

Eadem fibræ B. supponantur arripere , & retinere ovarium , successivè ovum recipere , & admittere , quando relaxantur , & ab ovario recedunt , quod est necessarium , cùm tubæ sint naturalitèr distantes ab eodem , quomodo retinebunt , & impellent ovum ? maxime difficultas urget , quia statim post introductum ovum relaxari tenentur , & hinc ovum nec retinebitur , nec movebitur , po-

tiùs in abdomen decideret sua gravitate, pendente proboscide tubæ.

In Vaccis testes colligati sunt, ut humani, & probabiliter in quadam capsula reconduntur respondente plicaturæ expressæ in tertia figura; prædicta capsula resultat ex ligamento, & per hujus portionem inventientem extrinsecè testem excurrit superius tuba circumdans eundem longitudinallytè cum insigni, & effatu digna capreolaritate, & ultra testem terminans, vel ad alterum ejusdem angulum sinè inflexu, & contorsione, nec æqualitè circumdata à ligamento, ut in muliere; ligamentū enim extenditur vtrinquè lateralitè, & nullæ fibræ inveniuntur, extensio tantum membranosa observatur cū nonnullis fibris naturæ musculosæ, & nō unius ordinis, & duodecim esse deprehendimus ad lumen candelæ.

Prætèr hæc in eisdem Vaccis observavimus zonulam ligamentalem semicircularis figuræ ad finem tubæ, & antequàm ligamentum in membranosam expansionem transeat, magis conspicuum in superficie tangente testem, quàm in opposita.

Vidimus etiàm, & pluriès corpus flavum ferè sinè connexionè in papillam acuminatum

erum-





erumpens ex teste, & egrediens ex involu-
cro testis aperto; quando Vaccæ sunt ple-
næ, quo tempore tubæ quotidie magis re-
cedunt à teste & capsula dissolvitur; sed
nemo unquam cogitabit hoc corpus esse
ovum, nec ejusdem constitutio hoc persua-
dere poterit.

In eisdem aperta tuba ostendit quampluri-
mas fibras longitudinales ejusdem naturæ,
ut supra dictum est de alijs fibris; quare in
hac animalium specie non tollitur obscuri-
tas, sed potius augetur, cum sit methodus
diversa in fimbrijs, in majori capreolaritate,
quæ sanè in Vaccis tanta est, ut non sit com-
paranda cū muliere, & proinde non sit veri-
simile per tot anfractus debere moveri cor-
pus solidum; in contactu, quem habet tu-
ba cū teste, in situ, à quo tuba claudi debet,
in extensione ligamenti utrinquè, ut dictum
est, in zonula, in fibris, quæ dum contra-
huntur tubam claudunt, & abbreviant, &c.
quæ considerari poterunt ab omnibus illis,
qui naturam scrutantur; undè animus non
debet acquiescere in hypothese contraria,
etiamsi in multis brutis tubæ plus minùs te-
stibus annectantur; immò etià ex dimi-
dia amplectantur, quod & scripsit Diemer-

broechius , quia reverâ non superantur
difficultates .

Multas observationes ex Zootomia desumptas figuris non demonstravimus , quia tanta occurrit difficultas in vera situum expressione , ut hunc laborem interim de industria omiserimus , & etiâ quia in eadem arenam alia vice descendere arbitramur , & non scepticè , tantummodò pro veritate monere tenemur situm tubæ , & testium , à quo usus earumdem partium illustrari potest , non una vice , sed pluribus vicibus spectandum esse , & diversis temporibus , quia antè & penès graviditatem , & tempore graviditatis plurimū variat , ita ut nè decipiamur tempora observationum sint distinguenda .







INDEX⁴⁵⁵

Rerum præcipuarum , quæ in his
Exercitationibus Physico-ana-
tomicis continentur .

Numerus paginam ostendit .

A

- A** Natome comparata, subtilior, & Dendr ana-
tome praxi non inseruit. pag. 4. 88
Anatomia minima Authores non conueniunt. 4
Authoritates probantes inutilitatem Anatomia
minima. 4. & seq. & 62. 63. 64. 67. 68.
Anatomia mortua quæ. 7. 68
Aethiologia est incerta, & sæpè accommodatur à
nobis. 20
Anatomia Plantarum non detegit istarum facul-
tates. 24
Anatomia vel est utilis, vel superuacua ex Gale-
no. 5
Anatomia est duplex localis, & essentialis. 68
Argumenta omnia de partium dignitate sunt ora-
toria. 80
Anatome comparata fluidorum laudatur. 80

- Anatomia aut est medica, aut philosophica.* 96
- Affectus communes diuersæ structurae membrorum eadem requirunt remedia ex Aduersarijs.* 47
- Aristomachus damnatus est cum 62. Annos laborauerit in examine Apis.* 96
- Arteria bronchialis non est Ruyschij, sed Galeni.* pag. 102
- Artes omnes aliter ab ijs tractantur, qui eas ad usum transferunt, aliter ab ijs, qui non.* pag. 103
- Ars medica & nunc, & paulò post non idem facit, & sibi contraria facit &c.* 110
- Auxilia securitatis transeunt in metum.* 120
- Aciditas, salsedo &c. non sunt facultates remedij, sed gustus.* 122
- Acidum in sanguine impugnatur.* 132. & seq.
- Antagonista noster multa scripsit, ut noua, Antiquis tamèn nota.* 181
- Animalia bruta non sunt automata.* 189
- Animalia omnia simili modo gignuntur.* 218
- Quomodo intelligendum sit ex ovo.* ibid.
- Animus præoccupatus difficulter ad veritatem conuertitur.* 242
- Surdus, & cecus est.* 243
- Anatomici moderni, & antiqui non differunt in existentia vesicularum testicularium; sed in illatione.* 253

Animalis partes actu existere in ovis docent Mo-
derni. 207

Contrarium sentiunt Peripatetici. 208

Arrogantis est dicere, id quod tibi placet, esse ple-
rumq; verum. 256

Argumentum ex analogia non probat. 410. 414

Analogia oui inter omnia animalia explicatur.
pag. 417.

B

B *Ohm contradictorii loci notantur.* 58. 59. 60

Bertini Franciscus probabiliter nunquam
legit responsionem Antagonistæ. 197

Balbutienti assimilata fuit prima Philosophia.
pag. 383

C

C *Vriofitas fallit specie utilitatis.* 6

Cognitio figurarum, meatuum, magnitu-
dinis &c. non est lucifera, nec sagacitas, &
odoratio vcnatica ad finem medicum consequen-
dum. 25

Cognitio, & preparatio simplicium totam ferè ho-
minis vitam requirunt. 96

Circulatio cognita perfectè Casalpino, ut & va-
forum pulmoniacorum usus. 101

Cognitio, quæ non transfertur ad usum medicum,
in Medicina practica nihil confert. 114

- Catarrhi genesis, & praxis.* 146. & seq.
- Circulatione salua reuulsionis; & derinatione ratio explicantur.* 15
- Corpus flauum egreditur ex inuolucro testis Vac-
cini.* 45
- Castratio non est omittenda ob Schraderi, & Bidle
observationes.* 160. & seq.
- Ciuitates comparantur cū Apum examinibus.* 16
- Controuersia non est terminata à Ruyschio, & Ne-
ckio.* 427. 43
- Castratio non probat ouaria.* 42
- Cuniculi debuissent habere tubas cum testibus con-
iunctas.* 36
- Censores nostræ primæ Dissertationis epistolar-
castigantur, & notantur.* 17
- Censuræ candidæ, & prudentes sunt studijs omni-
bus utiles.* 28
- Concrescibilitas non probat ouum.* 41
- Cuius rei non est certa notitia, eius opinio certum
inuenire remedium non potest.* 1

D

- D**uctus salinales exteriores innotuerunt Ga-
leno, Auicennæ, & alijs cum pelliculis
pag. 40. 93
- Dissensio est argumentum ignorantia.* 91

E

E Rasistratus, & Herophilus voluerunt nominari Empirici. 137

Exempla magis, quàm præcepta profunt. 159

Exemplar rerum non est unicum. 16. & seq.

Empiricus purus melior est puro dogmatico. 70. & seq.

Epicurus minimorum cultor nunquàm Medicos consuluit. 121

Experimenta extrà corpus facta, & analogicè probantia sunt paralogismi magna ex parte ad corpus translata. 132

Errores Antagonista ab alijs notati. 182. & seq.

Error homini semper adharet, sicut futuris incertus exitus. 385

Experimentis non est fidendum, nisi iteratò fiant. pag. 389

Experimenta Ruyschij, & Nuckij non terminant controuersia de ouis. 426. & seq. 436. & seq.

Augentur coniectura prò inualiditate experimenti Nuckiani ex alijs eiusdem experimentis circa vasa lymphatica, excretoria &c. 443

F

F Luida sana, & morbosa potius sunt considerata à Medico, quàm Viscerum fabrica. 22

Fama

- Fama multos authenticè enecat.* 131
- Facultates non sunt extinctæ.* 193
- Facultatis nomen tunc adhibetur, quando essentia
est incognita.* 193
- Facultatis nomen est suspensiuum.* *ibid.*
- Facultatis nomen interdum adhibuit Galenus,
licet eidem machina innotesceret.* 194
- Facultatis nomen retinendum esse contendit Glis-
sonus.* 195
- Facultas non consistit in meatu, magnitudine,
figura &c.* 195
- Nequè in hypothesi primarum qualitatum,
& elementorum.* *ibid.*
- Faustinus Gaunellus in re Bononiensi inconstans,
eamdemq; non calluit.* 199
- Figuris non explicantur sapes.* 196
- Fertuna, & casus sunt eorum, quæ nec semper,
nec frequenter eueniunt.* 308
- Fæus ubi perficitur, & completur, ibi inchoari
probabile est.* 373
- Falsa quedam veri speciem ferunt.* 379
- Fimbria non sunt in omni specie tubarum.* 452

G

- G**landula vel sunt rare, vel densa secun-
dum Veteres. 95
- Glandula non tantum secernunt. *ibid.*

Ga-

Galenus ex Solenandro ingens chaos composuit. pag.	109
Generatio viuiparorum omnium ad exemplum oui gallinacei refertur.	216
Generatio fit per metamorphosin, non per epige- nesin.	380

H

H ippocrates laudatur in observatione.	21
Hippocrates in suis Opusculis varia sy- stemmata proposuit.	130
Hepar ex Authore de Theriaca ad Pisonem separat tantum bilem.	97
Hepar est glandulosum ex Saltzmano, Erasmo Bar- tholino, & VVeppero.	98
Hydropis opiniones tanguntur, & excluduntur vasa lymphatica.	138. & seq.
Historia elegans cuiusdam Empirici.	71
Humor vitreus oculorum ex nostra observatione resultat ex multis capsulis diaphanis continen- tibus humorem pellucidum.	212
Historia de duabus mulieribus inuicem coeunti- bus.	277
Hippocraticæ observationes de utero inepto ad con- ceptionem negant ouum.	374
Hominum maior pars opinione magis, quàm argu- mento indicat.	382
Hy-	

*Hydatides vniuersalitèr non excludunt materiam
concrefcibilem.*

415

I

Ignota sunt nobis ea, per quæ viuimus, egrotamus, sanamur, & morimur.

122

In Praxi ad acidum sempèr, & præcipuè effe attendendum falsum est.

132

Indicatio nequit deßumi à rebus ignotis.

178

Ignorantia cauta melior est falsa scientia.

265

In magnis labi generosum peccatum est.

287

In re incerta licet mentiri.

287

Inductio non demonstrat.

321

Iracundia causa opinio iniuria est, cui non facile credendum.

379

L

Lineis, circulis, & figuris geometricis non curantur agri,

157

Lien suam hepatis non præstat operam prò bilis secretionatione.

163

Lien in morbis melancholicis adhuc corrigendus pag.

164

Ludi scenici non mitigant pestem.

170

Lietandus fatetur se vidisse tubam circumdare ouarium, & cicatrices in eodem.

225. & sequi

Ligamentum assimilatum alis vespertilionum est musculare.

399

Mul-

M

- M**ulti pergunt non quà eundum, sed quà
itur. 3
- Adrumorem componuntur. ibid.
- Non ad rationem, sed ad similitudinem vi-
uunt. ibid.
- Morbi hodiernis diebus non excludunt antiquam
medendi methodum. 10
- Inductione probatur. 12. & seq.
- Authoritate Celsi. 13
- Hippocratis. 15
- Medici nunquàm sunt contenti suæ artis docu-
mentis, &c. 23
- Medicamentorum facultates non cognoscuntur ex
figuris, poris, & huiusmodi. 24
- Medicamentorum qualitatem, quantitatem, usum,
& tempus inquirere debemus. 25
- Medicamenta alia agunt à tota substantia, alia
qualitatibus manifestis. 26
- Medicus facit ferculum utile, coquus delectabile.
ibid.
- Medicus non debet quarere, cùr humectet aqua
urat ignis, &c. 27. 129
- Medicorum scientia non ipsius artis, sed bonæ
valetudinis causa probatur. ibid.
- Medici personati qui. 53. 171
- Mo.

*Moderni nonnulli phalerata magis , quàm vera
cognitione sunt contenti .* 75

Minima partium structura est adhuc ignota . 76
e. seq.

*Multi malunt errare cum Platone , quàm vera sen-
tire .* 81

*Medici non est sapientis uti cautionibus in ulce-
re , quod ferrum desiderat .* 96

Microscopij usus non est semper fidus . 99

Microscopia non detegunt naturam . 77

*Medici nonnulli insectantur Authores , à quibus
acceperunt .* 93

*Marinus in libro de eo , quod à glandulis est , vascu-
la movit Recentiores ad examen glandularum
pag.* 94

*Medici Practici totam vitam agentes in observa-
tionibus microscopicis peccant , ac si ars in es-
sentialibus nullo indigeret incremento .* 96

*Medici magis se exercent in circulo , quàm in pro-
gressu .* 102. 262

*Multi se sapientes esse putant , diu antiqua nun-
quàm consulunt , sed damnant .* 109

*Moderni vix post mille annorum anatomen , au-
melius morbos agnoscunt , aut felicius abigunt
pag.* 115

*Medicina ad actionem , non ad contemplationem
comparatur .* ibid

*Medicamentorum vim nemo potest cognoscere sine
experientia.* 120

Multa non discere debemus, sed didicisse. 124

*Medici diuersis cogitationibus agros ad sanitatem
perducunt.* 128

*Minutia anatomica in errorem etiã oculatissi-
mos inducunt.* 121

*Medicus practicus non querit, quomodo fiat dige-
stio, sed quid digeratur &c.* 129

Medicus omnis nonnihil est Empiricus. *ibid.*

*Medici, qui semper acidum eructant potius alie-
na seruiunt opinioni, quàm veritati.* 131

*Medicus effectus, Philosophus causas rerum scru-
tatur.* 134

Medicina est distinguenda à Philosophia. 135.
& seq.

*Mechanismus modernus non variat antiquam
venæ sectionis praxin.* 165

*Medicus debet cognoscere manum esse instrumen-
tum apprehendendi, non cur apprehendat.* 156

*Microscopicae obseruationes augent anatomiam phi-
losophicam, non medicam.* 169

Medicus debet esse instar agricolæ, non viatoris.
pag. 170

Multa dicere non est benè dicere. 188

*Melius est pro veritate supplicium pati, quàm
fidem perdere.* 190

Moschouitæ sinè Medicis, & Pharmacopolis vitam ducunt diuturnam. 191

Medicis bonis similitudines pariunt errores, & difficultates. 322

Mures fœminæ apertæ fœtus fœmineos prægnantes continent. 328

Mulæ habent vesiculas, seû, ut aiunt, oua, licet non pariant. 333

Magistri pluriès fiunt, si diuersa, atq; inter se aduersa sentiant. 391

N

N *Unquàm nimis dicitur, quod nunquàm satis discitur, quibusdã remedia monstranda, quibusdã inculcanda.* 57

Necessaria ignoramus, quia superflua quærimus. 67

Natura à Medico medicè, non omni modo cognoscenda est. 111

Non est iudicandum de fructu, quando vix nata est exotica planta. 191

Natura non semper analogicè operatur. 211

Eadem ad vnã legem non se astringit. ibid.

Eadem non est inops consilij. 212

Non quis aliquid dicat, sed quid aliquis dicat attendendum est. 287

Non tam Authores in disputando, quàm rationis momenta quærenda sunt. *ibid.*

Natura nostris diebus adhuc latet. 104

*Naturam utrum debeant cognoscere, qui medentur,
& quomodo.* 105. & seq.

*Neruum alio modo curarunt Medici, quam char-
tilaginem, & carnem non ex indagine anato-
mica, sed à posteriori.* 119

*Natura viscerum, ut est occulta, ita & naturare-
medij.* 122

Natura contemplatio non facit Medicum aptiorem.
pag. 136

*Novitatis, & opinionis tanta est vis, ut multa res
obscurissima splendorem, & fidem accipiant.*
pag. 137

*Naturale est magis noua, quam magna mirari;
potissimum Medici hac intemperie laborant.*
pag. 249

*Nonnulla sunt, quæ, cum noua sunt, oblectant, po-
stea verò non simili modo.* ibid.

Nouis rebus dare authoritatem arduum est. 250

*Nominum diuersitas confusionem parit, exempla
afferuntur de Arteria bronchiali, de Protube-
rantia annulari &c.* 260. & seq.

Nomina plerumque sunt noua, & res antiquæ. 262

Natura sine doctore est docta. 295

Natura nihil iactura destinat. 313

*Nihil tam indignum sapientis grauitate, quam
dubia sine dubitatione tueri.* 382

- O**bservationes plurimæ Anatomicorum ad
 Physicum magis, quam ad Medicum spe-
 ctant. 81. & seq.
- Obscura omnia non à cogitatione artificis, sed ab
 ipsa arte reijciuntur. 130
- Ova non possunt formari, nisi in parte glandulo-
 sa. 422
- Ordine, & dispositione nihil pulchrius. 289
- Ova Piscium extrinsecus fœcundantur. 320
- Nobis hoc non arridet. 322
- Ova continent animal omnibus suis partibus abso-
 lutum secundum Modernos. 346
- Ovum est, ex cuius parte animal gignitur, reliquum
 cibus ei, quod gignitur. 347
- Ova non sunt in loco pleno. 351
- Quorum differentia ex Plinio. 203
- Anobis proposita. 230. & seq.
- À Galeno. 233
- Ova dicuntur Plantarum semina. 204
- Ova hæc censentur habere plantam reconditam.
 ibid. & seq.
- Quorum differentia in certum quendam ordinem
 difficulter redigi possunt. 206. 213
- Ovipara, & Vivipara in hoc distinguuntur iuxta
 Modernos, quæ Ovipara pariant ovum; Vivi-
 para

- para autem detineant in utero prò complemen-
to &c.* 206
- Ova ouiparorum continent animal secundum ali-
quos.* 207
- Ovorum fecundatio est diversa.* 209
- Ova non fecundantur per asperionem.* 210
- Omnia ex ovis ortum suum habere nonnulli cen-
sent.* 213. & seq.
- Ovum esse primordium commune omnibus anima-
libus multi scribunt.* 216
- Ovum in Viniparis censetur vesicula humoris ple-
na in teste collocata.* 222
- Ovarium cum fœtu se vidisse testatur D. à S. Mau-
ritio.* 226
- Ovorum hypothese utuntur Practici.* 227. & seq.
- Ova considerant Mythologi.* 233
- Historici, & Eruditi Scriptores.* 236. & seq.
- Opiniones licet non sint meliores, habitum tamèn
nostrum exercent.* 240
- Opinionum dissensio inter Medicos bona est, pess-
ima voluntatum.* 241
- Opiniones aliena ita sunt consideranda, sicuti ex-
teri mores ab aduenis.* ibid.
- Opinione utentium multa nunc splendorem acci-
piunt, nunc amittunt.* 242
- Opiniones de usu testium fœminarum vinipara-
rum referuntur.* 243. & seq.

- De Vesicularum usu .* 255
- Ouum quomodo fœcundetur , quomodo moveatur
&c. est obscurissimum .* 273. & seq.
- Ouum quomodo augeatur in utero, durum est expli-
care .* 282
- Ovi suppositio conuellit observatione .* 392
- Opera multorum sunt instar picturæ geographicae ,
quæ admota manu nihil continet .* 382
- Ouaria debent esse semper aperta prò transitu oui
infœcundi .* 433
- Ouum infœcundum non est institutum à natura
prò retentione .* ibid.
- Oua non possunt fœcundari à parte spirituosa semi-
nis per tubas ad testes delata .* 435

P

- P** *Lebs laudat , quæ culpa non carent .* 20
- Populi maior pars facit id , quod cùm , faciat
ignorat .* ibid.
- Philosophari aliud est , aliud mederi .* ibid.
- Plantas , & Animalia comparare adynaton .* 23
- Philosophus est animal gloriæ .* 27
- Processuum Peritonæi descriptio .* 52. 126
- Partes affectæ non indicant in schola methodica .
pag.* 72
- Partes affectæ, quid moveant, non derivat à minima
anatomie .* 73

- Partes solidae in morbis passivè se habent.* 78
- Praxis antiqua ex minimis observationibus non concutitur.* 81. & seq.
- Pancreatis usus adhuc latet.* 90. & seq.
- Partes suam naturam, & essentiam ex operatione, non ex fabrica maximè ostendunt.* 91
- Physiologia est studium naturæ, quod medicus, ut Medicus univèrsalitèr non respicit.* 103
- Philosophia Medici practici debet esse medicinalis.* 115
- Pulmo est membranofus in schola veteri.* 118
- Praxis herniarum inguinalium antiqua adhuc servatur.* 157. & seq.
- Petrus Regis in nostra controuersia hospes fuit, ut & alij.* 180
- Petrus Regis, & alij scepticam scribendi formam à demonstratiua non distinguunt.* 182
- Principia Cartesiana fauent Atheismo.* 189
- Philosophiæ Cartesianæ fundamentum est dubitatio.* 188
- Petrus Regis nunquam fuit anatomicus.* *ibid.*
- Idem de Galileo, & Cartesio univèrsalitèr malè sentit.* *ibid.*
- Idem de Hispanis, Lusitanis, & Moschoni- tis ineptè discurret.* 190
- Philosophiæ cuidam idem contigit, quod vijs pu- blicis, in quibus nihil seritur.* 242

Probabilia, quæ uni videntur, alteri, tanquàm certa, & explorata apparent. 268

Polycletus, & Apelles suas imagines sculpebant celte, malleumq; manibus tenentes. 384

Philosophatur veriùs, qui pulchriùs imaginatur. pag. 385

Palinodia est gloriosa, quando rationes cogunt. pag. 390

Papillæ in funiculo umbilicali ouis ancipitem reddunt papillarum usum. 412

Plicatura ligamenti. 450

Q

Q*ui in minimis nutriuntur, nõ magis sciunt, in praxi, quàm benè oleant, qui in culina habitant.* 63

Quæstio mota de utilitate minima anatomie pro cognoscendo usu lienis, thymi, cerebri &c. est de presenti, non de futuro. 89

Quæstiones causarum obscurarum in medicina sunt superuacua. 130

Qui alium sequitur, nihil inuenit, immò nec querit. 288

Quæ rara sunt, artis non sunt. 303

*Qui impugnant unam sententiam, non sunt fidei-
insores de veritate manifestanda.* 405

R

Recentiores vulgatos quosdam usus viscerum
castigauerunt, sed veres adhuc non inue-
nerunt. 9

Remedia nunc aequaliter operantur, ac olim. 21

Remedijs repertis homines de rationibus eorum
differere ceperunt. 24

Rebus inutilibus non est incumbendum. 28

Remissionis, & deriuationis varij modi explican-
tur. 153. & seq.

Rectitudo exponitur. 154

Ruyschius ouum in utero, tubas distentas, & di-
rectas ad testem, in hoc ostium, sedem oui eni-
xi se inuenisse testatur. 225

Redarguere ea, quae non rectè dicta sunt minimè
debemus ex Hippocrate. 240

Rebus cunctis inest quidam velut orbis. 288

Respondetur Graafio, Lietaudo, Ruyschio, & alijs.
pag. 376

S

Studium anatomicum Veterum non erat tam
celebre, ut nostris diebus, & forsàn cura fe-
licior. 10

Salinum figurae non sunt querenda prò praxi. 26

Sanguis principaliter morbos causat. 78. & seq.
San-

*Sanguificatio laesa admittit adhuc remedia hepatis
admota.* 166

*Similitudo observanda in morbis obscuris desumitur,
vel ab affectu, vel remedio, vel membro.* 167

*Succi, ut lympa, succus pancreaticus &c. remedia
dijs communibus emendantur.* *ibid.* & *seque*

Succi praedicti inter minutias anatomicas non reponuntur. 168

Superforatio est rara. 30

*Semina plantarum, quae conformatam plantam obtinent
sunt foecunda, è contrà infœcunda secum dum aliquos.* 32

*Semen est menstruum homœomeriam sanguinariam
disponens ad uniformem conceptum, & ad lactem.* 33

*Succus nervus est in mente hominum, sed non in
natura.* 35

Studium libri artificialis differt à studio libri naturalis. 40

*Situs tubarum, & testium indicare videtur aliquod
quod commercium inter istas partes.* 42

T

T *Endines perforati muscutorum obliquorum,
ac transversalium abdominis annulos constituunt.* 51. 126

- Turpe est non ire, sed ferri.* 60
- Testes muliebres non conueniunt cum ouarijs ouiparorum.* 89
- Testes examinati secundum alios.* 143
- Tubas leuare factum à pondere effluniorum est verisimile.* 369
- Tractatus de Cornuum vegetatione &c. ita pertinet ad Clinicum, sicut satellites Iouis.* 177
- Testes in mulieribus tempore coitus, vel parum, vel nihil immutantur.* 337
- Tubæ non sunt oviductus.* 358. & seq.
- Tubæ in uniparis non deberent equaliter moueri.* pag. 363
- Tubarum capreolaritas, arcta constitutio, & varia, mucus &c. negant naturam oviductus.* 365 & seq.
- Tubæ sunt diuersæ in muliere, & brutis.* 366
- Tubæ in animalibus multiparis deberent esse cum testibus connexæ.* 368
- Tubæ possunt censeri appendices uteri, ut auricula cordis.* 369
- Tubæ sequuntur motum ligamenti.* 379
- Tubæ accessus ad testem non est probatus.* 400
- Tubæ, cum deberent adherere situi determinato, non possunt esse oviductus.* 409
- Tubæ non possunt moueri ad ouarium, & portare ad uterum.* 430. 405

*Testes muliebres in viuiparis sunt ouaria iuxta
Modernos.* 206. 2.

Tubarum notitiam habuerunt Veteres ; & Falloppius fuit Author nominis , non rei . 257
& seq.

*Tubarum structura , & vsus diuersimodè expo-
nitur ab Anatomicis.* 262. & seq.

Tubarum vsus modernus in viritu , & examinatur. 269. & seq.

Testes in mulieribus frequenter morbis afficiuntur. 395. & seq.

Tuba nequeunt retinere ovarium suppositum . 399

Tuba pertransiens situm , ex quo potuisset oua reciperè , Scephin auget . 400

Tubarum fibræ non sunt tales , ut ad omnem ouam faciem possint se mouere . 400

Testes muliebres , licèt non conueniant cum virilibus , non proinde sunt ouaria . 420

Tubæ humana descriptio . 440

Testes in parte plana connexi cùm crepidine ligamenti , ceterùm liberi . 450

Tubæ humana aperta , & fibræ eiusdem musculi res . ibid. & seq.

Tubæ continet probabiliter fermentum . ibid.

Tubæ nequit arripere testem relaxata . ibid.

Tubæ in Vaccis descriptio . 470

V

V iscera multa post cognitam eorundem meliorem fabricam veres usus non habent detectos.	8
Viscera alia non retinent antiquum usum.	9
Usus cognitio non est simpliciter necessaria ad curandum.	10
Veritas subtilitate frustratur.	23
Vulgus ex veritate pauca, ex opinione multa existimat.	61
Veritatis nequè ulla cognitio, nequè ullum testimonium.	78
Viscera omnia fluidis inserviunt.	80
Usus lienis, & papillarum linguae adhuc latent. pag.	92
Valvularum cordis exacta cognitio quid prodest Medico curanti in morbis cordis?	100
Valvularum cordis usus innotuit Galeno.	ibid.
Veteres rationales aethiologiae studuerunt non sciendi, sed operandi causa.	115
Usus plus multa docet, quam ratio.	129. 159
Vita propria scripto commendanda est, quando ea, quae geruntur, & gesta sunt, memoriam exigunt.	199
Vesicula in teste muliebri existens continet serum concrescibile in statu naturali.	222
Ve-	

Vesiculæ non sunt oua, probatur ex motu, & facundatione, &c. 289. 305. & sequ.

Vesicæ sunt plures in multis uniparis, quàm in multis multiparis. 335. & sequ.

Vesiculæ non sunt oua ob defectum partium, quæ sunt in ouis communiter receptis. 34.

Vitulus nutritur per os. 3.

Vivipara non propagantur per ouum ex Aristotele. pag. 35.

Vesicularum interior substantia est probabiliter glandulosa, & separans aliquid sanguini receptu constituendum. 354. 406. 420.

Vterinum productum infringit per tubas delatum ouum. 370.

Vteri insignis mutatio tempore conceptionis, & post eamdem probabiliter negat ouum. 372.

Veritatem dies aperit. 379.

Viri docti difficulter iudicantur, nè videantur improbari, dum opiniones improbantur. 384.

Virgines, & Viduæ non deponunt oua. 410.

Vesiculæ observantur in puellis nuper natis. pag. 419.

Vasa lymphatica lactea, &c. non variant methodum medendi. 140. 166. & sequ.

Vulnera vesicæ sine turundis curantur. 125.

Zootomie obseruationes sæpè cum errore tra-
ducuntur ad hominem. 18. & seq.

Zootomia est necessaria ad complendam historiam
naturæ, non ad Clinicum. *ibid.*

Zootomia minima est infida ex Galeno. *ibid.*

Zootomie utilitates. *ibid.*

F I N I S.



Pag.	16	tractetu	tractetur
		comparata	in comparata
	19	eventorum	eventurum
	23	Thophrastus	Theophrastus.
	24	cæpisse	cœpisse
	28	observatoribus	servatoribus
	37	semitoticus	semeioticus
		semitoticæ	semeioticæ
	60	propositi	propositi
	108	Bynetum	Bynæum
	117	substantiam	substantiam
	132	potissimam	potissimūm
	134	Er	Et
	137	cæpisse	cœpisse
	191	Vniverititates	Vniversitates
	204	Scager	Scaliger
	212	Insector	Insectorum
	217	paritor	paritèr
	261	Timeo	Timæo
	283	Anthor	Author
	284	tunica	tunicæ
	292	admitterentur	admitterentur
	304	fœcundationes	fœcundatione
	317	vursus	versus
	333	Biblioteca	Bibliotheca
	370	ntriusquè	utriusquè
	130	systemma	systema

Ceteris benignus Lector ignoscat :

